

欽定四庫全書

子部
儒門事親卷一

詳校官太醫院院官_臣袁天錫

編修_臣倉聖脈覆勛

總校官原任中允_臣王燕緒

校對官中書_臣康儀鈞

謄錄監生_臣王寶唐



欽定四庫全書

子部五

儒門事親

醫家類

提要

臣

等謹案儒門事親十五卷金張從正撰從

正字子和號戴人睢州考城人興定中召補

太醫尋辭去與麻知幾常仲明輩講求醫理

輯為此書有說有辨有記有解有誠有箋有

詮有式有斷有論有疏有述有衍有訣有十

欽定四庫全書

儒門事親

形三療有六門三法名目頗煩碎而大旨主

於用攻其曰儒門事親者以為惟儒者能明

其理而事親者當知醫也從正宗河間劉守

真用藥多寒涼其汗吐下三法當時已多異

議故書中辨謗之處為多丹溪朱震亨亦譏

其偏後人遂并其書置之然病情萬狀各有

所宜當攻不攻與當補不補厥弊維均偏執

其法固非竟斥其法亦非也惟中間負氣求



<p>勝不免太激欲矯庸醫恃補之失或至于過直又傳其學者不知察脉虛實論病久暫概以峻利施治遂致為世所藉口要之未明從正本意耳乾隆四十三年三月恭校上</p>	<p>總纂官 臣 紀昀 臣 陸錫熊 臣 孫士毅 總校官 臣 陸費墀</p>	<p>欽定四庫全書 儒門事親</p>	Empty columns
---	--	---------------------------------	---------------



儒門事親原序

是書也戴人張子和專為事親者著論議淵微調攝有法其術與東垣丹溪並傳名書之義蓋以醫家奧旨非儒不能明藥裹酒食非孝不能備也故曰為人子者不可不知醫予幼失怙慈親在堂踰七望八滌髓既具未嘗不防以藥物每慮當有所饋委之時醫恐為盡道之累將欲遍閱方書諸家著述繁雜竊為是皇皇者數載矣近得是書如獲寶璐執是以証何慮臆說之能惑惜其板以失傳本多亥豕之訛因付儒醫聞忠較訂鋟梓與世之事親者共云嘉靖辛丑三月戊子復元道人邵輔序

欽定四庫全書

儒門事親



欽定四庫全書

儒門事親卷一

金 張從正 撰

七方十劑繩墨訂一

方有七劑有十舊矣雖有說者辨其名而已敢申昔人已剗之意而為之訂夫方者猶方術之謂也易曰方以類聚是藥之為方類聚之義也或曰方謂五方也其用藥也各據其方如東方瀕海鹵斥而為癰瘍西方陵居

欽定四庫全書

儒門事親

華食而多顛睡贅癭南方瘴霧卑濕而多痺疝北方乳食而多藏寒滿病中州食雜而多九疸食癆中滿留飲吐酸腹脹之病蓋中州之地土之象也故脾胃之病最多其食味居處情性壽夭兼四方而有之其用藥也亦雜諸方而療之如東方之藻蒂南方之丁木西方之薑附北方之參苓中州之麻黃遠志莫不輻湊而參尚故方不七不足以盡方之變劑不十不足以盡劑之用劑者和也方者合也故方如瓦之合劑猶羹之和也方不



對病則非方劑不蠲疾則非劑也七方者大小緩急奇
偶複也十劑者宣通補瀉輕重滑澀燥濕也

夫大方之說有二有君一臣三佐九之大方有分兩大
而頓服之大方蓋治肝及在下而遠者宜頓服而數少
之大方病有兼證而邪不專不可以一二味治者宜君
一臣三佐九之大方王太僕以人之身三折之上為近
下為遠近為心肺遠為腎肝中為脾胃胞膻膽亦有遠
近以予觀之身半以上其氣三天之分也身半以下其

欽定四庫全書

儒門事親

氣三地之分也中腕人之分也又手之三陰陽亦天也
其氣高足之三陰陽亦地也其氣下戊巳之陰陽亦人
也其氣猶中州故肝之三服可併心之七服腎之二服
可併肺之七服也

小方之說亦有二有君一臣二之小方有分兩微而頻
服之小方蓋治心肺及在上而近者宜分兩微而少服
而頻之小方徐徐而呷之是也病無兼證邪氣專可一
二味而治者宜君一臣二之小方故腎之二服可分為



肺之九服及肝之三服也

緩方之說有五有甘以緩之之緩方糖蜜棗葵甘草之屬是也蓋病在胸膈取甘能戀也有丸以緩之之緩方蓋丸之比湯散其氣力宣行遲故也有品件羣衆之緩方蓋藥味衆則各不得騁其性也如萬病丸七八十味遞相拘制也有無毒治病之緩方蓋性無毒則功自緩矣有氣味薄藥之緩方蓋藥氣味薄則長于補上治上比至其下藥力已衰故補上治上制之以緩緩則氣味薄也故王太僕云治上補上方若迅急則上不任而迫走于下制緩方而氣味厚則勢與急同

欽定四庫全書

儒門事親

急方之說有五有急病急攻之急方如心腹暴痛兩陰洩便閉塞不通借備急丹以攻之此藥用不宜恒蓋病不容俟也又如中風牙關緊急漿粥不入用急風散之屬亦是也有湯散蕩滌之急方蓋湯散之比丸下咽易散而施用速也有藥性有毒之急方蓋有毒之藥能上涌下泄可以奪病之大勢也有氣味厚藥之急方藥之



氣味厚者直趣於下而氣力不衰也故王太僕云治下
補下方之緩慢則滋道路而力又微制急方而氣味薄
則力與緩等

奇方之說有二有古之單方之奇方獨用一物是也病
在上而近者宜奇方也有數合陽數之奇方謂一三五
七九皆陽之數也以藥味之數皆單也君一臣三君三
臣五亦合陽之數也故奇方宜下不宜汗

偶方之說有三有兩味相配之偶方有古之複方之偶

欽定四庫全書

儒門事親

方蓋方相合者是也病在下而遠者宜偶方也有數合
陰數之偶方謂二四六八十也皆陰之數也君二臣四
君四臣六亦合陰之數也故偶方宜汗不宜下

複方之說有一方有二方三方相合之複方如桂枝越
婢一湯如調胃承氣湯方芒硝甘草大黃外參以連翹
薄荷黃芩梔子以為涼膈散是本方之外別加餘味者
皆是也有分兩均劑之複方如胃風湯各等分是也以
內經攷之其奇偶四則反以味數奇者為奇方味數偶



者為偶方下復云汗者不以竒下者不以偶及觀仲景之制方桂枝湯汗藥也反以三味為竒大承氣湯下藥也反以四味為偶何也豈臨事制宜復有增損者乎攷其大旨王太僕所謂汗藥如不以偶則氣不足以外發下藥如不以竒則藥毒攻而致過必如此言是竒則單行偶則併行之謂也急者下本易行故宜單汗或難出故宜併蓋單行則力孤而微併行則力齊而大此王太僕之意也然太僕又以竒方為古之單方偶為複方今

欽定四庫全書

儒門事親

此七方之中已有偶又有複者何也豈非偶方者二方相合之謂也複方者二方四方相合之方歟不然何以偶方之外又有複方者歟此複字非重複之複乃反覆之複何以言之蓋內經既言竒偶之方不言又有重複之方惟云竒之不去則偶之是為重方重方者即複方也下又云偶之不去則反佐以取之所謂寒熱溫涼反從其病也由是言之複之為方反覆亦不遠內經之意也



所謂宣劑者俚人皆以宣為瀉劑抑不知十劑之中已有瀉劑又有言宣為通者抑不知十劑之中已有通劑舉世皆曰春宜宣以為下奪之藥抑不知仲景曰大法春宜吐以春則人病在頭故也況十劑之中獨不見通劑豈非宣劑即所謂通劑者乎內經曰高者因而越之木鬱則達之宣者升而上也以君召臣曰宣義或同此傷寒邪氣在上宜瓜蒂散頭痛葱根豈豉湯傷寒懊憹宜梔子豈豉湯精神昏憤宜梔子厚朴湯自瓜蒂以下皆涌劑也乃仲景不傳之妙今人皆作平劑用之未有發其秘者予因發之然則為涌明矣故風癰中風胸中諸實痰飲寒結胸中熱蔚化上上而不下久則嗽喘滿脹水腫之病生焉非宣劑莫能愈也

所謂通劑者流通之謂也前後不得洩便宜木通海金沙大黃琥珀八正散之屬裏急後重數至圍而不便宜通因通用雖通與瀉相類大率通為輕而瀉為重也凡痺麻蔚滯經隧不湍非通劑莫能愈也

欽定四庫全書

儒門事親



所謂補劑者補其不足也俚人皆知山藥丸鹿茸丸之
補劑也然此乃衰老下脫之人方宜用之今往往於少
年之人用之其舛甚矣古之甘平甘溫苦溫辛溫皆作
補劑豈獨硫黃天雄然後為補哉況五臟各有補瀉肝
實瀉心肺虛補腎經曰東方實西方虛瀉南方補北方
大率虛有六表虛裏虛上虛下虛陰虛陽虛設陽虛則
以乾薑附子陰虛則補以大黃硝石世傳以熱為補以
寒為瀉訛非一日豈知酸苦甘辛鹹各補其臟內經曰

欽定四庫全書

儒門事親

精不足者補之以味善用藥者使病者而五穀進者真
得補之道也若大邪未去方滿方間心火方實腎水方
耗而驟言鹿茸附子庸詎知所謂補劑者乎

所謂瀉劑者泄瀉之謂也諸痛為實痛隨利減經曰實
則瀉之實則散而瀉之中滿者瀉之於內大黃牽牛甘
遂巴豆之屬皆瀉劑也惟巴豆不可不慎焉蓋巴豆其
性燥熱毒不去變生他疾縱不得已而用之必以他藥
制其毒蓋百千證中或可一二用之非有暴急之疾大



黃牽牛甘遂芒硝足矣今人往往以巴豆熱而不畏以
大黃寒而反畏庸詎知所謂瀉劑者哉

所謂輕劑者風寒之邪始客皮膚頭痛身熱宜輕劑消
風散升麻葛根之屬也故內經曰因其輕而揚之發揚
所謂解表也疥癬瘰癧宜解表汗以泄之毒以薰之皆
輕劑也故桂枝麻黃防風之流亦然設傷寒胃風頭痛
身熱三日內用雙解散及嚏藥解表出汗皆輕劑之云
耳所謂重劑者鎮澁之謂也其藥則朱砂水銀沈香水
欽定四庫全書
儒門事親

石黃丹之倫以其體重故也以病咳嗽涎潮于上咽喉
不利形羸不可峻攻以此澁之故內經曰重者因而減
之貴其漸也

所謂滑劑者周禮曰滑以養竅大便燥結小便淋澁皆
宜滑劑燥結者其麻仁郁李之類乎淋澁者其葵子滑
石之類乎前後不通者前後兩陰俱閉也此名曰三焦
約也約猶束也先以滑劑潤養其燥然後攻之則無失
矣



所謂澁劑者寢汗不禁澁以麻黃根防已滑泄不已澁以荳蔻枯白礬木賊烏魚骨罌粟殼凡酸味亦同乎澁者收斂之意也喘嗽上奔以壅汁烏梅煎寧肺者皆酸澁劑也然此數種當先論其本以攻去其邪不可執一以澁便為萬全也

所謂燥劑者積寒以冷食已不饑吐利腥穢屈伸不便上下所出水液澄徹清冷此為大寒之故宜用乾薑良薑附子胡椒輩以燥之非積寒之病不可用也若以服

欽定四庫全書

儒門事親

則變血溢血泄大枯大涸洩便癢悶聾瞽痿弱之疾設有以服而此疾不作者慎勿執以為是蓋疾不作者或一二誤死者百千也若病濕者則白朮陳皮木香防已蒼朮等皆能除濕亦燥之平劑也若黃連黃蘗梔子大黃其味皆苦苦屬火皆能燥濕此內經之本旨也近世相違以矣嗚呼豈獨薑附之儔方為燥劑乎

所謂濕劑者潤濕之謂也雖與滑相類其間少有不同內經曰辛以潤之蓋辛能走氣能化液故也若夫硝性



雖鹹本屬真陰之水誠濡枯之上藥也人有枯涸皴揭之病非獨金化為然蓋有火以乘之非濕劑莫能愈也

指風痺痿厥近世差玄說二

風痺痿厥四論內經言之詳矣今余又為之說不亦贅乎曰非贅也為近世不讀內經者指其差玄也夫風痺痿厥四證本自不同而近世不能辨一槩作風冷治之下虛補之此所以曠日彌年而不愈者也夫四末之疾動而或勁者為風不仁或痛者為痺弱而不用者為痿

欽定四庫全書

儒門事親

逆而寒熱者為厥此其狀未嘗同也故其本源又復大異風者必風熱相兼痺者必風濕寒相合痿者必火乘金厥者或寒或熱皆從下起今之治者不察其源見其手足譁曳便謂之風然左傳謂風淫末疾豈不知風暑燥濕火寒六氣皆能為四末之疾也哉敢詳條于左有意于救物者試擇焉可也

夫風之為狀善行而數變內經曰諸風掉眩皆屬肝木掉搖眩運非風木之象乎紆曲勁直非風木之象乎手



足掣顛斜目喎口筋急攣搐瘕癰驚癇發作無時角弓
反張甚則吐沫或泣或歌喜怒失常頓僵暴仆昏不知
人茲又非風木之象乎故善行而數變者皆是厥陰肝
之用也夫肝木所以自甚而至此者非獨風為然蓋肺
金為心火所制不能勝木故也此病之作多發於每年
十二月大寒中氣之後及三月四月之交九月十月之
交何以言之大寒中氣之後厥陰為主氣己亥之月亦
屬厥陰用事之月皆風主之時也故三月四月之交多

欽定四庫全書

儒門事親

疾風暴雨振拉摧拔其化為冰雹九月十月之交多落
木發屋之變故風木鬱極甚者必待此三時而作凡風
病之人其脈狀如弓弦而有力豈敢以熱藥投之更增
其熱哉今人論方者偶得一方間曾獲効執以為能著
灸施鍼豈由病者巧說病人使從己法不問品味剛柔
君臣輕重何藏何經何部何氣凡見風証偏枯口眼喎
斜涎潮昏憤便服靈寶至寶清心續命等藥豈知清心
之雜以薑桂靈寶之亂以起石硫黃小續命湯藏以附



子惟夫至寶其性尚溫經曰風淫於內治以辛涼如之
何以金石大熱之藥以治風耶有以熱治熱者一之為
甚其可再乎故今之劉河間自制防風通聖散搜風丸
之類程參政祛風丸換骨丹用之者獲効者多矣而謗
議百出以誣其實余嘗見內經氣交變論中言五鬱之
法鬱極則為病況風病之作倉卒之變生嘗治驚風癇
病屢用汗下吐三法隨治隨愈內經中明有此法五鬱
中木鬱達之者吐之令其條達也汗者是風隨汗出也

欽定四庫全書

儒門事親

下者是推陳致新也此為汗下吐三法也愈此風病莫
知其數如之何廢而不用也余恐來者侮此法故表而
出之昔項開完顏氏風病搐先右臂并右足約搐六七
十數良以左臂并左足亦搐六七十數不瘥兩目直視
昏憤不識人幾月餘求治于余先逐其寒痰三四升次
用導水禹功丸散泄二十餘行次服通聖散辛涼之劑
不數日而瘥故書此以證之

夫痺之為狀麻木不仁以風濕寒三氣合而成之故內



經曰風氣勝者為行痺風則陽受之故其痺行旦劇而
夜靜世俗莫知反呼為走注疼痛虎咬之疾寒氣勝者
為痛痺寒則陰受之故其痺痛旦靜而夜劇世俗不知
反呼為鬼忤濕氣勝者為著痺濕勝則筋脈皮肉受之
故其痺著而不去肌肉削而著骨世俗不知反呼為偏
枯此病之作多在四時陰雨之時及三月九月太陽寒
水用事之月故草枯水寒為甚或瀕水之地勞力之人
辛苦失度觸冒風雨寢處津濕痺從外入況五方七地

欽定四庫全書

儒門事親

寒暑殊氣剛柔異稟飲食起居莫不相戾故所受之邪
各有淺深或痛或不痛或仁或不仁或筋屈而不能伸
或引而不縮寒則蟲行熱則縮緩不相亂也皮痺不已
而成肉痺肉痺不已而成脈痺脈痺不已而成筋痺筋
痺不已而成骨痺久而不已內舍其合若臟腑俱病雖
有智者不能善圖也凡病痺之人其脈沈澁今人論方
者見諸痺證據作脚氣治之豈知內經中本無脚氣之
說或曰諸方亦有脚氣統論又有脚氣方藥若止取素



問則諸方皆非即曰痺病以濕熱為源風寒為兼三氣合而為痺奈何治此者不問經絡不分臟腑不辯表裏便作寒濕脚氣烏之附之乳之沒之種種燥熱攻之中腕灸之臍下燒之三里火之蒸之熨之湯之炕之以至便旋澁滯前後俱闕虛燥轉甚肌膚日削食飲不入邪氣外侵雖遇扁華亦難措手若此者何哉胸膈間有寒痰在故也痺病本不死死者醫之誤也雖亦用蒸之法必先涌去其寒痰然後諸法皆効內經曰五臟有俞穴

欽定四庫全書

儒門事親

六腑有合穴循脈之本分各有所發之源以砭石補之則痺病瘳此在內經中明白具載如之何不讀也陳下酒監魏德新因赴冬選犯寒而行真氣元衰加之坐卧冷濕食飲失節以冬遇此遂作骨痺骨屬腎也腰之高骨壞而不用兩胯似折面黑如炭前後癢痛痿厥嗜卧徧問諸醫皆作腎虛治之余先以玲瓏竈熨蒸數日次以苦劑上涌訖寒痰三二升下虛上實明可見矣次以淡劑使白朮除脾濕令茯苓養腎水貴官桂伐風木寒



氣偏勝則加薑附否則不加又刺腎俞太谿二穴二日
一刺前後一月平復如故僕嘗用治傷寒汗下吐三法
移為治風痺痿厥之法愈者多矣

痿之為狀兩足痿弱不能行用由腎水不能勝心火心
火上爍肺金肺金受火制六葉皆焦皮毛虛弱急而薄
著則生痿躄躄者足不能伸而行也腎水者乃肺金之
子也令腎水衰少隨火上炎腎主兩足故骨髓衰竭由
使內太過而致然至真要大論云諸痿喘嘔皆屬於上

欽定四庫全書

儒門事親

者上焦也三焦者手少陽相火也痿喘嘔三病皆在膈
上屬肺金之部分也故肌痺傳為脈痿濕痺不仁傳為
肉痿髓竭足躄傳為骨痿房室太過為筋痿傳為白淫
大抵痿之為病皆因客熱而成好慾貪色強力過極漸
成痿疾故痿躄屬肺脈痿屬心筋痿屬肝肉痿屬脾骨
痿屬腎總因肺受火熱葉焦之故相傳於四臟痿病成
矣直斷曰痿病無寒故痿之作也五月六月七月皆其
時也午者少陰君火之位未者濕土庚金伏火之地申



者少陽相火之分故痿發此三月之內以為熱也故病痿之人其脈浮而大今之行藥者凡見脚膝痿弱難於行步或一足不伸便作寒濕脚氣治之驟用烏附乳沒自然銅威靈仙之類燔針艾火湯煑袋蒸痿弱轉加如此而死豈亦天乎夫治痿與治痺其治頗異風寒濕痺猶可蒸湯灸燔時或一効惟痿用之轉甚者何也蓋以痿肺熱為本葉焦而成痿以此傳于五臟豈有寒者歟若痿作寒治是不刃而殺之也夫痿病不死死者用藥

欽定四庫全書

儒門事親

之誤也陳下一武弁宋子玉因駐軍息城五六月間暴得痿病腰跨兩足皆不任用蹙而不行求治于予察其兩手脈俱滑大而有力予憑內經火淫于內治以鹹寒以鹽水越其膈間寒熱宿痰新者為熱舊者為寒或宿食宿飲在上脘者皆可涌之宿痰既盡因而下之節次數十行覺神志日清飲食日美兩足漸舉脚膝漸伸心降腎升使繼以黃連解毒湯加當歸等藥及瀉心湯涼膈散柴胡飲子大作劑煎時時呷之經曰治心肺之病



最近用藥劑不厭頻而少治腎肝之病最遠用藥劑不厭頓而多此法人皆怪之然余治痿尋常用之如拾遺物予若以此誑人其如獲罪于天何此宋子玉之證所以不得不書也且示信于來世故內經謂治痿之法獨取陽明經陽明經者胃脈也五臟六腑之海也主潤養宗筋宗筋主束骨束骨在臍下陰毛際上是也又主大利機關機關者身中大關節也以司屈伸是以陽明虛則宗脈縱宗脈縱則大脈不伸兩足痿弱然取陽明者

欽定四庫全書

儒門事親

胃脈也胃為水穀之海人之四季以胃氣為本本固則精化精化則髓充髓充則足能履也陰陽應象論曰形不足者溫之以氣精不足者補之以味味者五味也五味調和則可補精益氣也五味五穀五菜五肉五味貴和不可偏勝又曰恬淡虛無真氣從之精神內守病安從來若用金石草木補之者必從而增氣物化之常氣增而夭之由也所以以服黃連苦參者而反化為熱以服熱藥之人可不為寒心哉余嘗用汗下吐三



法治風痺痿厥以其得効者衆其敢誣於後人乎
厥之為狀手足及膝下或寒或熱也舉世傳脚氣寒濕
之病豈知內經中無脚氣之說王太僕亦云本無脚氣
後世廣飾方論而立此名古之方謂厥者即今所謂脚
氣者也然厥當分二種次分五臟所謂二種者有寒厥
亦有熱厥陽氣衰于下則為寒厥陰氣衰于下則為熱
厥熱厥為手足熱也寒厥為手足寒也陽經起于足指
之表陰經起于足心之下陽氣勝足下熱陰氣勝足下

欽定四庫全書

儒門事親

寒又曰陽主外而厥在內陰主內而厥在外若此者陰
陽之氣逆而上行故也夫春夏則陽多陰少秋冬則陰
壯陽衰人或恃賴壯勇縱情嗜慾于秋冬之時則陽奪
于內精氣下溢邪氣上行陽氣既衰真精又竭陽不榮
養陰氣獨行故手足寒發為寒厥也人或醉飽入房氣
聚于脾胃主行津液陰氣虛陽氣入則胃不和胃不和
則精氣竭精氣竭則四肢不榮酒氣與穀氣相薄則內
熱而溺赤氣壯而慄悍腎氣既衰陽氣獨勝故手足熱



發而為熱厥也厥亦有令人腹暴滿不知人者或一二日稍知人者或卒然悶亂無覺知者皆因邪氣亂陽氣逆是少陰腎脈不至也腎氣微少精血奔逸使氣促迫上入胸膈宗氣反結心下陽氣退下熱歸陰股與陰相助令身不仁又五絡皆會于耳中五絡俱絕則令人身脈皆動而形體皆無所知其狀如尸故曰尸厥有涎如拽鋸聲在喉咽中為痰厥手足搐搦者為風厥因醉而得之為酒厥暴怒而得之為氣厥骨痛爪枯為骨厥兩

欽定四庫全書

儒門事親

足指攣急屈伸不得爪甲枯結為臂厥身強直如椽者為肝厥喘而喘者狂走攀登為陽明厥皆氣逆之所為也今人見茲厥者皆謂之_三著掠著此是何等語也非徒其名之謬因其名之謬而乖其實也既言_三著中著掠著必歸之風此清心靈寶至寶又為先驅矣鼻中噓藥身上病火豈知厥之為病如前所說者耶頃西華季政之病寒厥其妻病熱厥前後十餘年其妻服逍遙十餘劑終無寸効一日命余診之二人脈皆浮大而無力



政之曰吾手足之寒時時漬以熱湯漬而不能止吾婦
手足之熱終日以冷水沃而不能已者何也余曰寒熱
之厥也此皆得之貪飲食縱嗜慾遂出內經厥論證之
政之喜曰內經真聖書也十餘年之疑今而釋然縱不
服藥愈過半矣僕曰熱厥者寒在上也寒厥者熱在上
也寒在上者以溫劑補肺金熱在上者以涼劑清心火
分處二藥令服之不輟不旬日政之詣門謝曰寒熱之
厥皆愈矣其妻當不過數月而有娠何哉陰陽皆和故

欽定四庫全書

儒門事親

也凡尸厥痿厥風厥氣厥酒厥可一涌而醒次服降心
火益腎水通血和氣之藥使粥食調養無不瘥者若其
餘諸厥倣此行之慎勿當疑似之間便作風氣相去邈
矣

立諸時氣解利禁忌式三

春之溫病夏之熱病秋之癘及痢冬之寒氣及咳嗽皆
四時不正之氣也總名之曰傷寒人之勞役辛苦者觸
冒此四時風寒暑濕不正之氣遂成此疾人之傷于寒



也熱鬱于內淺則發早為春溫若春不發而重感于暑則夏為熱病若夏不發而重感于濕則秋變為瘧痢若秋不發而重感于寒則冬為傷寒故傷寒之氣最深然而傷寒及溫熱但發必先發熱惡寒頭項痛腰脊強者一日在太陽經故也內經中雖言一日太陽者傳受常也亦有太陽證至了不傳者止可汗之如升麻湯解肌湯逼毒散五積散之類發散則愈也蓋病人熱甚更以辛溫則病必轉加今代劉河間先生自製辛涼之劑以

欽定四庫全書

儒門事親

通聖益元散相合各五七錢水一中椀入生薑十餘片葱鬚頭二十餘根豈豉一撮同煎至五七沸去滓分作二服先以多半服之頃以釵股于喉中探引盡吐前藥因其一涌腠理開發汗出周身復將餘藥溫熱而服之仍以酸醋辛辣漿粥投之可以立愈解利傷寒濕瘟熱病治法有二天下少事之時人多靜逸樂而不勞諸靜屬陰雖用溫劑解表發汗亦可獲愈及天下多故之時熒惑失常師旅數興饑饉相繼賦役既多火化大擾屬



陽內火又侵醫者不達時變猶用辛溫茲不近于人情也止可用劉河間辛涼之劑三日以裏之證十痊八九予用此藥四十餘年解利傷寒溫熱中暑伏熱莫知其數非為衍也將以證後人之誤用藥者也予嘗見世醫用升麻五積解利傷寒溫疫等病往往發狂譫語衄血泄血喘滿昏瞶懊懣悶亂勞復此數證非傷寒便有此狀皆由辛溫之劑解之不愈而熱增劇以致然也凡解利傷寒時氣疫疾當先推天地寒暑之理以人參之南

欽定四庫全書

儒門事親

陸之地多熱宜辛涼之劑解之朔方之地多寒宜辛溫之劑解之午未之月多暑宜辛涼解之子丑之月多凍宜辛溫解之少壯氣實之人宜辛涼解之老者氣衰之人宜辛溫解之病人因冒寒食冷而得者宜辛溫解之因役勞冒暑而得者宜辛涼解之病人稟性怒急者可辛涼解之病人稟性和緩者可辛溫解之病人兩手脈浮大者可辛涼解之兩手脈遲緩者可辛溫解之如是之病不可一槩而用偏熱寒涼及與辛溫皆不知變通



者夫地有南北時有寒暑人有衰旺脈有浮沈劑有溫涼服有多少不可差眩病人禁忌不可不知昔有人春月病瘟三日之內以驢車載百餘里比及下車昏瞽不知人數日而殂又有人飲酒過傷內外感邪頭痛身熱狀如傷寒三四日間以馬馱還家六七十里到家百骨節皆痛昏憤而死此余親覩若此之類不容更述假如瘟病傷寒熱病中暑冒風傷酒慎勿車載馬馱搖撼頓挫大忌夫動者火之化靜者水之化也靜為陰動為陽

欽定四庫全書

儒門事親

陽為熱陰為寒病已內擾又復外擾是為重擾奈人之神詎能當之故遠行得疾者宜舟泛床擡無使外擾故病不至增劇又若傷寒時氣瘟病嘗六七日之間不大便心下堅硬腹脇緊滿止可大小承氣湯下之其腸胃積熱慎勿用巴豆杏仁性熱大毒之藥雖用一二丸下之利五七行必反損陰氣涸枯津液燥熱轉增發黃澹語狂走斑毒血泄悶亂輕者為勞復重者或至死間有愈者幸矣不可以為法故傷寒新愈之人慎勿食猪魚



雜菓醱酒濕麵及沐浴房室事如犯病必再發愛其身者不可不慎又如正二三月人氣在上瘟疫大作必先頭痛或骨節疼與傷寒時氣冒暑風濕及中酒之人其狀皆相類慎勿使用巴豆大毒之藥治之元光春京師翰林應泰李屏山得瘟疫證頭痛身熱口乾小便赤澀渠素嗜飲醫者便與酒癥丸犯巴豆利十餘行次日頭痛諸病仍存醫者不識復以辛溫之劑解之加之卧于暖炕強食葱醋湯圖獲一汗豈知種種客熱疊發併作

欽定四庫全書

儒門事親

目黃班生潮熱血泄大喘大滿後雖有承氣下之者已無及矣至今議者紛紛終不知熱藥之過往往獨歸罪于承氣湯用承氣湯者不知其病已危猶復用藥學經不明故也良可罪也然議者不歸罪于酒癥丸者亦可責也大瘟證在表不可下況巴豆之丸乎巴豆不已況復發以辛溫之劑乎必有仲尼方明治長之非罪微生高之非直終不肯以數年之功苦讀內經但隨衆好惡為之毀譽若此者皆妄議者也不真知其理遽加毀譽



君子之所不取以予論之凡傷寒之氣有六禁初病之時甚似中酒傷食者禁大下之一禁也當汗之時宜詳時之寒暑用衾衣之厚薄禁沐浴火炕重被熱粥燔針二禁也當汗之時宜詳解脈之遲數用溫涼之劑禁妄用熱藥三禁也當下之時宜審詳證下之藥禁巴豆銀粉丸方四禁也遠來之病人禁車載馬馱五禁也大汗之後禁雜食嗜慾憂思作勞六禁也故凡有此者宜清房涼榻使不受客熱之邪明牕皓室使易見班出黃生

欽定四庫全書

儒門事親

之變病者喜食涼則從其涼喜食溫則從其溫清之而勿擾休之而勿勞可辛溫則辛溫解之可辛涼則辛涼解之所察甚微無拘彼此欲水之人慎勿禁水但飲之後頻與按摩其腹則心下自動若按摩其中腕以則必痛病人獲痛復若有水結則不敢按矣蓋當禁而不禁者輕則危重則死不當禁而禁者亦然今之士大夫多為俗論先錮其心雖有正論不得而入矣昔陸象先嘗云天下本無事庸人擾之為煩耳余亦云正氣本不亂



庸醫擾之為劇耳

瘧非脾寒及鬼神辨四

夫瘧猶酷瘧之瘧也以夏傷酷暑而成痲瘧也又有瘧
瘧連歲不已此肝經肥氣之積也多在左脇之下狀如
覆杯是為瘧瘧猶瘧也久而不已令人瘦也內傷既以
夏傷于暑而為瘧何後世之醫者皆以脾寒治之世醫
既不知邪熱畜積之深為寒戰遂為寒戰所感又不悟
邪熱入而後出于表發為燥渴遂為交爭所感相傳以

欽定四庫全書

儒門事親

蓋附硫黃平胃異攻散交解飲子治之百千之中幸其
一効執以為是至使父子弟兄相傳及其瘧之甚者則
歸之崇怪豈可不大笑耶內經歸于鬼神者不可與言
至德何世俗之愚而難化也又或因夏日飲冷過常傷
食生硬瓜菜梨棗之屬指為食瘧此又非也豈知內經
之論則不然夏傷于暑遇秋之風因勞而汗玄府受風
復遇悽愴之水風閉而不出舍于腸胃之外與榮衛並
行晝行于陽夜行于陰邪熱淺則連日而作邪熱深則



間日而作併入于裏則熱併入于表則寒若此而論了
不干于脾後世論藥如此之差誤也以時言之治平之
時常癘病少擾攘之時常癘病多治平之時雖用砒石
辰砂有毒之藥治之亦能取効緣治平之時其民夷靜
故雖以熱攻熱亦少后患至于擾攘之時其民勞苦不
可遽用大毒大熱之藥若以熱攻其熱甚則轉為吐血
泄血癰疽瘡瘍嘔吐之疾蓋擾攘之時政令煩亂徭役
紛冗朝戈暮戟畧無少暇內火與外火俱動在侯伯官

欽定四庫全書

儒門事親

吏尤甚豈可與夷靜之人同法而治哉余親見泰和六
年丙寅征南師旅大舉至明年軍迴是歲瘴癘殺人莫
知其數昏瞽懊懣十死八九皆火之化也次歲癘病大
作侯王官吏上下皆病輕者旬月甚者彌年夫富貴之
人勞心役智不可驟用砒石大毒之藥止宜先以白虎
湯加人參小柴胡湯五苓散之類頓服立解或不愈者
可服神祐丸減用神芎等甚者可大小承氣湯下之五
七行或十餘行峻泄夏月積熱暑毒之氣此藥雖泄而



無損于臟腑乃所以安臟腑也次以桂苓甘露散石膏
知母湯大小柴胡湯人參柴胡飲子量虛實加減而用
之此藥皆能治寒熱往來日晡發作與治傷寒其法頗
同更不愈者以常山散吐之無不愈者余嘗用張長沙
汗下吐三法愈瘧極多大忌錯作脾寒用暴熱之藥治
之縱有愈者后必發瘡疽下血之病不死亦危余自先
世授以醫方至于今日五十餘年苟不諳練豈敢如是
決也又嘗觀刺瘧論五十九刺一刺則衰再刺則去三

欽定四庫全書

儒門事親

刺則已會陳下有病瘧二年不愈者止服溫熱之劑漸
至衰羸命予藥之余見其羸亦不敢便投寒涼之劑乃
取內經刺瘧論詳之曰諸瘧不已刺十指間出血正當
發時余刺其十指出血血止而寒熱立止咸駭其神余
非術術竊見晚學之人不攷誥典謬說鬼疾妄求符籙
祈禱辟匿法外旁尋以致病人遷延危殆瘧病除嵐瘴
一二發必死其餘五臟六腑瘧皆不死如有死者皆方
士誤殺之也或曰汝言瘧因于暑者春發之瘧亦傷暑



乎余曰此癘最深何哉暑伏于秋冬而不發至春始發此癘之深者內經氣交變大論歲火太過炎暑流行金肺受邪啓玄子云火不以德邪害于肺金也故金肺先病以金氣不及故為病又經曰歲火太過大熱先發故民病癘少氣欬喘血溢血注下嗑燥耳聾中熱肩背熱上應熒惑星見則山澤燔燎雨乃不降爍石消金涸泉焦草火星大而明見注曰火無德令縱熱害金水復制心故心火自病熒惑見則酷法大故癘常與酷吏之政

欽定四庫全書

儒門事親

並行或酷政行于先而癘氣應于後或癘氣行于先而酷政應于後昔人有詩云大暑去酷吏此言雖不為醫設亦于醫巫之旨有以暗相符者也以前人論癘者未嘗及于此故予發之及知聖人立癘之名必有所謂云

小兒瘡疱丹燂癰疹舊蔽記五

兒之在母腹也胞養十月蘊畜濁惡熱毒之氣非一日及歲年而後發雖至貴與至賤莫不皆然輕者稀少重者稠密皆因胞胎時所感濁惡熱毒之氣有輕重非獨



人有此疾凡胎生血氣之屬皆有蘊畜濁惡熱毒之氣
有一二歲而發者有三五歲至七八歲而作者有年老
而發丹燦癩疹者亦有傷寒中溫毒而發斑者亦有陽
毒發斑者斑有大小色有輕重大者為陰小者為陽均
是熱也但色重赤者熱深色輕紅者熱淺凡治者輕者
因而揚之重者因而減之內經曰少陽客勝則丹疹外
發及為丹燦手少陽者三焦少陽相火也啓玄子云是
五寅五申之歲即少陽相火司天故也他歲亦有之但

欽定四庫全書

儒門事親

內經獨明瘡疹者少陽相火之所為也俗呼曰癩疹傷
寒此言却有理為此證時與傷寒相兼而行必先發熱
惡寒頭項痛腰脊強從太陽傳至四五日燦疹始發先
從兩脇下有之出于脇肋次及身表漸及四肢故凡小
兒瘡癩丹燦癩疹皆少陽相火客氣勝也內經曰諸痛
痒瘡瘍皆屬心火豈有寒乎故治瘡癩與治傷寒時氣
同法初覺頭痛身熱惡寒此小兒初發瘡癩之候也其
脈息皆浮大而有力亦與傷寒時氣胃風驚風宿乳一



槩難辨宜先解之有二法遇亢陽炎熱之時以辛涼解
之遇以寒凝冽之時以辛溫解之辛涼之劑者涼膈通
聖之類是也辛溫之劑者升麻葛根之類是也此二法
慎勿互用之既用此二法之後次以白虎湯加人參冷
服之勿輟蓋防瘡疹發喘喘者必死人參止喘故也或
云立秋之後不宜服白虎湯者非也假如秋深發瘧瘧
者中暑而得之白虎大解暑毒既有白虎湯證豈可間
以秋冬乎瘡癩疹丹燥皆是火之用也是肺金之不

欽定四庫全書

儒門事親

及也故曰白虎湯加人參一日不可闕也瘡癩燥疹或
出不均大小如荳黍相親見其不齊也相天之寒溫以
蟬殼燒灰抄半字或一字以淡酒調少許飲之大人以
淡酒溫調之不半日則均齊如或用百祥丸紫草飲子
皆可服之俗以酒醋薰之者適足增其昏瞽耳至六七
日瘡疹出全可調胃涼膈下之同調理傷寒法或言瘡
癩首尾俱不可下者此朱奉議公之言也適足使人戰
戰兢兢而不敢用藥也錢仲陽之用百祥丸其間有大



戟豈奉議公獨不見耶自奉議公斯言一出死者塞路
矣予家其親屬故舊小兒有患瘡疱黑陷腹內喘者余
以白虎湯加人參涼膈散加當歸桔梗連進數服上灌
下泄晝夜不止又使睡卧于寒涼之處以新水灌其面
目手足膿水盡去蓋四肢者諸陽之本也兒方為瘡疱
外燔沃以寒水使陰氣循經而入達于心肺如醉得醒
是亦開昏破鬱之端也如此救活者豈啻千數夫瘡疱
黑陷喘而滿者十死八九若依此法尚能活其六七何

欽定四庫全書

儒門事親

世醫與病家至今猶未悟也近年予之庄鄰沿蔡河來
往之舟常艤于此一日舟師偶見敗蒲一束沿流而下
漸迫舟次似聞啼聲而微舟師疑其人也探而出之開
視之驚見一兒四五歲許瘡疱周匝密不容隙兩目皎
然飢而索食因以粥飽其舟師之妻怒曰自家兒女多
惹瘡疱傳染奈何私料此兒沿蔡河來其流緩必不遠
持兒一鞋逆流而上徧河之人皆曰無此兒行且二十
里至一村落舟師高唱曰有兒年狀如許不知誰是瘡



疱病死棄之河中今復活矣聞酒邸中飲者喧嘩有人
出曰我某村某人也兒四五歲死于瘡疱舟師出其鞋
以示之其父泣曰真吾兒也奔走來視驚見兒活大慟
流涕拜謝舟師喜抱兒歸今二十餘歲矣此兒本死得
水而生伏諗來者瘡疱之疾熱耶寒耶經曰諸痛痒瘡
瘍皆屬心火啟玄子注云心寂則痛微心燥則痛甚百
端之起皆自心主瘡疱之疾豈有寒歟余承醫學于先
人閱病多矣苟誑後人罪將安逃誠如此法則原上之
欽定四庫全書
儒門事親
丘以瘡疱而死者皆誤殺人也故療小兒惟錢仲陽書
中可採者最多但其方為閩孝忠所亂有識者宜擇而
取之
證婦人帶下赤白錯分寒熱解六
君子非好與昔人辨以要譽也蓋昔人有一誤流為千
百世之禍者苟不證其非雖曰謙讓其如人命何如精
選聖惠方二十三卷論婦人赤白帶下云婦人帶下者
由勞神過度損動經血致令身虛受于風冷風冷入于



腠絡傳其血之所成也又有巢氏內篇四十四卷論任脈為經之海其任之為病女子則為帶下手太陽為小腸之經也手少陰為心之經也心為藏主于裏小腸為府主于表二經之血在于婦人上為乳汁下為月水衝任之所統也衝任之脈既起于腠內陰陽過度則傷腠絡故風邪乘虛而入于腠中損衝任之經傷太陽少陽之血致令腠絡之間穢與血相兼帶而下冷則多白熱則多赤三家之說皆非也夫治病當先識經絡靈樞十

欽定四庫全書

儒門事親

二經中有是動之病有所生之病大經有十二奇經有八脈言十二經之外復有此八道經脈也十二經與八道經脈通身往來經絡共二十道上下流走相貫周環晝夜不息與天同度自手太陰肺經起行陽二十五度行陰亦二十五度復會于手太陰肺經也然此二十道經絡上下周流者止一十九道耳惟帶脈起少腹側季脇之端乃章門穴是也環身一周無上下之源絡腠而過如束帶之于身難經曰帶之為病溶溶如坐水中衝



任者是經脈之海也循腹脇夾臍傍傳流于氣衝屬于帶脈絡于督脈督脈者起于關元穴任脈者女子在養胎孕之所督脈乃是督領婦人經脈之海也衝任督三脈同起而異行一源而三岐皆絡帶脈衝任督三脈皆統于篡戶巡陰器行廷孔溺孔上端衝任督三脈以帶脈束之因餘經上下往來遺熱于帶脈之間熱者血也血積多日不流火則從金之化金曰從革而為白乘少腹間冤熱白物滿溢隨洩而下綿綿不絕多不痛也或

欽定四庫全書

儒門事親

有痛者則壅礙因壅而成痛也內經曰少腹冤熱洩出白液冤者屈滯也病非本經為他經冤抑而成此疾也冤一作客客猶寄也遺客熱于少腹以不去從金化而為白設若赤白痢赤者新積也從心火白者舊積也從肺金故赤白痢不可曲分寒熱止可分新舊而治之假如癰瘡始赤血次潰白膿又豈為寒者哉而病者未信也此今之劉河間常言之矣皆云寒多則白以乾薑赤石脂桃花丸治痢雖愈后必生血疾如白帶下病徑以



白芍藥乾薑白帶雖愈則小溲必不利治瀉痢與治帶
下皆不可驟用峻熱之藥燥之燥之則內水涸內水涸
則必煩渴煩渴則小溲不利小溲不利則足腫面浮漸
至不治內經曰思想無窮所願不得意淫于外入房大
甚發為筋痿淫行白物如精之狀男子因溲而下女子
綿綿而下左傳曰少男惑長女風落山之象是為惑蠱
之疾其文三虫同皿曰蠱乃是思慕色慾內生後蝕甚
不可使用燥熱之藥攻之漸至形削羸瘦脈大者必死

欽定四庫全書

儒門事親

而不救且赤白痢者是邪熱傳于大腸下廣腸出赤白
也帶下者傳于小腸入脬經下赤白也據此二證皆可
同治濕法治之先以導水禹功瀉訖次以淡劑降心火
益腎水下小溲分水道則自愈矣頃頓丘一婦人病帶
下連綿不絕白物或來已三載矣命予脈之診其兩手
脈俱滑大而有力得六七至常上熱口乾眩暈時嘔酢
水余知其有寒痰在胸中以瓜蒂散吐訖冷痰三二
升皆酢水也間如黃涎狀如爛膠次以漿粥養其胃氣



又次用導水禹功以瀉其下然後以淡劑滲泄之藥利其水道不數日而愈余實悟內經中所云上有病下取之下有病上取之又上者下之下者上之然有此法亦不可偏執更宜詳其虛實而用之故知精選聖惠方帶下風寒之言與巢氏論中赤熱白寒之說正與難素相違公非敢妄論先賢恐後學混而不明未免從之而行也如其寡學之人不察病人脈息不究病人經脈妄斷寒熱信用羣方暴熱之藥但有失雖悔何追嗚呼人命一失其復能生乎赤白痢與赤白帶下皆不死人內經惟腸澼便血血溫身熱者死赤白帶下白液白物蠱病腎消皆不能死人有死者藥之誤也

霍亂吐瀉死生如反掌說七

巢氏先賢也固不當非然其說有誤者人命所係不可不辯也今之醫者家置本以為繩墨嗚呼何今之人信巢氏而不信素問也此予不得不為之說且巢氏論霍亂吐瀉皆由溫涼不調陰陽清濁二氣相干致腸胃之

欽定四庫全書

儒門事親



間變而為霍亂寒氣客于脾則瀉寒氣客于胃則吐亦
由飲酒食肉腥膾生冷過度或因居處坐卧濕地當風
取涼風之氣歸于三焦傳于脾胃脾胃得冷水穀不消
皆成霍亂其名有三一曰胃反胃氣虛逆反吐飲食二
曰霍亂言其病揮霍之間便致撩亂也三曰哺食變逆
者也霍亂者脈必代又云七月間食蜜令人暴下霍亂
此皆巢氏霍亂之論也予以為不然夫醫之治病猶書
生之命題如秋傷于濕冬生欬嗽是獨以濕為主此書

欽定四庫全書

儒門事親

生之獨脚題也風濕暍三氣合而成霍亂吐瀉轉筋此
猶書生之鼎足題也風者風木也內應足厥陰肝木濕
者雨化也內應於足太陰脾土暍者火熱也內應于手
少陰心火此風濕暍三氣之所生也內經曰土氣之下
木氣乘之是肝木乘脾土也又曰厥陰所至為脇痛嘔
泄少陽所至為嘔涌注云食不下也太陰所至為中滿
霍亂吐下太陰所至為濡化也注云濕化也又曰太陰
所至為濕生終為注雨故轉筋者風主肝肝主筋風急



甚故轉筋也吐者暍也火主心心主炎上故嘔吐也泄
注者土主濕濕主脾濕下注故泄注也此三者豈非風
濕暍如書生鼎足題耶脾濕土氣為風木所克土化不
行矣亢無雨火盛過極土怒發焉極則為雷霆驟雨烈
風蓋土氣在上木氣乘之故也是以大水橫流山崩岸
落石迸沙飛豈非太陰濕土怒發之象耶故人病心腹
滿脹腸鳴而為數便甚則心痛脇膜嘔吐霍亂厥發則
注下附腫身重啓玄子云已上病證皆脾熱所生也乃

欽定四庫全書

儒門事親

知巢氏所論正與素問啓玄子相違故內經治法病急
則治其標緩則治其本先可用淡劑流其濕辛涼以退
其風鹹苦以解其暍冰水以救其內涸大忌食粟米粥
飲者立死偉哉王冰之言脾熱一句可以為方世俗止
知取其頭巾而濯之以飲其水亦取其黑豆皂礬頭垢
寒涼然近似終不足以制其甚也又有以寒水沃其手
足者大非也四肢已厥更以寒水沃之則益厥矣曷若
以寒水沃其心之為愈也泰和間余親見陳下廣濟禪



院其主僧病霍亂一方士用附子一枚及兩者乾薑一兩炮水一碗同煎放冷服之服訖嘔血而死頃合流鎮李彥甫中夜忽作吐瀉自取理中丸而服之醫者至以為有食積以巴豆下之三五丸藥亦不動至明而死可不哀哉遂平李仲安攜一僕一佃客至鄆城夜宿邵輔之書齋中是夜僕逃仲安覺其逃也騎馬與佃客往臨穎急追之時七月天大熱炎風如箭埃塵慢天至辰時而還曾不及三時往返百二十里既不獲其人復宿于

欽定四庫全書

儒門事親

邵氏齋忽夜間聞呻呼之聲但言救我不知其誰也執火尋之乃仲安之佃客也上吐下泄目上視而不下胸脇痛不可動搖口欠而脫白四肢厥冷此正風濕暈三者俱合之證也其婿曾聞余言乃取六一散以新汲水劉生薑而調之頓服半升其人復吐乃再調半升而令徐服之良久方息至明又飲數服遂能調養三日平復而去嗚呼若此三人其生死豈不如反掌哉彼世醫往往以謂六一散治得其病此無學之輩也可勝恨哉



目疾頭風出血最急說八

內經曰目得血而能視此一句聖人論人氣血之常也
後世之醫不達其旨遂有惜血如金之說自此說起目
疾頭風諸證不得而愈矣何以言之聖人雖言目得血
而能視然血亦有太過不及也太過則目壅塞而發痛
不及則目耗竭而失睛故年少之人多太過年老之人
多不及但年少之人則無不及但年老之人其間猶有
太過者不可不察也夫目之內眥太陽經之所起血多

欽定四庫全書

儒門事親

氣少目之銳眥少陽經也血少氣多目之上網太陽經
也亦血多氣少目之下網陽明經也血氣俱多然陽明
經起于目兩傍交頰之中與太陽少陽俱會于目惟足
厥陰肝經連于目系而已故血太過者太陽陽明之實
也血不及者厥陰之虛也故血出者宜太陽陽明蓋此
二經血多故也少陽一經不宜出血血少故也刺太陽
陽明出血則目愈明刺少陽出血則目愈昏要知無使
太過不及以血養目而已此內經所謂目得血而能視



者此也凡血之為物太多則益太少則枯人熱則血行疾而多寒則血行遲而少此常理也至于目者肝之外候也肝主目在五行屬木然木之為物太茂則蔽密太衰則枯瘁蔽密則風不疎通故多摧拉枯瘁則液不浸潤故無榮華又況人之有目如天之有日月也人目之有翳如日月之有雲霧也凡雲之興未有不因蒸騰而起者雖隆冬之時猶且然耳況于炎夏之時乎故目暴赤腫起羞明隱澁泪出不止暴寒目瞞皆工藝之所為

欽定四庫全書

儒門事親

也夫目之五輪乃五臟六腑之精華宗脈之所聚其氣輪屬肺金肉輪屬脾土赤脈屬心火黑水神光屬腎水兼屬肝木此世俗皆知之矣及有目疾則又不知病之理豈知目不因火則不病何以言之氣輪變赤火乘肺也肉輪赤腫火乘脾也黑水神光被翳火乘肝與腎也赤脈貫目火自甚也能治火者一句可了故內經曰熱勝則腫治火之法在藥則鹹寒吐之下之在針則神廷上星顙會前頂百會血之翳者可使立退痛者可使立



已昧者可使立明腫者可使立消惟小兒不可刺顛會
為肉分淺薄恐傷其骨然小兒水在上火在下故目明
老人火在上水不足故目昏內經曰血實者宜決之又
經曰虛者補之實者瀉之如雀目不能夜視及內障暴
怒大憂之所致也皆肝主目血少禁出血止宜補肝養
腎至于暴赤腫痛皆宜以鉗鍼刺前五穴出血而已次
調鹽油以塗髮根甚者雖至于再至于三可以也量其
病勢平為期少白可黑落髮可生有此神驗不可輕傳

欽定四庫全書

儒門事親

人年四十五十不問男女目暴赤腫隱澁難開者以三
稜鍼刺前頂百會穴出血大妙至如年少髮早白落或
白屑者此血熱而太過也世俗止知髮者血之餘也血
衰故耳豈知血熱而寒髮反不茂肝者木也火多水少
木反不榮火至于頂炎上之甚也大熱病汗後勞病之
後皆髮多脫落豈有寒耶故年衰火勝之人最宜出血
但人情見出血皆不悅矣豈知出血者乃所以養血也
凡兔雞猪狗酒醋濕麵動風生冷等物及憂忿勞力等



事如犯之則不愈矣惟後頂強間腦戶風府四穴不可
輕用鍼灸以避忌多故也若有誤不幸令人瘖固宜慎
之其前五穴非徒治目疾至于頭痛腰脊強外腎囊燥
癢出血皆愈凡鍼此勿深深則傷骨唐甄權尤得出血
之法世俗云熱湯沃眼十日明此言謬之久矣火方乘
目更以熱湯沃之兩熱相搏是猶投賊以刃也豈知涼
水沃之暫澁而以滑熱水沃之暫滑而以澁不然曷以
病目者忌沐浴或曰世俗皆言涼水沃眼血脈不行余

欽定四庫全書

儒門事親

聞大笑之眼藥中用黃連礪砂朴硝龍腦熊膽之屬皆
使人血脈不行耶何謬之甚也又若頭風之甚者以則
目昏偏頭風者少陽相火也以則目束小大腸闕澁者
目必昏何也以病滑泄者目皆明惟小兒利以反疳眼
昏蓋極則反與此少異其餘皆宜出血而大下之余嘗
病目赤或腫或翳作止無時偶至親息帥府間病目百
餘日羞明隱澁腫痛不已忽眼科姜仲安云宜上星至
百會速以銚鍼刺四五十刺攢竹穴絲竹穴上兼眉際



一十刺及鼻兩孔內以草莖彈之出血三處出血如泉
約二升許來日愈大半三日平復如故余自嘆曰百日
之苦一朝而解學醫半世尚闕此法不學可乎惟小兒
瘡疱入眼者乃餘熱不散耳止宜降心火瀉肝風益腎
水則愈矣若大人目暴病者宜汗下吐以其血在表故
宜汗以其火在上故宜吐以其熱在中故宜下出血之
與發汗名雖異而實同故錄銅人中五穴照用

過愛小兒反害小兒說九

欽定四庫全書

儒門事親

小兒初生之時腸胃綿脆易飢易飽易虛易實易寒易
熱方書舊說天下皆知之矣然禮記曲禮及玉符潛訣
論所云天下皆不知曲禮云童子不衣裘裳說云裘大
溫消陰氣且人十五歲成童尚不許衣裘今之人養穉
子當正夏時以綿袂裹腹日不下懷人氣相蒸見天稍
寒即封閉密室睡氈下幕煖炕紅爐使微寒不入大煖
不泄雖衰老之人尚猶不可況純陽之小兒乎然君子
當居密室亦不當如是之煖也玉符潛訣論云嬰兒之



病傷于飽也今人養穉子不察腸胃所容幾何但聞一聲哭將謂飢號急以潼乳納之兒口豈復知量不吐不已及稍能食應口輒與夫小兒初生別無伎倆惟善號泣為強良耳此二者乃百病之源也小兒除胎生病外有四種曰驚曰疳曰吐曰瀉其病之源止有二曰飽曰煖驚者火乘肝之風木也疳者熱乘脾之濕土也吐者火乘胃膈甚則上行也瀉者火乘肝與大腸而瀉者也夫乳者血從金化而大寒小兒食之肌肉充實然其體

欽定四庫全書

儒門事親

為水故傷乳過多反從濕化濕熱相兼吐痢之病作矣醫者不明其本輒以紫霜進食比金白餅之屬其中皆芑荳杏仁其芑荳大熱有大毒杏仁小熱有小毒小兒陽熱復以熱毒之藥留毒在內必變生故劉河間先生以通聖涼膈神芎益元治之皆無毒之藥或曰此大人所服之藥非小兒所宜也余聞笑曰大人小兒雖年壯不同其五臟六腑豈復殊耶大人服多小兒服少其實一也故不可下者宜解毒可下者宜調胃瀉心然有



逐濕為之方者故余嘗以牽牛大黃木通三味末之為丸以治小兒諸病皆效蓋食乳小兒多濕熱相兼故也今之醫者多以此藥謗予彼既不明造化難與力辨故予書此方以俟來世知道者然善治小兒者當察其貧富貴賤治之蓋富貴之家衣食有餘生子常夭貧賤之家衣食不足生子常堅貧家之子不得縱其慾雖不如意而不敢怒怒少則肝病少富家之子得縱其慾稍不如意則怒多怒多則肝病多矣夫肝者木也甚則乘脾

欽定四庫全書

儒門事親

矣又況貧家無財少藥故死少富家有財多藥故死多故貧家之育子雖薄于富家其成全小兒反出于富家之右其暗合育子之理者有四焉薄衣淡食少慾寡怒一也無財少藥其病自痊不為庸醫熱藥所攻二也在母腹中其母作勞氣血動用形得充實三也母既作勞多易生產四也此四者與富家相反也俚諺曰兒哭即兒歌不哭不僂儻此言雖鄙切中其病世俗豈知號哭者乃小兒所以泄氣之熱也老子曰終日號而不噉余嘗



授人以養子之法兒未坐時卧以赤地及天寒時不與厚衣布而不綿及能坐時以鐵鈴木壺雜戲之物連以細繩置之水盆中使一浮一沈弄之有聲當炎暑之時令坐其傍掬水弄鈴以散諸熱內經曰四肢者諸陽之本也手得寒水陰氣達于心中乃不藥之藥也余嘗告于陳敬之若小兒病緩急無藥不如不用庸醫但恐妻妾怪其不醫宜湯浸蒸餅令軟丸作白丸給其妻妾以為真藥使兒服之以聽天命最為上藥忽歲在丙戌羣

欽定四庫全書

儒門事親

兒皆病泄瀉但用藥者皆死蓋醫者不達濕熱之理以溫燥行之故皆死惟陳敬之不與藥用余之言病兒獨存噫嗚呼班固真良史嘗云有病不治得中醫除暴得大疾病服藥者當謹熟陰陽無與衆謀若未病之前從予奉養之法亦復不生病縱有微疾雖不服藥可也

服藥一差轉成他病說十

語云子之所慎齊戰疾又曰丘未達不敢嘗此言服藥不可不畏慎也然世有百十年相襲之弊至今不除者



敢略數一二使後車改轍不蹈前覆夫傷寒溫疫時氣中暑風溫風癘與中酒傷食者其初相類此最誤人或先一日頭痛曾傷酒便歸過于酒曾傷食便歸過于食初覺滿悶醫者不察其脈不言其始徑用備急丹纏積丹軟金丸酒癘丸此藥犯芑荳或出油不盡大熱大毒走泄五七行或十餘行其人必津液枯涸腸胃轉燥發黃癍熱目赤口乾恍惚潮熱昏憤惑狂諸熱交作如此誤死者不可勝舉若其人或本因酒食致過亦能頭痛

欽定四庫全書

儒門事親

身熱戰慄惡寒醫者不察其脈不究其原反作傷食發之桂枝麻黃升麻之屬以汗解之汗而不解輾轉疑惑反生他證如此誤死者可勝計哉又如久病咳嗽形體羸瘦食飲減少旦靜夜劇醫者不察便與烏梅罌粟殼紫花枯礬如此峻攻嗽疾未除澁滯之病作矣嗽加之澁飲食彌減醫者不察更以熱劑養胃溫劑和脾致令頭面汗出燥熱潮發形容瘦瘁涎液上出流如湧泉若此死者不可勝數又如婦人產餘之疾皆是敗血惡物



發作寒熱臍腹撮痛乳渣枯涸食飲稍減醫者不察便
謂產後血出數斗氣血俱虛使用溫熱之劑養血補虛
止作寒治舉世皆然豈知婦人之孕如天地之孕物也
物以陰陽和合而後生人亦以陰陽和合而後孕偏陰
偏陽豈有孕乎此與禾黍瓜菓之屬何異哉若水旱不
時則華之與實俱痿落矣此又與孕而不育者復何異
哉七月立秋後十八日寸草不結者猶天寒故也今婦
人妊娠終十月無難而生反謂之寒何不察其理之甚

欽定四庫全書

儒門事親

也竊譬之治搏者炎火在下以水沃其窰之巔遂成搏
矣搏既出窰窰頓寒耶世俗竟傳黑神散之屬治產後
一十八證非徒其不愈則經脈涸閉前後淋瀝嘔吐嗽
痰凡百熱證生矣若此誤死者不可計之曷若四物湯
與涼膈散對停大作湯劑而下之利以數行惡物俱盡
後服淡甘之劑自愈矣又如小兒腹滿喘嗽痰涎不利
醫者不察便用白餅子之屬夫白餅子芑荳大熱有大
毒兼用膩粉其後必生口瘡上喘欬嘔吐不嗜飲食



之疾然此治貧家小兒猶或可効膏梁之家必生他病
又何疑哉又如瀉利之疾歲歲有之醫者不察使用聖
散子之屬乾薑赤石脂烏梅罌粟殼官桂石榴皮龍骨
牡蠣之屬變生小便癰閼甚者為脹又甚者水腫之疾
生矣間有愈者病之微者也甚則必不愈矣又如人病
停飲或因夏月傷冷過多皆為脾胃客氣有餘也宜逐
而去之醫者不可以為脾衰而補之則痞者更痞滿者
更滿復有芑荳丸下之者病雖少解必不嗜食上燥之

欽定四庫全書

儒門事親

病生矣又如人因閃肭膝髀肘腕大痛醫者不察使用
鉗針出血如未愈者再三刺血出血既多遂成跛躄內
經曰足得血而能步血盡安得步哉若余治閃肭則不
然以禹功散或通經二三錢下神祐丸或除濕丹百餘
丸峻瀉一二十行則痛出當痒發痛屬夏痒屬秋出則
夏衰矣此五行勝復之理也故凡腰膝脇痛杖瘡落馬
墜墮打撲莫不同然蓋此痛得之于外非其先元虛元
弱古人云痛隨利減宜峻瀉一二十行畢但忌熱酒可



一藥而愈勿謂峻瀉輕侮此法昔有齒痛連月不止以
鉄鈴鉏取之血不止而死又有人因上下齒痛凡治痛
者輒取不數年上下齒盡至五十歲生硬之物皆不能
食夫上下齒痛皆由手足陽明二經風熱甚而痛矣可
用大小承氣湯藏用丸祛風丸等藥瀉之則痛當自止
內經曰諸痛痒瘡瘍皆屬心火啓玄子云百端之起皆
自心生心者火也火生土之故也出牙之誤不可不知
又如治水腫痛者多用水銀輕粉白丸子大毒之藥下
之水腫未消而牙齒落牙齒落而不進食水盡而立斃
復有人于兩足鍼之水出如泉水盡亦斃

欽定四庫全書

儒門事親

儒門事親卷一



欽定四庫全書

子部
儒門事親卷二

詳校官太醫院員程臣表天錫

編修臣倉聖脈覆勛

總校官原任中允臣王燕緒

校對官中書臣康儀鈞

謄錄監生臣王寶唐



欽定四庫全書

儒門事親卷二

金 張從正 撰

偶有所遇厥疾獲瘳記十一

余昔過夏邑西有婦人病腹脹如鼓飲食乍進乍退寒熱更作而時吐嘔且三載矣師覘符呪無所不至惟俟一死會十月農隙田夫聚獵一犬役死磔于大樹根盤遺腥在其上病婦偶至樹根頓覺昏憤眩瞶不知人桃

欽定四庫全書

儒門事親

于根側口中蟲出其狀如蛇口眼皆具以舌舐其遺腥其人驚見長蟲兩袖裹其手按蟲頭極力而出之且二尺許重幾斤剖而視之以示諸人其婦遂愈蟲亦無名此正與華元化治法同蓋偶得吐法耳又有一書生瘧間日一作將秋試及試之日乃瘧之期書生憂甚誤以葱蜜合食大吐涎數升瘵血宿食皆盡同室驚畏至來日入院瘧亦不發亦偶得吐法耳正隆間有聖旨取汴梁諸匠氏有木匠趙作頭鐵匠杜作頭行次迷路至



大宅乞宿主人不納曰家中有重人重病不敢納君杜作頭給曰此趙公乃汴梁太醫之家今蒙上司見召迷路至此蓋病者當愈而遇此公也主人默而入良久復出將邀二人入室與之食已主人起請曰煩太醫看病何如趙見而笑曰一藥可愈二人竊議曰來時所攜熱藥寄他車上此中實無奈何杜曰此甚易耳潛出門得牛糞一塊作三十粒下以溫水少頃病人覺胸中如蟲行一涌而出狀若小蠅一二升以手探之又約一升頓

欽定四庫全書

儒門事親

覺病去明日主人出謝曰百歲老人未嘗見此神効之藥也禮餞二人遂歸嗚呼此二子小人也欲苟一時之寢遂以穢物治人亦偶得吐法耳又有一婦病風癩從六七歲因驚風得之自後三二年間一二作至五七年五七作逮三十餘歲至四十歲日作或一日十餘作以至昏癡健忘求死而已會興定歲大饑遂採百草而食于水瀕採一種草狀若葱屬泡蒸而食之食訖向五更覺心中不安吐涎如膠連日不止約一二斗汗出如洗



初昏困後三日輕健非曩之比病去食進百脈皆和省其所食不知何物訪問諸人乃慙葱苗也慙葱苗者本草所謂藜蘆苗是也圖經云藜蘆苗吐風病此亦偶得吐法耳又有一婦年三十餘病滑泄經年皆云虛中有積以無憂散五七日一服至二十服不効又服纏積丹軟金丸諸藥皆不効其人服藥愈速病勢愈甚食飲日減人或謂曰此休息痢也宜灸中脘及左右穴臍下氣海及膀胱穴以三里引之每年當冬至夏至日灸之前

欽定四庫全書

儒門事親

後僅萬餘壯忽門外或者曰此病我屢諳蓋大傷飲之故即日桃花正開俟其落時以長棘針刺之得數十萼勿犯人手以白麵和作餅子文武火燒令熟嚼爛以米飲湯下之病人如其言服之不一二時瀉如傾前後瀉六七日僅數百行昏困無所知覺惟索冷水徐徐而飲至六七日少省爾後食日進神日昌氣血日和不數年生二子此人本不知桃花萼有取積之神効亦偶得瀉法耳余昔過株林見一童子誤吞銅鐵之物成疾而羸



足不勝身會六七月淫雨不止無薪作食過飢數日一
旦隣牛死聞作葵羹粳飯病人乘飢頓食之良久泄注
如傾覺腸中痛遂下所吞之物余因悟內經中肝苦急
食甘以緩之牛肉大棗葵菜皆甘物也故能寬緩腸胃
且腸中久空又遇甘滑之物此銅鐵所以下也亦偶得
瀉法耳頓有老人年八十歲臟腑澁滯數日不便每臨
後時目前星飛頭目昏眩鼻塞腰痛積漸食減縱得少
便結燥如彈一日友人命食血藏葵羹油滌菠薐菜遂

欽定四庫全書

儒門事親

頓食之日日不乏前後皆利食進神清年九十歲無疾
而終圖經云菠菜寒利腸胃芝麻油炒而食之利大便
葵寬腸利小溲年老之人大小便不利最為急切此亦
偶得瀉法耳昔一士人趙仲溫赴試暴病兩目赤腫睛
翳不能識路大痛不任欲自尋死一日與同儕釋悶坐
於茗肆中忽鉤窻脫鉤其下正中仲溫額上髮際裂長
三四寸紫血流數升血止自快能通路而歸來日能辨
屋脊次見瓦溝不數日復故此不藥不針誤出血而愈



矣夫出血者乃發汗之一端也亦偶得出血法耳嗚呼
世人欲論治大病舍汗下吐三法其餘何足言哉此一
說讀之者當大笑耳今之醫者宜熟察之可也人能謹
察其真中之誤精究其誤中之真反覆求之無病不愈
余之所以書此者庶後之君子知余之用心非一日也
又有病目不覩者思食苦苴頓頓不闕醫者以為有蟲
曾不周歲兩目微痛如蟲行大眚漸明俄然大見又如
北方貴人愛食乳酪牛酥羊生魚膾鹿脯猪腊海味甘
肥之物皆蟲之萌也然而不生蟲者蓋筵會中多胡荽
蕪荑醬鹵汁皆能殺九蟲此二者亦偶得服食法耳智
者讀此當觸類而長之

欽定四庫全書

儒門事親

攻裏發表寒熱殊塗箋十二

有一言而可以該醫之旨者其惟發表攻裏乎雖千枝
萬派不過在表在裏而已矣欲攻其裏者宜以寒為主
欲發其表者宜以熱為主雖千萬世不可易也內經言
之詳矣今人多錯解其旨故重為之箋發表不遠熱攻



裏不遠寒此寒熱二字謂六氣中司氣之寒熱司氣用
寒時用藥者不可以寒藥司氣用熱時用藥者不可以
熱藥此常理也惟攻裏發表則反之然而攻裏發表常
分作兩塗若病在表者雖畏日流金之時不避司氣之熱
亦必以熱藥發其表若病在裏者雖堅冰積雪之時不
避司氣之寒亦必以寒藥攻其裏所謂發表者出汗是
也所謂攻裏者湧泄是也王太僕注云汗泄下痢皆以
其不住于中也夫不住其中則其藥一去不留雖以寒

欽定四庫全書

儒門事親

藥犯司氣之寒熱藥犯司氣之熱亦無害也若其藥留
而不出適足以司氣增邪是謂不發不攻寒熱內賊其
病益甚無病者必生病有病者必甚若司氣用寒之時
病在表而不在裏反以寒藥冰其裏不涌不泄堅腹滿
痛急下痢之病生矣若司氣用熱之時病在裏而不在
表反以熱藥燥其中又非發汗則身熱吐下霍亂癰疽
瘡疔贅鬱注下疳瘰腫脹嘔吐欬衄頭痛骨節攣肉痛
血泄淋瀝之病生矣以此知非熱不能解表非寒不能



攻裏是解表常宜熱攻裏常宜寒若反此法是謂妄造
今之用藥者以荊黃湯解表以薑桂藥攻裏此與以水
濟水以火濟火何異哉故非徒不効輕者危甚者死夫
本草一書不過酸苦甘辛鹹淡六味而已聖人既以辛
甘發散為陽酸苦涌泄為陰又以淡味滲泄為陽是辛
甘淡三味以解表酸苦鹹三味以攻裏發表與滲泄非
解表而何涌泄非攻裏而何此二者聖人之法盡矣蔑
以加矣然則醫之法果多乎哉攻裏以寒解表以熱而

欽定四庫全書

儒門事親

已矣雖然表病而裏不病者可專以熱藥發其表裏病
而表不病者可專以寒藥攻其裏表裏俱病者雖可以
熱解表亦可以寒攻裏此仲景之大小柴胡湯雖解表
亦兼攻裏最為得體今之用藥者只知用熱藥解表不
察裏之已病故前所言熱證皆作矣醫者不知罪由已
作反謂傷寒變證以誣病人非一日也故劉河間自製
通聖散加益元散名為雙解千古之下得仲景之旨者
劉河間一人而已然今之議者以為雙解不可攻裏謗



議紛紜坐井小天誠可憾也豈知雙解煎以葱鬚豈豉
涌而汗之一劑立雪所苦縱不全瘥亦可小瘳向所謂
熱證亦復不作俟六經傳畢微下而已今醫者不知其
濟物無窮之功乃妄作損胃無窮之謗憤劉河間有能
醫之名設堅白之論以求世譽孰肯剖璞一試而追悔
和氏之刖足哉余之所以屢書此者歎知音之難遇也
近者余之故人某官不欲斥言其名因病頭項強狀類
傷寒服通聖散雖不得其法猶無害也醫者見其因通

欽定四庫全書

儒門事親

聖散也立毀其非仲景之藥也渠不察其熱已甚矣復
以辛熱發之汗出不解發黃血泄竟如前所言後雖以
承氣下之不能已又復下之至絕汗出其脈猶搏擊然
余親見其子言之甚詳至今士大夫皆不知辛熱一發
之過也獨歸罪于通聖散嗚呼甚矣道之難明也頃余
之舊契讀孟堅漢書藝文志載五苦六辛之說而顏師
古輩皆無注解渠特以問余余顧其內經諸書中亦不
見其文既相別矣乘蹇且十里外颯然而悟欲復迴以



告余之舊契已歸且遠乃令載之以示來者夫五者五臟也臟者裏也六者六腑也腑者表也病在裏者屬陰分宜以苦寒之藥涌之泄之病在表者屬陽分宜以辛溫之劑發之汗之此五苦六辛之意也顏師古不注蓋闕其疑也乃知學不博而欲為醫難矣余又徐思五積六聚其用藥亦不外于是夫五積在臟有常形屬裏宜以苦寒之藥涌之泄之六聚在腑無常形屬表宜以辛溫之藥發之汗之與前五苦六辛亦合亦有表而可用

欽定四庫全書

儒門事親

柴胡之涼者猶宜熱而行之裏寒而可用薑附之熱者猶宜寒而行之余恐來者不明內經發表攻裏之旨故併以孟堅五苦六辛之說附于卷末

汗下吐三法該盡治病詮十三

人身不過表裏氣血不過虛實表實者裏必虛裏實者表必虛經實者絡必虛絡實者經必虛病之常也良工之治病者先治其實後治其虛亦有不治其虛時粗工之治病或治其虛或治其實有時而幸中有時而不中



謬工之治病實實虛虛其誤人之迹常著故可得而罪也惟庸工之治病純補其虛不敢治其實舉世皆曰平穩誤人而不見其迹渠亦自不省其過雖終老而不悔且曰吾用補藥也何罪焉病人亦曰彼以補藥補我彼何罪焉雖死而亦不知覺夫粗工之與謬工非不誤人惟庸工誤人最深如鯀湮洪水不知五行之道夫補者人所喜攻者人所惡醫者與其逆病人之心而不見用不若順病人之心而獲利也豈復計病者之死生乎嗚

欽定四庫全書

儒門事親

呼世無真實誰能別之今余著此吐汗下三法之詮所以該治病之法也庶幾來者有所憑藉耳夫病之一物非人身素有之也或自外而入或由內而生皆邪氣也邪氣加諸身速攻之可也速去之可也攬而留之可乎雖愚夫愚婦皆知其不可也及其聞攻則不悅聞補則樂之今之醫者曰當先固其元氣元氣實邪自去世間如此妄人何其多也夫邪之中人輕則傳久而自盡頗甚則傳久而難已更甚則暴死若先論固其元氣以補



劑補之真氣未勝而邪已交馳橫驚而不可制矣惟脈
脫下虛無邪無積之人始可議補其餘有邪積之人而
議補者皆絲湮洪水之徒也今予論吐汗下三法先論
攻其邪邪去而元氣自復也況予所論之法諳練日久
至精至熟有得無失所以敢為來者言也天之六氣風
暑火濕燥寒地之六氣霧露雨雹水泥人之六味酸苦
甘辛鹹淡故天邪發病多在乎上地邪發病多在乎下
人邪發病多在乎中此為發病之三也處之者三出之

欽定四庫全書

儒門事親

者亦三也諸風寒之邪結搏皮膚之間藏于經絡之內
留而不去或發疼痛走注麻痺不仁及四肢腫痒拘攣
可汗而出之風痰宿食在膈或上脘可湧而出之寒濕
因冷熱客下焦在下之病可泄而出之內經散論諸病
非一狀也流言治法非一階也至真要大論等數篇言
運氣所生諸病各斷以酸苦甘辛鹹淡以總括之其言
補時見一二然其補非今之所謂補也文具于補論條
下如辛補肝鹹補心甘補腎酸補脾苦補肺若此之補



乃所以發腠理致津液通血氣至其統論諸藥則曰辛
甘淡三味為陽酸苦鹹三味為陰辛甘發散淡滲泄酸
苦鹹涌泄發散者歸于汗涌者歸于吐泄者歸于下滲
為解表歸于汗泄為利小溲歸于下殊不知補乃知聖
人止有三法無第四法也然則聖人不言補乎曰蓋汗
下吐以苦草木治病者也補者以穀肉菓菜養口體者
也夫穀肉菓菜之屬猶君之德教也汗下吐之屬猶君
之刑罰也故曰德教興平之梁肉刑罰治亂之藥石若

欽定四庫全書

儒門事親

人無病梁肉而已及其有病當先誅伐有過病之去也
梁肉補之如世已治矣刑措而不用豈可以藥石為補
哉必欲去大病大瘵非吐汗下末由也已然今之醫者
不得盡汗下吐法各立門牆誰肯屈己之高而一問哉
且予之三法能兼衆法用藥之時有按有蹻有揃有導
有減有增有續有止今之醫者不得予之法皆仰面傲
笑曰吐者菘蒂而已矣汗者麻黃升麻而已矣下者芭
荳牽牛朴硝大黃甘遂芫花而已矣既不得其術從而



誣之予固難與之苦辯故作此詮所謂三法可以兼衆
法者如引涎瀉涎嚏氣追淚凡上行者皆吐法也灸蒸
熏潔洗熨烙針刺砭射導引按摩凡解表者皆汗法也
催生下乳磨積逐水破經泄氣凡下行者皆下法也以
余之法所以該衆法也然予亦未嘗以此三法遂棄衆
法各相其病之所宜而用之以十分率之此三法居其
八九而衆所當纔一二也或言內經多論鍼而少論藥
者蓋聖人欲明經絡豈知針之理即所謂藥之理即今
欽定四庫全書
儒門事親
著吐汗下三篇各條藥之輕重寒溫于左仍于三法之
外別著原補一篇使不預三法恐後之醫者泥于補故
置之三篇之末使用藥者知吐中有汗下中有補止有
三法內經曰知其要者一言而終是之謂也
凡在上者皆可吐式十四
夫吐者人之所畏且順而下之尚猶不樂況逆而上之
不悅者多矣然自曾已上大滿大實病如膠粥微丸微
散皆兒戲也非吐病安能出仲景之言曰大法春宜吐



蓋春時陽氣在上人氣與邪氣亦在上故宜吐也涌吐之藥或丸或散中病則止不必盡劑過則傷人然則四時有急吐者不必直待春時也但仲景言其大法耳今人不得此法遂廢而不行試以名方所記者略數之如仲景傷寒論中以葱根白荳豉湯以吐頭痛梔子厚朴湯以吐懊懷瓜蒂散以吐傷寒六七日因下後腹滿無汗而喘者如此三方豈有殺人者乎何今議予好涌者多也又如孫氏千金方風論中數方往往皆効近代本

欽定四庫全書

儒門事親

事方中稀涎散吐膈實中滿痰厥失音牙關緊閉如喪神守萬全方以鬱金散吐頭痛眩運頭風惡心沐浴風近代普濟方以吐風散追風散吐口噤不開不省人事以皂角散吐涎潮總錄方中以常山散吐瘧孫尚方以三聖散吐發狂神驗方吐舌不正補亡篇以遠志去心春分前服之預吐瘟疫此皆前人所用之藥也皆有効者何今之議予好涌者多也惟養生必用方言如吐其涎令人跛躄校正方已引風門中碧霞丹為證予不須



辯也但內經明言高者越之然名醫錄中惟見太倉公
華元化徐文伯能明律用之自餘無聞乃知此法廢之
久矣今予驟用于千載寂寥之後宜其驚且駭也惜乎
黃帝岐伯之書伊摯仲景之論棄為閒物縱有用者指
為山野無韻之人豈不謬哉予之用此吐法非偶然也
曾見病之在上者諸醫盡其技而不效余反思之投以
涌劑少少用之頗獲徵應既以乃廣訪多求漸臻精妙
過則能止少則能加一吐之中變態無窮屢用屢驗以

欽定四庫全書

儒門事親

至不疑故凡可吐令條達者非徒木鬱然凡在上者皆
宜吐之且仲景之論膈上諸實鬱而痛不能愈使人按
之及有涎唾下痢十餘行其脈沈遲寸口脈微滑者此
可吐之吐之則止仲景所謂膈上諸實按之及有涎唾
者皆邪氣在上也內經曰下痢脈遲而滑者內實也寸
口脈微滑者上實也皆可吐之王冰曰上盛不已吐而
奪之仲景曰宿食在上脘當吐之又如宿飲酒積在上
脘者亦當吐之在中脘者當下而去之仲景曰病人手



足厥冷兩手脈乍結以客氣在胃中心下滿而煩欲食不能食者知病在胃中當吐之余嘗用吐方皆是仲景方中瓜蒂散吐傷寒頭痛用葱根白豈豉湯以吐雜病頭痛或單瓜蒂名獨聖加茶末少許以吐痰飲食加全蝎稍以吐兩脇肋刺痛濯濯水聲者內經所謂濕在上以苦吐之者其是謂歟今人亦有竊予之法者然終非口授或中或否或涌而不能出或出而不能止豈知上涌之法名曰撩痰撩之一字自有擒縱卷舒頃有一工

欽定四庫全書

儒門事親

吐陳下一婦人半月不止涎至數斗命懸湏臾倉皇失計求予解之予使煎麝香湯下咽立止或問麝香何能止吐予謂之曰瓜苗聞麝香即死吐者瓜蒂也所以立解如藜蘆吐者不止以葱白湯解之以石藥吐者不止以甘草貫衆解之諸草木吐者可以麝香解之以本草考之吐藥之苦寒者有豈豉瓜蒂茶末梔子黃連苦參大黃黃芩辛苦而寒者有鬱金常山藜蘆甘苦而寒者有地黃汁苦而溫者有木香遠志厚朴辛苦而溫者有



薄荷芫花辛而溫者有穀菁草葱根鬚辛而寒者有輕
粉辛甘而溫者有烏頭附子尖酸而寒者有晉礬綠礬
蟄汁酸而平者有銅礬甘酸而平者有赤小荳酸而溫
者有飯漿酸辛而寒者有膽礬酸而寒者有青鹽白米
飲辛鹹而溫者有皂角甚鹹而寒者有滄鹽甘而寒者
有牙硝甘而微溫且寒者有參蘆頭甘辛而熱者有蝎
稍凡此三十六味惟常山膽礬瓜蒂有小毒藜蘆芫花
輕粉烏附尖有大毒外二十六味皆吐藥之無毒者各

欽定四庫全書

儒門事親

對證擢而用之此法宜先小服不滿積漸加之予之擦
痰者以釵股雞羽探引不出以蟄投之投之不吐再投
之且投且探無不出者吐至昏眩慎勿驚疑書曰若藥
不瞑眩厥疾弗瘳如發頭眩可飲冰水立解如無冰時
新汲水亦可強者可一吐而安弱者可作三次吐之庶
無損也吐之次日有頓快者有轉甚者蓋引之而吐未
平也俟數日當再涌之如覺渴者冰水新水瓜梨柿及
涼物皆不禁惟禁貪食過飽硬物乾脯難化之物心火



既降中脘冲和陰道必強大禁房勞大憂悲思病人既不自責衆議因而噪之歸罪于吐法起謗其由此也故性行剛暴好怒喜淫之人不可吐左右多嘈雜之言不可吐病人頗讀醫書實非深解者不可吐主病者不能辨邪正之說不可吐病人無正性妄言妄從反覆不定者不可吐病勢熾危老弱氣衰者不可吐自吐不止亡陽血虛者不可吐諸吐血嘔血咯血衄血嗽血崩血失血者皆不可吐吐則轉生他病浸成不救反起謗端雖

欽定四庫全書

儒門事親

懇切求慎勿強從恐有一失愈令後世不信此法以小不善累大善也必標本相得彼此相信真知此理不聽浮言審明某經某絡某臟某腑某氣某血某邪某病決可吐者然後吐之是予之所望于後之君子也庶幾不使此道湮微以新傳新耳

凡在表者皆可汗式十五

風寒暑濕之氣入于皮膚之間而未深欲速去之莫如發汗聖人之刺熱五十九刺為無藥而設也皆所以開



玄府而逐邪氣與汗同然不若以藥發之使一毛一竅
無不啓發之為速也然發汗亦有數種世俗止知惟溫
熱者為汗藥豈知寒涼亦能汗也亦有薰漬而為汗者
亦有導引而為汗者如桂枝湯桂枝麻黃各半湯五積
散敗毒散皆發汗甚熱之藥也如升麻湯葛根湯解飢
湯逼毒散皆辛溫之藥也如大柴胡湯小柴胡湯柴胡
飲子苦寒之藥也如通聖散雙解散當歸散子皆辛涼
之藥也故外熱內寒宜辛溫外寒內熱宜辛涼平準所

欽定四庫全書

儒門事親

謂導引而汗者華元化之虎鹿熊猴鳥五禽之戲使汗
出如傅粉百疾皆愈所謂薰漬而汗者如張苗治陳廩
丘燒地布桃葉蒸之大汗立愈又如許胤宗治許太后
感風不能言作防風湯數斛置于牀下氣如煙霧如其
言遂愈能言此皆前人用之有驗者以本草校之荊芥
香白芷陳皮半夏細辛蒼朮其辛而溫者乎蜀椒胡椒
茱萸大蒜其辛而大熱者乎生薑其辛而微溫者乎天
麻葱白其辛而平者乎青皮薄荷其辛而溫者乎防



已秦芫其辛而且苦者乎麻黃人參大棗其甘而溫者
乎葛根赤茯苓其甘而平者乎桑白皮其甘而寒者乎
防風當歸其甘辛而溫者乎附子其甘辛而大熱者乎
官桂桂枝其甘辛而大熱者乎厚朴其苦而溫者乎桔
梗其苦而微溫者乎黃芩知母枳實地骨皮其苦而寒
者乎前胡柴胡其苦而微寒者乎羌活其苦辛而微溫
者乎升麻其苦甘且平者乎芍藥其酸而微寒者乎浮
萍其辛酸而寒者乎凡此四十味皆發散之屬也惟不

欽定四庫全書

儒門事親

善擇者當寒而反熱當熱而反寒此病之所以變也仲
景曰大法春夏宜汗春夏陽氣在外人氣亦在外邪氣
亦在外故宜發汗然仲景舉其略耳設若秋冬得春夏
之病當不發汗乎但春夏易汗而秋冬難耳凡發汗欲
周身熱熱然不欲如水淋漓欲令手足俱周遍汗出一
二時為佳若汗暴出邪氣多不出則當重發汗則使人
亡陽凡發汗中病則止不必盡劑要在劑當不欲過也
此雖仲景調理傷寒之法至于雜病復何異哉且如傷



寒麻黃之類為表實而設也桂枝湯之類為表虛而設也承氣湯為陰虛而設也四逆湯為陽虛而設也表裏俱實者所謂陽盛陰虛下之則愈表裏俱虛者所謂陰盛陽虛汗之則愈也所謂陽為表而陰為裏也如表虛亡陽發汗則死發汗之法辨陰陽別表裏定虛實然後汗之隨治隨應設若飧泄不止日夜無度完穀下出發汗可也內經曰春傷于風夏生飧泄此以風為根風非汗不出昔有人病此者腹中雷鳴泄注米穀不分小便澀滯皆曰脾胃虛寒故耳荳蔻烏梅罌粟殼乾薑附子曾無一効中脘臍下灸已數千燥熱轉甚小溲涸竭瘦削無力飲食減少命予視之予以謂應象論曰熱氣在下水穀不分化生飧泄寒氣在上則生臌脹而氣不散何也陰靜而陽動故也診其兩手脈息俱浮大而長身表微熱用桂枝麻黃湯以薑棗煎大劑連進三服汗出終日至旦而愈次以胃風湯和平臟腑調養陰陽食進病愈又貧家一男子年二十餘病破傷風搐牙關緊急

欽定四庫全書

儒門事親



角弓反張棄之空室無人問者時時呻呼予怜其苦以風藥投之口噤不能下乃從兩鼻竅中灌入咽喉約一中椀死中求生其藥皆大黃甘遂牽牛硝石之類良从上涌下泄吐且三四升下一二十行風搐立止肢體柔和旦已自能起口雖開尚未能言予又以桂枝麻黃湯三兩作一服使啜之汗出周匝如洗不三日而痊又如小兒之病驚風搐搦涎潮熱鬱舉世皆用大驚丸抱龍丸鎮心丸等藥間有不愈者予潛用瓜蒂赤小荳等分

欽定四庫全書

儒門事親

共為細末以猪膽汁浸蒸餅為丸衣以螺青或丹砂以漿水乳汁送之良以風涎涌出一兩掬三五日一涌涌三五次漸以通聖散稍熱服之汗熱熱然病日已矣頃又治一狂人陰不勝其陽則脈流薄厥陽并乃狂難經曰重陽者狂重陰者癲陽為腑陰為臟非陽熱而陰寒也熱并于陽則狂狂則生寒并于陰則癲癲則死內經曰足陽明有實則狂故登高而歌棄衣而走無所不為是熱之極也以調胃承氣大作湯下數十行三五日復



上涌一二升三五日又復下之凡五六十日下百餘行
吐亦七八度如吐時暖室置火以助其熱而汗少解數
汗方平又治一酒病人頭痛身熱惡寒狀類傷寒診其
脈兩手俱洪大三兩日不圍予以防風通聖散約一兩
用水一中椀生薑二十餘片葱鬚根二十莖荳豉一大
撮同煎三五沸去滓稍熱分作二服先服一服多半須
臾以釵股探引咽中吐出宿酒酒之香味尚然約一兩
掬頭上汗出如洗次服少半立愈內經曰火鬱發之發

欽定四庫全書

儒門事親

為汗之令其疎散也又嘗治一稅官病風寒濕痺腰脚
沈重浮腫夜則痛甚兩足惡寒經五六月間猶綿脛靴
足腰膝皮膚少有跣露則冷風襲之流入經絡其痛轉
劇走注上下往來無定其痛極處便摩急而腫起肉色
不變腠理開如蟲行每遇風冷病必轉增飲食轉減肢
體瘦乏須人扶掖猶能行立所服者烏附薑桂種種燥
熱燔針著灸莫知其數前後三年不獲一愈一日命予
脈之其兩手皆沈滑有力先以導水丸通經散各一服



是夜瀉三十餘行痛減半遂漸服赤茯苓湯川芎湯防
風湯此三方在宣明論中治痺方是也日三服煎七八
錢藜藜然汗出余又作玲瓏竈法薰蒸血熱病必增劇
諸汗法古方亦多有之惟以吐發汗者世罕知之故予
嘗曰吐法兼汗良以此夫

凡在下者皆可下式十六

下之攻病人亦所惡聞也然積聚陳莖于中留結寒熱
于內留之則是耶逐之則是耶內經一書惟以氣血通

欽定四庫全書

儒門事親

流為貴世俗庸工惟以閉塞為貴又止知下之為瀉又
豈知內經之所謂下者乃所謂補也陳莖去而腸胃潔
癥瘕盡而榮衛昌不補之中有真補者存焉然俗不信
下之為補者蓋庸工妄投下藥當寒反熱當熱反寒未
見微功轉成大害使聰明之士亦復不信者此也所以
謂寒藥下者調胃承氣湯泄熱之上藥也大小桃仁承
氣次也陷胃湯又其次也大柴胡又其次也以涼藥下
者八正散泄熱兼利小溲洗心散抽熱兼治頭目黃連



解毒散治內外上下畜熱而不泄者四物湯涼血而行
經者也神芎丸解上下畜熱而泄者也以溫藥而下者
無憂散下諸積之上藥也十棗湯下諸水之上藥也以
熱藥下者煮黃丸纏金丸之類也急則用湯緩則用丸
或以湯送丸量病之微甚中病即止不必盡劑過而生
愆仲景曰大法秋宜瀉謂秋則陽氣在下人氣與邪氣
亦在下故宜下此仲景言其大槩耳設若春夏有可下
之疾當不下乎此世之庸工踟躕遷延誤人大病者也

欽定四庫全書

儒門事親

皆曰夏月豈敢用過藥瀉脫胃氣嗚呼何不達造化之
甚也內經稱土火之鬱發四時之氣以五月先取化源瀉
土補水又曰土鬱則奪之王太僕注云奪謂下之令無
壅礙也然則于五月先防土壅之發令人下奪素問之
言非歟然隨證不必下奪在良工消息之也予所以言
此者矯世俗期不誤大病暴病者耳故土鬱之為奪雖
大承氣湯亦無害也試舉大承氣之藥論大黃苦寒通
九竅利大小便除五臟六腑積熱芒硝鹹寒破痰散熱



潤腸胃枳實苦寒為佐使散滯氣消痞滿除腹脹厚朴
辛溫和脾胃寬中通氣此四味雖為下藥有泄有補卓
然有奇功劉河間又加甘草以為三一承氣以甘和其
中最得仲景之秘也予嘗以大承氣改作調中湯加以
薑棗煎之俗見薑棗以為補脾胃而喜服不知其中有
大黃芒硝也惡寒喜暖取補故自古及今天下皆然此
內經之法抑屈而不伸者也此藥治中滿痞氣不大便
者下五七行殊不困乏次日必神清氣快膈空食進內

欽定四庫全書

儒門事親

經曰脾為之使胃為之市人之食飲酸鹹甘苦百種之
味雜湊于此壅而不行蕩其舊而新之亦脾胃之所望
也況中州之人食雜而不勞者乎中州土也兼載四象
木金水火皆聚此中故脾胃之病奈何中州之醫不善
掃除倉廩使陳莖積而不能去也猶曰我善補大罪也
此藥有奇功皆謂服之便成傷敗乃好丹而非素者也
或言男子不可以瀉婦人不可以吐何妄論之甚也可
吐則吐可下則下豈問男女乎大人小兒一切所傷之



物在胃脘如兩手脈遲而滑者內實也宜下之何以別乎蓋傷宿食者惡食傷風者惡風傷寒者惡寒傷酒者惡酒至易辨也故凡宿食在胃脘皆可下之則三部脈平若心下按之而硬滿者猶宜再下之如傷寒大汗之後重復勞發而為病者蓋下之後熱氣不盡故也當再下之若雜病腹中滿痛不止者此為內實也金匱要畧曰痛而腹滿按之不痛為虛痛者為實難經曰痛者為實腹中滿痛裏壅為實故可下之不計雜病傷寒皆宜

欽定四庫全書

儒門事親

急下之宜大承氣湯或導水丸或泄水丸等藥過十餘行如痛不已亦可再服痛已則止至如傷寒大汗之後發熱脈沈實及寒熱往來時時有涎嗽者宜大柴胡湯加當歸煎服之下三五行立愈產後慎不可作諸虛不足治之必變作骨蒸寒熱飲食不入肌膚瘦削經水不行經曰寒則衰飲食熱則消肌肉人病瘦削皆粗工以藥消燬之故也嗚呼人之死者豈為命乎難經曰實實虛虛損不足而益有餘如此死者醫殺之耳至如目黃



九疸食勞皆屬脾土可下之宜茵陳蒿湯或用導水丸
禹攻散瀉十餘行次以五苓散桂苓甘露散白朮丸等
藥服之則愈矣或腰脚胯痛可用甘遂粉二三錢以豬
猪腰子薄批七八片搽藥在內以濕紙包數重文武火
燒熟至臨卧細嚼以溫酒或米飲湯調下至平明見一
二十行勿訝意欲止瀉則飲水或新水頓服之瀉立止
次服通經和氣定痛烏金丸踡馬丹之類則愈矣內經
有不因氣動而病生于外者太僕以為瘴氣賊魅蟲毒

欽定四庫全書

儒門事親

蜚尸鬼擊衝薄墜墮風寒暑濕斫射剝割撞撲之類至
如諸落馬墮井打撲閃肭損折湯沃火燒車碾犬傷腫
發焮痛日夜號泣不止者予尋常談笑之間立獲大効
可峻瀉三四十行痛止腫消乃以通經散下導水丸等
藥如瀉水少則可再加湯劑瀉之後服和血消腫散毒
之藥病去如掃此法得之睢陽高大明侯德和使外傷
者不致癱殘跛躄之患予非敢掩人之善意在救人耳
曾有鄰人杖瘡發作腫痛焮及上下語言錯亂時時嘔



吐數日不食皆曰不救予以通經散三四錢下神祐丸
百餘丸相併而下間有嘔出者大半已下膈矣良久大
瀉數行穢不可近膿血涎沫瘀毒約一二斗其病人困
睡不省一日一夜隣問予予曰喘息勻停腫消痛減故
得睡也來旦語清食進不數日痊救杖瘡欲死者四十
年間二三百余追思舉世杖瘡死者皆枉死也自後凡
見冤人被責者急以導水丸禹功散大作劑料瀉驚涎
一兩盆更無發腫痛焮之難如導水丸禹功散泄瀉不

欽定四庫全書

儒門事親

動更加之通經散神祐丸瀉之瀉訖須忌熱物止可喫
新汲水一二頓瀉止立愈至如沈積多年羸劣者不可
便服陡攻之藥可服纏積丹三稜丸之類內經曰重者
因而減之若人年老衰弱有虛中積聚者止可五日一
服萬病無憂散故凡積年之患豈可一藥而瘉即可減
而去之以本草攷之下之寒者有戎鹽之鹹犀角之酸
鹹滄鹽澤瀉之甘鹹枳實之苦酸膩粉之辛澤漆之苦
辛杏仁之苦甘下之之微寒者有猪膽之苦下之大寒



者有牙硝之甘大黃瓜蒂牽牛苦瓠子藍汁牛膽羊蹄
根苗之苦大戟甘遂之苦甘朴硝芒硝之苦辛下之温
者有檳榔之辛芫花之苦辛石密之甘皂角之辛鹹下
之熱者有芭荳之辛下之辛涼者有猪羊血之鹹下之
平者有郁李仁之酸桃花萼之苦右三十味惟牽牛大
戟芫花皂角羊蹄根苦瓠子瓜蒂有小毒芭荳甘遂膩
粉杏仁之有大毒餘皆無毒設若疫氣冒風中酒小兒
瘡疹及產後潮熱中滿敗血勿用銀粉杏仁大毒之藥

欽定四庫全書

儒門事親

下之必死不死即危且如檳榔犀角皂角皆温平可以
殺蟲透關節除腸中風火爆結大黃芒硝朴硝等鹹寒
可以治傷寒熱病時氣瘟毒發斑瀉血燥熱發狂大作
蕩劑以蕩滌積熱澤瀉羊蹄根苗牛膽藍葉汁苦瓠子
亦苦寒可以治水腫遍身腹大如鼓大小便不利及目
黃濕毒九疸食勞疔蟲食土生米等物分利水濕通利
大小便蕩滌腸胃間宿穀相搏又若備急丸以芭荳乾
薑大黃三味蜜和丸之亦是下藥然止可施于辛苦勞



力貧食粗辣之輩或心腹脹滿脇肋刺痛暴痛不住服
五七丸或十丸瀉五七行以救急若施之富貴城郭之
人則非矣此藥用砒石治瘧相類止可施之于貧食之
人若備急丸治傷寒風溫中酒胃風及小兒瘡疹產後
滿悶用之下膈不死則危及夫城郭之人富貴之家用
此下藥亦不死則危矣奈何庸人畏大黃而不畏芑荳
粗工喜芑荳而不喜大黃蓋庸人以芑荳惟熱而不畏
以大黃性寒而畏粗工以芑荳劑小而喜以大黃劑大
而不喜皆不知理而至是也豈知諸毒中惟芑荳為甚
去油匱之蠟猶能下後使人津液涸竭留毒不去胸熱
口燥他病轉生故下藥以芑荳為禁予嘗用前十餘藥
如身之使臂臂之使手然諸洞泄寒中者不可下俗謂
休息痢也傷寒脈浮者不可下表裏俱虛者不宜下內
經中五痞心證不宜下厥而唇青手足冷內熱深者宜
下寒者不宜下以脈別之小兒內瀉轉生慢驚及兩目
直視魚出氣者亦不宜下若十二經敗甚亦不宜下止

欽定四庫全書

儒門事親



宜調養溫以和之如不則必誤人病耳若其餘大積大聚大病大秘大澗大堅下藥乃補藥也予嘗曰瀉法兼補法良以此夫

推原補法利害非輕說十七

原補一篇不當作由近論補者與內經相違不得不作耳夫養生當論食補治病當論藥攻然聽者皆逆耳以予言為蔽蓋議者嘗知補之為利而不知補之為害也論補者蓋有六法平補峻補溫補寒補筋力之補房室

欽定四庫全書

儒門事親

之補以人參黃耆之類為平補以附子硫黃之類為峻補以荳蔻官桂之類為溫補以天門冬五加皮之類為寒補以芫荇菝葜之類為筋力之補以石燕海馬起石丹砂之類為房室之補此六者近代之所謂補者也若施之治病非徒功效疎濶至其害不可勝言者難經言東方實西方虛瀉南方補北方此言肝木實而肺金虛瀉心火補腎水也以此論之前所謂六補者了不相涉試舉補之所以為害者如癰本夏傷于暑議者以為脾



寒而補之溫補之則危峻補之則死傷寒熱病下之後
若以溫辛之藥補之熱當復作甚則不救瀉血血止之
後若溫補之血復熱小溲不利或變水腫霍亂吐瀉本
風濕暍合而為之溫補之則危峻補之則死小兒瘡疤
之後有溫補之必發癰腫焮痛婦人大產之後心火未
降腎水未升如黑神散補之輕則危甚則死老人目暗
耳聾腎水衰而心火盛也若峻補之則腎水彌涸心火
彌茂老人腎虛腰脊痛腎惡燥腰者腎之府也峻補之

欽定四庫全書

儒門事親

則腎愈虛矣老人腎虛無力夜多小溲腎主足腎水虛
而火不下故足痿心火上乘肺而不入脬囊故夜多小
溲若峻補之則火益上行脬囊亦寒矣老人喘嗽火乘
肺也若溫補之則甚峻補之則危停飲之人不可補補
則痞悶轉增脚重之人不可補補則脛膝轉重男子二
十上下而精不足女子二十上下而血不流皆二陽之
病也時人不識便作積冷極憊治之以溫平補之夫積
溫尚成熟而況燔鍼于臍下火炙手足腕骨內經本無



勞證由此變而為勞煩渴咳嗽涎痰肌瘦寒熱往來寢汗不止日高則顏赤皆以為傳尸勞不知本無此病醫者妄治而成之耳夫二陽者陽明也胃之經也心受之則血不流脾受之則味不化故男子少精女子不月皆由使內太過故隱蔽委曲之事各不能為也惟深知涌瀉之法者能治之又如春三月風傷于榮榮為血故陰受之溫傷于衛衛為氣故陽受之初發之後多與傷寒相似頭痛身熱口乾潮熱數日不大便仲景所謂陰陽俱浮自汗出身重多眠睡目不欲開者是也若以寒藥下之則傷臟氣若以溫藥補之則火助風溫發黃發斑溫毒熱增劇矣風溫外甚則直視潮熱譫語擗衣撮空驚惕而死者溫補之罪也內經雖言形不足者溫之以氣精不足者補之以味氣屬陽天食人以五氣血屬陰地食人以五味者戒乎偏勝非便以溫為熱也又若經云損者補之勞者溫之此溫乃溫存之溫也豈以溫為熱哉又如虛則補其母實則瀉其子者此欲權衡之得

欽定四庫全書

儒門事親



其平也又烏在燔鍼壯火煉石燒砒硫薑烏附然後為
補哉所謂補上欲其緩補下欲其急者亦焉在此等而
為急哉自有酸苦甘辛鹹淡寒涼溫熱平更相君臣佐
使耳所謂平補者使陰陽兩停是謂平補奈時人往往
惡寒喜溫甘受酷烈之毒雖死而不悔也可勝歎哉予
用補法則不然取其氣之偏勝者其不勝者自平矣醫
之道損有餘乃所以補其不足也予嘗曰吐中自有汗
下中自有補豈不信然予嘗用補法必觀病人之可補

欽定四庫全書

儒門事親

者然後補之昔維陽府判趙顯之病虛羸泄瀉褐色乃
洞泄寒中證也每聞大黃氣味即注泄予診之兩手脈
沈而軟令灸分水穴一百餘壯次服桂苓甘露散胃風
湯白朮丸等藥不數月而愈又息城酒監趙進道病腰
痛歲餘不愈診其兩手脈沈實有力以通經散下五七
行次以杜仲去粗皮細切炒斷絲為細末每服三錢猪
腰子一枚薄批五七片先以椒鹽淹去腥水摻藥在內
裹以荷葉外以濕紙數重封以文武火燒熟臨卧細嚼



以溫酒送之每旦以無比山藥丸一服數日而愈又相
臺監酒岳成之病虛滑泄日夜不止腸鳴而口瘡俗呼
為心勞口瘡三年不愈予以長流水同薑棗煎五苓散
五七錢空心使服之以治其下以宣黃連與白茯苓去
皮二味各等分為末以白麵糊為丸食後溫水下三五
十丸以治其上百日而愈又汝南節度副使完顏君寶
病臟毒下衄血發渴寒熱往來延及六載日漸瘦弱無
力面黃如染予診其兩手脈沈而身涼內經寒以為榮

欽定四庫全書

儒門事親

氣在故生可治先以七宣丸下五七行次以黃連解毒
湯加當歸赤芍藥與地榆散同煎服之一月而愈若此
數證予雖用補未嘗不以攻藥居其先何也蓋邪未去
而不可言補補之則適足資寇故病蠲之後莫若以五
穀養之五菜助之五畜益之五菜充之相五臟所宜毋
使偏傾可也凡藥皆毒也非止大毒小毒謂之毒雖甘
草苦參不可不謂之毒久服必有偏勝氣增而久天之
由也是以君子貴流不貴滯貴平不貴強盧氏云強中



生百病其知言哉人惟恃強房勞之病作矣何貴于補哉以太宗憲宗高明之資猶陷于流俗之蔽為方士燥藥所誤以韓昌黎元微之猶死于小洩不通水腫有服丹置數妾而死于暴脫有服草烏頭如聖丸而死于鬚瘡有服乳石流黃小洩不通有習氣求嗣而死于精血有嗜酒而死于發狂見鬼有好茶而為癖乃知諸藥皆不可以服但可攻邪邪去則已近年運使張伯英病宿傷服硫黃薑附數月一日喪明監察陳威卿病嗽服鍾

欽定四庫全書

儒門事親

乳粉數年嘔血而殞嗚呼後之談補者尚監茲哉

證口眼喎斜是經非竅辯十八

口眼喎斜者俗工多與中風掉眩證一槩治之其藥則靈寶至寶續命清心一字急風烏犀鐵彈丸其方非不言治此證也然而不愈者何也蓋知竅而不知經知經而不知氣故也何謂知竅而不知經蓋人之首有七竅如日月五星七政之在天也故肝竅目目為肝之外候肺竅鼻鼻為肺之外候心竅舌舌無竅心與腎合而寄



竅于耳故耳與舌俱為心之外候俗工止知目病歸之
肝口病歸之脾耳病歸之腎舌病歸之心更無改張豈
知目之內眚上下二綱足太陽及足陽明起于此目之
銳眚足少陽起于此手少陽至于此鼻之左右足陽明
手陽明俠乎此口之左右亦此兩經環乎此故七竅有
病不可獨歸之五臟當歸之六陽經也予曰俗工知竅
而不知經者此也何謂知經而不知氣蓋世之談方藥
者不啻千萬止不過堅執本草性味其知十二經所出

欽定四庫全書

儒門事親

所入所循所環所交所合所過所注所起所會所屬所
絡所上所下所俠所貫所布所散所結所繞所抵所連
所係所約所同所別千萬人中或見一二名明可謂難
其人矣然而不過執此十二經便為病本將陽經為熱
陰經為寒向本草中尋藥藥架上檢方而已矣病之不
愈又何訝焉豈知靈樞經曰足之陽明手之太陽筋急
則口目為辟此十二經及受病之處也非為病者也及
為病者天之六氣也六氣者何風暑燥濕火寒是也故



曰俗工知經而不知氣者此也然則口目喎斜者此何經也何氣也足之太陽足之陽明左目有之右目亦有之足之陽明手之陽明口左有之口右亦有之此兩道也靈樞又言足陽明之筋其病頰筋有寒則急引頰移口熱則筋弛縱緩不勝收故僻是左寒右熱則左急而右緩右寒左熱則右急而左緩故偏於左者左寒而右熱偏於右者右寒而左熱也夫寒不可徑用辛熱之劑蓋左中寒則逼熱于右右中寒則逼熱于左陽氣不得

欽定四庫全書

儒門事親

宣行故也而況風者甲乙木也口眼陽明皆為胃土風偏賊之此口目之所以僻也是則然矣七竅惟口目喎斜而耳鼻獨無此病者何也蓋動則風生靜則風息天地之常理也考之易象有足相符者震巽主動坤艮主靜動者皆屬木靜則皆屬土觀卦者視之理也視者目之用也目之上綱則眨下綱則不眨故觀卦上巽而下坤頤卦者養之理也養者口之用也口之下頤則嚼上領則不嚼故頤卦上艮而下震口目常動故風生焉耳



鼻常靜故風息焉當思目雖斜而目之眦眶未嘗斜口
雖喎而口之輔車未嘗喎此經之受病非竅之受病明
矣而況目有風輪唇有飛門者耶予嘗治此證未嘗用
世俗之藥非故與世參商方鑿圓枘自然齟齬者過穎
一長吏病此命予療之目之斜灸以承泣口之喎灸以
地倉俱効苟不効者當灸人迎夫氣虛風入而為偏上
不得出下不得泄真氣為風邪所陷故宜灸內經曰陷
下則灸之正謂此也所以立愈又嘗過東杞一夫亦患

欽定四庫全書

儒門事親

此予脈其兩手急數如弦之張甚力而實其人齒壯氣
充與長吏不同蓋風火交勝予調承氣湯六兩以水四
升煎作三升分四服令稍熱啜之前後約瀉四五十行
去一兩盆次以苦劑投之解毒數服以升降水火不旬
日而愈脈訣云熱則生風若此者不可純歸其病於窻
隙之間而得亦風火素感而然也蓋火勝則制金金衰
則木茂木茂則風生若東杞之人止可流濕潤燥大下
之後使加滄通鬱為大靈樞雖有馬膏桂酒雙塗之法



此但治其外耳非治其內也今人不知其本欲以單服
熱水強引而行之未見其愈者也向之用薑附烏桂起
石硫黃之劑者是耶非耶

疝本肝經宜通勿塞狀十九

疝有七前人論者甚多非靈樞素問銅人之論予皆不
取非予好異也但要窮其原耳七疝者何寒疝水疝筋
疝血疝氣疝狐疝癩疝是謂七疝俗工不識因立謬名
或曰膀胱或曰腎冷或曰小腸氣小兒曰偏氣立名既

欽定四庫全書

儒門事親

謬併喪其實何哉蓋醫者既斷為膀胱腎冷小腸氣又
曰虛寒所致其藥之用也不鹿茸巴戟則杜仲菝蓉不
附子烏頭則乾薑官桂不練實懷香則金鈴補骨脂朝
吞暮餌曾無殊効三二十年牢不可去間因微病稍似
開通執此微芒浸成大錯標既不除本必歸甚處處相
傳曾無覺者豈知諸疝皆歸肝經其奈痛流歸之小腸
脬囊夫膀胱水府專司滲泄小腸水道專主通流腎為
少陰總統二水人之小溲自胃入小腸滲入膀胱膀胱



者睥囊也氣化則水出莖端此常道也及其為疝乃屬足厥陰肝經蓋環陰器而上入小腹者足厥陰肝經也夫肝腎皆屬于下與衝任督相附然靈樞經言足厥陰肝經病則有遺溺癃閉狐疝主腎與膀胱小腸三經則不言疝是受疝之處乃肝之部分也且內經男子宗筋為束骨之會也而肝主筋畢者囊中之丸雖主外腎非厥陰環而引之與玉莖無由伸縮在女子則為篡戶其內外為二其一曰廷孔其二曰竅漏此足厥陰與衝任

欽定四庫全書

儒門事親

督之所會也靈樞言足厥陰之經筋聚于陰器其病傷於寒則陰縮入傷于熱則縱挺不收治在行卧清陰氣故陽明與太陰厥陰之筋皆會于陰器惟厥陰主筋故為疝者必本之厥陰靈樞又言足厥陰之別名曰蠡溝去內踝五寸別走少陽循脛上畢結于莖其病氣逆畢腫卒疝實則挺長虛則暴痒取之所別矣豈非厥陰為受病之處耶靈樞又言邪在小腸連畢係屬于腎貫肝絡肺心系氣盛厥逆上衝腸胃燻肝散于育結于臍故



取之育原以散之刺太陰以平之取厥陰以下之取巨
虛下廉以去之按其所過之經以調之此其初雖言邪
在小腸至其治法必曰取厥陰以下之乃知諸疝關於
厥陰可以無疑以脈考之素問云厥陰滑為狐疝少陽
滑為肺風疝太陰滑為脾風疝陽明滑為心風疝太陽
滑為腎風疝少陰滑為肝風疝凡此六疝雖見于他脈
中皆言風疝者足厥陰肝經之氣也靈樞亦曰心脈微
滑為心疝肝脈滑甚為癢癢腎脈滑甚為癢癢凡此三

欽定四庫全書

儒門事親

藏脈之疝亦以滑為疝也素問又云脈大急皆為疝心
脈滑傳為心疝肺脈沈傳為肺疝三陰急為疝三陽急
為癢王太僕云太陽受寒血凝為癢太陰受寒氣聚為
疝此言太陰受寒傳之肝經也可以溫藥逐之不可以
溫藥補之若補之者是欲病去而強挽留之也歷考素
問三陽為病發寒熱其傳為癩疝此亦言膀胱非受病
之處必傳于厥陰部分然後為疝也又言病在少腹腹
痛不得大小便病名曰疝得之寒言脈急者曰疝癢少



腹痛凡言少腹者豈非厥陰之部分耶又言脾風傳胃
名曰疝瘕此謂非肝木不能為風氣名曰厥疝蓋脾土
虛而不能制水又為肝木所凌也又言督脈為衝疝蓋
厥陰與衝任督俱會于前陰也豈不明哉至如運氣中
又言歲太陽在泉寒淫所勝民病少腹控睪蓋寒客于
小腸膀胱則肝木縮而不得伸行母傳之子也陽明司
天燥淫所勝丈夫癩疝婦人少腹痛此言肝氣不得上
行為金所抑鬼賊故也又言太陰在泉土勝則寒氣逆

欽定四庫全書

儒門事親

滿食飲不下甚則為疝此亦言寒客太陰濕土土不勝
水水傳之肝經也又嘗徧閱銅人俞穴亦相表裏如背
上十三椎俞肝經言寒疝腹部中行惟陰交一穴言寒
疝任脈之所發也關元一穴言暴疝小腸之募足三陰
任脈之會也中極一穴言疝瘕膀胱之募亦足三陰任
脈之會也曲骨一穴言癢疝任脈足厥陰之會也其腹
部第二行育脬二穴言寒疝衝脈足少陰之會也四病
上穴言疝瘕衝任脈足少陰腎之會也其腹部第三行



大巨二穴言癘疝足陽明脈氣之所發也氣衝二穴言癘疝莖中痛兩丸寒痛亦足陽明脈氣之所發也其腹部第四行府合二穴言疝痛足六陰厥陰陰維之交會也亦太陰部三陰陽明支別也衝門二穴言陰疝足太陰厥陰之會也其在側脇者五樞二穴言寒疝陰邪上入少腹帶脈下三寸也其在足六經者足厥陰穴十名言疝者七謂大敦行間太衝中封蠡溝中都曲泉足少陽穴十四名言疝者一謂丘墟穴也足太陰穴十一名言疝者一謂陰陵泉也足陽明穴十五名言疝者一謂陰市穴也足少陰穴十名言疝者五謂然谷大谿照海交信築賓也足太陽穴十八名言疝者二謂金門合陽也

欽定四庫全書

儒門事親

也由是言之惟厥陰言疝獨多為疝之主也其穴經穴雖亦治疝終非受疝之地但與足厥陰相連耳或在泉寒勝木氣攣縮禁于此經或司天燥勝木氣抑鬱于此經或忿怒悲哀憂抑頓挫結于此經或藥淋外固閉尾縮精壅于此經其病差別如此不知世間之藥多熱補



從誰而受其方也信其方則素問靈樞銅人皆非也信
素問靈樞銅人則俗方亦皆非也不知後之君子以孰
為是嗚呼予立于醫四十餘歲使世俗之方人人可療
予亦莫知敢廢也諳練日久因經識病然後不惑且夫
遺溺閉癰陰痿瘳精滑白淫皆男子之疝也不可妄
歸之腎冷血涸不月月罷腰膝上熱足躩噉乾癰閉少
腹有塊或定或移前陰突出後陰痔核皆女子之疝也
但女子不謂之疝而謂之瘕若年少而得之不計男子

欽定四庫全書

儒門事親

婦人皆無子故隱蔽委曲之事了不干脬腎小腸之事
乃足厥陰肝經之職也李俗方止言脬腎小腸殊不知
肝木一句惑人甚矣且肝經乙木也木屬東方為心火
之母也凡疝者非肝木受邪則肝木自甚也不可便言
虛而補之難經所謂東方實西方虛瀉南方補北方此
言瀉火木自平金自清水自旺也昔審言為蔡之參軍
也因坐濕地疝痛不可堪諸藥莫救予急以導水丸禹
功散瀉三十餘行腫立消痛立減又項關一男子病卒



疝暴痛不任倒于街衢人莫能動呼予救之予引經證之邪氣客于足厥陰之絡令人卒疝故病陰丸痛也予急瀉大敦二穴大痛立已夫大敦穴者乃是厥陰之二穴也殄寇鎮一夫病瘡癰發渴痛飲蜜漿劇傷冰水醫者莫知瀉去其濕反雜進薑附濕為燥熱所壅三焦閉溢水道不行陰道不與陰囊腫墜大于升斗予先以導水百餘丸少頃以猪腎散投之是夜瀉青赤水一斗遂失痛之所在近穎尾一夫病卒疝赤腫大痛數日不止

欽定四庫全書

儒門事親

諸藥如水投石予以導水一百五十九令三次咽之次以通經散三錢空腹淡酒調下五更下臟腑壅積之物數行痛腫皆去不三日平復如故內經曰木鬱則達之達謂吐也令條達肝之積本當吐者然觀其病之上下以順為貴仲景所謂上宜吐下宜瀉者此也敢列七疝圖于左以示後之君子庶幾有所憑藉者焉

寒疝其狀囊冷結硬如石陰莖不舉或控睪丸而痛得于坐卧濕地或寒月涉水或冒雨雪或卧坐磚石或風



冷處使內過勞宜以溫劑下之久而無子

水疝其狀腎囊腫痛陰汗時出或囊腫而狀如水晶或囊痒而燥出黃水或少腹中按之作水聲得于飲水醉酒使內過勞汗出而遇風寒濕之氣聚于囊中故水多令人為卒疝宜以逐水之劑下之有漏鍼去水者人多不得其法

筋疝其狀陰莖腫脹或潰或膿或痛而裏急筋縮或莖中痛痛極則痒或挺縱不收或白物如精隨洩而下久

欽定四庫全書

儒門事親

而得於房室勞傷及邪術所使宜以降心之劑下之

血疝其狀如黃瓜在少腹兩傍橫骨兩端約中俗云便癰得于重感春夏大燥勞動使內氣血流溢滲入脬囊留而不去結成癰腫膿少血多宜以和血之劑下之

氣疝其狀上連腎區下及陰囊或因號哭忿怒則氣鬱之而脹怒哭號罷則氣散者是也有一治法以鍼出氣而愈者然鍼有得失宜以散氣之藥下之或小兒亦有此疾俗曰偏氣得于父已年老或年少多病陰痿精怯



強力入房因而有子胎中病也此疝不治惟築賓一穴言之

狐疝其狀如瓦卧則入小腹行立則出小腹入囊中狐則晝出穴而溺夜則入穴而不溺此疝出入上下往來正與狐相類也亦與氣疝大同小異今人帶鈎鈐是也宜以逐氣流經之藥下之

癰疝其狀陰囊腫繼如升如斗不痒不痛者是也得之地氣卑濕所生故江淮之間湫塘之處多感此疾宜以

欽定四庫全書

儒門事親

去濕之藥下之女子陰戶突出雖亦此類乃熱則不禁固也不可便謂虛寒而澁之燥之補之本名曰瘕宜以苦下之以苦堅之玉冰云陽氣下墜陰氣上爭上爭則寒多下墜則筋緩故畢垂縱緩因作癰疝也已上七疝下去其病之後可調則調可補則補各量病勢勿拘俗法經所謂陰盛而腹脹不通者癰瘕疝也不可不下

五虛五實攻補懸絕法二十

虛者補之實者瀉之雖三尺之童皆知之矣至于五實



五虛豈可與泛泛虛實用藥哉內經明言其狀如俗工不識何此二證所以見殺于委靡之手也坐視人之死猶相夸曰吾藥穩以誑病家天下士大夫亦誠以為然以誑天下後世豈不怪哉夫一身猶一國也如尋邑百萬圍昆陽此五實證也故蕭王親犯中堅而篤戰如河內饑而又經火災此五虛證也故汲黯不避矯詔而發倉此可與達權知變者論不可與貪常嗜瑣者說也故曰庸人誤天下庸工誤病人正一理也內經曰五實者

欽定四庫全書

儒門事親

死五虛者亦死夫五實者謂五臟皆實也五虛者謂五臟皆虛也府病為陽易治而鮮死臟病為陰難治而多死經明言脈盛皮熱腹脹前後不通悶瞖者五實也脈盛為心皮熱為肺腹脹為脾前後不通為腎悶瞖為肝五臟皆實之證也五虛者反是脈細皮寒氣少泄利前後飲食不入者五虛也脈細為心皮寒為肺氣少為肝泄利前後為腎飲食不入為脾此五臟皆虛之證也夫五實為五臟俱太過五虛為五臟俱不及內經言此二



證皆死非謂必死也謂不救則死救之不得其道亦死也其下復言漿粥入胃則虛者活身汗後利則實者活此兩證自是前二證之治法也後人不知是治法只作辨驗生死之斷句直謂病人有此則生無此則死虛者聽其漿粥自入胃實者聽其自汗自利便委之死地豈不謬哉夫漿粥入胃而不注泄則胃氣和胃氣和則五虛皆實也是以生也汗以泄其表利以泄其裏併泄則上下通上下通則五實皆啟矣是以生也此二證異常

欽定四庫全書

儒門事親

却不宜用班氏所謂有病不服藥之言蓋其病大且篤故也予向日從軍于江淮之上舟子病予診之乃五實也予自幼讀醫經嘗記此五實之證竟未之遇也既見其人竊私料之此不可以常法治乃可大作劑而下之殊不動搖計竭智窮無如之何忽憶桃花萼丸頓下七八丸連瀉二百餘行與前藥相兼而下其人昏困數日方已蓋大疾之已去自然卧憩不如此則病氣無由衰也徐以調和胃氣之藥饘粥日加自爾平復又嘗



過鳴鹿邸中聞有人呻吟聲息瘦削痿然無力予視之
乃五虛也予急以聖散子二服作一服此證非三錢二
錢可塞也續以胃風湯五苓散等藥各大作劑使頓服
注瀉方止而漿粥入胃不數日而其人起矣故五虛之
受不加峻塞不可得而實也彼庸工治此二證草草補
瀉如一杯水救一車薪之火也竟無成功反曰虛者不
可補實者不可瀉此何語也吁不虛者強補不實者強
攻此自是庸工不識虛實之罪也豈有虛者不可補實

欽定四庫全書

儒門事親

者不可瀉之理哉予他日又思之五實證汗下吐三法
俱行更快五虛證一補足矣今人見五實證猶有塞之
者見五虛者雖補之而非其藥本當生者反鈍滯遷延
竟至于死耳夫聖散子有乾薑尋常瀉利勿用各有標
本胃風五苓有桂所以溫經散表而分水道聖散子之
澁燥胃風五苓之能分皆辛熱辛溫之劑也俗工往往
聚訕以予好用寒涼然予豈不用溫補但不遇可用之
證也饒饒謗喙咸欲夸己以標名從誰斷之悲夫



儒門事親卷二								欽定四庫全書 儒門事親								
--------	--	--	--	--	--	--	--	----------------	--	--	--	--	--	--	--	--



欽定四庫全書

子部
儒門事親卷三

詳校官太醫院恩禮臣表天錫

編修臣倉聖脈覆勛

總校官原任中允臣王燕緒

校對官中書臣呂雲棟

騰錄監生臣洪策



欽定四庫全書

儒門事親卷三

金 張從正 撰

喉舌緩急砭藥不同解二十一

咽與喉會厭與舌此四者同在一門而其用各異喉以呼氣故喉氣通於天咽以嚥物故咽氣通於地會厭與喉上下以司開闔食下則吸而掩氣上則呼而出是以舌抵上齶則會厭能閉其咽矣四者相交為用闕一則

欽定四庫全書

儒門事親

飲食廢而死矣此四者乃氣與食出入之門戶最急之處故難經言七衝門而會厭之下為吸門及其為病也一言可了一言者何曰火內經曰一陰一陽結謂之喉痺王太僕註云一陰者手少陰君火心主之脈氣也手少陽相火三焦之脈氣也二火皆主脈並絡於喉氣熱則內結結甚則腫脹腫脹甚則痺痺甚而不通則死矣夫足少陰循喉嚥俠舌本少陰上俠咽此二者誠是也至於足陽明下人迎循喉嚥足太陰俠咽連舌本手太



陽循咽下鬲足厥陰循喉嚨之後此數經皆言咽喉獨
少陽不言咽喉而內經言一陰一陽謂之喉痺何也蓋
人讀十二經多不讀靈樞經中別十一篇具載十二經
之正其文云足少陽之正繞脾入毛際合於厥陰別者
入季脇間循胸裏屬膽散之上肝貫心以上俠咽出頤
頷散於面繫目系合少陽於外眥也又手心主之正別下
淵腋三寸入胷中別屬三焦出循喉嚨出耳後合少陽完
骨之下是手少陽三焦之氣與手心主少陰之氣相合

欽定四庫全書

儒門事親

而行于喉嚨也推十二經惟足太陽別項下其餘皆湊
于喉嚨然內經何為獨言一陰一陽結為喉痺蓋君相
二火獨勝則熱結正絡故痛且速也余謂一言可了者
火是也故十二經中言噤乾噤痛咽腫頷腫舌本強皆
君火為之也唯喉痺急速相火之所為也夫君火者猶
人火也相火者猶龍火也人火焚木其勢緩龍火焚木
其勢速內經之言喉痺則咽與舌在其間耳以其病同
是火故不分也後之醫者各詳其狀強立八名曰單乳



蛾雙乳蛾單閉喉子舌脹木舌脹纏喉風走馬喉痺熱
氣上行結薄於喉之兩傍近外腫作以其形似是謂乳
蛾一為單二為雙也其比乳蛾差小者名閉喉熱結於
舌下復生一小舌子名曰子舌脹熱結於舌中舌為之
腫名曰木舌脹木者強而不柔和也熱結於咽項腫遶
於外且麻且痒腫而大者名曰纏喉風喉痺暴發暴死
者名走馬喉痺此八種之名雖詳若不歸之火則相去
遠矣其微者可以鍼灸之而大者以辛散之今之醫者

欽定四庫全書

儒門事親

皆有其藥也如薄荷烏頭殭蠶白礬朴硝銅碌之類也
至於走馬喉痺何待此乎其生死人反掌之間耳其最
不誤人者無如砭鍼出血血出則病已易曰血去惕出
良以此夫昔余以治一婦人木舌脹其舌滿口諸藥不
愈余以銚鍼小而銳者砭之五七度腫減三日方平計
所出血幾至盈斗又治一男子纏喉風腫表裏皆作藥
不能下余以涼藥灌於鼻中下十餘行外以拔毒散傅
之陽起石燒赤與伏龍肝各等分細末每日以新水掃



百遍三日熱始退腫始消又嘗治一貴婦喉痺蓋龍火也雖用涼劑而不可使冷服為龍火宜以火逐之人火者烹飪之火是也乃使爆於烈日之中登于高堂之上令侍婢攜火爐坐藥銚于上使藥常極熱不至大沸通口時時呷之百餘次龍火自散此法以熱行寒不為熱病扞格故也大抵治喉痺用鍼出血最為上策但人畏鍼委曲傍求瞬息喪命凡用鍼而有鍼創者宜搗生薑一塊調以熱白湯時時呷之則創口易合銅人中亦有一

欽定四庫全書

儒門事親

灸法然痛微者可用病速者恐遲則殺人故治喉痺之火與救火同不容少待內經火鬱發之發謂發汗然咽喉中豈能發汗故出血者乃發汗之一端也後之君子毋執小方而曰吾藥不動臟腑又妙於出血若幸遇小疾而獲功不幸遇大病而死矣毋遺後悔可也

五積六聚治同鬱斷二十二

先賢說五積六聚甚明惟治法獨隱其言五積曰肝之積名曰肥氣在左脇下如覆杯有頭足以不已令人發



欽定四庫全書
儒門事親

欽定四庫全書
儒門事親

廣茂乾漆礪砂陳皮礪石芭荳之類復有不明標本者
又從而補之豈有病積之人大邪不出而可以補之乎
至於世之磨積取積之藥余初學醫時苦曾用之知其
不効遂為改轍因考內經驟然大悟內經曰木鬱則達
之火鬱發之土鬱奪之金鬱泄之水鬱折之王太僕曰
達謂吐發謂汗奪謂下泄謂利小便折謂折其衝逆此
五者五運為司天所刺故立此五法與五積若不相似
然蓋五積者因受勝己之邪而傳於己之所勝適當旺



時拒而不受復還於勝己者勝己者不肯受因留結為積故肝之積得於季夏戊巳日心之積得於秋庚辛日脾之積得於冬壬癸日肺之積得於春甲乙日腎之積得於夏丙丁日此皆抑鬱不伸而受其邪也豈待司天克運然後為之鬱哉且積之成也或因暴怒喜悲思恐之氣或傷酸苦甘辛鹹之食或停溫涼熱寒之飲或受風暑燥寒火濕之邪其初甚微可呼吸按導方寸大而去之不幸而遇庸醫強補而留之留而不去遂成五積

欽定四庫全書

儒門事親

夫肥氣者不獨氣有餘也其中亦有血矣蓋肝藏血故也伏梁者火之鬱也以熱藥散之則益甚以火灸之則彌聚况伏梁證有二名同而實異不可不詳焉其一伏梁上下左右皆有根在腸胃之外有大膿血此伏梁義同肚癰其一伏梁身體髀股胕皆腫環臍而痛是為風根不可動動則為水溺瀦之病此二者內經雖言不可動止謂不可大下非謂全不可下恐病去而有害痞氣者舉世皆言寒則痞內經以為濕則痞雖因飲冷而得



其陽氣為濕所畜以熱攻之則不散以寒攻之則濕去而寒退矣息賁者喘息憤而上行也此舊說也余以謂賁者賁門也手太陰之筋結膺裏散於賁賁下抵季脇其病支轉筋痛甚則成息賁手心主結於臂其病膺痛息賁又云肺下則居賁迫肝善脇下痛肝高則上支賁兩脇惋為息賁若是言之是積氣於賁而不散此靈樞說五臟處言此賁自是多故予發之賁豚者賁與奔同銅人言或因讀書得之未必皆然也腎主骨此積最深

欽定四庫全書

儒門事親

難療大忌吐涌以其在下止宜下之故予嘗以獨聖散吐肥氣搯以木架必燠室中吐兼汗也肝之積便言風也吐出數升後必有血一二滴勿疑病當然也續以磨積之藥調之嘗治伏梁先以茶調散吐之兼汗以禹功導水奪之繼之以降火之藥調之又嘗治痞氣萬舉萬全先以芫蒂散吐其酸苦黃膠腥腐之物三二升次以導水禹功下二三十行末以五苓淡劑等藥調之又嘗治息賁用芫蒂散不計四時置之燠室中更以火一爐



以助其汗吐汗下三法齊行此病不可逗遛久則傷人
又嘗治賁豚以導水通經三日一下之一月十下前後
百行次用治血化氣磨積之藥調之此積雖不傷人亦
與人偕老若六聚之物在府屬陽而無形亦無定法倣
此而行之何難之有或言余之治積太峻予曰不然積
之在臟如陳莖之在江河且積之在臟中間多著脂膜
曲折之處區白之中陳莖之在江河不在中流多在汀
灣洄薄之地遇江河之溢一漂而去積之在臟理亦如

欽定四庫全書

儒門事親

之故予先以丸藥驅逐新受之食使無梗塞其碎著之
積已離而未下次以散藥滿胃而下橫江之筏一壅而
盡設未盡者以藥調之惟堅積不可用此法宜以漸除
內經曰堅者削之今人言塊癖是也因述九積圖附於
篇末以俟來哲知余用心獨苦久矣而世無知者
食積酸心腹滿大黃牽牛之類甚者蒙石芭荳
酒積目黃口乾葛根麥蘖之類甚者甘遂牽牛
氣積噫氣痞塞木香檳榔之類甚者枳殼牽牛



涎積咽如拽鋸朱砂膩粉之類甚者菘蒂甘遂	痰積涕唾稠粘半夏南星之類甚者菘蒂藜蘆	癖積兩脇刺痛三稜廣茂之類甚者甘遂蠋稍	水積足脛脹滿郁李商陸之類甚者甘遂芫花	血積打撲胸癥產後不月桃仁地榆之類甚者蝨虫水	蛭	肉積□瘤核癭膩粉白丁香砭刺出血甚者硃砂信石	九積皆以氣為主各據所屬之狀而對治之今人總此	欽定四庫全書	儒門事親	諸藥併為一方曰可治諸積大謬也吾無此病焉用此	藥吾無彼病焉用彼藥十羊九牧何所適從非徒無益	而又害之	斤十膈五噎浪分支派疏二十三	病派之分自巢氏始也病失其本亦自巢氏始也何者	老子曰少則得多則惑且俗謂噎食一證在內經苦無	多語惟曰三陽結謂之膈三陽者謂大腸小腸膀胱也	結謂結熱也小腸熱結則血脉燥大腸熱結則後不圓
--------------------	--------------------	--------------------	--------------------	-----------------------	---	-----------------------	-----------------------	--------	------	-----------------------	-----------------------	------	---------------	-----------------------	-----------------------	-----------------------	-----------------------



膀胱熱結則津液涸三陽既結則前後闕塞下既不通必反上行此所以噎食不下縱下而復出也謂胃為水穀之海日受其新以易其陳一日一便乃常度也今病噎者三日五日或五七日不便是乖其度也亦明矣豈非三陽俱結於下廣腸枯涸所食之物為咽所拒縱入太倉還出咽噎此陽火不下推而上行也故經曰少陽所至為嘔涌溢食不下此理豈不曉然又氣厥論云肝移寒於心為狂膈中陽氣與寒相薄故膈食而中不通

欽定四庫全書

儒門事親

此膈陽與寒為之也非獨專於寒也六節藏象又云人迎四盛以上為格陽王太僕云陽盛之極故膈拒而食不得入正理論曰格則吐逆故膈亦當為格後世強分為五噎謂氣憂食思勞也後又分為十膈五噎其派既多其惑滋甚人之溢食初未必遽然也初或傷酒食或胃熱欲吐或胃風欲吐醫氏不察本原火裏燒薑湯中煮桂丁香未已荳蔻繼之華撥未已胡椒繼之雖曰和胃胃本不寒雖曰補胃胃本不虛設如傷飲止可逐飲



設如傷食止可逐食豈可言虛便將熱補素問無者於
法猶非素熱之人三陽必結三陽既結食必上潮醫氏
猶云胃寒不納燔鍼鑽肉炷艾灼肌苦楚萬千三陽熱
結分明一句到了難從不過抽薪最為緊要揚湯止沸
愈急愈增歲月彌深為醫所誤人言可下退陽養陰張
眼吐舌恐傷元氣止在冲和閉塞不通經無來路腸宜
通暢是以鳴腸腸既不通遂成噎病世傳五噎寬中散
有薑有桂十膈散有附有烏今予既斥其方信乎與否

欽定四庫全書

儒門事親

以聽後賢或云憂恚氣結亦可下乎余曰憂恚礧礧便
同大鬱太倉公見此皆下法廢以來千年不復今代劉
河間治膈氣噎食用承氣三湯獨超近代今用藥者不
明主使如病風狂嘻嘻不及觀其効猶昧本原既懶問
咨妄興非毀今予不恤姑示后人用藥之時更詳輕重
假如闕久慎勿陡攻縱得攻開必慮後患宜先潤養小
著湯丸累累加之關扃自透其或咽噎上阻涎痰輕用
苦酸微微涌出因而治下藥勢易行設或不行蜜鹽下



導始終勾引兩藥相通結散陽消飲食自下莫將芭荳
耗却天真液燥津枯留毒不去人言此病曾下奪之從
下奪來轉虛轉痞此為芭荳非大黃牽牛之過箕城一
酒官病嘔吐踰年不愈皆以胃寒治之丁香半夏青陳
薑附種種燥熱燒錐燎艾莫知其數或少愈或復劇且
十年大便澁燥小便赤黃命予視之予曰諸痿喘嘔皆
屬於上王太僕云上謂上焦也火氣炎上之氣謂皆熱
甚而為嘔以四生丸下三十行燥糞腸垢何啻數升其
欽定四庫全書
儒門事親
人昏困一二日頻以冰水呷之漸投涼乳酪芝蔴飲時
時嚙之數日外大啜飲食精神氣血如昔繼生三子至
五旬而卒
飲當去水溫補轉劇論二十四
留飲止證也不過蓄水而已王氏脉經中派之為四痰
飲懸飲支飲溢飲千金方又派之為五飲皆觀病之形
狀而定名也今予皆不論此論飲之所得其來有五有
憤鬱而得之者有困乏而得之者有思慮而得之者有



痛飲而得之者有熱時傷冷而得之者飲證雖多無出
於此夫憤鬱而不得伸則肝氣乘脾脾氣不化故為留
飲肝主慮久慮而不決則飲氣不行脾主思以思而不
已則脾結故亦為留飲人因勞役遠來乘困飲水脾胃
力衰因而嗜卧不能布散於脉亦為留飲人飲酒過多
腸胃已滿又復增之脬經不及滲泄久久如斯亦為留
飲因隆暑津液焦涸喜飲寒水本欲止渴乘快過多逸
而不動亦為留飲人若病飲者豈能出此五者之外乎

欽定四庫全書

儒門事親

夫水者陰物也但積水則生濕停酒則發燥久則成痰
在左脇者同肥氣在右脇者同息賁上入肺則多嗽下
入大腸則為瀉入腎則為涌水濯濯如囊漿上下無所
之故在太陽則為支飲皆由氣逆而得之故濕在上者
目黃面浮在下者股膝腫厥在中者支滿痞膈痰逆在
陽不去者久則化氣在陰不去者久則成形今之用方
者例言飲為寒積皆用濕熱之劑以補之燥之夫寒飲
在中反以熱藥從上投之為寒所拒水濕未除反增心



火火既不降水反下注其上焦枯其下寒慄內經曰出入廢則神機化滅升降息則氣立孤危渠不信夫况乎留飲下無補法氣方隔塞補則轉增豈知內經所謂留者攻之何後人不師古之甚也且以白朮參苓飲者服之尚加悶塞况燔鍼艾火其痞可知前人處五飲丸三十餘味其間有礬石芑荳附子烏頭雖是下攻終同燥熱雖亦有寒藥相叅力孤無援故今代劉河間依仲景十棗湯製三花神祐丸而加大黃牽牛新得之疾下三

欽定四庫全書

儒門事親

五十九氣流飲去昔有病此者數十年不愈予診之左手脉三部皆微而小右手脉三部皆滑而大微小為寒滑大為燥余以苳蒂散湧其寒痰數升汗出如沃次以導水禹功去腸胃中燥垢亦數升其人半愈然後以淡劑流其餘蘊以降火之劑開其胃口不踰月而痊夫黃連黃蘗可以清上燥濕黃芪茯苓可以補下滲濕二者可以收後不可以先驅復未盡者可以苦葶藶杏仁桑白皮椒目逐水之藥伏水皆去矣夫治病有先後不可



亂投邪未去時慎不可補也大邪新去恐反增其氣轉甚於未治之時也昔河內有人病飲醫者斷為脾濕以木香牽牛二味散之下十餘行因給病人復變散為丸又下十餘行復變丸為散又十餘行病者大困睡幾一晝夜既覺腸胃寬潤惟思粥食少許日漸愈雖同斷為濕但補瀉不同其差至此內經曰歲土太過雨濕流行腎水受邪甚則飲發中滿太陽司天濕氣變物水飲內畜中滿不食註云此年太陰在泉濕監於地病之原始

欽定四庫全書

儒門事親

地氣生焉少陰司天濕土為四之氣民病飢飢飲發又土鬱之發民病飲發注下附腫身重又太陰所至為積飲否隔又太陰所至畜滿又太陰之勝與太陰之復皆云飲發於中以此考之土主濕化不主寒水主寒化不主濕天多齡雨地有積潦皆以為水在內經屬土冰霜凝沍風氣淒凜此水之化也故曰丑未太陰濕土辰戌太陽寒水二化本自不同其病亦異夫濕土太過則飲發於中今人以為脾土不足則軒岐千古之書可從乎



不可從乎

嗽分六氣毋拘以寒述二十五

嗽與咳一證也後人或以嗽為陽嗽為陰亦無考據且內經嗽論一篇純說嗽也其中無嗽字由是言之咳即嗽也嗽即咳也陰陽應象大論云秋傷於濕冬生咳嗽又五藏生成篇云嗽嗽上氣又診要經終云春刺秋分環為嗽嗽又示從容篇云嗽嗽煩冤者腎氣之逆也素問惟以四處連言嗽嗽其餘篇中止言咳不言嗽乃知

欽定四庫全書

儒門事親

咳嗽一證也或言嗽為別一證如傷寒書中說嗽逆即咽中作梯磴之聲者是也此一說非內經止以嗽為嗽生氣通天論云秋傷於濕上逆而嗽與大象論文義同而無嗽字乃知嗽即是嗽明矣余所以苦論此者孔子曰必也正名乎嗽之為病自古歸之肺此言固不易也素問言肺病喘嗽逆又曰嗽嗽上氣厥在膈中過在手太陰陽明靈樞十二經惟太陰肺經云肺脹滿膨膨而喘咳他經則不言素問嗽論雖言五臟六腑皆有效要



之止以肺為主素問言皮毛者肺之合也皮毛先受邪
氣註云邪謂寒氣經又曰邪氣以從其合也其寒飲食
入胃從脾脉上至於肺則肺寒肺寒則內外合邪因而
客之則為肺欬後人見是言斷嗽為寒更不參較他篇
豈知六氣皆能嗽人若謂欬止為寒邪何以歲火太過
炎暑流行金肺受邪民病欬嗽歲木不及心氣晚治上
勝肺金欬而孰從革之紀金不及也其病噎欬堅成之
紀金太過也上徵與正商同其病欬少陽司天火氣下

欽定四庫全書

儒門事親

臨肺金上從欬噎衄少陽司天火淫所勝欬唾血煩心
少陽司天主勝則胃滿欬少陽司天之氣熱鬱於上欬
逆嘔吐三之氣炎暑至民病欬嘔終之氣陽氣不藏而
欬少陽之復枯燥煩熱驚癩欬衄甚則欬逆而血泄少
陰司天熱氣生於上清氣生於下寒熱凌犯而生於中
民病欬喘三之氣天政布大火行餘火內格腫於上欬
喘甚則血溢少陰司天客勝則孰噎甚則咳喘少陰之
復燠熱內作氣動於左上行於右欬皮膚痛則入肺欬



而鼻淵若此之類皆生於火與熱也豈可專於寒乎謂
欬止於熱與火耶厥陰司天客勝則耳鳴掉眩甚則欬
若此之類乃生於風豈可專於熱與火也謂欬專於風
耶太陰司天濕淫所勝欬唾則有血太陰之復濕變乃
舉飲發於中欬喘有聲若此之類乃生於濕豈可專於
風也謂咳止於濕耶金鬱之發民病欬逆心脇痛歲金
太過燥氣流行肝木受邪民病欬喘逆甚而嘔血陽
明司天金火合德民病欬噎塞陽明司天燥淫所勝欬
欬定四庫全書
儒門事親
腹中鳴陽明司天清復內餘則欬衄噎塞心膈中熱欬
不止而目血出者死陽明之勝清發於中噎塞而欬陽
明之復清氣大舉欬噎煩心若此之類皆生於燥豈可
專於濕也謂欬止於燥耶太陽司天客氣勝則胸中不
利出清涕感寒則欬若此之類乃生於寒豈可專於燥
也又肺風之狀多汗惡風色餅然白時欬短氣晝日則
差夜暮則甚亦風欬也勞風咳出清黃涕其狀如膿大
如彈丸亦風咳也有所亡失所求不得則發肺鳴鳴則



肺熱葉焦亦熱欬也陽明厥逆喘欬身熱亦熱欬也一
陽發病少氣善欬亦火欬也喘欬者水氣并於陽明亦
溫欬也風水不能正偃則欬亦溫欬也腎氣腹大脛腫
喘欬身重亦溫欬也脾痺者四肢懈墮發咳嘔汗上為
大寒亦寒欬也欬之六氣固然可以辨其六者之狀
風乘肺者日夜無度汗出頭痛涎痰不利非風欬之云
乎

欽定四庫全書

儒門事親

非暑欬之云乎

火乘肺者咳喘上壅涕唾出血甚者七竅血溢非火欬
之云乎

燥乘肺者氣壅不利百節內痛頭面汗出寒熱往來皮
膚乾枯細瘡燥痒大便秘澁涕唾稠粘非燥欬之云乎
寒乘肺者或因形寒飲冷冬月坐卧濕地或冒冷風寒
秋冬水中感之嗽急而喘非寒欬之云乎其法治也風
之嗽治以通聖散加半夏大人參半夏丸甚者汗之暑



之嗽治以白虎湯洗心散涼膈散加蜜一日為呷之火
之嗽治以黃連解毒湯洗心散三黃丸甚者加以鹹寒
大下之濕之嗽治以五苓散桂苓甘露散及白朮丸甚
者以三化神祐丸下之燥之嗽治以木香葶藶散大黃
黃連阿膠丸甚者以鹹寒大下之寒之嗽治以寧神散
寧肺散有寒痰在上者以菴蒂散越之此法雖已幾於
萬全然老幼強弱虛實肥瘦不同臨時審定權衡可也
病有變態而吾之方亦與之俱變然則枯礬乾薑烏梅

欽定四庫全書

儒門事親

嬰粟殼其誤人也不為少矣嗚呼有人自幼效嗽至老
不愈而亦不死者余平生見此等無限或小年效嗽不
計男女不數月而殞者亦無限矣夫寧神寧肺散此等
之人豈有不曾服者哉其不愈而死者以其非寒嗽故
也彼執欵冬花佛耳草至死不移者雖與之割席而坐
可也曹魏時軍吏李成苦效嗽晝夜不寐時吐膿血華
佗以謂效之所吐非從肺來以苦劑兩錢匕吐膿血二
升餘而瘥若此之嗽人不可不知也



九氣感疾更相為治衍二十六

天以氣而燾地以氣而持萬物盈乎天地之間咸以氣
而生及其病也莫不以氣而得且風之氣和平而豐啓
熱之氣暄而舒榮火之氣炎暑而出行濕之氣埃溽而
負盈燥之氣清勁而悽愴寒之氣寒氣而歸藏此六氣
時化司化之常也及其變風之氣飄怒而反大涼熱之
氣大暄而反寒火之氣飄風燔燎而反霜凝濕之氣雷
霆驟注而反烈風燥之氣散落而反濕寒之氣寒雪霜

欽定四庫全書

儒門事親

電而反白埃此六氣之變也故天久寒則治之以暑天
久涼則治之以暄天久晦則治之以明天久晴則治之
以雨夫天地之氣常則安變則病而况人稟天地之氣
五運迭侵於其外七情交戰於其中是以聖人嗇氣如
持至寶庸人役物而反傷太和此軒岐所以論諸痛皆
因於氣百病皆生於氣遂有九氣不同之說氣本一也
因所觸而為九所謂九者怒喜悲恐寒暑驚思勞也其
言曰怒則氣逆甚則嘔血及殮泄故氣逆上矣王太僕



曰怒則陽氣逆上而肝木乘脾故甚則嘔血及殮泄也
喜則氣和志達榮衛通利故氣緩矣悲則心系急肺布
葉舉而上焦不通榮衛不散熱氣在中故氣消矣恐則
精却却則上焦閉閉則氣還還則下焦脹故氣不行矣
王太僕云恐則傷精却上而不下流下焦陰氣亦迴環
而不散故聚而脹也然上焦固禁下焦氣還故氣不行
也新校正云不行當作下行寒則腠理閉氣不行故氣
收矣王太僕云身涼則衛氣沉故皮膚之理及滲泄之
處皆閉密而氣不流行衛氣收斂於中而不散也暑則
腠理開榮衛通汗大出故氣泄矣王太僕云人在陽則
舒在陰則慘故熱則膚腠開發榮衛大通津液而汗大
出也驚則心無所依神無所歸慮無所定故氣亂矣勞
則喘息汗出內外皆越故氣耗矣王太僕云疲勞役則
氣奔速故喘息氣奔速則陽外發故汗出內外皆踰越
於常紀故氣耗損也思則心有所存神有所歸正氣留
而不行故氣結矣王太僕云繫心不散故氣亦停留此

欽定四庫全書

儒門事親



素問之論九氣其變甚詳其理甚明然論九氣所感之疾則略惟論嘔血及飧泄餘皆不言惟靈樞論思慮悲哀喜樂愁憂盛怒恐懼而言其病其言曰知者知養生也必順四時而適寒暑和喜怒而安居處節陰陽而和剛柔如是則辟邪不至而長生久視是故怵惕思慮則傷神神傷則恐懼流淫而不至因悲哀動中者竭絕而失生喜樂者神蕩散而不藏愁慮者氣閉塞而不行盛怒者神迷惑而不治恐懼者神蕩憚而不收怵惕思慮

欽定四庫全書

儒門事親

而傷神神傷則恐懼自失破胭脫肉毛瘁色夭死於冬脾憂愁而不解則傷意意傷則恍亂四肢不舉毛瘁色夭死於春肝悲哀動中則傷魂魂傷則狂忘不精不正當人陰縮攣筋兩脇不舉毛瘁色夭死於秋肺喜樂無極則傷魄魄傷則狂狂者意不存人皮革焦毛瘁色夭死於夏腎盛怒而不止則傷志志傷則喜忘其人腰脊不可俛仰屈伸毛瘁色夭死於季夏恐懼不解則傷精精傷則骨痿厥精時自下是故五臟主藏精者也不可



傷傷則失守而陰虛虛則無氣無氣則死矣靈樞論神
意魂魄志精所主之病然無寒暑驚勞四證余以是推
而廣之怒氣所至為嘔血為殮泄為煎厥為薄厥為陽
厥為胸滿脇痛食則氣逆而不下為喘渴煩心為消痺
為肥氣為目暴盲耳暴閉筋解發於外為疽癰喜氣所
至為笑不休為毛髮焦為內病為陽氣不收甚則為狂
悲氣所至為陰縮為筋攣為肌痺為脉痿男為數洩血
女為血崩為酸鼻辛頰為目昏為少氣不足以息為泣

欽定四庫全書

儒門事親

則臂麻恐氣所至為破胭脫肉為骨酸痿厥為暴下綠
水為面熱膚急為陰痿為懼而脫頤驚氣所至為潮涎
為目瞶為口吐為癡癇為不省人為僵仆久則為痛痺
勞氣所至為咽噎病為喘促為嗽血為腰痛骨痿為肺
鳴為高骨壞為陰痿為唾血為冥視為耳閉男為少精
女為不月衰甚則潰潰乎若壞都汨汨乎不可止思氣
所至為不眠為嗜卧為昏瞽為中痞三焦閉塞為咽噎
不利為膽痺嘔苦為筋痿為白淫為得後與氣快然如



衰為不嗜食寒氣所至為上下所出水液澄徹清冷下痢清白吐痢腥穢食已不飢堅痞腹滿急痛癥瘕癰疽屈伸不便厥逆禁固暑氣所至為喘嘔吐酸暴注下迫轉筋小便渾濁腹脹大而鼓之有聲如鼓瘡疽瘍疹癰氣結核吐下霍亂脅鬱腫脹鼻窒衄血溢血泄淋悶身熱惡寒甚則瞽瘵目昧不明耳鳴或聾躁擾狂越罵詈驚駭禁慄如喪神守氣逆衝上噎腥涌溢食不下跗腫疼瘦暴痞暴注暴病暴死凡此九者內經有治法但

欽定四庫全書

儒門事親

以五行相勝之理治之夫怒傷肝肝屬木怒則氣并於肝而脾土受邪木太過則肝亦自病喜傷心心屬火喜則氣并於心而肺金受邪火太過則心亦自病悲傷肺肺屬金悲則氣并於肺而肝木受邪金太過則肺亦自病恐傷腎腎屬水恐則氣并於腎而心火受邪水太過則腎亦自病思傷脾脾屬土思則氣并於脾而腎水受邪土太過則脾亦自病寒傷形形屬陰寒勝熱則陽受病寒太過則陰亦自病炁傷氣氣屬陽熱勝寒則陰受



病熱太過則陽亦自病凡此七者更相為治故悲可以治怒以愴惻苦楚之言感之喜可以治悲以謔浪褻狎之言娛之恐可以治喜以迫遽死亡之言怖之怒可以治思以污辱欺罔之言觸之思可以治恐以慮彼志此之言奪之凡此五者必詭詐譎恠無所不至然後可以動人耳目易人視聽若胸中無材器之人亦不能用此五法也炁可以治寒寒在外者以焮鍼煖熅灸湯而汗之寒在內者以熱食溫劑平之寒可以治炁炁在外者以清房涼榻薄衣以清劑汗之炁在內者以寒飲寒劑平之惟逸可以治勞經曰勞者溫之溫謂溫存而養之今之醫者以溫為溫之藥差之久矣岐伯曰以平為期亦謂休息之也惟習可以治驚經曰驚者平之平謂平常也夫驚以其忽然而遇之也使習見習聞則不驚矣此九者內經自有是理庸工廢而不行今代劉河間治五志獨得言外之意謂五志所發皆從心造故凡見喜怒悲恐思之證皆以平心火為主至於勞者傷於動

欽定四庫全書

儒門事親



動便屬陽驚者駭於心心便屬火二者亦以平心為主
今之醫者不達此旨遂有寒涼之謗群聚而譟之士大
夫又從而惑之公議何時而定耶昔余治一書生勞苦
太過大便結燥欬逆上氣時喝喝然有音唾嘔鮮血余
以苦劑解毒黃連湯加木香漢防己煎服時時啜之復
以木香檳榔丸泄其逆氣不月餘而痊余又嘗以巫躍
妓抵以治人之悲結者余又嘗以鍼下之時便雜舞忽
笛鼓應之以治人之憂而心痛者余嘗擊拍門窓使其

欽定四庫全書

儒門事親

聲不絕以治因驚而畏響氣飛揚者余又嘗治一婦
人久思而不眠余假醉而不問婦果呵怒是夜困睡又
嘗以酸棗仁丸治人多憂以白虎湯不計四時調理人
之暑余又以無憂散瀉人冬月得水中之寒痺次以麻
黃湯數兩作一劑煎以棗姜熱服汗出而愈如未愈者
以芫蒂散涌之以火助其汗治寒厥亦然余嘗治大暑
之病諸藥無效余從其頭數刺其痛出血立愈余治此
數者如探囊然惟勞而氣耗恐而氣奪者為難治喜者



少病百脉舒和故也昔聞山東楊先生治府主洞泄不
已楊初未對病人與衆人談日月星辰躔度及風雲雷
雨之變自辰至未而病者聽之而忘其圍楊嘗曰治洞
泄不已之人先問其所好之事好碁者與之碁好樂者
與之笙笛勿輟又聞莊先生者治以喜樂之極而病者
莊切其脉為之失聲佯曰吾取藥去數日更不來病者
悲泣辭其親友曰吾不久矣莊知其將愈慰之詰其故
莊引素問曰懼勝喜此二人可謂得玄關者也然華元
化以怒郡守而幾見殺文摯以怒齊王而竟殺之千萬
人中僅得一兩人而反招暴禍若乃醫本至精至微之
術不能自保果賤技也哉悲夫

三消之說當從火斷二十七

八卦之中離能烜物五行之中惟火能焚物六氣之中
惟火能消物故火之為用燔木則消而為炭焚土則消
而為伏龍肝煉金則消而為汁煨石則消而為灰煑水
則消而為湯煎海則消而為鹽乾汞則消而為粉熬錫

欽定四庫全書

儒門事親



則消而為丹故澤中之潦涸於炎暉鼎中之水乾於壯
火也五臟心為君火正化腎為君火對化三焦為相火
正化膽為相火對化得其平則烹煉飲食糟粕去焉不
得其平則燔灼臟腑而津液竭焉故入水之物無物不
長入火之物無物不消夫一身之心火甚於上為膈膜
之消甚於中則為腸胃之消甚於下為膏液之消甚於
外為肌肉之消上甚不已則消及於肺中甚不已則
消及於脾下甚不已則消及於肝腎外甚不已則

欽定四庫全書

儒門事親

消及於筋骨四藏皆消盡則心始自焚而死矣故素問
有消瘵消中消渴風消膈消肺消之說消之證不同歸
之火則一也故消瘵者衆消之總名消中者善饑之通
稱消渴者善飲之同謂惟風消膈消肺消此三說不可
不分風消者二陽之病二陽者陽明也陽明者胃與大
腸也心受之則血不流故女子不月脾受之則味不化
故男子少精皆不能成隱曲之事火伏於內久而不已
為風所鼓消渴腸胃其狀口乾雖飲水而不嚥此風熱



格拒於賁門也口者病之上源故病如是又經曰二陽
結謂之消此消乃腸胃之消也其善食而瘦者名曰食
飢此消乃肌肉之消也膈消者心移熱於肺傳為膈消
王太僕云心肺兩間中有斜膈膜下際內連橫膈膜故
心移熱於肺久久傳化內為膈熱消渴多而飲者此雖
肺金受心火之邪然止是膈消未及於肺也故飲水至
斗亦不能已其渴也其狀多飲而數澉或不數澉變為
水腫者皆是也此消乃膈膜之消也肺消者心移寒於

欽定四庫全書

儒門事親

肺肺主氣經曰飲食入胃遊溢精氣上輸於脾脾之精
氣上歸於肺通調水道下輸膀胱水精四布五經並行
以為常也靈樞亦曰上焦如霧中焦如漚下焦如瀆今
心為陽火先受寒邪陽火內鬱火鬱內傳肺金受制火
與寒邪皆來乘肺肺外為寒所薄氣不得施內為火所
燥亢極水復故皮膚索澤而群著澉溺積濕而頻并上
飲半升下行十合故曰飲一澉二者死膈消不為寒所
薄陽氣得宣散於外故可治肺消為寒所薄陽氣自瀆



於中故不可治此消乃消及於肺臟者也又若脾風傳之腎名曰疝瘕少腹冤熱而痛出白液名曰蠱王太僕云消燼脂肉如虫之蝕日漸損削此消乃膏液之消也故後人論三消指以為腎消此猶可治久則變瘵不救必死此消乃消及於腎臟者也夫消者必渴渴亦有三有甘之渴有石之渴有火燥之渴肥者令人內熱甘者令人中滿其氣上溢轉為消渴經又曰味厚者發熱靈樞亦曰鹹走血多食之人渴鹹入於胃中其氣上走中

欽定四庫全書

儒門事親

焦注於肺則血氣走之血與鹹相得則凝乾而善渴血脈者中焦之道也此皆肥甘之渴夫石藥之氣悍適足滋熱與熱氣相遇必內傷脾此藥石之渴也陽明司天四之氣嗌乾引飲此心火為寒水所鬱故然少陽司天三之氣炎暑至民病渴太陽司天甚則渴而欲飲水行凌火火氣鬱故然少陰之復渴而欲飲少陽之復嗌絡經槁渴引水漿色變黃赤又傷寒五日少陰受之故口燥舌乾而渴腎熱病者苦渴數飲此皆燥熱之渴也故



膏粱之人多肥甘之渴石藥之渴藜藿奔走之人多燥熱之渴二者雖殊其實一也故火在上者善渴火在中者消穀善饑火在上中者善渴多飲而數澀火在中上者不渴而澀白液火徧上中下者飲多而數澀此其別也後人斷消渴為腎虛水不勝火則是也其藥則非也何哉以八味丸治渴水未能生而火反助也此等本不知書妄引王太僕之注溢水之源以消陰翳壯火之主以制陽光但益心之陽寒熱通行強腎之陰熱之猶可

欽定四庫全書

儒門事親

豈知王太僕之意以寒熱而行之也腎本惡燥又益之以火可乎今代劉河間自製神芎丸以黃芩味苦入心牽牛大黃驅火氣而下以滑石引入腎經此方以牽牛滑石為君以大黃黃芩為臣以芎連薄荷為使將離入坎真得黃庭之秘者也而又以人參白朮湯消痞丸大人參散碧玉雞蘓散數法以調之故治消渴最為得體昔有消渴者日飲數升先生以生薑自然汁一盆置之密室中具罌杓於其間使其人入室從而鑱其門病人



渴甚不得已而飲汁盡渴減內經辛以潤之之旨內經
治渴以蘭除其陳氣亦辛平之劑也先生之湯劑雖用
此一味亦必有傍藥助之初虞世曰凡渴疾未發瘡瘍
便用大黃寒藥利其勢使大困大虛自勝如發瘡瘍膿
血流漓而殮此真俗言也故巴郡太守湊三黃丸能治
消渴余嘗以膈數年不愈者減去朴硝加黃連一斤大
作劑以長流千里水煎五七沸放冷日呷之數百次以
桂苓甘露散白虎湯生藕節汁淡竹瀝生地黃汁相間

欽定四庫全書

儒門事親

服之大作劑料以代飲水不日而痊故消渴一證調之
而不下則小潤小濡固不能殺炎上之勢下之而不調
亦旋飲旋消終不能沃膈膜之乾下之調之而不減滋
味不戒嗜慾不節喜怒病已而復作能從此三者消渴
亦不足憂矣况靈樞又說心脉滑為善渴經又曰滑者
陽氣勝又言五臟脉心脉微小為消瘵又言五臟脆為
消瘵又言消瘵之人薄膚而肉堅固以深長衝直揚其
心剛剛者多怒怒則氣逆上胸中畜積血氣逆流臄皮



充肌肉脉不行轉而為熱熱則消肌膚故為消瘴又言
五臟皆柔弱者善病消瘴夫柔弱者必有剛強剛強者
多怒柔弱者易傷也余以是遂悟氣逆之人非徒病消
渴若寒薄其外亦為癰腫少氣狂膈中肺消涌水者熱
客其臟則亦為驚劬膈消柔瘥虛腸癖死客其腑則為
癰溺血口糜慮瘵為沉食侏辛頰鼻淵劬蠖瞑目蓋此
二十一證皆在氣厥論中經曰諸逆衝上皆屬於上一
言可了善讀書者以是求之

欽定四庫全書

儒門事親

虫蠶之生濕熱為主訣二十八

巢氏之衍九虫三蠶詳矣然虫之變不可勝窮要之皆
以濕熱為主不可純歸三氣虛與食生具巢氏之衍九
虫也曰伏虵白肉肺胃弱赤蟻伏虫長四分群虫之主
也虵虫長一尺亦有長五六寸其發動則腹中痛發種
聚行徃來上下痛有休息亦攻心痛口喜吐涎及吐清
水貫傷心則死診其脉腹中痛其脉法當沉弱今脉反
洪大是虵虫也白虫長一寸相生子孫轉多長四五尺



亦能殺人寸白虫色白頭徧小因飲白酒以桑枝貫牛
肉炙食之并生粟所成又云食生魚後即飲乳酪亦生
其發動則損人精氣腰脚疼此虫長一尺則令人死肉
蟲狀如爛杏令人煩滿肺蟲狀如蚕令人咳嗽胃蟲狀
如蝦蟆令人嘔逆吐喜噦弱虫狀如瓜瓣又名鬲虫令
人多唾赤虫狀如生肉動則腹鳴蟯虫至微形如菜虫
居肚腸中多則為痔極則為癩因以瘡處以生癰疽癬
癢癘痞疥齧虫無故不為人患亦不盡有有亦不必盡

欽定四庫全書

儒門事親

多或偏無者此諸虫依腸胃之間若人臟腑氣實則不
為害虛則侵蝕隨其虫之動能變成諸疾也三蠶者濕
蠶由脾胃虛為水濕所乘腹肉蟲動侵蝕成蠶若上脣
生瘡是蟲蝕五臟則心煩懊若下脣生瘡是虫蝕下部
則肛門爛開心蠶者因虛而動攻食心謂之心蠶疔蠶
者有五曰白赤蟯蠶黑凡五疔白者輕赤者次蟯者又
次蠶者又次黑者最重皆從腸裏上食咽喉齒齦並生
瘡下至穀道傷爛下利膿血嘔逆手足心熱腰脚痛嗜



泉羽蟲育介蟲耗毛蟲不育陽明司天毛蟲靜羽蟲育	蟲靜鱗蟲育羽蟲不成少陽司天保蟲育鱗蟲不成居	蟲育毛蟲不成居泉羽蟲育介蟲耗不育太陰司天保	成居泉毛蟲育保蟲耗羽蟲不育少陰司天羽蟲靜介	歲之中互有勝復故厥陰司天毛蟲靜羽蟲育介蟲不	行飛走故五氣五味根於中五色五類形於外而有一	赤白黑形者毛羽保介鱗其生也胎卵濕化其成也歧	保地氣制己勝天氣制勝己天制色地制形色者青黃	欽定四庫全書	儒門事親	脾腎其蟲保毛其臟肺肝其蟲介羽其臟腎心其蟲鱗	蟲鱗保其臟肝脾其蟲毛介其臟心肺其蟲羽鱗其臟	其畜牛犬其蟲保毛其畜雞羊其蟲介羽其畜彘牛其	其蟲鱗其畜彘其畜犬雞其蟲毛介其畜彘其蟲羽鱗	畜馬其應長夏其蟲保其應秋其蟲介其畜雞其應冬	所至為毛化其應春其蟲毛其畜犬其應夏其蟲羽其	蟲之變此數者天地之間氣之所至百蟲爭出如厥陰	卧秋冬可春夏甚巢氏之論虫蠱為病之狀固詳矣然
-----------------------	-----------------------	-----------------------	-----------------------	-----------------------	-----------------------	-----------------------	-----------------------	--------	------	-----------------------	-----------------------	-----------------------	-----------------------	-----------------------	-----------------------	-----------------------	-----------------------



介蟲不成居泉介蟲育毛蟲耗羽蟲不成太陽司天鱗
蟲靜保蟲育居泉鱗蟲耗保蟲不育如風勝則保蟲不
滋此之類也皆五行之相剋也惟濕復則鱗見於陸為
濕土相剋水長則反增水鱗雖灸然見於陸則反當死
故不同也切巢氏言脾胃虛而為水濕所乘者非也乃
脾胃大甚熱為水濕多也以玄珠考之蟲得木之氣乃
生得雨之氣乃化以知非厥陰風木之氣不生非太陰
濕土之氣不成豈非風木主熱雨澤主濕所致耶故五

欽定四庫全書

儒門事親

行之中皆有蟲惟金之中其蟲寡冰之中無蟲且諸木
有蠹諸菜有螻諸菜有蟲諸菽有蚘五穀有螟螣螿蟷
麥朽蛾翻粟破虫出草腐而螢蚊糞積而螭蟻若此者
皆木之蟲也烈火之中有鼠爛灰之中有蠅若此者皆
火之蟲也土中盤蛇坯中走蚓穴蟻牆蝎田螻崖蜴若
此者皆土之蟲也科蚪孕於古池蛭馬躍於荒湫魚滿
江湖蛟龍藏海若此者皆水中之蟲也昔有冶者碎一
破釜將入火爐其鐵斷處窠白中有一蟲如米中蟲其



色正赤此釜烹飪不啻千萬不知何以生了不可曉亦
金火之氣也惟冰之中未嘗見蟲焉北方雖有冰鼠止
是食冰非生於冰也乃知木火屬春夏濕土屬季夏水
從土化故多蟲金從秋氣水從冬氣故無蟲焉若以生
物有被麩有麩蟲醬有醬蟲醢有醢蟲飲食停久皆有
蟲若以為動物不生蟲如戶樞不蠹之類然動勞之人
亦有蟲豈有不動者耶且文籍衣服故不閱不衣而不
蠹然非經季夏陰注或曝乾不待冷納於笥中亦不生

欽定四庫全書

儒門事親

蟲蠹也或瓮傍地濕鼠婦來明牆下壤乾狗蚤居中豈
均生於濕耶蓋蚤雖不生於濕亦有生於冬熱則蟲生
寒則不生理故然也夫蟲之所居必於脾胃深處藥之
所過在於中流蟲聞藥氣而避之群者安得取之予之
法先令饑其次以檳榔雷丸為引子別下蟲藥大下十
數行可以搗而空灑上張子政用此法下蟲數百相銜
長丈餘若夫瘡久而蟲蛆者以木香檳榔散傅之神良
別有墜蛆之藥皆具方中此不具陳也



補論二十九

予幼歲留心於醫而未嘗見其達者貞祐間自沃來河之南至頓丘而從遊張君仲傑之縣舍得遇太醫張子和先生誨仲傑以醫而及於游公君寶暨不肖猗歟大哉先生之學明妙道之淵源造化之根本講五運之抑鬱發越六氣之勝復淫鬱定以所制之法配以所宜之方準繩既陳曲直自正規矩既設方圓自成先生之學其學者之準繩規矩歟雖為人天師可也望而知之以

欽定四庫全書

儒門事親

盡其神聞而知之以盡其聖問而知之以盡其工切而知之以盡其巧何假飲上池之水而照見人五臟乎一目而無餘矣至約之法其治有三所用之藥其品有六其治三則汗下吐其品六則辛甘酸苦鹹淡也雖不云補理實具焉予恐人之惑於補而莫之解故續補說於先生汗下吐三論之後我輩所當聞醫流所當觀而人之所當共知也予考諸經檢諸方試為天下好補者言之夫人之好補則有無病而補者有有病而補者無病



而補者誰與上而縉紳之流次而豪富之子有金玉以榮其身芻豢以悅其口寒則衣裘暑則臺榭動則車馬止則裊褥味則五辛飲則長夜醉飽之餘無所用心而因致力於牀第以欲竭其精以耗散其真故年半百而衰也然則奈何以藥為之補矣或咨諸庸醫或問諸遊客庸醫以要用相求故所論者輕輕之則草木而已草木則茯苓牛膝巴戟天兔絲之類游客以好名自高故所論者重重之則金石而已金石則丹砂起石硫黃之

欽定四庫全書

儒門事親

類吾不知此為補也而補何臟乎以為補心耶而心為丁火其經則手少陰熱則瘡瘍之類生矣以為補肝邪肝為乙木其經則足厥陰熱則掉眩之類生矣脾為已土而經則足太陰以熱補之則病腫滿肺為辛金而經則手太陰以熱補之病憤鬱心不可補肝不可補脾不可補肺不可補莫非為補腎乎人皆知腎為癸水而不知經則子午君火焉補腎之火火得熱而益熾補腎之水水得熱而益涸既熾其火又涸其水上接於心之丁



火火獨用事肝不得以制脾土肺金不得以制肝木五臟之極傳而之六腑六腑之極遍而之三焦則百病交起萬疾俱生小不足言大則可懼不疽則中不中則暴瘡而死矣以為無病而補之者所得也且如有病而補之者誰歟上而仕宦豪富之家微而農商市庶之輩嘔而補吐而補泄而補痢而補瘧而補效而補勞而補產而補嘔吐則和胃丸丁沉煎瀉痢荳蔻丸御米殼散效不五味則寧神散勞不桂附則山藥產不烏金則黑神

欽定四庫全書

儒門事親

吾不知此為補果何意邪殊不知嘔得熱而愈酸吐得熱而愈暴泄得熱而清濁不分痢得熱而休息繼至瘧得熱而進不能退效得熱而濕不能除勞得熱而火益煩產得熱而血愈崩蓋如是而死者八九生者一二死者枉生者幸幸而一生憔悴之態人之所不堪也視其寒用熱以補之矣若言其補則前所補者此病何如予請為言補之法大抵有餘者損之不足者補之是則補之義也陽有餘而陰不足則當損陽而補陰陰有餘而



陽不足則當損陰而補陽熱則芒硝大黃損陽而補陰也寒則乾薑附子損陰而補陽也豈可以熱藥而云補乎哉而寒藥亦有補之義也經曰因其盛而減之因其衰而彰之此之謂也或曰形不足者溫之以氣精不足者補之以味執此溫補二字便為溫補之法惟用溫補之藥且溫補二字特為形精不足而設豈為病不病而設哉雖曰溫之止言其氣雖曰補之止言其味曷嘗言熱藥哉至於天之邪氣感則害人五臟實而不滿可下

欽定四庫全書

儒門事親

而已水穀之寒熱感則害人六腑滿而不實可吐而已地之濕氣感則害人皮肉筋脉邪從外入可汗而已然發表不遠熱而無補之意人之所稟有強有弱強而病病而愈愈而後必能復其舊矣弱而病病而愈愈而後不必復其舊矣是以有保養之說然有是說熱藥亦安所用哉慎言語節飲食是矣以日用飲食言之則黍稷禾麥之餘食粳者有幾雞豚牛羊之餘食血者有幾桃李梅之餘食梨者有幾葱韭薤蒜之餘食葵者有幾



其助則薑桂椒蒔其和則鹽油醯醬常而粥羹別而焦炒異而燒炙甚則以五辣生鮓而薦酒之肴以薑醋羹羊而按酒之病大而富貴比此尤甚小而市庶亦得以享此吾不知何者為寒何物為冷而以熱藥為補哉日用飲食之間已為太過矣嘗聞人之所欲者生所惡者死今反忘其寒之生甘於熱之死則何如由其不明素問造化之理本草藥性之源一切委之於庸醫之手醫者曰寒涼之藥雖可去疾奈何腑臟不可使之久冷脾胃不可使之久寒保養則固可溫補之是宜斯言方脫諸口已深信於心矣如金石之不可變山嶽之不可移以至於殺身而心無少悔嗚呼醫者之罪固不容誅而用之者亦當分受其責也病者之不悔不足怪也而家若是何難見而難察邪人惟不學故耳亦有達者之論以素問為規矩準繩以本草為斧斤法則矣其藥則寒涼其劑則兩其丸則百人之聞者如享美饌而見蛆蠅惟恐去之不亟也何哉而所見者丘垤及見談泰山則

欽定四庫全書

儒門事親



必駭不取唾而遠則幸矣尚敢冀其言之能從乎茲正
之所以難立而邪之所以易行也吾實憂之且天下之
不知過不在天下而已在醫流尚不知何責於天下哉
噫春秋之法責賢不責愚所謂我輩者猶且棄道學之
本源而拘言語之末節以文章自富以談辨自強坐而
昂昂立而行行濶其步翼其手自以為高人而出塵表
以天下聰明莫已若也一旦疾之臨身矐然無所知茫
若搏風之不可得迷若捕影之不可獲至於不得已則

欽定四庫全書

儒門事親

聽庸醫之裁判疾之愈則以為得人不愈則以為疾之
既極無可奈何委之於命而甘於泉下矣嗚呼實與愚
夫殆不相遠此吾所以言之喋喋也然而未敢必其聽
之何如耳雖然吾之說非止欲我輩共知欲醫流共知
欲天下共知也我輩共知醫流共知天下共知愜吾之
意滿吾之望矣

水解三十

余昔訪靈臺間太史見銅壺之漏水焉太史召司水者



曰此水已三環週水滑則漏迅漏迅則刻差當易新水
余劃然而悟曰天下之水用之滅火則同濡槁則同至
於性從地變質與物遷未嘗罔焉故蜀江濯錦則鮮濟
源烹楮則滷南陽之潭漸於菊其人多壽遼東之澗通
於復其人多髮晉之山產礬石泉可愈痘戎之麓伏硫
黃湯可浴癘楊子宜薺淮菜宜醪滄鹵能鹽阿井能膠
澡垢以污茂田以苦瘠消於藻帶之波痰破於半夏之
泐冰水咽而霍亂息流水飲而癰閼通雪水洗目而赤

欽定四庫全書

儒門事親

退鹹水濯肌而☐乾菜之以為齏鐵之以為漿麩之以
為酒蘖之以為醋千派萬種言不容盡至於井之水一
也尚數名焉况其他者乎及酌而傾曰倒流出瓮未放
曰無根無時初出曰新汲將旦首汲曰井華夫一井之水
而功用不同豈烹者之間將行藥勢獨不擇夫水哉昔
有患小溲闕者衆工不能瘥予易之長川之急流取前
藥而沸之一飲立溲元疇聞之曰精乎哉論也近讀靈
樞經有半夏湯治不暝以流水千里外者八升揚之萬



<p>遍取其清五升炊以葦火正與此論合乃知子和之 於醫觸一事一物皆成治法如張長史草書妙天下得 之公孫劔器用心亦勞矣後之用水者當以子和之言為 制余於是乎作水解</p>	<p>欽定四庫全書</p> <p>儒門事親</p>	<p>儒門事親卷三</p>
--	---------------------------	---------------



欽定四庫全書

子部
儒門事親卷四
五

詳校官太醫院恩禮臣表天錫

編修臣倉聖脈覆勛

總校官原任中允臣王燕緒

校對官中書臣呂雲棟

謄錄監生臣洪策



欽定四庫全書

儒門事親卷四

金 張從正 撰

風一

夫風者厥陰風木之主也諸風掉眩風痰風厥涎潮不

利半身不遂失音不語留飲殮泄痰實嘔逆旋運口

喎搐搦僵仆目眩小兒驚悸狂妄胃脘當心而痛上

支兩脇咽膈不通偏正頭痛首風沐風手足攣急肝

欽定四庫全書

儒門事親

木為病人氣在頭

防風通聖散 防風天麻湯 防風湯

祛風丸 排風湯 小續命湯

消風散

暑二

夫暑者為少陰君火之主也諸痛痒瘡瘍癰疽腫毒及

胃煩熱噎乾欬喘唾血泄血肘腫肩痺皆內痛心痛

肺脹腹脹鬱悶風溫病多發風傷於榮溫傷於衛血



<p>為榮氣為衛其脈兩手多沉自汗出身重多睡必鼾 三日以裏且宜辛涼解之或辛溫解之如不已裏證 未罷大不可下如下則胃中虛空四日之外表熱入 裏則譫語口乾發疹潮熱直視失溲者十死八九肺 金為病人氣在胸及小兒瘡疹丹燥但發人氣在腹</p>	<p>白虎湯</p>	<p>桂苓甘露散</p>	<p>化痰玉壺丸</p>	<p>益元散</p>	<p>玉露散</p>	<p>石膏散</p>	<p>濕三</p>	<p>欽定四庫全書 儒門事親</p>	<p>夫濕者為太陰濕土之主也諸濕腫滿霍亂泄注附腫 骨痛及腰膝頭項痛風痺痿厥唾有血心懸如饑熱 痛始作三陽受之一日太陽二日陽明三日少陽可 汗而已如四日太陰五日少陰六日厥陰可下而已 或七日不愈再傳至十三日大邪皆去六經悉和則 愈矣腎水為病</p>	<p>五苓散</p>	<p>葶藶木香散</p>	<p>白朮木香湯</p>	<p>益元散</p>	<p>大橘皮湯</p>	<p>神助散</p>
---	------------	--------------	--------------	------------	------------	------------	-----------	------------------------	---	------------	--------------	--------------	------------	-------------	------------



桂苓白朮丸

火四

夫火者少陽相火之主也諸暴死發熱惡寒痛病大作
傳為水腫面黃身痿泄注膿血赤白為利癰腫疽毒
丹燥癆疹小兒疳瀉腹脹暴下如水心胸中熱甚則
孰衄胸脇皆痛耳聾口苦舌乾與臟毒下血米穀不
化腸鳴切痛消渴上喘肺金為病

涼膈散

黃連解毒湯

瀉心散

欽定四庫全書

儒門事親

神芎丸

八正散

調胃散

調胃承氣湯

燥五

夫燥者是陽明燥金之主也諸氣憤鬱腸胃乾涸皮膚
皴揭脇痛寒瘧喘咳腹中鳴注泄驚澹脇肋暴痛不
可反側嗑乾面塵肉脫色惡及丈夫癩疝婦人少腹
痛帶下赤白瘡瘍瘰癧喘咳潮熱大便澁燥及馬刀
挾瘦之瘡肝木為病



神功丸	脾約丸	麻仁丸
潤體丸	四生丸	
寒六		
夫寒者是太陽寒水之主也諸寒冷濕痺肘臂攣急秋 濕既多寒咳為嗽痰厥心痛心中澹澹大動脅胃 腕痛不可食食已不饑吐利腥穢屈伸不便上下所 出不禁目盲堅痞色焔渴而飲冷積水足浮腫囊縮 四肢冷爪甲青心火為病		
欽定四庫全書	儒門事親	
薑附湯	四逆湯	二薑湯
朮附湯	大己寒丸	理中湯
解利傷寒七		
夫冒風時氣溫病傷寒三日以裏頭痛身熱惡寒可用 通聖散益元散各五七錢水一大碗入生薑十餘片 葱白連鬚者十餘莖豈豉一撮同煎三五沸去滓稍 熱先以多半投之良久用釵子於咽喉中探引吐了 不宜嗽口次用少半亦稍熱投之更用葱醋酸辣湯		



投之衣被蓋覆汗出則愈矣如遇世亂內經曰歲火
太過炎暑流行火氣大盛肺金受邪上應熒惑大而
明現若用辛涼之劑解之則萬舉萬全也若遇治世
人安可用升麻湯葛根湯敗毒散辛溫之劑解之亦
加葱根白豈豉上涌而表汗內經曰因其輕而揚之
揚者發揚也吐汗發揚寒熱之邪既吐汗之後必大
將息旬日之後其邪不復作也

又一法或於無藥之處可用酸齏汁一大碗煎三五沸

欽定四庫全書

儒門事親

去菜葉猛服訖少間用釵子咽喉中探引吐了如此
三次後煎葱醋酸辣湯投之以衣被蓋覆汗出則解內
經曰酸苦涌泄為陰涌者吐也傷寒三日頭痛身熱
是病在上也在上者固宜涌之然後以淡漿粥養之
一二日則愈矣

又一法可用不卧散解之於兩鼻內嚙之連嚏噴三二
十次以衣被蓋覆用此藥時當於暖室中嚏罷以酸
辣漿粥投之汗出如洗嚏噴者同吐法也此法可與



雙解散為表裏也

又有導引一法可於一間處用之先教病人盤脚而坐
次用兩手交十指攀腦後風池風府二穴乃是風門
也向前叩首幾至於地如此連點一百二十數急以
葱醋粥辛辣湯投之汗出立解

傷寒溫疫時氣冒風中暑俱四時不正之氣也人若
初感之皆頭痛惡寒身熱及寒熱往來腰脊強是太
陽經受之也內經曰可先治內而後治外先用生薑

欽定四庫全書

儒門事親

葱白豈豉煎雙解散上涌及汗出則解如不解者至
五六日或不大便喘滿譫語實熱兩手脉沉可用調
胃大小承氣湯下之慎不可用銀粉芭豈霜杏仁芫
花熱藥下之則必死此先治外而後治內也如大汗
之後慎不可食葵羹藿菜羊猪雞犬魚兔等肉惟不
先明必致重困後必難治也傷寒七八日發黃有斑
潮熱腹滿者或痰實作止雖諸承氣湯下過者仲景
曰寸口脉浮滑者可用芫蒂散吐之然傷寒寸口脉



浮滑者可用雜病寸口脉沉者可吐叔和云寸脉沉
兮胸有痰啟玄子曰上盛不已吐而奪之是也

風八

夫風中失音悶亂喎斜口眼內經曰風之為病善行而
數變故百病皆生於風也可用三聖散吐之如不省
人事牙關緊閉粥菜不能下者煎三聖散鼻內灌之
吐出涎口自開也次服通聖散涼膈散大人參半夏
丸桂苓甘露散等大忌雞猪魚兔酒醋蕎麵動風引

欽定四庫全書

儒門事親

痰之物吐痰之法在方論中

頭風眩運手足時復麻痺胃脘發痛心腹滿悶按之
如水聲可用獨聖散吐之吐訖可服辛涼清上之藥
仲景曰此寒痰結於胸中之致然也

痺九

夫大人小兒風寒濕三氣合而為痺及手足麻木不仁
者可用鬱金散吐之吐訖以導水丸通經散泄之泄
訖以辛溫之劑發散汗出則可服當歸芍藥乳沒行



經和血等藥如不愈則便不宜服此等藥

痿十

夫男女年少面黃身熱肌瘦寒熱往來如瘧更加涎嗽
不止或喘滿面浮此名曰肺痿可用獨聖散吐之吐
訖次用人參柴胡飲子小柴胡飲子加當歸桂苓甘
露散之類內經曰男女之病皆同也男子精不足是
味不化也女子血不流是氣不月也又曰形不足者
溫之以氣精不足者補之以味是也

欽定四庫全書

儒門事親

厥十一

夫厥之為病手足及膝下或寒或熱也舉世傳為脚氣
寒濕之病豈知內經中本無脚氣陽氣衰於下則為
寒厥陰氣衰於上則為熱厥熱厥為手足熱寒厥為
手足寒也陽經起於足指之表陰經起於足心之下
陽氣勝則足下熱陰氣勝則足下寒熱厥者寒在上
也寒厥者熱在上也寒在上者以溫劑補肺金熱在
上者以涼劑清心火則愈矣若尸厥痿厥風厥氣厥



酒厥可一涌而醒次服降火益水和血通氣之藥使
粥食調養無不瘥者若其餘諸厥做此行之慎勿當
疑似之間便作風氣相去邈矣

癰十二

夫癰病不至於目瞪如愚者用三聖散投之更用大盆
一箇於暖室中令汗下吐三法俱行次服通聖散百
餘日則愈矣至於目瞪如愚者不可治內經曰神不得
守謂神亂也

欽定四庫全書

儒門事親

癰十三

夫富貴膏粱之人病癰或間日或頻日或作熱或作寒
或多寒少熱或多熱少寒宜以大柴胡湯下之下過
三五行次服白虎湯玉露散桂苓甘露散之類如不
愈者是積熱大甚宜以神芎藏用丸三花神祐丸調
胃承氣湯等藥大作劑料下之下訖以長流水煎五
苓散服之或服小柴胡湯數服亦可如不愈復以常
山散吐之後服涼膈散白虎湯之類必愈矣大忌熱



麵及羊肉雞猪魚兔等物如食之瘧疾復作以至不救

貧賤藹蕘之人病瘧以飲食踈糲衣服寒薄勞力動作不可與膏粱之人同法而治臨發日可用野夫多効方溫脾散治之如不愈用辰砂丹治之則愈矣如服藥訖宜以長流水煎白虎湯五苓散服之不宜食熱物及燥熱之藥以瘧疾是傷暑伏熱之故也內經曰夏傷於暑秋必瘧瘧不可不信哉忌物同前

欽定四庫全書

儒門事親

泄痢十四

夫大人小兒暴注瀉水不已內經曰注下也注下者水利也火運太過之病火主暴逆之故也急宜用水調桂苓甘露散五苓散益元散或以長流水煎過放冷服則愈慎不可驟用罌粟殼乾薑荳蔻聖散子之類縱瀉止則腸胃不通轉生他疾止可以分陰陽利水道而已

疝利十五



夫病疴利米穀不化日夜無度腹中雷鳴下利完穀出
可用導水丸禹功散瀉訖一二日可服胃風湯不愈
則又可與桂枝麻黃湯發汗則愈矣內經曰久風入
中為腸澼飧泄啓玄子云風在腸中上薰於胃所食
不化而出又云飧泄者是暮食不化也又經云春傷
於風夏必飧泄故可汗而愈內經曰風隨汗出痛隨
利減若服荳蔻罌粟殼之類久而不輟則變為水腫
以成不救也

欽定四庫全書

儒門事親

藏毒下血十六

夫藏毒下血可用調胃承氣湯加當歸瀉訖次用芍藥
藥皮丸黃連解毒湯五苓益元各停調下五七錢服
之內經曰腸澼便血何如荅曰澼者腸間積水也身
熱則死寒則生熱為血氣敗故死寒為榮氣在則生
七日而死者死於火之成數也

下利膿血十七

夫下利膿血腹痛不止可用調胃承氣湯加生薑棗煎



更下藏用七八十九丸量虛實加減瀉訖次用長流水
調五苓散五七錢或加燈心煎調下亦得調益元散
五七錢亦可大忌油膩一切熱物則愈矣
水泄不止十八

夫男子婦人病水濕瀉注不止因服荳蔻烏梅薑附峻
熱之劑遂令三焦閉溢水道不行水滿皮膚身體否
腫面黃腹大小便赤澁兩足按之陷而復起內經曰
諸濕腫滿皆屬脾土可用獨聖散吐之如時月寒涼

欽定四庫全書

儒門事親

宜於煖室不透風處用火一盆以藉火力出汗次以導
水禹功散量虛實瀉十餘行濕去腫減則愈矣是汗
下吐三法齊行既汗下吐訖腑臟空虛宜以淡漿粥
養腸胃二三日次服五苓散益元同煎燈心湯調下
如勢未盡更宜服神助散舊名葶藶散可以流濕潤
燥分陰陽利小便不利小便非其法也既平之後宜
大將息忌魚鹽酒肉菓木房室等事如此三年則可
矣如或不然決死而不救也



痔漏腫痛十九

夫痔漏腫痛內經曰因而大飽筋脉橫解腸澀為痔痔而不愈變而為漏同治濕法而治之可先用導水丸禹功散瀉訖次服枳殼丸木香檳榔丸更加以葵羹菠菜猪羊血等通利腸胃大忌房室雞魚酒醋等物

霍亂吐瀉二十

夫霍亂吐瀉不止者可用五苓散益元散各停冰水調下五七錢如無冰水可用新汲水調下桂苓甘露散

欽定四庫全書

儒門事親

玉露散清涼飲子調下五七錢或香薷湯調下五七錢亦可如無已上諸藥可服地漿三五盞亦可地漿者可於淨地掘一井子用新汲水一桶並於井子攪令渾候澄清連飲三五盞立愈大忌白朮湯薑桂烏附種種燥熱之藥若服之則必死矣巢氏云霍者揮霍而成疾亂者陰陽亂也皆由陰陽清濁二氣相干故也

大便澁滯二十一



夫老人久病大便澁滯不通者可服神功丸麻仁丸四
生丸則愈矣時復食葵菜菠菜猪羊血自然通利也
內經云以滑養竅是也此病不愈令人失明也

五種淋瀝二十二

夫大人小兒病沙石淋及五種淋瀝閉癢并臍腹痛益
元散主之以長流水調下八正散石韋散依方服用
此三藥皆可加減服之

酒食不消散二十三

欽定四庫全書

儒門事親

夫一切冷食不消宿酒不散亦同傷寒身熱惡寒戰慄
頭項痛腰脊強及兩手脉沉不可用雙解止可用導
飲丸五六十丸量虛實加減利五七行所傷冷食宿
酒若推盡則頭痛等病自愈也次以五苓散生薑棗
長流水煎服五六服不可服酒癥進食丸此藥皆犯
芭荳有熱毒之故也

酒食所傷二十四

夫膏粱之人起居間逸奉養過度酒食所傷以致中脘



留飲脹悶痞膈醋心可服木香導飲丸以治之

夫藹藹之人飲食麤糲衣服寒薄勞役動作一切酒食
所傷以致心腹滿悶時嘔酸水用進食丸治之

沉積水氣二十五

夫一切沉積水氣兩脇刺痛中滿不能食頭目眩者可
用茶調散輕涌訖冷涎一二升次服七宣丸則愈矣
木香檳榔丸導飲丸亦妙不可用芭荳銀粉等藥

諸積不化二十六

夫諸積不化可服無憂散每月瀉三五次可用桂苓白
朮丸散妙功丸大忌生硬粘滑動風發熱等物

骨蒸熱勞二十七

夫男子婦人骨蒸熱勞皮膚枯乾痰唾稠粘四肢疼痛
面赤唇乾煩燥睡卧不寧或時喘嗽飲食少味困弱
無力虛汗黃瘦等疾內經曰男子因精不足而成女
子因血不流而得也可先以茶調散輕涌訖次以導
水禹功散輕瀉三兩行後服柴胡飲子桂苓甘露散

欽定四庫全書

儒門事親



搜風丸白朮調中湯木香檳榔丸人參犀角散之類
量虛實選而用之如咯血吐血便血此乃亡血也並
不宜吐吐之則神昏內經曰血者人之神也故亡血
則不宜吐慎不可服峻熱薑附之藥若服之則飲食
難進肌肉消削轉成危篤也五勞之病乃今人不明
發表攻裏之過也大忌暑月於手腕足外踝上著灸
手腕者陽池穴也此穴皆肌肉淺薄之處灸瘡最難
瘡可及胸次中腕臍下背俞三里等穴或有灸數十
者及以燔針終無一効病人反受苦可不思之勞疾
多饑所思之物但可食者宜食療本草而與之菠菜
葵羹冰水涼物慎不可禁以圖水穀入胃脉道乃行
也若過忌慎則胃口閉胃口閉則形必瘦形瘦脉空
乃死之候也諸勞皆可倣此

虛積二十八

夫病人多日虛積無力補之以無比山藥丸則愈矣

上喘中滿二十九

欽定四庫全書

儒門事親



夫上喘中滿醋心腹脹時時作聲否氣上下不能宣暢
叔和云氣壅三焦不得昌是也可用獨聖散吐之吐
訖次用導水禹功輕瀉三五行不愈更以利膈丸瀉
之使上下宣通不能壅滯後服平胃散五苓散益元
散桂苓甘露散三和散分陰陽利水道之藥則愈矣
一切涎嗽三十

夫富貴之人一切涎嗽是飲食厚味熱痰之致然也先
用獨聖散吐之吐訖可服人參散通聖散加半夏以

欽定四庫全書

儒門事親

此止嗽更服大人參半夏丸以之化痰也大忌酸鹹
油膩生硬熱物也

咳嗽三十一

夫貧賤之人咳嗽內外感風冷寒濕之致然也內經曰
秋傷於濕冬生咳嗽可服寧神散寧肺散加白朮之
類則愈矣忌法同前

效逆三十二

夫男子婦人效逆俗呼曰忤忤乃陰陽不和也乃傷寒



亦有效逆者並可用既濟散治之忌寒熱物宜食溫
淡物以養胃氣耳

風痰三十三

夫風痰酒痰或熱在膈上頭目不清涕唾稠粘或欬
上喘時發潮熱可用獨聖散吐之吐訖可服搜風丸
涼膈散之類內經曰流濕潤燥是也

咯血衄血嗽血三十四

夫男子婦人咯血衄血嗽血欬膿血可服三黃丸黃連

欽定四庫全書

儒門事親

解毒湯涼膈散加桔梗當歸大煎劑料時時呷之內
經曰治心肺之病最近藥劑不厭頻而少時時呷之
者是也

消渴三十五

夫三消渴內經曰三消渴者肺消膈消風消也右以繅
絲煮蠶湯澄清頓服之則愈或取生藕汁頓服之亦
愈

雷頭三十六



夫雷頭懶于乃俗之謬名也此疾是胸中有寒痰多沐之致然也可以茶調散吐之吐訖冷痰三二升次用神芎丸下三五行然後服愈風餅子則愈矣雷頭者是頭上赤腫核或如生薑片酸棗之狀可用錐針刺而出血永除根本也

頭痛不止三十七

夫頭痛不止乃三陽之受病也三陽者各分部分頭與項痛者是足太陽膀胱之經也攢竹痛俗呼為眉稜

欽定四庫全書

儒門事親

痛者是也額角上痛俗呼為偏頭痛者是少陽經也如痛久不已則令人喪目以三陽受病皆胸膈有宿痰之致然也先以茶調散吐之後以香薷散白虎湯投之則愈然頭痛不止可煎葱白鬚豨豉湯吐之吐訖可服川芎薄荷辛涼清上搜風丸香芎散之類仲景曰葱根豨豉亦吐傷寒頭痛叔和云寸脉急而頭痛是也

兩目暴赤三十八



夫兩目暴赤發痛不止可以長流水煎鹹湯吐之次服神芎丸四物湯之類內經曰暴病皆屬火也又曰治病有緩急急則治其標緩則治其本標者赤腫也本者火熱也以草莖鼻中出血最妙

目腫三十九

夫目暴赤腫痛不能開者以青金散鼻內搗之鼻內出血更捷

病目經年四十

欽定四庫全書

儒門事親

夫病赤目經年不愈者是頭風所加之令人頭痛可用獨聖散八正散之類赤目腫作是足厥陰肝經有熱利小便能去肝經風熱也

風衝泣下四十一

夫風衝泣下者俗呼為冷淚者是也內經曰太陽經不禁固也又曰熱則五液皆出肝熱故淚出風衝於外火發於內風火相搏由此而泣下也治之以貝母一枚白膩者胡椒七粒不犯銅鐵研細臨卧點之可也



風蛀牙疼四十二

夫風蛀牙疼久不愈者用針插芭荳一枚於燈焰上燎之烟盡存性於牙窩根盤上薰之則愈

口瘡四十三

夫大人小兒瘡唇緊用酸漿水洗去白痴臨困點綠袍散如或不愈貼赴筵散又不愈貼鉛白霜散則愈矣

喉閉四十四

夫男子婦人喉閉腫痛不能言者刺兩手大拇指去爪

欽定四庫全書

儒門事親

甲如菲葉是少商穴少商是肺金之井穴也以銚針刺血出立愈如不愈以溫白湯口中含嗽是以熱導熱也

癭四十五

夫癭囊腫悶嵇叔夜養生論云頸如險而癭水土之使然也可用人參化癭丹服之則消也又以海帶海藻昆布三味皆海中之物但得三味投之於水瓮中常食亦可消矣



背疽四十六

夫背瘡初發便可用藏用丸玉燭散大作劑料下臟腑
一二十行次以銚針於腫焮處亂刺血出如此者三
後以陽起石散傅之不可便服內托散內犯官桂更
用酒煎男子以背為陽更以熱投熱無乃太熱乎如
瘡少愈或瘡口未合瘡痂未斂風痒時作可服內托
散以辟風邪耳

癰癧四十七

欽定四庫全書

儒門事親

夫人頭目有瘡腫癰癧及胸臆脇脇之間或有瘡痂腫
核不消及有膿水不止可用滄鹽一二兩炒過以長
流水一大碗煎放溫作三五次頓服訖候不多時於
咽喉中探引吐涎三二升後服和血通經之藥如玉
燭散四物湯之類是也內經曰鹹味涌泄為陰涌者
吐也瀉者泄也銅人曰少陽起於目銳眥行耳後下
脇肋過期門癰癧結核馬刀挾瘦是少陽膽經多氣
少血之病也



便癰四十八

夫便癰者乃男子之疝也俗呼為便癰言於不便處害一癰故名便癰也便癰者謬名也難素所不載也然足厥陰肝之經絡是氣血行流之道路也衝任督脉亦屬肝經之傍絡也難經曰男子有七疝是也便癰者血疝也治之以導水丸桃仁承氣湯或抵當湯投之同瘀血不散而治大作劑料峻瀉一二十行次以玉燭散和氣血通經絡之類則是也世之多用大黃牡蠣而已間有不愈者是不知和血通經之道也

欽定四庫全書

儒門事親

惡瘡四十九

夫一切惡瘡久不愈者以木香檳榔散貼之則愈

下疳五十

夫下疳久不愈者俗呼為臊疳是也先以導水禹功先瀉肝經外以木香散傳之日上三兩度然後服淡粥一二日則止

儒門事親卷四



欽定四庫全書

儒門事親卷五

金 張從正 撰

瘡癰瘤腫五十一

夫大人瘡癰小兒赤瘤腫發之時疼痛不止內經曰夫諸痛痒瘡瘍皆生於心火可用一呪法禁之法者是心法呪曰

龍鬼流兮諸毒腫 癰瘡膿血甚被痛

欽定四庫全書

儒門事親

忘心稱念大悲呪 三唾毒腫隨手消

右一氣念呪三遍望日月燈火取氣一口吹在瘡腫丹瘤之上右手在瘡上虛收虛撮三次左手不動每一氣念三遍虛收虛撮三次百無禁忌如用之時心正為是此法得於祖母韓氏相傳一百餘年用之救人百發百中若不食葷酒之人其法更靈病瘡腫者大忌雞猪魚兔發熱動風之物此法不得輕侮無藥處可用之



瘡腫丹毒五十二

夫大人小兒瘡腫丹毒發熱疼痛不止者有一法面北
端想北海雪浪滔天冰山無際大寒嚴冷之氣取此
氣一口吹在瘡腫處立止用法之人大忌五辛之菜
五厭之肉所病之人切忌雞猪魚兔酒醋濕麵等物
無藥之處可用此法救之

凍瘡五十三

夫凍瘡者因寒月行於冰雪中而得之有經年不愈用

欽定四庫全書

儒門事親

陂野中淨土曝乾以大蒜搗如泥和土捏作餅子如
大觀錢厚薄量瘡口大小而貼之泥餅子上以火艾
灸之不計艾壯多少以泥乾為度去乾餅以換濕餅
貼定灸之不問灸數多少有灸一二日者直至瘡痂
內覺痒微痛是凍瘡活也然後口含漿水澄清用雞
翎一二十莖縛作刷子於瘡口上洗淨以此而洗之
後肌膚損痛也用軟帛拭乾次用木香檳榔散傅之
夏月醫之大妙



金瘡五十四

夫一切刀箭所傷有刀箭藥用風化石灰一斤龍骨四兩二味為細末先於端四日採下刺薊菜於端午日五更合杵白內搗和得所團作餅子若酒麴中心穿眼懸於背陰處陰乾搗羅為細末於瘡口上摻貼亦治裏外賺并諸瘡腫大効

又有呪法 呪曰

今日不祥 正被某傷 一禁不疼

欽定四庫全書

儒門事親

二禁不痛 三禁不膿不作血

急急如律令奉勅攝

又每念一遍以右手收一遍收在左手中如此七遍則放手吹去却望太陽取氣一口吹在所傷處如陰晦夜間望北斗取氣亦得所傷之人 大忌雞猪魚兔酒醋熱麵動風之物如食之則瘡必發

又一法 默想東方日出始取氣一口日出一半

取氣一口日大圓滿取氣一口吹在所傷之處如此



三次則止用法之人並無所忌所傷之人禁忌同前可於
無藥之處用之

誤吞銅鐵五十五

夫誤吞銅鐵以至羸瘦者宜用肥猪豚與葵菜羹同殮
數頓則銅鐵自然下也神驗如不食葷腥者宜以調
胃承氣湯大作其劑下之亦可也

魚刺麥芒五十六

夫魚刺麥芒一切竹木籤刺咽喉及鬚髮惹伴在咽嗑

欽定四庫全書

儒門事親

中不能下者內經曰不因氣動而病生於外可用道
藏經一呪法治之

呪曰 吾請老君東流順 老君奉勅攝攝攝

法毒水吾託大帝尊不到稱吾者各各現帝身急急
如律令奉勅攝一氣念遍又以左手屈中指無名指

作三山印印上坐淨水一盞右手掐卯文作金鎗印

左手在下右手在上左手象地右手象天虛挽虛卓九

次為定左足橫右足豎作丁字立如作法時望日月



燈火取氣一口吹在盞內此法百無禁忌用法之時以正神氣是也如所傷物下不可便與米湯米飯喫恐米粒誤入瘡口中潰作膿也姑以拌麵羹養之數日可也

蛇虫所傷五十七

夫大咬蛇傷不可便貼膏藥及生肌散之類謂毒氣不出也內經曰先治內而後治外可也當先用導水丸禹功散或通經瀉十餘行即時痛減腫消然後用膏

欽定四庫全書

儒門事親

藥生肌散傳貼愈此是先治內而後治外之法也

杖瘡五十八

夫一切虫獸所傷及背瘡腫毒杖瘡焮發或透入裏者可服木香檳榔丸七十八丸至百丸或百五十九丸至二百丸生薑湯下過五七行量虛實加減則可矣

禁蝎五十九

夫禁蝎有一呪法 呪曰

玉女傳仙攝

勅斬蚺蜥滅



右如有蝎螫之人來求治者於蝎螫處望而取氣一口默念七遍怒著作法吹在蝎螫處內經曰蜂蠆之毒皆屬於火可用新水一盆浸之如浸不得處速以手帛蘸水搭之則痛止也用法之人大忌五厥肉

落馬墜井六十

夫一切男子婦人落馬墜井因而打撲便生心恙是痰涎發於上也內經曰不因氣動而病生於外可用三聖散空心吐訖如本人虛弱疲瘁可用獨聖散吐之

欽定四庫全書

儒門事親

吐訖可服安魂寧魄之藥定志丸酸棗仁伏神之類是也

婦人月事沉滯六十一

夫婦人月事沉滯數月不行肌肉不減內經曰此名為瘕為沉也沉者月事沉滯不行也急宜服桃仁承氣湯加當歸大作劑料服不過三服立愈後用四物湯補之更可用宣明方檳榔丸

血崩六十二



夫婦人年及四十以上或悲哀太甚內經曰悲哀太甚則心系急心系急則肺布葉舉而上焦不通熱氣在中故經血崩下心系者血山也如久不愈則面黃肌瘦慎不可與燥熱之藥治之豈不聞血得熱而流散先以黃連解毒湯次以涼膈散四物湯等藥治之而愈四物者是涼血也乃婦人之仙藥也量虛實加減以意消息用之

腰跨疼痛六十三

欽定四庫全書

儒門事親

夫婦人腰跨疼痛兩脚麻木惡寒喜暖者內經曰乃

是風寒濕痺先可服除濕丹七八十九丸量虛實以意加減次以禹功散投之瀉十餘行清冷積水青黃涎沫為驗後以長流水同生薑棗煎五苓散服之風濕散而血氣和也

頭風眩暈六十四

夫婦人頭風眩暈登車乘船亦眩暈眼澁手麻髮退健忘喜怒皆胸中有宿痰之使然也可用菴蒂散吐之



吐訖可用長流水煎五苓散大人參半夏丸兼常服
愈風餅子則愈矣

經血暴下六十五

夫婦人年及五十以上經血暴下者婦人經血終於七
七之數數外暴下內經曰火主暴速亦因暴喜暴怒
憂結驚恐之致然也慎不可作冷病治之如下峻熱
之藥則死止可用黃連解毒湯以清於上更用蓮殼
灰椶毛以滲於下然後用四物湯加玄胡散涼血和

欽定四庫全書

儒門事親

經之藥是也

赤白帶下六十六

夫婦人赤白帶下或出白物如脂可服導水丸禹功散
或單用無憂散量虛實加減瀉訖次用桂苓丸五苓
散葶藶木香散同治濕治瀉法治之或用獨聖散上涌
亦可也室女亦可

月事不來六十七

夫婦人月事不來室女亦可內經曰月事不來者是胞



脉閉也胞脉者屬火而絡於脬中令氣上迫肺心氣
不得下通故月事不來也可用茶調散吐之吐訖可
用玉燭散當歸散或三和湯桂苓白朮散柴胡飲子
量虛實選而用之降心火益腎水開胃進食分陰陽
利水道之藥是也慎勿服峻熱之藥若服之則變成
肺痿骨蒸潮熱咳嗽咯膿嘔血而喘小便澀滯寢汗
不已漸至形瘦脉大雖遇良醫亦成不救嗚呼人之
死者豈為命耶

欽定四庫全書

儒門事親

婦人無子六十八

夫婦人年及二三十者雖無病而無子經血如常或經
血不調乃陰不升陽不降之故也可獨聖散上吐訖
冷痰三二升後用導水丸禹功散瀉訖三五行及十
餘行或用無憂散瀉十餘行次後喫葱醋白粥三五
日胃氣既通腸中得實可服玉燭散更助以桂苓白
朮丸散二藥是降心火益腎水既濟之道不數月而
必有孕也



若婦人有癰閉遺溺嗑乾之諸證雖服藥針灸亦不能孕也蓋衝任督三脉之病故不治也表證見內證及熱論中

小產六十九

夫婦人半產俗呼曰小產也或三月或四五月皆為半產已成男女故也或因憂恐暴怒悲哀太甚或因勞力打撲傷損及觸風寒或著暴熱不可用黑神散烏金散之類內犯乾薑之故止可用玉燭散和經散

欽定四庫全書

儒門事親

湯之類是也

大產七十

夫婦人大產十月滿足降誕者是也或臍腰痛乃敗血惡物之致然也舉世便作虛寒以燥熱治之誤人多矣難經曰諸痛為實實者熱也可用導水丸禹功散瀉五七行慎不可便服黑神散烏金散燥之同半產治之則可矣

產後心風七十一



夫婦人產後心風者則用調胃承氣湯一二兩加當歸
半兩細剉用水三四盞同煎去滓分作二服大下三
五行則愈如不愈三聖散吐之

乳汁不下七十二

夫婦人有天生無乳者不治或因啼哭悲怒鬱結氣溢
閉塞以致乳脉不行用精猪肉清湯調和美食於食
後調益元散五七錢連服三五服更用木梳梳乳周
回百餘遍則乳汁自下也

欽定四庫全書

儒門事親

又一法猪蹄湯調和美味服之乳汁亦下合用熟猪
蹄四枚食之亦効

又一法鍼肩井二穴亦効

產後潮熱七十三

夫婦人產後一二日潮熱口乾可用新汲水調玉露散
或冰水調服之亦可或服小柴胡湯加當歸及柴
胡飲子亦可慎不可作虛寒治之

乳癰七十四



夫乳癰發痛者亦生於心也俗呼曰吹乳是也吹者風也風熱結薄於乳房之間血脉凝注久而不散潰腐為膿也可用一法禁之

呪曰 謹請東方護司族吹妳是灰妳子

右用之時當先問病人曰甚病病人荅曰吹妳取此氣一口但吹在兩手坎字文上用大拇指緊捏定面北立一氣念七遍吹在北方如此者三遍若作法時以左右二婦人面病人立於病乳上痛揉一二百數如此亦三次則愈

欽定四庫全書

儒門事親

雙身大小便不利七十五

夫婦人雙身大小便不利者可用入正散大作劑料除滑石加葵菜子煎服內經曰膀胱不利為癰癰者是小便閉而不通也如八正散加木香取効更捷經曰膀胱氣化則能出然後服五苓散三五服則愈矣

雙身病癰七十六

夫雙身婦人病癰可煎白虎湯小柴胡柴胡飲子等藥



如大便結硬可用大柴胡散微澹過不可大吐瀉恐傷其孕也內經曰夏傷於暑秋必病瘧

雙身傷寒七十七

夫雙身婦人傷寒時氣溫疫頭痛身熱可用升麻散一兩水半椀大煎劑料去滓分作二服先一服吐了後一服不吐次以長流水加生薑棗煎五苓散熱啜之汗出盡頭痛立止

身重瘖瘖七十八

夫婦人身重九月而瘖瘖不言者是腠生絡脉不相接也則不能言經曰無治也雖有此論可煎玉燭散二兩水一椀同煎至七分去滓放冷入蜜少許時時呷之則心火下降而肺金自清故能作聲也

懷身入難七十九

夫婦人懷身入難月可用長流水調益元散日三服欲其易產也產後自無一切虛熱血氣不和之疾如未八月則不宜服也以滑石滑胎故也

欽定四庫全書

儒門事親



眉煉八十

夫小兒眉煉在面曰眉煉在耳曰輒耳在足曰靴痒此三者皆謬名也內經曰諸痛痒瘡瘍皆屬心火乃心火熱盛之致然也可用鉗針刺之而出血一刺不愈當再刺之二刺則必愈矣內經云血實者宜決之決者破其血也眉煉者不可用藥傅之其瘡多痒則必爬若藥入眼則眼必損矣

牙疳八十一

欽定四庫全書
儒門事親
夫小兒牙疳牙疳者齒齲也齲者是牙斷腐爛也上下牙者是手足陽明二經也或積熱於內或服銀粉芭荳大毒之藥入於腸胃乳食不能勝其毒毒氣循經而上至於齒斷齒斷牙縫為嫩薄之分反為害也可以麝香玉線子治之乳母臨卧當服黃連解毒湯一服疳病則愈

夜啼八十二

夫小兒夜啼不止者當用燈花一枚研細隨乳汁下併



三服則每服用燈花一枚服罷此藥於淨室中卧一
兩日則止也

丹瘤八十三

夫小兒丹瘤浮赤走引或遍身者乃邪熱之毒在於皮
膚以磁片撤出血則愈如不愈則以拔毒散掃三二
十度必愈矣內經曰丹燦赤瘤火之色也相火之病
也

疳眼八十四

欽定四庫全書

儒門事親

夫小兒疳澁眼數日不開者乃肝木風熱之致然也可
調服涼膈散數服眼開而愈

身瘦肌熱八十五

夫小兒身瘦肌熱面黃腹大或吐瀉腹有青筋兩脇結
硬如椀之狀名乳癰癰俗呼曰妳脾是也乳癰得之
綿帛大厚乳食傷多大熱則病生肌大飽則必傷於
腸胃生於肌表者赤眼丹瘤疥癬癰癰眉煉赤白口
瘡牙疳宣爛及寒熱往來此乳母抱不下懷積熱薰



蒸之故兩手脉浮而數也傷於腸胃者吐瀉驚疳哽
氣腹脹肌瘦面黃肚大筋直喜食泥土揉鼻竅頭髮
作稔乳瓣不化此皆大飽之致然也久而不愈則成
乳癰兩手脉沉而緊也此其辨也已上諸證皆乳母
懷抱奉養過度之罪癖之疾可以丁香化痺散取過
數服牛黃通膈丸甘露散益黃散等藥磨之如不愈
者有揉脾一法

呪曰 日精月華 助吾手法 勅斬滅消

欽定四庫全書

儒門事親

驅毒勅攝

右用法之人每念一遍望日取氣一口吹在手心自
揉之如小兒病在左壁上用法之人亦左手揉之在
右壁以右手揉之亦吹在乳脾上令母揉之男孩兒
用單日女孩兒用雙日大忌風雨陰晦產婦孝子見
之用法之時宜於日中前晴明好日色則可矣

大小便不利八十六

夫小兒大小便不利通者內經曰三焦約也約者不行



也可用長流水煎八正散時時灌之候大小便利即止

久瀉不止八十七

夫小兒久瀉不止者至八九月間變為秋深冷利瀉泄清白時復撮痛乳瓣不化可用養脾丸丸如黍米大每服二三十丸米飲下日三服則愈若治蕪蕘之兒萬舉萬全富家且宜消息

通身浮腫八十八

欽定四庫全書

儒門事親

夫小兒通身浮腫是水氣腫也小便不利者通小便則愈內經曰三焦閉溢水道不行水滿皮膚身體否腫是風乘濕之證也可用長流水加燈心煎五苓散時時灌之更於不透風暖處頻治汗出則腫消腫消則自愈內外兼治故也

發驚潮搐八十九

夫小兒三五歲時或七八歲至十餘歲發驚潮搐涎如拽鋸不省人事目瞪口呆喘急將欲死者內經曰此皆得



於母胎中所授悸惕怕怖驚駭恐懼之氣故令小兒
輕者為驚吊重者為癇病風搐為腹中積熱為臍風
已上證候可用吐涎及吐之藥如吐訖宜用朱犀腦
射清涼墜涎之藥若食乳之子母亦宜服安魂定魄
之劑定志丸之類如婦人懷孕之日大忌驚憂悲泣
縱得子必有諸疾

拗哭不止九十

夫小兒拗哭不止或一二日或三四日乃邪祟之氣湊

欽定四庫全書

儒門事親

於心拗哭不止也有藏經一法以綿絹帶縛手足訖
用三姓婦人淨驢槽卧小兒於其中不令傍人知而
覷之候移時則拗哭自止也

身熱吐下九十一

夫小兒身熱吐下腹滿不進乳者可急用牛黃通膈丸
下過四五行則愈

風熱涎嗽九十二

夫小兒風熱涎嗽可用通聖加半夏多煎少服之不



過三五日愈

水瀉不止九十三

夫小兒水瀉不止可服五苓與益元各停用新水調下
一二錢服無時

瘡疥風癬九十四

夫小兒瘡疥風癬可用雄黃散加芒硝少許油調傅之
如面上有瘡癬不宜擦藥恐因而入眼則損目必矣

甜瘡九十五

欽定四庫全書

儒門事親

夫小兒甜瘡久不愈者俗呼曰香瘡是也多於面部兩
耳前有一法令母口中嚼白米成膏子臨卧塗之不
過三五上則愈矣小兒并乳母皆忌雞猪魚兔酒醋
動風發熱之物如治甜指亦可

白癢瘡九十六

夫小兒白癢瘡者俗呼為雞糞禿者是也可用甜苳蔓
龍頭不以多少河水浸之一宿以沙鍋熬取極苦汁
濾去苳蔓以文武慢火熬成如稀錫狀盛於磁器中



可先剃頭去盡瘡痂死血出盡著河水洗淨却用熬下
菘蔓膏子一水盞加半夏末二錢生薑自然汁一兩
匙狗膽一枚同調不過三兩上立可大忌雞猪魚兔
動風發熱之物

瘡疾不愈九十七

夫瘡疾連歲不愈者可用呪菓法治之菓者謂桃杏棗
梨栗是也

呪曰

欽定四庫全書

儒門事親

吾從東南來 路逢一池水 水裏一條龍

九頭十八尾 問伊食甚的 只喫瘡病鬼

右念一遍吹在菓子上念七遍吹七遍在上令病人

於五更雞犬不聞時面東而立食訖於淨室中安困

忌食菘菓葷肉熱物此法十治八九無藥處可以救

人

腰痛氣刺九十八

夫一切男子婦人或因欬嗽一聲或因悲笑啼泣擡鼻



重物以致腰痛氣刺不能轉側及不能出氣者可用
不卧散噎之汗出痛止如不食可用通經散導水丸
瀉十餘行瀉訖服烏金丸和血丹痛減則止

赤瘤丹腫九十九

夫小兒有赤瘤丹腫先用牛黃通膈丸瀉之後用陽起
石掃傳則丹毒自散如未散則可用銚鍼砭刺出血
而愈

瘡疤癩疹一百

欽定四庫全書

儒門事親

夫小兒瘡疤癩疹跌瘡丹燂等疾如遇火運勝時不可
便用升麻湯解之升麻湯者是辛溫之劑止可用辛
涼之劑解之太平之時可用辛溫之劑發散後便可
用涼膈加當歸白虎湯化斑湯玉露散煎服之甚者
解毒湯調胃承氣湯投之古人云瘡瘍者首尾俱不
可下此言誤人久矣豈不聞揚湯止沸釜底抽薪內
經曰五疔五疔多發此病此病少陽相火之歲也
少陽客氣勝丹燂瘡疤癩疹之疾生矣又內經曰諸



痛痒瘡瘍皆屬於心火由是言之皆明心生不可用
辛温之劑發散以至熱勢轉增漸成臟毒下血咬牙
搐搦為大熱之證明矣如白虎湯加人參涼膈加桔
梗當歸不論秋冬但有瘡疤之證便可用之亦且瘡
疤癰疹丹燥跌瘡者是天之一氣以傷人也且如瘡
疱癰疹以少為吉以稠為凶希少者不服藥而自愈
稠密者以寒涼藥捨死而治之十痊其二二敝家親
眷相知信服此藥獲効多矣

欽定四庫全書

儒門事親

儒門事親卷五



欽定四庫全書

子部
儒門事親卷六

詳校官太醫院恩科 臣 袁天錫

編修 臣 倉聖脈覆勛

總校官原任中允 臣 王燕緒

校對官中書 臣 呂雲棟

謄錄監生 臣 洪 策



欽定四庫全書

儒門事親卷六

金 張從正 撰

風形

因驚風搐二

新寨馬叟年五十九因秋欠稅官杖六十得驚氣成風
搐已三年矣病大發則手足顫掉不能持物食則令人
代哺口目張睽唇舌嚼爛抖擻之狀如線引傀儡每發

欽定四庫全書

儒門事親

市人皆聚觀夜卧發熱衣被盡塞遍身燥痒中熱而反
外寒久欲自盡手不能繩傾產求醫至破其家而病益
堅叟之子邑中舊小吏也以父母病訊戴人戴人曰此
病甚易治若隆暑時不過一涌再涌奪則愈矣今已秋
寒可三之如未更刺膺穴必愈先以通聖散汗之繼服
涌劑則痰一二升至晚又下五七行其疾小愈待五日
再一涌出痰三四升如雞黃成塊狀如湯熱叟以手顫
不能自探妻與代探咽噎腫傷昏瞶如醉約一二時許



稍稍省又下數行立覺足輕顫減熱亦不作足亦能步
手能巾櫛自持匙筋未至三涌病去如濯病後但覺極
寒戴人曰當以食補之久則自退蓋大疾之去衛氣未
復故宜以散風導氣之藥切不可熱劑溫之恐反成
他病也

風搐反張二

呂君玉之妻年三十餘病風搐目眩角弓反張數日不
食諸醫皆作驚風暗風風癰治之以天南星雄黃天麻

欽定四庫全書

儒門事親

烏附用之殊無少効戴人曰諸風掉眩皆屬肝木曲直
動搖風之用也陽主動陰主靜由火盛制金金衰不能
平木肝木茂而自病先涌風痰二三升次以寒劑下十
餘行又以錐鍼刺百會穴出血二盃立愈

殮泄三

趙明之米穀不消腹作雷鳴自五月至六月不愈諸醫
以為脾受大寒故併與聖散子荳蔻丸雖止一二日藥力
盡而復作諸醫不知藥之非反責明之不忍口戴人至



而笑曰春傷於風夏必飧泄飧泄者米穀不化而直過下出也又曰米穀不化熱氣在下久風入中中者脾胃也風屬甲乙脾胃屬戊己甲乙能尅戊己腸中有風故鳴經曰歲木太過風氣流行脾土受邪民病飧泄診其兩手脉皆浮數為病在表也可汗之直斷曰風隨汗出以火二盆暗置床之下不令病人見火恐增其熱給之入室使服涌劑以麻黃投之乃閉其戶從外鎖之汗出如洗待一時許開戶滅火一半須臾汗止泄亦止

欽定四庫全書

儒門事親

因風鼻塞四

常仲明常於炎暑時風快處披露肌膚以求爽為風所賊三日鼻塞雖坐於暖處少通終不大解戴人使服通聖散入生薑葱根荳豉同煎三兩服大發汗鼻立通

風痰五

常仲明之子自四歲得風痰疾至十五歲轉甚每月發一兩次發必頭痛痛則擊數百拳出黃綠涎一兩盞方已比年發益頻目見黑花發作昏不知人三四日方省



諸醫皆用南星半夏化痰之藥終無一効偶遇戴人於
瀝水之南鄉戴人以雙解散發汗次以苦劑吐痰病去
八九續以分劑平調自春至秋如此數次方獲全瘥

癩六

朱葛解家病癩疾求治於戴人戴人辭之待五六月間
可治之時也今春初尚寒未可服藥我已具行裝到宛
丘待五六月製藥朱解家以為託辭後戴人果以六月
間到朱葛乃具大蒜浮萍等藥使人召解家曰藥已成

欽定四庫全書

儒門事親

矣可來就治解為他醫所惑竟不至戴人曰向日我非
託也以春寒未可發汗暑月易發汗內經論治癩疾自
目眉毛再生針同發汗也但無藥者用針一汗可抵千
針故高供奉採萍歌曰不居山兮不在岸採我之時七
月半選甚癩風與癩風些小微風都不算豆淋酒內下
三丸鐵幘頭上也出汗噫文士相輕醫氏相疾文士不
過自損醫氏至於害人其解家之謂與陽夏張主簿病
癩十餘年眉鬚皆落皮膚皴澁如樹皮戴人斷之曰是



有汗者可治之當大發汗其汗出當臭其涎當腥乃置
燠室中徧塞風隙以三聖散吐之汗出周身如卧水中
其汗果粘臭不可聞痰皆腥如魚涎兩足心微有汗次
以舟車丸瀋川散大下五七行如此數次乃瘳

手足風裂七

陽夏胡家婦手足風裂其兩目昏漫戴人曰厥陰所至
為壅又曰鳴紊啓圻皆風之用風屬木木鬱者達之達
謂吐也先令涌之繼以調胃承氣湯加當歸瀉之立効

欽定四庫全書

儒門事親

胃脘痛八

一將軍病心痛不可忍戴人曰此非心痛也乃胃脘當
心痛也內經曰歲木太過風氣流行民病胃脘當心而
痛乃與神祐丸一百餘粒病不減或問曰此胃脘有寒
宜溫補將軍素知戴人明了復求藥於戴人戴人復與
神祐丸二百餘粒作一服大下六七行立愈

搐搦九

黃如村一叟兩手搐搦狀如拽鋸冬日不能覆被適戴



人之舞陽道經黃如不及用藥針其兩手大指後中注
穴上戴人曰自肘已上皆無病惟兩手搐搦左氏所謂
風淫末疾者此也或刺後谿手太陽穴也屈小指握紋
盡處是穴也

面腫風十

南鄉陳君俞將赴秋試頭項偏腫連一目狀若半壺其
脉洪大戴人出視內經面腫者風此風乘陽明經也陽
明氣血俱多風腫宜汗乃與通聖散入生薑葱根豈豉

欽定四庫全書

儒門事親

同煎一大盞服之微汗次日以草莖鼻中大出血立消

驚風十一

戴人常曰小兒風熱驚搐乃常病也當搐時切戒把捉
手足握持大急必半身不遂也氣血偏勝必痺其一臂
漸成細瘦至老難治當其搐時置一竹簞鋪之涼地使
小兒寢其上待其搐風力行徧經絡茂極自止不至傷人

風溫十二

陽夏賀義夫病傷寒當三日以裏醫者下之而成結胸



求戴人治之戴人曰本風溫證也不可下又下之太早故發黃結胸此已有瘀血在胸中欲再下之恐已虛惟一涌可愈但出血勿驚以茶調芩蒂散吐之血數升而衄且噎逆乃以巾捲小鍼而使枕其刃不數日平復

風水十三

張小一初病疥爬搔變而成腫喘不能食戴人斷為風水水得風而暴腫故遍身皆腫先令浴之乘腠理開發就燠室中用酸苦之劑加全蝎一枚吐之節次用藥末

欽定四庫全書

儒門事親

至三錢許出痰約數升汗隨湧出腫去八九分隔一日臨卧向一更來又下神祐丸七十餘粒三次嚙之至夜半動一行又續下水煮桃紅丸六十九丸以麝香湯下又利三四行後二三日再以舟車丸通經散及白朮散以調之愈

又

曹典吏妻產後憂恚抱氣渾身腫繞陰器皆腫大小便如常其脉浮而大此風水腫也先以蠶水撩其痰以火



助之發汗次以舟車丸瀘川散瀉數行後四五日方用
苦劑涌訖用舟車丸通經散過十餘行又六日舟車瀘
川復下之末後用水煮桃紅丸四十餘丸不一月如故
前後涌者二瀉凡四通約百餘行當時議者以為倒布
袋法耳病再來則必死世俗只見塵中貨藥者用銀粉
芭荳竭腫者暫去復來必死以為驚俗豈知此法乃內經
治鬱之玄 闕

兼此藥皆小毒其毒之藥豈有反害者哉但愈後忌慎

欽定四庫全書

儒門事親

房室等事况風水不同從水無復來之理

小兒風水十四

鄧之營兵秋家小兒病風水諸醫用銀粉粉霜之藥小
洩反澁飲食不進頭腫如腹四肢皆滿狀若水晶家人
以為勉強求治於戴人戴人曰此證不與壯年同壯年
病水者或因留飲及房室此小兒纔七歲乃風水證也
宜出汗乃置燠室以屏帳遍遮之不令見火若內火見
外火必昏憤也使大服胃風湯而浴之浴訖以布單重



覆之凡三五重其汗如水腫乃減五分隔一二日乃依
前治之汗出腫減七分乃二汗而全減尚未能食以檳
榔丸調之兒已喜笑如常日矣

腎風十五

桑惠民病風面黑色畏風不敢出爬搔不已眉毛脫落
作癩醫三年一日戴人到棠谿來求治於戴人戴人曰
非癩也乃出素問風論曰腎風之狀多汗惡風脊痛不
能正立其色焔面癭然浮腫今公之病腎風也宜先刺

欽定四庫全書

儒門事親

其面大出血其血當如墨色三刺血變色矣於是下針
自額上下鉞鍼直至頤頂皆出血果如墨色徧腫處皆
鍼之惟不鍼目銳眥外兩旁蓋少陽經此少血多氣也
隔日又鍼之血色乃紫二日外又刺其血色變赤初鍼時
痒再刺則額覺痛三刺其痛不可任蓋邪退而然也待
二十餘日又輕刺一遍方已每刺必以冰水洗其面血
十日黑色退一月面稍赤三月乃紅白但不服除根下熱
之藥病再作戴人在東方無能治者



勞風十六

戴人見一男子目下腫如卧蚕狀戴人曰目之下陰也
水亦陰也腎以為水之主其腫至於目下故也此由房
室交接之時勞汗遇風風入皮膚得寒則閉風不能出
與水俱行故病如是不禁房則死

中風十七

高評事中風稍緩張令涌之後服鉄彈丸在普濟加減
方中或問張曰君常笑人中風服鉄彈丸今以用之何
欽定四庫全書
儒門事親
也張曰此收後之藥也今人用之於大勢方來之時正
猶蚍蜉撼大樹不識次第故也

暑形

中暑十八

小鄭年十五田中中暑頭痛困卧不起戴人以雙解散
汗之又以米醋湯投之未解薄晚又以三花神祐丸大
下之遂愈

又



張叟年七十一暑月田中因饑困傷暑食飲不進時時
嘔吐口中常流痰水腹脇作痛醫者概用平胃散理中
丸導氣丸神効又加鍼灸皆云胃冷乃問戴人戴人曰
痰屬胃胃熱不收故流痰水以公年高不敢上涌乃使
一筋探之不藥而吐之痰涎一升次用黃連清心散導
飲丸玉露散以調之飲食加進惟大便秘以生薑大棗
煎調胃承氣湯一兩奪之遂愈

瘡癰十九

欽定四庫全書

儒門事親

故息城一男子病瘡求治於戴人診兩手脉皆沉伏而
有力內有積也此是肥氣病者曰左脇下有肥氣腸中
作痛積亦痛形如覆杯間發止今已三年祈禳避匿無
所不至終不能療戴人曰此瘡癰也以三花神祐丸五
七十丸以冷水送過五六行次以冷水止之冷主收斂
故也濕水既盡一二日煎白虎湯作頰啜之瘡猶不愈
候五六日吐之以常山散去冷痰涎水六七次若飜漿
次以柴胡湯和之間用妙功丸磨之瘡悉除



火形

馬刀二十

襄陵馬國卿病左乳下二脇間期門穴中發癰堅而不潰痛不可忍醫瘍者皆曰乳癰或曰紅系漏或曰覷心瘡使服內托散百日又服五香連翹湯數月皆無驗國卿偃俛而來求治于戴人遇諸市戴人見之曰此馬刀癰也足少陽膽經之病出靈樞十二經以示之其壯如馬刀故曰馬刀堅而不潰乃邀之於食肆中使食水浸

欽定四庫全書

儒門事親

湯餅國卿曰稍覺緩次日先以滄鹽上涌又以涼劑滌去熱勢約數十行腫已散矣

又朱葛黃家妾左脇病馬刀癰增寒發痛已四五日矣戴人適避暑於寺中來乞藥戴人曰此足少陽膽經病也少血多氣堅而不潰不可急攻當以苦劑涌之以五香連翹湯托之既而痛止然癰根未散有一盜醫過見之曰我有妙藥可潰而為膿不如此何時而愈既經毒藥痛不可忍外寒內熱嘔吐不止大便黑色飲食不下號



呼悶亂幾至于死諸姑惶懼夜投戴人戴人曰當尋元
醫者余不能治其主母亦來告至于再三戴人曰脇間
皮薄肉淺豈可輕用毒藥復令洗出以涼劑下之痛立
止腫亦消

項瘡二十一

戴人在西華寄於夏官人宅忽項上病一瘡狀如白頭
瘡腫根紅硬以其微小不慮也忽遇一故人見邀以羊
羔酒飲雞魚醢蒜皆在焉戴人以其故舊不能辭又忘

欽定四庫全書

儒門事親

其禁忌是夜瘡疼痛不可忍項腫及頭口發狂言因見
鬼神夏君甚懼欲報其家戴人笑曰請無慮來日當平
乃以酒調通經散六七錢下舟車丸百餘粒次以熱麵
羹投之上涌下泄一時齊作合去半盆明日日中瘡腫
已平一二日腫出而愈夏君見大奇之

伐指痛二十二

麻先生妻病伐指痛不可忍酒調通經散一錢半夜大
吐吐畢而痛減余因歎曰向見陳五曾病此醫以為小



蟲傷或以草上有毒物手因觸之遷延數月膿盡方已
以今日觀之可以大笑

瘰癧二十三

一婦人病瘰癧延及胸臆皆成大瘡相連無好皮肉求
戴人療之戴人曰火淫所勝治以鹹寒命以滄鹽吐之
一吐而著痂次用涼膈散解毒湯等劑皮肉乃復如初

咽喉腫塞二十四

一婦人病咽喉腫塞漿粥不下數日腫不退藥既難下

欽定四庫全書

儒門事親

鍼亦無功戴人以當歸荆芥甘草煎使熱嗽之以冷水
拔其兩手不及五六日痛減腫消飲食如故咽喉之病
甚急不可妄用鍼藥

舌腫二十五

南隣朱老翁年六十餘歲身熱數日不已舌根腫起和
舌尖亦腫腫至滿口比元舌大二倍一外科以燔鍼刺
其舌兩旁下廉泉穴病勢轉凶將至顛巖戴人曰血實
者宜決之以銚鍼磨令鋒極尖輕砭之日砭八九次血



出約一二盞如此者三次漸而血少痛減腫消夫舌者
心之外候也心主血故血出則愈又曰諸痛痒瘡瘍皆
屬心火燔鍼艾火是何義也

腰胯痛二十六

戴人女僮冬間自途來面赤如火至臆陽病腰胯大痛
裏急後重痛則見鬼神戴人曰此少陽經也在身側為
相火使服舟車丸通經散瀉至數盆病猶未瘥人皆怪
之以為有祟戴人大怒曰驢鬼也復令調胃承氣湯二

欽定四庫全書

儒門事親

兩加牽牛頭末一兩同煎服之大下數十行約一二缶
方捨其杖策但發渴戴人恣其飲水西茱梨柿等戴人
曰凡治火莫如冰水天地之至陰也約飲水一二桶猶
覺微痛戴人乃刺其陽陵穴以伸其滯足少陽膽經之
穴也自是方寧女僮自言此病每一歲須瀉五七次今
年不曾瀉故如是也常仲明悟其言以身有濕病故一
歲亦瀉十餘行病始已此可與智者言難與愚者論也

狂二十七



一叟年六十值徭役煩擾而暴發狂口鼻覺如蟲行兩
手爬搔數年不已戴人診其兩手脉皆洪大如絙繩斷
之曰口為飛門胃為賁門曰口者胃之上源也鼻者足
陽明經起於鼻交頰之中旁納太陽下循鼻柱交人中
環脣下交承漿故其病如是夫徭役煩擾便屬火化火
乘陽明經故發狂故經言陽明之病登高而歌棄衣而
走罵言不避親疏又况肝主謀膽主決徭役迫遽則財
不能支則肝屢謀而膽屢不能決屈無所伸怒無所泄

欽定四庫全書

儒門事親

心火礩礩遂乘陽明金然胃本屬土而肝屬木膽屬相
火火隨木氣而入胃故暴發狂乃命置燠室中涌而汗
出如此三次內經曰木鬱則達之火鬱則發之良謂此
也又以調胃承氣湯半斤用水五升煎半沸分作三服
大下二十行血水與瘀血相雜而下數升取之乃康以
通聖散調其後

痰厥二十八

一夫病痰厥不知人牙關緊急諸藥不能下候死而已



戴人見之問侍病者口中曾有涎否曰有戴人先以防
風藜蘆煎湯調苧蒂末灌之口中不能下乃取長蛤甲
磨去刃以紙裹其尖灌於右鼻竅中咽然下咽有聲復
灌其左竅亦然戴人曰可治矣良久涎不出遂以砒石
一錢又投之鼻中忽偃然仰面似覺有痛斯須吐噦吐
膠涎數升頗腥砒石尋常勿用以其病大非如此莫能
動然無苧蒂亦不可使用宜消息之大凡中風涎塞往
往止斷為風專求風藥靈寶至寶誤人多矣劉河間治

欽定四庫全書

儒門事親

風捨風不論先論二火故令將此法實於火形中

滑泄乾嘔二十九

麻先生妻當七月間病臟腑滑泄以去濕降火之藥治
之少愈後腹脹及乳痛狀如吹乳頭重壯熱面如渥丹
寒熱往來噎乾嘔逆脅痛不能轉側耳鳴食不可下
又復瀉余欲瀉其火臟腑已滑數日矣欲以溫劑止利
又禁上焦已熱實不得其法使人就諸葛寺禮請戴人
比及戴人至因檢劉河間方惟益元散正對此證能降



火解表止渴利小溲定利安神以青黛薄荷末調二升
置之枕右使作數次服之夜半徧身出冷汗如洗元覺
足冷如冰至此足大煖頭頰輕肌涼痛減嘔定痢止及
戴人至余告之已解戴人曰益元固宜此是少陽證也
能使人寒熱徧劇他經縱有寒熱亦不至甚既熱而有
痢不欲再下何不以黃連解毒湯服之乃令診脉戴人
曰娘子病來心常欲痛哭為快否婦曰欲如此余亦不
知所謂戴人曰少陽相火凌爍肺金金受屈制無所投
欽定四庫全書
儒門事親
告肺主悲但欲痛哭而為快也麻先生曰余家諸親無
不敬服脉初洪數有力自服益元散後已平又聞戴人
之言使以當歸芍藥以解毒湯中味數服之大瘥矣
笑不止三十
戴人路經古亳逢一婦病喜笑不止已半年矣衆醫治
者皆無藥術矣求治于戴人戴人曰此易治也以滄鹽
成塊者二兩餘用火燒令通赤放冷研細以河水一大
碗同煎至三五沸放溫分三次啜之以釵探於咽中吐



去熱痰五升次服大劑黃連解毒湯是也不數日而
笑定矣內經曰神有餘者笑不休此所謂神者心火是
也火得風而成焰故笑之象也五行之中惟火有笑矣
膈食中滿三十一

遂平李官人妻病咽中如物塞食不下中滿他醫治之
不効戴人診其脉曰此痰膈也內經曰三陽結為膈王
啟玄又曰格陽云陽盛之極故食格拒而不入先以通
經散越其一半後以舟車丸下之凡三次食已下又以
葶蒂散再越之健啖如昔日矣

欽定四庫全書

儒門事親

目盲三十二

戴人女僮至西華目忽暴盲不見物戴人曰此相火也
太陽陽明氣血俱盛乃刺其鼻中攢竺穴與頂前五穴
大出血目立明

小兒悲哭不止三十三

一小兒悲哭彌日不休兩手脉弦而緊戴人曰心火甚
而乘肺肺不受其屈故哭肺主悲王太僕云心爍則痛



甚故爍甚悲亦甚令浴以溫湯漬形以為汗也肺主皮毛汗出則肺熱散矣浴止而啼亦止仍命服涼膈散加當歸桔梗以竹葉生薑朴硝同煎服瀉膈中之邪熱

小兒手足搐搦三十四

李氏一小兒病手足搐搦以示戴人戴人曰心火勝也勿持捉其手當從搐搦此由乳母保抱太極所致乃令掃淨地以水洒之乾令復洒之令極濕俛卧兒于地上良久渾身轉側泥涎皆滿仍以水洗之少頃而瘥

欽定四庫全書

儒門事親

目赤三十五

李民範目常赤至戊子年火運君火司天其年病目者徃徃暴盲運火炎烈故也民範是年目大發遂遇戴人以菘蒂散涌之赤立消不數日又大發其病之來也先於左目內眥赤發牽睛狀如鋪麻左之右次銳眥發亦左之右赤貫瞳子再涌之又退凡五次交亦五次皆涌又刺其手中出血及頭上鼻中皆出血上下中外皆奪方能戰退然不敢觀書及見日張云當候秋涼再攻則



愈火方旺而在皮膚雖攻其裏無益也秋涼則熱漸入裏方可擒也惟宜暗處閉目以養其神水暗與靜屬水明與動屬火所以不宜見日也蓋民範因初愈後曾冒暑出門故痛連發不愈如此涌泄之後不可常攻使服黍粘子以退醫方在別集

熱形

沙石淋三十六

酒監房善良之子年十三病沙石淋已九年矣初因瘡

欽定四庫全書

儒門事親

疹餘毒不出作便血或告之令服太白散稍止後又因積熱未退變成淋悶每發則見鬼神號則驚隣適戴人客鄧牆寺以此病請戴人曰諸醫作腎與小腸病者非也靈樞言足厥陰肝之經病遺溺閉癰閉謂小溲不行癰為淋瀝也此乙木之病非小腸與腎也木為所抑火來乘之故熱在脬中下焦為之約結成沙石如湯瓶煎煉日久熬成湯鹼今夫羊豕之脬吹氣令滿常不能透豈真有沙石而能漏者邪以此知前人所說服五石丸



散而致者恐未盡然內經曰木鬱則達之先以菘蒂散
越之次以八政散加湯鹼等分頓啜之其沙石自化而
下

又屈村張氏小兒年十四歲病約一年半矣得之麥秋
發則小腸大痛至握其峻跳躍旋轉號呼不已小溲數
日不能下下則成沙石大便秘澁肛門脫出一二寸諸
醫莫能治聞戴人在朱葛寺避暑乃負其子而哀請戴
人戴人曰今日治今日効時日在辰巳間矣以調胃承

欽定四庫全書

儒門事親

氣僅一兩加牽牛頭末三錢汲河水煎之令作三五度
嚥之又服苦末丸如芥子許六十粒日加晡上涌下泄
一時齊出有膿有血涌瀉既覺定令飲新汲水一大盞
小溲已利一二次矣是夜凡飲新水二三十遍病去九
分止哭一次明日困卧如醉自晨至暮猛然起走索食
于母歌笑自得頓釋所苦繼與太白散八正散等調一
日大瘥恐暑天失所養留五日而歸戴人曰此下焦約
也不吐不下則下焦何以開不令飲水則小溲何以利



大抵源清則流清也

又栢亭劉十三之子年六歲病沙石淋戴人以苦劑三
涌之以益腎散三下之立愈

膏淋三十七

鹿邑一閥閱家有子二十三歲病膏淋三年矣鄉中醫
不能治往京師徧訪多作虛損補以溫燥灼以鍼艾無
少減聞戴人僑居滙東見戴人曰惑蠱之疾也亦曰白
淫實由少腹冤熱非虛也可以涌以泄其人以時暑憚

欽定四庫全書

儒門事親

其法峻不決者三日浮屠一僧曰予以有暑病近覺頭
痛戴人曰亦可涌願與君同之母畏也於是涌痰三升
色如黑礬汁內有死血并黃綠水又瀉積穢數行尋覺
病去方其來時面無人色及治畢次日面如醉戴人慮
其暑月路遠又處數方使歸以自脩云

二陽病三十八

常仲明病寒熱往來時欬一二聲面黃無力懶思飲食
夜多寢汗日漸變削諸醫作虛損治之用二十四味燒



肝散鹿茸牛膝補養二年口中痰出下部轉虛戴人斷
之曰上實也先以涌劑吐痰二三升次以柴胡飲子降
火益水不月餘復舊此證名何乃內經中曰二陽病也
二陽之病發心脾不得隱曲心受之則血不流故女子
不月脾受之則味不化故男子少精此二證名異而實
同仲明之病味不化也

小兒面上赤腫三十九

黃氏小兒面赤腫兩目不開戴人以銚鍼刺輕砭之除

欽定四庫全書

儒門事親

兩目尖外亂刺數十鍼出血三次及愈此法人多不肯
從必欲治病不可謹護

頭熱痛四十

丹霞僧病頭痛常居暗室不敢見明其頭熱痛以布圍
其頭上置冰於其中日易數次熱不能已諸醫莫識其
證求見戴人戴人曰此三陽畜熱故也乃置炭火於煖
室中出汗涌吐三法併行七日方愈僧顧從者曰此神
仙手也



勞嗽四十一

馳口鎮一男子年二十餘歲病勞嗽數年其聲欲出不
出戴人問曰曾服藥否其人曰家貧未嘗服藥戴人曰
年壯不妄服藥者易治先以苦劑涌之次以舟車瀉川
大下之更服重劑果瘥

一田夫病勞嗽一涌一泄已減大半次服人參補肺湯
臨卧更服檳榔丸以進食

又東門高三郎病嗽一年半耳鳴三月矣嗽膿血面多

欽定四庫全書

儒門事親

黑點身表俱熱喉中不能發聲戴人曰嗽之源心火之
勝也秋傷於濕冬生欬嗽冬水既旺水濕相接隔絕於
心火火不下降反而炎上肺金被燠發而為嗽金燠既
久聲反不發醫者補肺腎皆非也戴人令先備西荏冰
雪等物其次用涌泄之法又服去濕之藥病日已矣

勞嗽咯血四十二

瀝陽劉氏一男子年二十餘歲病勞嗽咯血吐唾粘臭
不可聞秋冬少緩春夏則甚寒熱往來日晡發作狀如



瘡癰寢汗如水累服麻黃根敗蒲扇止汗汗自若也又服寧神散寧肺散止嗽嗽自若也戴人先以獨聖散涌其痰狀如雞黃汗隨涌出昏憤三日不省時時飲以凉水精神稍開飲食加進又與人參半夏丸桂苓甘露散服之不經數日乃愈

吐血四十三

岳八郎常日嗜酒偶大飲醉吐血近一年身黃如橘昏憤發作數日不省漿粥不下強直如厥兩手脉皆沉細

欽定四庫全書

儒門事親

戴人視之曰脉沉細者病在裏也中有積聚用舟車丸百餘粒濬川散五六錢大下十餘行狀如葵菜汁中燥糞氣穢異常忽開兩目伸挽問左右曰我緣何至此左右曰你吐血後數日不省得戴人治之乃醒自是五六日必以瀉凡四五次其血方止但時效一二聲潮熱未退以涼膈散加桔梗當歸各秤二兩水一大盃加老竹葉入蜜少許同煎去滓時時呷之間與人參白虎湯不一月復故



嘔血四十四

棠谿李民範初病嗽血戴人以調胃湯一兩加當歸使服之不動再以舟車丸五六十粒過三四行又嘔血一椀若庸工則必疑不再宿又與舟車丸百餘粒通經散三四錢大下之過十餘行已愈過半仍以黃連解毒湯加當歸煎服之次以草莖鼻中出血半升臨晚又用益腎散利數行乃愈

因藥燥熱四十五

欽定四庫全書

儒門事親

高爍巡檢之子八歲病熱醫者皆為傷冷治之以熱藥攻矣欲飲冰水禁而不與內水涸竭煩燥轉生前後皆閉口鼻俱乾寒熱往來嗽咳時作遍身無汗又欲灸之適遇戴人戴人責其母曰重裊厚被煖炕紅爐兒已不勝其熱矣尚可灸乎其母謝以不明戴人令先服人參柴胡飲子連進數服下爛魚腸之類臭氣異常渴欲飲水聽其所欲冰雪凉水連進數杯節次又下三四十行大熱方去又與牛黃通膈丸復下十餘行兒方大痊前



後約五十餘行略無所困冰雪水飲至一斛向灸之當如何哉

肺癰四十六

武陽仇天祥之子病發寒熱諸醫作骨蒸勞治之半年病愈甚以禮來聘戴人往視之診其兩手脉尺寸皆潮於關關脉獨大戴人曰癰象也問其乳媪曾有痛處否乳媪曰無戴人令兒去衣舉其兩手觀其兩脇下右脇稍高戴人以手側按之兒移身乃避之按其左脇

欽定四庫全書

儒門事親

則不避戴人曰此肺部有癰也非肺癰也若肺癰已吐膿矣此不可動止可以藥托其裏以待自破家人皆疑之不以爲然服藥三日右脇有三點赤色戴人連辭云此兒之病若早治者談笑可已今已失之遲然破之後方驗其生死矣若膿黃赤白者生也膿青黑者死也遂辭而去私告天祥之友李簡之曰數月之後即此兒必有一證也其證乃死矣肺死於已至期而頭眩不舉不數日而死也其父曰群醫治之斷爲骨蒸證戴人獨言



其肺有癰也心終疑之及其死家人輩以火焚其棺既
燃天祥以杖破其脇下果出青黑膿一碗天祥仰天哭
曰諸醫誤殺吾兒矣

痿四十七

宛丘營軍校三人皆病痿積年不瘥腰下已腫痛不舉
遍身瘡赤兩目昏暗唇乾舌燥求療于戴人戴人欲投
瀉劑二人不從為他醫溫補之藥所惑皆死其同病有
宋子玉者俄省曰彼已熱死我其改之敬邀戴人戴人

欽定四庫全書

儒門事親

曰公之疾服熱藥久矣先去其藥邪然後及病邪可下
三百行子玉曰敬從教先以舟車丸瀆川散大下一盆
許明日減三分兩足舊不仁是日覺痛痒累至三百行
始安戴人曰諸痿獨取陽明陽明者胃與大腸也此言
不止謂鍼也鍼與藥同也

口瘡四十八

一男子病口瘡數年上至口中至咽嗑下至胃脘皆痛
不敢食熱物一涌一泄一汗十去其九次服黃連解毒



湯不十餘日皆釋

虛勞四十九

西華東茂之病虛勞寢汗面有青黃色自膝以下冷痛無汗腹中燥熱醫以薑附補之五晦朔不令飲水又禁梳頭作寒治之請於戴人戴人曰子之病不難愈難於將護恐愈後陰道轉茂子必不慎束生曰不敢戴人先以舟車丸濬川散下五七行心火下降覺渴與冰水飲之又令澡浴數日間面紅而澤後以河水煮粥溫養脾

欽定四庫全書

儒門事親

胃河水能利小溲又以活血當歸丸人參柴胡散五苓散木香白朮散調之病大瘥寢汗皆止兩足日煖食進戴人常曰此本肺痺當以涼劑蓋水之一物在目為涼在皮為汗在下為小溲穀多水少為常無水可乎若禁飲水必內竭內竭則燥熱生焉人若不渴與水亦不肯飲之矣束生既愈果忘其戒病復作戴人已去乃殂

心痛五十

酒官楊仲臣病心氣痛此人常好飲酒初飲三二杯必



透走跛懶兩足三五十次其酒稍散方能復席飲至前
量一醉必五七次至明嘔青黃水數日後變魚腥臭六
七日始安戴人曰宜涌乃吐蟲一條赤黃色長六七寸
口目鼻皆全兩目膜瞞狀如蛇類以鹽淹乾示人

傷寒極熱五十一

戴人之僕常與隣人同病傷寒俱至六七日下之不通
隣人已死僕發熱極投於井中撈出以汲水貯之檻使
坐其中適戴人遊他方家人偶記戴人治法曰傷寒三
下不通不可再攻便當涌之試服芩蒂散良久吐膠涎
三椀許與宿食相雜在地狀如一帚頓快乃知世醫殺
人多矣戴人之女僮亦嘗吐一吏傷寒吐訖使服太白
散甘露散以調之

失笑五十二

戴人之次子自出妻之後日瘦語如瓮中此病在中也
常撚第三指失笑此心火也約半載日飲冰雪更服涼
劑戴人曰惡雪則愈矣其母懼其大寒戴人罵曰汝親

欽定四庫全書

儒門事親



也吾用藥如鼓之應桴尚惡涼藥宜乎世俗之謗我也
至七月厭冰不飲病日解矣

赤目五十三

安喜趙君玉目暴赤腫點洗不退偶思戴人語曰凡病
在上者皆宜吐乃以茶調散涌之一涌赤腫消散君玉
歎曰法之妙其迅如此乃知法不遠人自遠法也

目翳五十四

青州王之一子年十餘歲目赤多淚衆工無効戴人見

欽定四庫全書

儒門事親

之曰此兒病目翳當得之母腹中被驚其父曰妊娠時
在臨清被圍戴人令服荈蒂散加鬱金上涌而下泄各
去涎沫數升人皆笑之其母亦曰兒腹中無病何吐瀉
如此至明日其目耀然爽明李仲安見而驚曰竒哉此
法戴人其日又與頭上出血及眉上鼻中皆出血吐時
次用通經散二錢舟車丸七十粒自吐却少半又以通
經散一錢投之明日又以舟車丸三十粒投之下十八
行病更不作矣



疤後嘔吐五十五

河門劉光濟之子纔二歲病疤後嘔吐發昏用丁香荳蔻之類不効適麻先生寄其家乃謂光濟曰余有小方無毒人皆知之公肯從乎光濟曰先生之言必中於理何敢不從麻先生曰劉河間常言涼膈散可治瘡疤張戴人用之如神况內經言少陽所至為嘔涌少陽者相火也非寒也光濟欣而從之此日利二行適王德秀自外入聞其利之也乃曰瘡疤首尾不可下麻自悔其多

欽定四庫全書

儒門事親

言也業已然姑待之比至食時下黃涎一合日午問之兒已索遊於街矣

熱厥頭痛五十六

彭吳張叟年六十餘歲病熱厥頭痛以其用涌藥時已一月間矣加之以火其人先利臟腑年高身困出門見日而仆不知人家人驚惶欲揉撲之問戴人戴人曰大不可擾續與西瓜凉水蜜雪少頃而蘓蓋病人年老涌泄目脉易亂身體內有炎火外有太陽是以跌耳若是擾



之便不救矣惟安定神思以涼水投之待之以靜靜便
屬水自然無事若他醫必惑足以知戴人之諳練

產前喘五十七

武安胡產祥之妻臨難月病喘以涼膈散二兩四物湯
二兩朴硝一兩分作二服煎令冷服之一服病減大半
次又服之病痊効矣產之後第六日血迷又用涼膈散
二兩四物湯三兩朴硝一兩都作一服大下紫黑水其
人至今肥健戴人常曰孕婦有病當十月九月內朴硝

欽定四庫全書

儒門事親

無碍八月者當忌之七月却無妨謂陽月也十月者已
成形矣

血崩五十八

孟官人母年五十餘歲血崩一載僉用澤蘭丸黑神散
保安丸白薇散補之不効戴人見之曰天癸已盡本不
當下血蓋血得熱而流散非寒也夫女子血崩多因大
悲哭悲甚則肺葉布心系為之恐血不禁而下崩內經
曰陰虛陽搏之為崩陰脉不足陽脉有餘數則內崩血



乃下流舉世以虛損治之莫有知其非者可服大劑大劑者黃連解毒湯是也次以揀香附子二兩炒白芍藥二兩焙當歸一兩焙三味同為細末水調下又服檳榔丸不拘日而安

婦人二陽病五十九

一婦月事不行寒熱往來口乾頰赤喜飲旦暮聞效一二聲諸醫皆云經血不行宜蜜虫水蛭乾漆硃砂元青紅娘子沒藥血竭之類惟戴人不然曰古方中雖有此

欽定四庫全書

儒門事親

法奈病人服之必臍腹發痛飲食不進乃命止藥飲食稍進內經曰二陽之病發心脾心受之則血不流故女子不月既心受積熱宜抑火升水流濕潤燥開胃進食乃涌出痰一二升下泄水五五行濕水上下皆去血氣自行沸流月事不為水濕所隔自依期而至矣亦不用蜜虫水蛭之類有毒之藥如用之則月經縱來小溲反閉他證生矣凡精血不足當補之以食大忌有毒之藥偏勝而成天閼



月閉寒熱六十

一婦年三十四歲經水不行寒熱往來面色痿黃唇焦
頰赤時欬三兩聲向者所服之藥黑神散烏金丸四物
湯燒肝散鱉甲散建中湯寧肺散鍼艾百千病轉劇家
人意倦不欲求治戴人憫之先涌痰五六升午前涌畢
午後食進餘證悉除後三日復輕涌之又去痰一二升
食進益不數日又下通經散瀉訖一二升後數日去死
皮數重小者如麩片大者如葦膜不一月經水行神氣
大康矣

欽定四庫全書

儒門事親

惡寒實熱六十一

一婦身冷脉微食沸熱粥飯六月重衣以狐帽蒙其首
猶覺寒泄注不止常服薑附硫黃燥熱之劑僅得平和
稍用寒涼其滿轉增三年不愈戴人診其兩手脉皆如
絙繩有力一息六七至脉訣曰六數七極熱生多以涼
布拂心次以新汲水淋其病處婦乃叫殺人不由病者
令人持之復以冷水淋其三四十桶大戰汗出昏困一



二日而向之所惡皆除此法華元化已曾用世無知者
遇寒手熱六十二

常仲明之妻每遇冬寒兩手熱痛戴人曰四肢者諸陽
之本也當夏時散越而不痛及乎秋冬收斂則痛以三
花神祐丸大下之熱遂去

嘔逆不食六十三

栢亭王論夫本因喪子憂抑不思飲食醫者不察以為
胃冷血燥之劑盡用之病變嘔逆而瘦求治於戴人一

欽定四庫全書

儒門事親

視涌泄而愈愈後忘其禁忌病復作大小便俱秘臍腹
撮痛嘔吐不食一日大小便不通十有三日復問戴人
戴人曰令先食葵羹菠菱菜猪羊血以潤燥開結次與
導飲丸二百餘粒大下結糞又令恣意飲冰水數升繼
搜風丸桂苓白朮散以調之食後服導飲丸三十餘粒
不數日前後皆通藥止嘔定食進戴人臨別又留潤腸
丸以防復結又留滌腸散大悶則用之丸服大黃牽牛
四十餘日方瘳論夫自歎曰向使又服向日熱藥已非



今日人矣一僧問戴人云腸者暢也不暢何以此一句
儘多

瘞癰六十四

一省掾背項常有瘞癰愈而復生戴人曰太陽血有餘
也先令涌泄之次於委中以銚鍼出紫血病更不復作
也

牙痛六十五

澤州李繼之忽病牙痛皺眉不語樂景先見之曰何不

欽定四庫全書

儒門事親

藥也曰牙痛樂曰曾記張戴人云陽明經熱有餘也宜
大下之乃付舟車丸七十粒服畢遇數知交留飲強飲
熱酒數杯藥為熱酒所發盡吐之吐畢而痛止李大笑
曰戴人神仙也不三五日又痛再服前藥百餘粒大下
數行乃愈

淋六十六

戴人過息城一男子病淋戴人令頓食鹹魚少頃大渴
戴人令恣意飲水然後以藥之淋立通淋者無水故澀



也

口臭六十七

趙平尚家一男子年二十餘歲病口中氣出臭如發廁雖親戚莫肯與對語戴人曰肺金本主腥金為火所煉火主焦臭故如是也久則成腐腐者腎也此極熱則反兼水化也病在上宜涌之先以茶調散涌而去其七分夜用舟車丸瀋川散下五七行比旦而臭斷嗚呼人有病口臭而終其老者世訛以為肺系偏而與胃相通故

欽定四庫全書

儒門事親

臭妄論也

濕形

疝六十八

汝南司候李審言因勞役王事飲水坐濕地乃濕氣下行流入脬囊大腫痛不可忍以金鈴川練子等藥不効求治于戴人曰可服泄水丸審言惑之又數日痛不可堪竟從戴人先以舟車丸瀋川散下青綠沫十餘行痛止次服茴香丸五苓以調之三日而腫退至老更不作



夫疝者乃肝經也下青沫者肝之色也

水疝六十九

律科王敏之病水疝其法在於寒形中

留飲七十

郭敬之病留飲四日浮腫不能食脚腫連腎囊痛先以

苦劑涌之後以舟車丸瀘川散瀉之病去如拾遺

又棠谿張鳳村一田叟姓楊其病嘔酸水十餘年本留

飲諸醫皆以燥劑燥之中腕臍脘以火艾燔鍼刺之瘡

欽定四庫全書

儒門事親

未嘗合戴人以苦劑越之其涎如膠乃出二三升談笑
而愈

黃疸七十一

蔡寨成家一童子年十五歲病疸一年面黃如金遍身

浮腫乏力惟食鹽與焦物戴人以茶調散吐之涌涎一

盃臨晚又以舟車丸七八十粒通經散三錢下四五行待

六七日又以舟車丸瀘川散下四五行鹽與焦物見而

惡之面色變紅後再以茶調散涌之出痰二升方能愈



矣

又一男子作贅偶病疸善食而瘦四肢不舉面黃無力其婦翁欲棄之其女子不肯曰我已生二子矣更適他乎婦翁本農者召壻意欲作勞見其病甚每日辱詬人教之餌膽礬丸三稜丸了不關涉鍼灸祈禳百無一濟戴人見之不診而療使服涌劑去積痰宿水一斗又以泄水丸通經散下四五十行不止戴人命以冰水一盃飲之立止次服平胃散等間服檳榔丸五七日黃退力生蓋脾疸之證濕熱與宿穀相搏故也俗謂之金勞黃又朱葛周黃劉三家各有僕病黃疸戴人曰僕役之職飲食寒熱風暑濕寒尋常觸冒也恐難調攝虛費治功其二家留僕於戴人所從其飲餌其一僕不離主人執役三人同服苦散以涌之又服三花神祐丸下之五日之間果二僕愈而一僕不愈如其言

黃病七十二

蔡寨一女病黃遍身浮腫面如金色困乏無力不思飲

欽定四庫全書

儒門事親



餌惟喜食生物灰哉之屬先以苦劑蒸餅為丸涌痰一
椀又舟車丸通經散下五七行如墨汁更以導飲丸磨
食散氣不數日肌肉如初

病發黃七十三

安喜趙君玉為掾省日病發遍身黃往問醫者醫云君
乃陽明證公等與麻知幾皆受訓於張戴人是商議喫
大黃者難與論病君玉不悅歸自揣無別病乃取三花
神祐丸八十粒服之不動君玉乃悟曰予之濕熱盛矣
此藥尚不動以舟車丸濬川散作劑大下一斗糞多結
者一夕黃退君玉由此益信戴人之言

水腫七十四

南鄉張子明之母極肥偶得水腫四肢不舉戴人令上
涌汗而下泄之去水三四斗初下藥時以草貯布囊高
支兩足而卧其藥之行自腰已上水覺下行自足以上
水覺上行水行之狀如蛇走隧如線牽四肢森然涼寒
會於臍下而出不旬日間病大減餘邪未盡戴人更欲

欽定四庫全書

儒門事親



用藥竟不能從其言

涌水七十五

李七老病涌水證面黃而喘兩足皆腫按之陷而復起
行則濯濯有聲常欲飲水不能睡卧戴人令上涌去痰
而汗之次以舟車丸瀦川散下之以益腎散復下之以
分陰陽利水道之劑復下之水盡皆瘥

停飲腫滿七十六

涿郡周敬之自京師歸鹿邑道中渴飲水過多漸成腫

欽定四庫全書

儒門事親

滿或用三花神祐丸憚其太峻或用五苓散分利水道
又太緩淹延數旬終無一効蓋粗工之技止於此耳後
手足與腎皆腫大小便皆秘澁常仲明求治於戴人戴
人令仲明付藥比及至已歿矣戴人曰病水之人其勢
如長川泛溢欲以杯勺取之難矣必以神禹決水之法
斯愈矣

濕痺七十七

常仲明病濕痺五七年矣戴人令上涌之後可瀉五七



次其藥則舟車濬川通經神祐益腎自春及秋必十餘
次方能愈公之疾不必鍼灸與令嗣皆宜涌但臆月非
其時也欲俟春時恐予東適今姑屏病之大勢至春和
時人氣在上可再涌之以去其根卒如所論

又一衲子因陰雨卧濕地一半手足皆不隨若遇陰雨
其病轉加諸醫皆作中風偏枯治之用當歸芍藥乳香
沒藥自然銅之類久反大便澁風燥生經歲不已戴人
以舟車丸下三十餘行去青黃沫水五升次以淡劑滲

欽定四庫全書

儒門事親

泄之數日手足皆舉戴人曰夫風濕寒之氣合而成痺
水痺得寒而浮畜於皮膚之間久而不去內舍六腑日
用去水之藥可也水濕者人身中之寒物也寒去則血
行血行則氣和氣和則愈矣

又息帥病腰股沉痛行步坐馬皆不便或作脚氣寒濕
治之或作虛損治之烏附乳沒活血壯筋骨之藥無不
用之至六十餘日目赤上熱大小便澁腰股之病如故
戴人診其兩手脉皆沉遲沉者為在裏也在裏者泄之



以舟車丸濬川散各一服去積水二十餘行至早晨服
蠶白粥一二頓與之馬已能矍鑠矣

又棠谿李十八郎病腰脚大不伸偃僂蹇躄而行已數年
矣服藥無効止藥却愈因秋暮涉水病復作醫氏使服
四斤丸其父李仲安乃乞藥于戴人戴人曰近日服何
藥仲安曰四斤丸公目昏赤未其父驚曰目正暴發戴
人曰宜速來不來則喪明既來則策杖而行目腫無所
見戴人先令涌之藥忽下走去二十行兩目頓明策已

欽定四庫全書

儒門事親

棄矣比再涌泄能讀官歷日調至一月令服當歸丸健
步而歸家矣

又息城邊校白公以隆暑時飲酒覺極熱於涼水池中
漬足便其冷也為濕所中股膝沉痛又因醉卧濕地其
痛轉加意欲以酒解痛遂以連朝而飲反成赤痛發間
止且六十年徃徃斷其寒濕脚氣以辛熱治之不効或
使服神芎丸數服痛微減他日復飲疾作如前罽囊痒
濕且腫硬臍下似有物難於行以此免軍役令人代之



來訪戴人戴人曰余亦斷為寒濕但寒則陽火不行故為痛濕則經隧有滯故腫先以苦劑涌之次以舟車丸百餘粒濬川散四五錢微一兩行戴人曰如激劑尚不能攻何況于熱藥補之乎異日又用神祐丸百二十九通經散三四錢是日僅得四行又來日以神祐八十粒投之續見一二行又次日服益腎散四錢舟車丸百餘粒約下七八行白公已覺膝畢寒者煖硬者軟重者輕也腫者赤退飲食加進又以涌之其病全瘳臨別又贈

欽定四庫全書

儒門事親

之以疎風丸併以其方與之此公以其不肯妄服辛熱之藥故可治也

屈膝有聲七十八

嶺北李文卿病兩膝臏屈伸有聲剝剝然或以為骨鳴戴人曰非也骨不憂焉能鳴此筋濕也濕則筋急有獨緩者緩者不鳴急者鳴也若用予之藥一涌一泄上下去其水水去則自無聲矣李文卿乃從其言既而果然矣



白帶七十九

息城李左衙之妻病白帶如水窈滿中綿綿不絕穢臭之氣不可近面黃食減已三年矣諸醫皆云積冷起石硫黃薑附之藥重重燥補污水轉多常以裯日易數次或一藥以木炭十斤置藥在鉗鍋中鹽泥封固三日三夜炭火不絕燒令通赤名曰火龍丹服至數升污水彌甚炳艾燒鍼三年之間不可勝數戴人斷之曰此帶濁水本熱乘太陽經其寒水不禁固如是也天水日高而

欽定四庫全書

儒門事親

趨下宜先絕其上源乃涌痰水二三升次日下沃水十餘行三遍汗出周身至明旦病人云污已不下矣次用寒涼之劑服及半載產一子內經曰少腹冤熱洩出白液帶之為病溶溶然若坐水中故治帶下同治濕法瀉痢皆宜逐水利小溲勿以赤為熱白為寒今代劉河間書中言之詳矣

濕嗽八十

趙君玉妻病嗽時已十月矣戴人處方六味陳皮當歸



甘草白朮枳殼桔梗君玉疑其不類嗽藥戴人笑曰君
怪無烏梅罌粟囊乎夫冬嗽乃秋之濕也濕土逆而為
嗽此方皆散氣除濕解急和經三服帖然効矣

瀉兒八十一

一婦年三十四歲夜夢與鬼神交驚怕異常及見神堂
陰府舟楫橋梁如此一十五年竟無娠孕巫祈覲禱無
所不至鑽肌灸肉孔穴萬千黃瘦發熱引飲中滿足腫
委命於天一日苦請戴人戴人曰陽火盛於上陰火盛

欽定四庫全書

儒門事親

於下鬼神者陰之靈神堂者陰之所舟楫橋梁水之用
兩手寸脉皆沉而伏知胸中有痰實也凡三涌三泄三
汗不旬日而無夢一月而有娠戴人曰余活婦人使有
娠此法不誣

濕癬八十二

一女子年十五兩股間濕癬長三四寸下至膝發痒時
爬搔湯火俱不解痒定黃赤水流痛不可忍灸炳薰搽
硫黃藺茹白殭蚕羊蹄根之藥皆不効其人姿性研巧



以此病不能出嫁其父母求療於戴人戴人曰能從余
言則瘥父母諾之戴人以銚鍼磨令尖快當以痒時於
癬上各刺百餘鍼其血出盡煎鹽湯洗之如此四次大
病方除此方不書以告後人恐為癬藥所誤濕淫於血
不可不砭者矣

又蔡寨成家童子一歲病滿腹胸濕癬每爬搔則黃水
出已年矣戴人先以苦末作丸上涌涌訖次以舟車丸
濬川散下三五行次服涼膈加朴硝煎成時時呷之不
數日而愈

欽定四庫全書

儒門事親

濕慝瘡八十三

穎臯韓吉卿自髀至足生濕慝瘡大者如錢小者如豆
痒則搔破水到則浸淫狀類虫行袴鞮愈而復生_口痕
成凹一年餘不瘥戴人哂之曰此濕慝瘡也由水濕而
得故多在足下以舟車濬川大下十餘行一去如掃渠
素不信戴人之醫至此大服

泄瀉八十四



古邨一講僧病泄瀉數年丁香荳蔻乾薑附子官桂烏梅等燥藥燔鍼燒臍熨腕無有闕者一日發昏不省檀那贈紙者盈門戴人診兩手脉沉而有力脉訣云下利微小者生脉洪浮大者無瘥以芩蒂散涌之出寒痰數升又以無憂散泄其虛中之積及燥糞僅盈斗次以白朮調中湯五苓散益元散調理數日僧已起矣非術精識明誰敢負荷如此

洞泄八十五

欽定四庫全書

儒門事親

一講僧顯德明初聞家遭兵革心氣不足又為寇賊所驚得臟腑不調後入京不伏水土又得心氣以至危篤前後三年八仙丸鹿茸丸燒肝散皆服之不効乃求藥於戴人戴人曰此洞泄也以謀慮久不決而成肝主謀慮甚則乘脾久思則脾濕下流乃上涌痰半盆末後有血數點肝藏血故也又以舟車丸瀘川散下數行仍使澡浴出汗自爾日勝一日常以胃風湯白朮散調養之一月而強實復故矣



又李德卿妻因產後病泄一年餘四肢瘦乏諸醫皆斷為死證當時戴人在朱葛寺以舟載而乞治焉戴人曰兩手脉皆微小乃痢病之生脉况洞泄屬肝經肝木剋土而成此疾亦是腸澼澼者腸中有積水也先以舟車丸四五十粒又以無憂散三四錢下四五行寺中人皆駭之病羸如此尚可過耶衆人雖疑然亦未敢誚且更看之復導飲丸又過之渴則調以五苓散向晚使人伺之已起而繞床前後約三四十行以胃風湯調之半月而能行一月而安健由此闔寺服德卿之昆仲咸大異之

欽定四庫全書

儒門事親



相之戴人先以舟車丸無憂散下十餘行殊不困已頗
喜食後以檳榔丸磨化其滯待數日病已大減戴人以
為去之未盡當以再服前藥德源亦欣然請下之又下
五行次後數日更以苦劑越之往問其家彼云已下村
中收索去也忽一日入城面色極佳語言壯健但怪其
跛足而立問何故如此德源曰足上患一癰戴人曰此
裏邪去而於外病痊之後凡病皆如是也

大便少而頻八十六

欽定四庫全書

儒門事親

太康劉倉使病大便少而頻日七八十次常於兩股間
懸半枚瓠蘆如此十餘年戴人見之而笑曰病既頻而
少欲通而不得通也何不大下之此通因通用也此一
服藥之力乃與藥大下二十餘行頓止

暑泄八十七

殷輔之父年六十餘暑月病泄瀉日五六十行自建雄
鎮來請戴人於陳州其父喜飲水家人輩爭止之戴人
曰夫暑月年老津液衰少豈可禁水但勸之少飲比及



用藥先令速歸以菘荳雞卵十餘枚同煮卵熟取出令
荳軟下陳粳米作稀粥攪令寒食雞卵以下之一二頓
病減大半蓋粳米雞卵皆能斷痢然後製抑火流濕之
藥調順而方愈

腹滿面腫八十八

蕭令腹滿面足皆腫痰黃而喘急食減三年之間醫者
皆盡而不驗戴人以菘蒂散涌之出寒痰三五升以舟
車丸瀆川散下之青黃涎沫幾半缶以桂苓白朮散五
苓散調之半月復舊矣

欽定四庫全書

儒門事親

儒門事親卷六



欽定四庫全書

子部

儒門事親卷
七至九

詳校官太醫院吏目 宋社

編修臣 倉聖脈覆勛

總校官原任中允 臣 王燕緒

校對官中書 臣 呂雲棟

謄錄監生 臣 洪策



欽定四庫全書

儒門事親卷七

金 張從正 撰

燥形

臂麻不便八十九

鄆城梁賈人年六十餘忽曉起梳髮覺左手指麻斯須
半臂麻又一臂麻斯須頭一半麻比及梳畢從脇至足
皆麻大便二三日不通往問他醫皆云風也或藥或鍼

欽定四庫全書

儒門事親

皆不解求治于戴人戴人曰左手三部脉皆伏比右手
小三倍此枯澁痺也不可純歸之風亦有火燥相兼乃
命一涌一泄一汗其麻立已後以辛涼之劑調之潤燥
之劑濡之惟小指次指尚麻戴人曰病根已去此餘烈
也方可鍼谿谷谿谷者骨空也一日晴和往鍼之用靈
樞中雞足法向上卧鍼三進三引訖復卓鍼起向下卧
鍼送入指間皆然手熱如火其麻全去昔劉河間作原
病式常以麻與澁同歸燥門中真知病機者也



大便燥結九十

戴人過曹南省親有姨表兄病大便燥澁無他證常不敢飽食飽則大便極難結實如鐵石或三五日一如圍目前星飛鼻中血出肛門連廣腸痛痛極則發昏服藥則病轉劇烈芑荳芫花甘遂之類皆用之過多則困瀉止則復燥如此數年遂畏藥性暴急不服但卧病待盡戴人過診其兩手脉息俱滑實有力以大承氣湯下之繼服神功丸麻仁丸等藥使食菠菱葵菜及猪羊血作

欽定四庫全書

儒門事親

羹百餘日充肥親知見駭之嗚呼粗工不知燥分四種燥於外則皮膚皺揭燥於中則精血枯涸燥於上則咽鼻焦乾燥於下則便溺結閉夫燥之為病是陽明化也水液寒少故如此然可下之當擇藥投之芑荳可以下寒甘遂芫花可下濕大黃朴硝可以下燥內經曰辛以潤之鹹以與之周禮曰以滑養竅

孕婦便結九十一

戴人過東杞一婦人病大便燥結小便淋澁半生不娠



惟常服疎導之藥則大便通利暫廢藥則結滯忽得孕至四五月間醫者禁疎導之藥大便依常為難臨圍則力努為之胎墜凡如此胎墜者三又孕已經三四月弦望前後洩溺結澁甘分胎墮乃訪戴人戴人診其兩手脉俱滑大脉雖滑大以其且妊不敢陡攻遂以食療之用花減煮菠菱葵菜以車前子苗作茹雜猪羊血作羹食之半載居然生子其婦燥病方愈戴人曰余屢見孕婦利膿血下迫極努損胎但同前法治之愈者莫知其數也為醫拘常禁不能變通非醫也非學也識醫者鮮是難說也

欽定四庫全書

儒門事親

偏頭痛九十二

一婦人年四十餘病額角上耳上痛嗚呼為偏頭痛如此五七年每痛大便燥結如彈丸兩目赤色眩運昏澁不能遠視世之所謂頭風藥餅子風藥白龍丸芎犀丸之類連進數服其痛雖稍愈則大便稍秘兩目轉昏澁其頭上鍼灸數千百矣連年著灸其兩目且將失明由



病而無子一日問戴人戴人診其兩手脉急數而有力	風熱之甚也余諳此四五十年矣遍察病目者不問男	子婦人患偏正頭痛必大便澀滯結硬此無他頭痛或	額角是三焦相火之經及陽明燥金勝也燥金勝乘肝	則肝氣鬱肝氣鬱則氣血壅氣血壅則上下不通故燥	結於裏尋至失明治以大承氣湯令河水煎三兩加芒	硝一兩煎殘頓令溫分作三五服連服盡蕩滌腸中垢	滯結燥積熱下泄如湯二十餘行次服七宣丸神功丸	欽定四庫全書	儒門事親	以潤之菠菱葵菜猪羊血為羹以滑之後五七日十日	但遇天道清明以大承氣湯夜盡一劑是痛隨利減也	三劑之外目豁首輕燥澤結釋得三子而終	腰胯痛九十三	一男子六十餘病腰尻脊胯皆病數載不愈晝靜夜躁	大痛往來屢求自盡天年且夕則痛作必令人以手槌擊	至五更雞鳴則漸減向曙則痛止左右及病者皆作鬼	神陰譴白虎齋朝禱暮祝覲巫僧道禁師至則其痛以
-----------------------	-----------------------	-----------------------	-----------------------	-----------------------	-----------------------	-----------------------	-----------------------	--------	------	-----------------------	-----------------------	-------------------	--------	-----------------------	------------------------	-----------------------	-----------------------



減又夢鬼神戰鬪相擊山川神廟無不祭者淹延歲月
肉瘦皮枯飲食減少暴怒日增惟候一死有書生曰既
云鬼神虎齧陰譴之禍如此禱祈何無一應聞陳郡有
張戴人精於醫可以問其鬼神白虎與病乎彼若術窮
可以委命其家從之戴人診其兩手脉皆沉滯堅勁力
如張絙謂之曰病雖瘦難於食然腰尻脊跨皆痛者必
大便堅燥其左右曰有五七日或八九日見燥糞一兩
塊如彈丸結硬不可言曾令人剝取之僵下一兩塊渾

欽定四庫全書

儒門事親

身燥痒皮膚皴揭枯澁如麩片戴人既得病之虛實隨
用大承氣湯以姜棗煎之加牽牛頭末二錢不敢言是
瀉劑蓋病者聞煖則悅聞寒則懼說補則從說瀉則逆
此弊非一日也而况一齊人而傳之衆楚人咻之乎及
煎成使稍熱嚥之從少至多累至三日天且晚臟腑下
泄四五行約半盆以燈視之皆燥糞燥痺塊及瘀血雜
臟穢不可近須臾痛減九分昏睡鼻息調如常人睡至
明日將夕始覺飢而索粥溫涼與之又困睡一二日其



痛盡去次令飲食調養日服導飲丸甘露散滑利便溺
之藥四十餘日乃復嗚呼世傳三十六虎書三十六黃
經及小兒三十六吊誰為之耶始作俑者其無後乎古
人以醫為師故醫之道行今之人以醫辟奴故醫之道
廢有志之士恥而不學病者亦不擇精粗一槩待之常
見官醫迎送長吏馬前唱喏真可羞也由是通今博古
者少而師傳遂絕靈樞經謂刺與汗雖久猶可拔而雪
結與閉雖久猶可解而決去腰脊胯痛者足太陽膀胱

欽定四庫全書

儒門事親

經也胯痛足少陽膽經之所過也難經曰諸痛為實內
經曰諸痛痒瘡瘍皆屬心火注曰心寂則痛微心燥則
痛甚人見巫覡僧道禁師至則病稍去者心寂也然去
其後來者終不去其本也古之稱痛隨利減不利則痛
何由去病者既痊乃壽八十歲故凡燥證皆三陽病也

寒形

因寒腰強不能屈伸九十四

北人衛德新因之析津冬月飲寒則冷病腰常直不能



屈伸兩足沉重難於行步途中以床舁遞程程問醫皆云腎虛以菝蓉芭戟附子鹿茸皆用之大便反秘潮熱上周將經歲矣乃乞拯於戴人戴人曰此疾十日之效耳衛曰一月亦非遲戴人曰足太陽經血多病則腰似折脘如結膈如裂太陽所至為屈伸不利况腰者腎之府也身中之大關節今既強直而不利宜鹹以與之頓服則和柔矣難經曰強力入房則腎傷而髓枯枯則高骨乃壞而不用與此用同今君之證太陽為寒所遏血

欽定四庫全書

儒門事親

墜下滯腰間也太陽膀胱經必有積血非腎也節次以藥可下數百行約去血一二斗以九曲玲瓏竈蒸之汗出三五次而愈初蒸時至五日問曰腹中鳴否德新曰未也至六日覺鳴七日而起以能揖人戴人曰病有熱者勿蒸蒸則損人目也

寒疝亦名水疝九十五

律科王敏之病寒疝臍下結聚如黃瓜每發遶腰急痛不能忍戴人以舟車丸猪腎散下四五行覺藥繞病三



五次而下其瀉皆水也猪腎甘遂皆苦寒經言以寒治寒萬舉萬全但下後忌飲冷水及寒物宜食乾物以寒疝本是水故也即日病減八分食進一倍又數日以舟車丸百餘粒通經散四五錢服之利下候三四日又服舟車丸七八十粒猪腎散三錢乃健步如常矣

一僧病疝發作冷氣上貫齒下貫腎緊若繩挽兩鞞時腫而冷戴人診兩手脉細而弱斷之曰秋脉也此因金氣在上下伐肝木木畏金抑而不伸故病如是肝氣礮

欽定四庫全書

儒門事親

礮不能下榮於鞞丸故其寒實非寒也木受金制傳之胃土胃為陽明故上貫齒病非齒之病肝木者心火之母也母既不伸子亦屈伏故下冷而水化乘之經曰木鬱則達之土鬱則泄之令涌泄四次果覺氣和鞞丸痒而暖戴人曰氣已入鞞中矣以茴香木茂之藥使常服之首尾一月而愈

感風寒九十六

戴人之常谿也雪中冒寒入浴重感風寒遂病不起但



<p>使煎通聖散單服之一二日不食惟渴飲水亦不多飲 時時使人搥其股按其腹凡三四日不食日飲水一二 十度至六日有謔語妄見以調胃承氣湯下之汗出而 愈戴人常謂人曰傷寒勿妄用藥惟飲水最為妙藥但 不可使之傷常令揉散乃大佳耳至六七日見有下證 方可下之豈有變異哉奈何醫者禁人飲水至有渴死 者病人若不渴強與水飲亦不肯飲耳戴人初病時鼻 塞聲重頭痛小便如灰淋汁及服調胃承氣一兩半覺 欲嘔狀探而出之汗出熱熱然須臾下五六行大汗一 日乃瘳當日飲冰水時水下則痰出約一二椀痰即是 病也痰去則病去也戴人時年六十一</p>	<p>凍瘡九十七</p>	<p>戴人女僮足有寒瘍俗云凍瘡戴人令服舟車丸濬川 散大下之其瘡遂愈人或疑之戴人曰心火降則寒消 何疑之有</p>	<p>寒痰九十八</p>
--	--------------	---	--------------

欽定四庫全書

儒門事親



一婦人心下臍上結硬如斗按之如石人皆作病胎鍼
灸毒藥禱祈無數如捕風然一日戴人見之曰此寒痰
診其兩手寸脉皆沉非寒痰而何以芩蒂散吐之連吐
六七升其塊立消過半俟數日後再吐之其涎沫類雞
黃腥臭特殊約二三升凡如此者三後以人參調中湯
五苓散調之腹已平矣

瀉利惡寒九十九

東門一男子病瀉痢不止腹鳴如雷不敢冷坐坐則下

欽定四庫全書

儒門事親

注如傾諸醫例斷為寒証乾姜官桂丁香荳蔻之屬枯
礬龍骨皆服之矣何鍼不燔何艾不炷遷延將二十載
矣一日問于戴人戴人曰兩手寸脉皆滑余不以為寒
然其所以寒者水也以茶調散涌寒水五七升無憂散
泄積水數十行乃通因通用之法也次以五苓散淡劑
滲泄利之道又以甘露散止渴不數日而冷食寒飲皆
如故此法王啓玄稔言之矣奈無人用之哉

內傷形



因憂結塊一百

息城司候聞父死于賊乃大悲哭之罷便覺心痛日增
不已月餘成塊狀若覆杯大痛不住藥皆無功議用燔
鍼炷艾病人惡之乃求于戴人戴人至適巫者在其傍
乃學巫者雜以狂言以譴病者至是大笑不忍回面向
壁一二日心下結塊皆散戴人曰內經言憂則氣結喜
則百脉舒和又云喜勝悲內經自有此法治之不知何
用鍼灸哉適足增其痛耳

欽定四庫全書

儒門事親

病怒不食一百一

項關令之妻病食不欲食常好叫呼怒罵欲殺左右惡
言不輟衆醫皆處藥幾半載尚爾其夫命戴人視之戴
人曰此難以藥治乃使二娼各塗丹粉作伶人狀其婦
大笑次日又令作角觝又大笑其旁常以兩箇能食之
婦誇其食美其婦亦索其食而為一嗜之不數日怒減
食增不藥而瘥後得一子夫醫貴有才若無才何足應
變無窮



不寐一百二

一富家婦人傷思慮過甚二年不寐無藥可療其夫求戴人治之戴人曰兩手脉俱緩此脾受之也脾主思故也乃與其夫以怒而激之多取其財飲酒數日不處一法而去其人大怒汗出是夜困眠如此者八九日不寤自是而食進脉得其平

驚一百三

衛德新之妻旅中宿于樓上夜值盜劫人燒舍驚墮牀

欽定四庫全書

儒門事親

下自後每聞有響則驚倒不知人家人輩躡足而行莫敢冒觸有聲歲餘不痊諸醫作心病治之人參珍珠及定志丸皆無効戴人見而斷之曰驚者為陽從外入也恐者為陰從內出驚者為自不知故也恐者自知也足少陽膽經屬肝木膽者敢也驚怕則膽傷矣乃命二侍女執其兩手按高椅之上當面前下置一小几戴人曰娘子當視此一木猛擊之其婦大驚戴人曰我以木擊几何必驚乎伺少定擊之驚也緩又斯須連擊三五次



又以杖擊門又暗遣人畫背後之窻徐徐驚定而笑曰
是何治法戴人曰內經云驚者平之平者常也平常見
之必無驚是夜使人擊其門窻自夕達曙夫驚者神上
越也從下擊凡使之下視所以收神也一二日雖聞雷
亦不驚德新素不喜戴人至是終身厭服如有人言戴
人不知醫者執戈以逐之

兒寐不寤一百四

陳州長吏一小兒病寐而不寤一日諸醫作睡驚治之

欽定四庫全書

儒門事親

或欲以艾火灸之或以大驚丸及水銀餅子治之其父
曰此子平日無疾何驟有驚乎以子之病乃問于戴人
戴人診其兩手脉皆平和戴人曰若驚風之脉當洪大
而強今則平和非驚風也戴人竊問其乳母爾三日前曾
飲醉酒否遽然笑曰夫人以煮酒見餉酒味甚美三飲
一罌而睡陳酒味甘而戀隔酒氣滿乳兒亦醉也乃剉
甘草乾葛花硝砂仁貫衆煎汁使飲之立醒

孕婦下血一百五



劉先生妻有娠半年因傷損下血乞藥于戴人戴人診之以三和湯一名玉燭散承氣湯四物湯對停加朴硝煎之下數行痛如手拈下血亦止此法可與智識高明者言膏梁之家慎勿舉似非徒駭之抑又謗之嗚呼正道難行正法難用古今皆然

收產傷胎一百六

一孕婦年二十餘臨產召穩媪三人其二媪極拽婦之臂其一媪頭抵婦之腹更以兩手扳其腰極力為之胎

欽定四庫全書

儒門事親

死于腹良久乃下兒亦如血乃穩媪殺之也豈知菰熟自落何必如此乎其婦因茲經脉斷閉腹如刀剗大渴不止小溲闕絕主病者禁水不與飲口舌枯燥牙齒齩黑臭不可聞食飲不下昏憤欲死戴人先以冰雪水恣意飲之約二升許痛緩渴止次以舟車丸通經散前後五六服下數十行食大進仍以桂苓甘露散六一散柴胡飲子等調之半月獲安

又一婦人臨產召村媪數人侍焉先產一臂出媪不測



輕重拽之臂為之斷子死于腹其母面青身冷汗紮紮不絕時微喘嗚乎病家甘于死忽有人曰張戴人有竒見試問之戴人曰命在須臾鍼藥無及急取秤鈎續以壯繩以膏塗其鈎令其母分兩足向外偃坐左右各一人脚上立足次以鈎其死胎命一壯力婦倒身拽出死胎下敗血五七升其母昏困不省待少頃以冰水灌之漸嚙二日大醒食進次日四物湯調血數日方愈戴人常曰產後無他事因侍嫗非其人轉為害耳

欽定四庫全書

儒門事親

懷恐脇痛一百七

洛陽孫伯英因誣獄妻子被繫逃于故人是夜覺胃脇痛託故人求藥故人曰有名醫張戴人適在焉當與公同往時戴人宿酒未醒強呼之故人曰吾有一親人病欲求診戴人隔牕望見伯英曰此公伏大驚恐故人曰何以知之戴人曰面青脫色膽受怖也後會赦乃出方告戴人

背疽一百八



一富家女子十餘歲好食紫櫻每食即二三斤歲歲如此至十餘年一日潮熱如勞戴人診其兩手脉皆洪大而有力謂之曰他日必作惡瘡腫毒熱上攻目陽盛陰脫之證其家大怒不肯服解毒之藥不一二年患一背疽如盤痛不可忍其女忽思戴人曾有是言再三悔過請戴人戴人以銚鍼繞疽暈刺數百鍼去血一斗如此三次漸漸痛減腫消微出膿而斂將作痂時使服十補內托散乃痊終身忌口然目亦昏終身無子

欽定四庫全書

儒門事親

肺癰一百九

舞水一富家有二子長者年十三歲幼者十一歲皆好頓食紫櫻一二斤每歲須食半月後一二年幼者發肺癰長者發肺痿相繼而死戴人常嘆曰人之死者命耶天耶古人有詩爽口物多終作疾真格言也天生百菓所以養人非欲害人然富貴之家失教縱欲遂至於是咽中刺塞一百十

戴人過瀝陽強家一小兒約五六歲同隊小兒以蜀黍



稽相擊逆芒倒刺於咽中數日不下粥藥腫大發其家
告戴人戴人命取水依道經中咒水法以左手屈中指
及無名指作三山印坐水盞于其上右手掐印文是金
鎗印脚踏丁字立望太陽或燈火取氣一口吹在淨水
盞中咒曰吾取老君東流順老君奉勅攝去毒水吾托
大帝尊所到稱吾者各各現帝身急急如律令攝念七
遍吹在盞中虛攪卓三次為定其兒嚙水下咽曰我可
也三五日腫散乃知法亦有不可侮者

欽定四庫全書

儒門事親

誤吞物咽中一百十一

一小兒誤吞一錢在咽中不下諸醫皆不能取亦不能
下乃命戴人戴人熟思之忽得一策以淨白表紙令卷
實如箸以刀縱橫亂割其端作鬚髻之狀又別取一箸
縛鍼鈎於其端令不可脫先下咽中輕提輕抑一探之
覺鈎入於錢竅然後以紙卷納之咽中與鈎尖相抵覺
鈎尖入紙卷之端不礙肌肉提之而出

腸癖下血一百十二



棠谿樂彥剛病下血醫者以藥下之默默而死其子企見戴人而問之曰吾父之死竟無人知是何證戴人曰病剉其心也心主行血故被剉則血不禁若血溫身熱者死火數七死必七日治不當下若下之不滿數企曰四日死何謂痛剉心戴人曰智不足而強謀力不足而強與心安得不剉也樂初與邢爭屋不勝遂得此病企由是大服拜而學醫

水腫葶丸一百十三

欽定四庫全書

儒門事親

霍秀才之子年十二歲葶丸一旁腫臃戴人見之曰此因驚恐得之驚之為病上行則為嘔血下則腎傷而為水腫以琥珀通經散一瀉而消散

伏驚一百十四

上渠卜家一男子年二十八歲病身弱四肢無力面色蒼黃左脇下身側上下如臂狀每發則痛無時食不減大便如常小便微黃已二三載矣諸醫計窮求戴人治之視其部分乃足厥陰肝經兼足少陽膽經也張曰甲



膽乙肝故青其黃者脾也診膽脉小此因驚也驚則膽受邪腹中當有驚涎綠水病人曰昔曾屯軍被火自是而疾戴人夜以舟車百五十丸瀆川散四五錢加生薑自然汁平旦果下綠水四五行或問大加生薑何也答曰辛能伐木也下後覺微痛令再下之比前藥減三之一又下綠水三四行痛止思食反有力戴人謂卜曰汝妻亦當病卜曰太醫未見吾妻何以知之曰爾感此驚幾年矣卜省曰當被火時我正在草堂中熟寐人驚喚

欽定四庫全書

儒門事親

我睡中驚不能言火已塞門我父拽出我火中今五年矣張曰汝膽伏火驚甲木乘脾土是少陽相火乘脾脾中有熱故能食而殺穀熱雖能化穀其精氣不完汝必無子蓋敗經反損婦人汝妻必手足熱四肢無力經血不時卜曰吾妻實如此亦已五年矣他日門人因觀內經言先瀉所不勝次瀉所勝之論其法何如以問張張曰且如膽木乘胃土此土不勝木也不勝之氣尋救于子已土能生庚金庚為大腸味辛者為金故大加生薑



使伐木然先不開脾土無由行也遂用舟車丸先通其
閉塞之路是先瀉其所不勝後用薑汁調濬川散大下
之次瀉其所勝也大抵陽干剋陽干腑剋腑臟剋臟

外傷形

孕作病治一百十五

一婦人年四十餘得孕自以為年衰多病故疾復作以
告醫氏醫者不察加燔鍼於臍兩旁又以毒藥致磨轉
轉腹痛食減形羸已在牀枕來問戴人戴人診其脉曰
六脉皆平惟右尺洪大有力此孕脉也兼擇食為孕無
疑左右皆笑之不數月生一女子兩目下各有燔鍼痕
幾喪其明凡治病婦當先問娠不可倉卒矣

杖瘡一百十六

戴人出遊道經故息城見一男子被杖瘡痛焮發毒氣
入裏驚涎堵塞牙禁不開粥藥不下前後月餘百治無
功甘分於死戴人先以三聖散吐青蒼驚涎約半大缶
次以利膈丸百餘粒下臭惡燥糞又一大缶復煎通聖

欽定四庫全書

儒門事親



散數錢熱服之更以酸辣葱醋湯發其汗斯須汗吐交出其人活矣此法可以救寃

落馬發狂一百十七

一男子落馬發狂起則目瞪狂言不識親疎棄衣而走罵言涌出氣力加倍三五人不能執縛燒符作醮問鬼跳巫殊不之顧丹砂牛黃犀珠腦麝資財散去室中蕭然不遠二百里而求戴人一往戴人以車輪埋之地中約高二丈許上安之中等車輪其輞上鑿一穴如作盆

欽定四庫全書

儒門事親

之狀縛狂病人於其上使之伏卧以軟裯襯之又令一人於下坐機一枚以捧攪之轉千百遭病人吐出青黃涎沫一二斗許繞車輪數匝其病人曰我不能任可解我下從其言而解之索凉水與之冰水飲數升狂方罷矣

犬傷脛腫一百十八

麻先生兄村行為犬所齧昇至家脛腫如罐堅若鐵石毒氣入裏嘔不下食頭痛而重往問戴人女僮曰痛隨



利減以檳榔丸下之見兩行不瘥適戴人自舞陽回謂
麻曰脛腫如此足之二陰三陽可行乎麻曰俱不可行
如是何不大下之乃命夜臨卧服舟車丸百五十粒通
經散三四錢比至夜半去十四行腫立消作胡桃紋反
細於不傷之脛戴人曰慎勿貼膏紙當令毒氣出流膿
血水常行又一日戴人恐毒氣未盡又服舟車丸百餘
粒濬川散三四錢見六行病人曰十四行易當六行反
難何也戴人曰病盛則勝藥病衰則不勝其藥也六日

欽定四庫全書

儒門事親

其膿水盡戴人曰膿水行時不畏風盡後畏風也乃以
愈風餅子日三服之又二日方與生肌散一傅之而成
痂嗚呼用藥有多寡使差別相懸向使不見戴人則利
減之言非也以此知知醫已難用醫尤難

足閃朒痛一百十九

谷陽鎮酒監張仲溫謁一廟觀匠者砌露臺高四尺許
因登之下臺或朒一足外踝腫起熱痛如火一醫欲以
錐鍼刺腫出血戴人急止之曰朒已痛矣更加鍼二痛



俱作何以忍也乃與神祐丸八九十九下二十餘行禁
食熱物夜半腫處發痒痛止行步如常戴人曰吾之此
法十治十愈不誑後人

膝腠跛行一百二十

葛塚馮家一小兒七八歲膝被腠跛行行則痛數日矣
聞戴人善醫令人問之戴人曰小病耳教來是夜以舟
車丸通經散溫酒調而下之夜半涌泄齊行上吐一椀
下泄半缶既上床其小兒謂母曰膝臏痒不可往來日

欽定四庫全書

儒門事親

使服烏金丸壯其筋骨一月疾愈而走矣

杖瘡入水一百二十二

小渠袁三因強盜入家傷其兩脰外臙作瘡數年不已
膿汁常涓涓然但飲冷則瘡間冷水浸淫而出延為濕
瘡來求治于戴人曰爾中焦當有綠水二三升涎數掬
袁曰何也戴人曰當被盜時感驚氣入腹驚則膽傷足
少陽經也兼兩外臙皆少陽之部此膽之甲木受邪甲
木色青當有綠水少陽在中焦如漚既伏驚涎在中焦



儒門事親卷七								欽定四庫全書	儒門事親					一夕而痲乾真可怪也	瘡中水出乃上涌寒痰汗如流水次下綠水果二三升	飲冷水咽為驚涎所阻水隨經而旁入瘡中故飲水則
--------	--	--	--	--	--	--	--	--------	------	--	--	--	--	-----------	-----------------------	-----------------------



欽定四庫全書

儒門事親卷八

金 張從正 撰

內積形

傷冷酒一百二十二

戴人出遊道經陽夏問一舊友其人病已危矣戴人往視之其人曰我別無病三年前當隆暑時出村野有以煮酒饋予者適村落無湯器冷飲數升便覺左脇下悶

欽定四庫全書

儒門事親

漸痛結硬至今不散鍼灸磨藥殊不得効戴人診其兩手脈俱沉實而有力先以獨聖散吐之一涌二三升色如煮酒香氣不變後服和脾散去濕藥五七日百脈沖和始知鍼灸無功增苦楚矣

心下沉積一百二十三

顯慶寺僧應公有沉積數年雖不卧床枕每於四更後心頭悶硬不能安卧須起行寺中習以為常人莫知為何病以藥請于戴人戴人令涌出膠涎一二升如黑礬



水繼出黃綠水又下膿血數升自爾胸中如失巨山飲
餌無算安眠至曉

茶癖一百二十四

一緇侶好茶成癖積在左脇戴人曰此與肥氣頗同然
瘡癰不作便非肥氣雖病十年不勞一日况兩手脈沉
細有積故然吾治無鍼灸之苦但小惱一餉可享壽盡
期先以茶調散吐出宿茶水數升再以木如意搯之又
涌數升皆作茶色次以三花神祐丸九十餘粒是夜瀉
二十餘行膿水相兼燥糞瘀血雜然而下明日以除濕
之劑使服十餘日諸苦悉蠲神清色瑩

腹脹水氣一百二十五

蹙躄張承應年幾五十腹如孕婦面黃食減欲作水氣
或令服黃芪建中湯及溫補之劑小溲涸閉從戴人療
焉戴人曰建中湯攻表之藥也古方用之攻裏已誤也
今更以此取積兩重誤也先以涌劑吐之置火於其旁
大汗之次與猪腎散四錢以舟車丸引之下六缶殊不

欽定四庫全書

儒門事親



困續下兩次約三十餘行腹平軟健啖如昔常仲明云
向聞人言瀉五六缶人豈能任及聞張承應渠云誠然
乃知養生與攻疴本自不同今人以補劑療病宜乎不
効

疝氣一百二十六

王亭村一童子入門狀如鞠恭而行戴人曰疝氣也令
解衣揣之二道如臂其家求療于戴人先刺其左如刺
重紙剝然有聲而斷令按磨之立軟其右亦然觀者咸
欽定四庫全書
儒門事親

嗟異之或問曰石關穴也

胸膈不利一百二十七

沈丘王宰妻病胸膈不利口流涎沫自言咽下胃中常
雷聲心間作微痛又復發昏胸乳之間灸癰如碁化痰
利膈等藥服之三載病亦依然其家知戴人痰藥不損
來求之一涌而出雪白虫一條長五六寸有口鼻牙齒
走於涎中病者忿而斷之中有白髮一莖此正與徐文
伯所吐宮人髮瘦一同虫出立安



冷積一百二十八

戴人過醮都營中飲會隣席有一卒說出妻事戴人問其故答曰吾婦為室女心下有冷積如覆盃按之如水聲以熱手熨之如水聚來已十五年矣恐斷我嗣是故棄之戴人曰公勿黜也如用吾藥病可除孕可得卒從之戴人診其脉沉而遲尺脉洪大而有力非無子之候也可不踰年而孕其良人笑曰試之先以三聖散吐涎一斗心下平軟次服白朮調中湯五苓散後以四物湯和之不再月氣血合度數月而娠二子戴人常曰用吾此法無不子之婦此言不誣

積塊一百二十九

菓茵劉子平妻腹中有塊如瓢十八年矣經水斷絕諸法無措戴人令一月之內涌四次下六次所去痰約一二桶其中不化之物有如葵菜者爛魚腸之狀涌時以木如意搯之覺病積如刮漸漸而平及積之既盡塊痕反窪如舊畧無少損至是而面有童色經水復行若當

欽定四庫全書

儒門事親



年少可以有子

肥氣積一百三十

陽夏張主簿之妻病肥氣初如酒杯大發寒熱十五餘
年後因性急悲感病益甚惟心下三指許無病滿腹如
石片不能坐卧鍼灸匝矣徒勞人耳乃敬邀戴人而問
之既至斷之曰此肥氣也得之季夏戊巳日在左脇下
如覆杯久不愈令人發瘡癰瘡者寒熱也以荈蒂散
吐之魚腥黃涎約一二缶至夜繼用舟車丸通經散投
之五更黃涎膿水相半五六行凡有積處皆覺痛後用
白朮散當歸散和血流經之藥如斯涌泄凡三四次而
方愈

伏瘕一百三十一

汴梁曹大使女年既笄病血瘕數年太醫宜企賢以破
血等藥治之不愈企賢曰除得陳州張戴人方愈一日
戴承語至汴京曹大使乃邀戴人問焉戴人曰小腸遺
熱於大腸為伏瘕故結硬如塊面黃不月乃用涌泄之

欽定四庫全書

儒門事親



法數年之疾不再旬而効女由是得聘企賢問誰治之
曹大使曰張戴人企賢立使人邀之

停飲一百三十二

一婦從年少時因大哭罷痛飲冰水困卧水停心下漸
發痛悶醫氏咸以為冷積治之以溫熱劑及禁食冷物
一聞茶氣病輒內作如此數年燎鍼燒艾瘡孔數千十
餘年後小便赤黃大便秘悶兩目加昏積水轉甚流於
兩脇世謂水癖或謂支飲硃漆稜茂攻磨之藥竟施之

欽定四庫全書

儒門事親

矣食日衰積日茂上至鳩尾旁至兩脇及臍下但發之
時按之如水聲心腹結硬手不可近者月發五七次甚
則欲死諸藥皆厭二十餘年求戴人發藥診其脉寸口
獨沉而遲此胸中有痰先以荈蒂散涌痰五七升不數
日再越痰水及蚪又數日上涌數升凡三涌三下汗如
水者亦三其積皆去以流濕飲之藥調之月餘大瘥

積氣一百三十三

寄西華縣庠山東顏先生有積二十年目視物不真細



字不覩當心如頑石每發痛不可忍食減肉消黑黥滿
面腰不能直因遇戴人令涌寒痰一大盞如片粉夜以
舟車丸通經散下爛魚腸葵菜汁七八行病十去三四
以熱漿粥投之復去痰一盆次日又以舟車丸通經散
前後約百餘行略無少困不五六日面紅黥去食進目
明心中空曠遂失頑石所在旬日外來謝

沉積疑胎一百三十四

脩弓杜匠其子婦年三十有孕已歲半矣每發痛則召

欽定四庫全書

儒門事親

侍媪待之以為將產也一二日復故凡數次乃問戴人
戴人診其脉濇而小斷之曰塊病也非孕也脉訣所謂
濇脉如刀刮竹形主丈夫傷精女人敗血治之法下有
病當瀉之先以舟車丸百餘粒後以調胃承氣湯加當
歸桃仁用河水煎乘熱投之三兩日又以舟車丸桃仁
承氣湯瀉青黃膿血雜然而下每更衣以手向下推之
揉之則出後三二日又用舟車丸以猪腎散佐之一二
日又以舟車丸通經如前數服病十去九俟晴明當未



食時以鍼瀉三陰交穴不再旬塊已沒矣此與隔腹視五臟者復何異哉

是胎非積一百三十五

鬚王之妻病臍下積塊嘔食面黃肌瘦而不月或謂之乾血氣治之無効戴人見之曰孕也其人不信再三求治于戴人與之平藥以應其意終不肯下毒藥後月到果胎也人問何以別之戴人曰尺脉洪大也素問陰陽別論所謂陰搏陽別之脉

欽定四庫全書

儒門事親

外積形

瘤一百三十六

戴人在西華衆人皆訕以為吐瀉一日魏壽之與戴人入食肆中見一夫病一瘤正當目之上網內眥色如灰李下垂覆目之睛不能視物戴人謂壽之曰吾不待食熟立取此瘤魏未之信也戴人曰吾與爾取此瘤何如其人曰人皆不敢割戴人曰吾非用刀割別有一術焉其人從之乃引入一小室中令俛卧一床以繩束其脗



刺乳中大出血先令以手揉其目瘤上亦刺出雀糞立
平出戶壽之大驚戴人曰人之有技可盡窺乎

膠瘤一百三十七

郟城戴人之鄉也一女子未嫁年十八兩手背皆有瘤
一類雞距一類角丸腕不能釧向明望之如桃膠然夫
家欲棄之戴人見之曰在手背為膠瘤在面者為粉瘤
此膠瘤也以銚鍼十字刺破按出黃膠膿三兩匙立平
瘤核更不再作婚事復成非素明者不敢用此法矣

欽定四庫全書

儒門事親

瘦一百三十八

新寨婦人年四十餘有瘦三瓣戴人令以鹹吐之三涌
三汗三下瘦已半消次服化瘦之藥遂大消去夫病在
上者皆宜吐亦自有消息之法耳

痔一百三十九

趙君玉常病痔鳳眼草刺蝟皮槐根狸首之類皆用之
或以乾薑作末塗猪肉炙食之大便燥結不利且痛後
數日因病黃大涌瀉數次不言痔作麻先生偶記而書



之君玉自識戴人之後痔更不發耳							欽定四庫全書	儒門事親							儒門事親卷八
----------------	--	--	--	--	--	--	--------	------	--	--	--	--	--	--	--------



欽定四庫全書

儒門事親卷九

金 張從正 撰

雜記九門

誤中涌法 嗽

張板村鹿子春一小兒七八歲夏月病嗽羸甚戴人欲
涌之子春以為兒幼弱懼其不勝少難之一日因飲酒
家人與之酒傷多乃大吐吐定而嗽止蓋酒味苦苦屬

欽定四庫全書

儒門事親

通劑子春乃大悟戴人之言也

疥

貨生藥焦百善云有蕘夫來買苦參欲治疥不識藥性
緩急但聞人言可治濃煎一碗服之須臾大吐涎一盆
三二日疥作痂矣

赤目

一小兒名德孫眼發赤其母買銅碌欲洗兒目煎成家
人誤與兒飲之須臾大吐吐訖立開



感風寒

焦百善偶感風寒壯熱頭痛其巷人點蜜茶一碗使啜之焦因熱服之訖偶思戴人語曰凡苦味皆能涌百善兼頭痛是病在上試以筋探之畢其痛立解

誤中寒涼

經閉

一婦人年二十餘歲病經閉不行寒熱往來欬潮熱庸醫禁切無物可食一日當暑出門忽見賣涼粉者以冰水和飲大為一食頓覺神清骨健數月經水自下

欽定四庫全書

儒門事親

下血

一男子臟毒下血當六月間熱不可堪自甘於死忽思冰蜜水猛捨性命飲一大盃痛止血住

痢

一男子病膿血惡痢痛不可忍忽見水浸甜苳心酷喜之連皮食數枚膿血皆已人言下痢無正形是何言也人止知痢是虛冷溫之燥之澁之截之此外無術矣豈知風暑火濕燥寒六者皆為痢此冰蜜甜苳所以効也



臨變不惑

涌法

戴人在西華夏公宅其僕鄭驢病法當吐命女僮下藥藥失不製又用之太多涌之不出反悶亂不醒乃告戴人戴人令以薪實馬槽既平昇鄭驢卧其上倒垂其頭須臾大吐吐訖而快戴人曰先宜少進不涌旋加

西華一老夫病法當吐令門人欒景先下藥景先初學其人不吐反下走二行乃告戴人戴人令取溫薑汁飲二椀再下涌藥一錢以雞翎探之乃吐既藥行方大吐

欽定四庫全書

儒門事親

吐訖又安戴人曰凡用吐藥先以薑汁一椀橫截之藥既咽下待少頃其雞翎勿令離口酸苦鹹雖能吐人然不撩何由出也

李仲安宅四婦人病同日下涌劑置煥室中火兩盆其一婦發昏衆人皆驚戴人笑曰內火見外火故然昇之門外使飲冰雪水立醒時正雪晴戴人曰熱見寒則醒衆由是皆服非老手諳練必不能鎮衆人之驚也

涌嗽



楊壽之妻病嗽十餘年法當吐之一日不止以麝香湯止之夜半猶不定再止之明旦頗覺惡心更以人參湯止之二日稍寧自下藥凡三來問戴人不顧謂樂景先曰病久嗽藥已擒病自然遲解涌後調理數日乃止戴人常言涌後有頓快者有徐快者有反悶者病未盡也有反熱者不可不下也大抵三日後無不快者凡下不止者以冰水解之凡藥熱則行寒則止

欽定四庫全書

儒門事親

當禁不禁 病愈後犯禁而死

孟太亨病腫既平當節食及鹽血房室等不慎病再適戴人歸家無救之者乃死

郟城董德固病勞嗽戴人曰愈後當戒房事其病愈恃其安觸禁而死死後妻生一子正當病瘥之日也董初堅諱至是乃彰

一宦家小兒病痢自堰頭車載至朱葛寺入門而死戴人曰有病遠行不可車載馬馱病已擾矣又以車馬動



搖之是為重擾宜其即死

陽夏韓氏為犬所啣大痛不可忍偏痺燥自庄頭載至
家二十里一夕而死時人皆不知車之誤也戴人常言
傷寒之後忌葷肉房事勞水腫之後禁房及油鹽滋味
等三年滑泄之後忌油膩此三者決不可不禁也戴人
常曰病久否閉忽得涌泄氣血冲和心腎交媾陽事必
舉尤切戒房室元氣新至犯之則病再作恐罪於涌泄
不忌反忌 不忌口得愈

欽定四庫全書

儒門事親

一男子病泄十餘年荳蔻阿膠訶子龍骨烏梅枯礬皆
用之矣中腕臍下三里歲歲灸之皮肉皴槁神昏足腫
泄如泔水日夜無度戴人診其兩手脉沉且微曰生也
病人忽曰羊肝生可食乎戴人應聲曰羊肝止泄尤宜
服病人悅而食一小盞許可以漿粥送之病人飲粥數
口幾半升續又食羊肝生一盞許次日泄幾七分如此
月餘而安此皆忌口太過之罪也戴人常曰胃為水穀
之海不可虛怯虛怯則百邪皆入矣或思葷茹雖與病



相反亦令少食圖引漿粥此權變之道也若專以淡粥
責之則病人不悅而食減久則病增損命世俗誤人矣

不可忌口

戴人常曰臟毒酒毒下血嘔血婦人三十已下血閉六
月七月間膿血惡痢疼痛不止婦人初得孕擇食者已
上皆不忌口

高技常孤

戴人常曰人言我不接衆工戴人曰余豈不欲接人但

欽定四庫全書

儒門事親

道不同不相為謀醫之善惟素問一經為祖有平生不
識其面者有看其文不知其義者此等雖日相親欲何
說止不過求一二藥方而已矣大凡藥方前人所以立
法病有百變豈可執方設於富貴之家病者數工同治
戴人必不能從衆工衆工亦不能從戴人以此常孤惟
書生高士推者復來日不離門戴人又曰我之術止可
以教書生不能受醫者忽授老書生曰我是書生豈不
知書生書生固多許可以易慢戴人問之曰彼未嘗見



予治病故有是言若親見予治病數十人自反思矣凡
謗我者皆望風取信於羣醫之口也孔子曰浸潤之譖
膚受之愬不行焉可謂明也已矣

羣言難正 謗吐

或言人有病不可吐人身骨節皆有涎若吐出骨節間
涎令人偏枯戴人問之曰我之藥止是吐腸胃間久積
或膜育間宿沫皆是胃膈中溢出者夫下與吐一理也但
病有上下故用藥有逆順耳

欽定四庫全書

儒門事親

謗三法

或言戴人汗下吐三法欲該天下之醫者非也夫古人
醫法未備故立此三法後世醫法皆備自有成說豈可
廢後世之法而從遠古譬猶上古結繩今日可廢書契
而從結繩乎戴人問之曰易之法雖多不離八卦五行
刑章雖多不過笞杖徒流岐伯曰知其要者一言而終
然則岐伯亦誑人乎大抵舉綱則簡計目則繁

謗峻藥



或言戴人用醫皆峻激乃本草中下品藥也豈可服哉
戴人曰甚矣人之不讀書本草言上藥為君中品為臣
下品為佐使者所以辯其性剛柔也內經言所謂君臣
佐使者非本草中三品之謂也主治之為君次君之謂
臣應臣之為佐使假如大黃能治此病則大黃為君甘
遂能治此病則甘遂為君矣若專以人參黃耆治人之
邪氣此庸工所以常誤人命也李嗣榮言京中閑人云
戴人醫殺二婦遂辭太醫之職而去又有人云昔曾醫

欽定四庫全書

儒門事親

殺穎守私遁而去麻知幾初聞亦疑之乃載見戴人于
瀝陽觀其用藥百發百中論議該贍應變無窮其所治
之疾則不三二十年即十年或五六年應手輒愈羣醫
之領袖無以養生及其歸也謗言滿市皆曰戴人醫殺
倉使耿四而去時倉使以病卒與余未嘗通姓名耿四
病嗽咯血曾問戴人戴人曰公病消困不可峻攻宜以
調養戴人已去後而卒矣麻先生乃肖李嗣榮所言皆
誣也凡余所治之病皆衆壞之證將危且死而治之死



則當怨於戴人又戴人所論按經切理衆誤皆露以是
嫉之又戴人治病多用峻激之藥將愈未愈之間適戴
人去羣醫毀之曰病為戴人攻損急補之遂用相反之
藥如病愈則我藥可久服攻疾之藥可暫用我方攻疾
豈欲常服哉疾去則止藥若果欲養氣五穀五肉五菜
非上藥耶亦安在枯草死木之根核哉

病人負德愈後吝財

南鄉刀鐮工衛氏病風半身無汗已再中矣戴人以三

欽定四庫全書

儒門事親

法療之尋愈恐其求報乃給曰余夜夢一長髯人針余
左耳故愈巫者武媪年四十病勞三年羸瘦不足觀諸
醫技絕適五六月間求治願奉白金五兩戴人治之五
六日而安止答以白金三兩乃曰一道士投我一符焚
而吞之乃痊如此等人不可勝計若病再作何以求治
至有恥前言而不敢復求治療而殺其軀者此所以世
之庸工當正病時以犀珠龍麝丁沉香乳乘其急而巧
取之然君子博愛賢愚亦不當効若輩也



同類妒才 羣口誣戴人

有扶救之功如死我則有攻擊之罪明者不可不察也
麻先生常見他醫言戴人能治竒病不能治常病能治
雜病不能治傷寒他日見戴人問以傷寒事超然獨出
仲景言外之意謂余曰公慎勿殫仲景紙上語惑殺世
人余他日再讀仲景方省其旨戴人云人常見傷寒疫
氣動時輒避曰夫傷寒多變須朝夕再視若十人病已
不能給况闔郡之中皆親故人乎其死生常在六七日
之間稍不往視別變矣以此他醫咸謂之以為不能治
傷寒蓋未常窺其涯涘浪為之訾云

欽定四庫全書

儒門事親

儒門事親卷九



欽定四庫全書

子部
儒門事親卷十一

詳校官太醫院吏目臣宋桂

編修臣倉聖脈覆勘

總校官原任中允臣王燕緒

校對官中書臣呂雲棟

謄錄監生臣洪 策

謄錄監生臣唐作梅



識病用藥之圖						難素撮要究治					
太素		太始		極		太		太初		太易	
也始之質		也始之形				也始之氣		也始之氣		也始之氣	
癸腎	壬膀胱	辛肺	庚大腸	巳脾	戊胃	丁心	丙小腸	乙肝	甲膽	三焦	手少陽
脾	腎	肝	膀胱	胃	膽	肺	心	包絡	小腸	大腸	三焦
足太陰	足少陰	足厥陰	足太陽	足陽明	足少陽	手太陰	手少陰	手厥陰	手太陽	手陽明	手少陽
丑濕土	子君火	亥風水	戌寒水	酉燥金	申相火	未濕土	午君火	巳風水	辰寒水	卯燥金	寅相火
違其氣則病						從其氣則和					
之所成也		所生病者血		可汗之而已也		肌膚從外而入		地之濕氣感則		害人之皮肉筋脈	
				不實可吐之而已也		膀胱大腸小腸滿而		天之邪感則害		人之五臟肝心脾	
								肺腎實而不滿		可下之而已也	
								水穀之寒熱感則害		人六腑膽胃三焦膀胱	

欽定四庫全書

儒門事親

欽定四庫全書
 儒門事親卷十

金張從正撰



圖之象藏位六地天 之添圖此無元論此		屬上在天		太虛	金兌合德	為金主清	欽定四庫全書 儒門事親	外有風寒暑濕屬天之四令無形也																	
		屬	天面	火	君火主熱	內有饑飽勞逸屬天之四令有形也																			
下絡大腸	下絡小腸	下絡膽經	卷終	下絡腎	下絡膀胱	肺 象天 上焦	心 絡包 中焦	肝 象人 中焦	脾 象地 下焦	腎 象地 下焦	風木主溫	相火主極熱	濕土主涼	寒水主寒	屬中在天	風雲 之路	萬物 之路	屬下在地	地面	黃泉	木火合德	火	土合德	水	屬
一者始因氣動而內有所成者謂積聚癥瘕瘤氣癭 起結核狂瞽癩癘疏曰癥堅也積也瘕氣血也		二者始因氣動而外有所成者謂癰腫瘡瘍疥癬疽 痔掉癩浮腫目赤燦瘰附腫痛痒之類是也		三者不因氣動而病生於內者謂留飲癖食飢飽勞 損宿食霍亂悲恐喜怒想慕憂結之類是也																					



四者不因氣動而病生于外者謂瘴氣賊魅虫蛇蠱
毒伏尸鬼擊衝薄墜墮風寒暑濕斫射割刺之
類是也

風木鬱之病

故民病胃脘當心而痛四肢兩脇咽膈不通飲食不
下甚則耳鳴眩轉目不識人善僵仆筋骨強直而不
用卒倒而無所知也

暑火鬱之病

欽定四庫全書

儒門事親

故民病少氣瘡瘍癰腫脇肋脅背首面四肢膜臄臄
脹瘍癩嘔逆癩癰骨痛節疼及有動泄注下溫瘧腹
中暴痛血溢流注精液衰少目赤心熱甚則瞽悶懊
惱善暴死也

濕土鬱之病

故民病心腹脹腹鳴而為數後甚則心痛脇膜嘔逆
霍亂飲發注下肘腫身重脾熱之生也

燥金鬱之病



故民病欬逆心腹滿引少腹善暴痛不可反側噎乾 面塵色惡金勝而木病也
寒水鬱之病
故民病寒客心痛腰椎痛大關節不利屈伸不便善 厥痞堅腹滿陰乘陽故也
初之氣
自大寒至立春春分厥陰風木之位陽用事而氣微 故曰少陽得甲子元頭常准以大寒交初之氣分以
欽定四庫全書
儒門事親
六周甲子以應六氣下傲一月正月二月少陽三陰 三陽亦同
二之氣
春分至小滿少陰君火之位陽氣清明之間又陽明 之位
三之氣
小滿至大暑少陽相火之位陽氣發萬物俱成故亦 云太陽旺其脉洪大而長天氣并萬物人脉盛衰造



物造化亦同

四之氣

大暑至秋分太陰濕土之位天氣吉感夏後陰已用
事故曰太陰旺此三陰三陽與天氣標本陰陽異矣
脉緩大而長燥金旺緊細短濇以萬物乾燥明可見
矣

五之氣

秋分至小雪陽明燥金之位氣衰陰盛故云金氣旺

欽定四庫全書

儒門事親

其脉細而微

終之氣

小雪至大寒太陽寒分之位陰極而盡天氣所收故
曰厥陰旺厥者盡也

風木肝酸 達鍼

與膽為表裏東方木也色青外應目主治血芍藥味
酸微寒澤瀉鹹平烏梅酸熱

諸風掉眩皆屬於肝木主動治法曰達者吐也其高



者因而越之可刺大敦灸亦同
暑火心苦 發汗

與小腸為表裏南方火色外應舌主血運諸經大黃
苦寒木香苦溫黃連苦涼沒藥苦熱

諸痛痒瘡瘍皆屬於心火治法曰熱者汗之令其疎
散也可刺少衝灸之亦同

濕土脾甘 奪鍼

與胃為表裏中央土也色黃應唇主肌肉應四時蜜

欽定四庫全書

儒門事親

甘涼甘草甘平

諸濕腫滿皆屬於脾土治法曰奪者瀉也分陰陽利
水道可刺隱白灸亦同

燥金肺辛 清鍼

與大腸為表裏西方金也色白外應皮毛鼻亦行氣
乾薑辛熱生薑辛溫薄荷辛涼

諸氣憤鬱皆屬於肺金治法曰清者清膈利小便解
表可刺少商灸亦同



寒水腎鹹 折鹹

與膀胱為表裏北方水也色黑外應耳主骨髓牡蠣
鹹寒水蛭鹹寒

諸寒收引皆屬於腎水治法曰折之謂抑之制其衝
逆可刺涌泉灸亦同

大寒子上初之氣

初之氣為病多發欬風痰風厥涎潮痺塞口喎半
身不遂失音風癱風中婦人胸中留飲兩臍腹微痛

欽定四庫全書

儒門事親

嘔逆惡心旋運驚悸狂陽心風搖擗顫掉初之氣病
宜以芡蒂散吐之在下泄之

春分卯上二之氣

二之氣為病多發風溫風熱經曰風傷於陽濕傷於
陰微頭痛身熱發作風溫之候風傷於衛氣也濕傷
於脾氣也是以風溫為病陰陽俱自浮汗出身重多
眠鼻息語言難出此已上二證不宜下若與芑荳大
毒丸藥熱證併生重者必死二之氣病宜以桂枝麻



黃湯發汗而已

小滿已上三之氣

三之氣為病多發熱皆傳足經者多矣太陽陽明少陽太陰少陰厥陰陽者發熱惡寒頭項痛腰脊強陽明身熱目疼鼻乾不得卧少陽者胸脇痛耳聾口苦寒熱往來而嘔此三陽屬熱太陰者腹滿咽乾手足自溫自利不渴或腹滿時痛少陰者故口燥舌乾而渴厥陰者腹滿囊縮喘熱悶亂四肢厥冷爪甲青色

欽定四庫全書

儒門事親

三之氣病宜以清涼上溫下養不宜用芑荳丸下

大暑未上四之氣

四之氣為病多發暑氣頭痛身熱發渴不宜作熱病治宜以白虎湯得此病不傳染次發脾泄胃泄大腸泄小腸泄大瘕泄霍亂吐瀉下痢及赤白相雜水穀不分消腸鳴切痛面浮足腫目黃口乾脹滿氣痞手足無力小兒亦如此四之氣病宜滲泄五苓散之類也



秋分酉上五之氣

五之氣為病多發喘息嘔逆欬及婦人寒熱往來
瘡癰痺痔消渴中滿小兒斑癩瘡疱五之氣病宜以
大小柴胡湯宜解治表裏之類

小雪亥上終之氣

終之氣為病多發風痰風寒濕痺四肢秋收多冬水
復旺水濕相搏肺氣又衰冬寒甚故發則收則痿厥
弱無以運用水液澄清冷大寒之疾積滯癥塊寒疝

欽定四庫全書

儒門事親

血癥凡氣之疾終之氣病宜破積發汗之類

肝之經足厥陰風乙木

是動則病腰痛不可以俛仰丈夫癘疝婦人少腹腫
甚則噎乾面塵脫色是肝所生病者胸滿嘔逆飧泄
狐疝遺溺閉癢為此諸病

膽之經足少陽風甲木

是動則病口苦善太息心脇痛不能轉側甚則面微
有塵體無膏澤足外反熱是為陽厥是主骨所生病



<p>者頭痛領痛目內眥痛缺盆中腫痛腋下腫馬刀俠 癭汗出振寒瘧胸脇肋髀膝外至脛絕骨外踝前及諸 節皆痛小指次指不用為此諸病</p>	<p>心之經手少陰暑丁火</p>	<p>是動則病噤乾心痛渴而欲飲是為臂厥是主心所 生病者目黃脇痛臑臂內後廉痛厥掌中熱痛為此 諸病</p>	<p>小腸經手太陽暑丙火</p>	<p>欽定四庫全書 儒門事親</p>	<p>是動則病噤痛領腫不可以顧肩似拔臑似折是主 液所生病者耳聾目黃頰腫頸領肩臑肘臂外後廉 痛為此諸病</p>	<p>脾之經足太陰濕已土</p>	<p>是動則病舌本強食則嘔胃脘痛腹脹善噫得後與 氣則快然如衰身體皆重是主脾所生病者舌本痛 體不能動搖食不下煩心心下急痛溏瘕泄水閉黃 疸不能卧強立股膝內腫厥足大指不用為此諸病</p>
---	------------------	---	------------------	------------------------	--	------------------	--



胃之經足陽明濕戊土

是動則病洒洒振寒善呻數欠顏黑至則惡人與火
聞木聲則惕然而驚心欲動獨閉戶塞牖而處甚則
欲上高而歌棄衣而走賁響腹脹是為肝厥是主血
所生病者狂瘧溫淫汗出𩑦𩑦口喎唇胗頸腫喉痺
大腹水腫膝臄腫痛循膺乳氣衝股伏兔胛外廉足
跗上皆痛中指不用氣盛則身以前皆熱其有餘于
胃則消穀善飢溺色黃氣不足則身以前皆寒慄胃

欽定四庫全書

儒門事親

中寒則脹滿為此諸病

心包絡手厥陰為母血

是動則病手心熱臂肘攣急腋腫甚則胸脇支滿心
中憺憺大動面赤目黃喜笑不休是主脉所生病者
煩心心痛掌中熱為此諸病

三焦經手少陽為父氣

是動則病耳聾渾渾焯焯噤腫喉痺是主氣所生病
者汗出目銳眦痛耳後肩臑肘臂外皆痛小指次指



不用為此諸病

大腸經手陽明燥庚金

是動則病齒痛頸腫是主津液所生病者目黃口乾
欬衄喉痺肩前臑痛大指次指痛不用氣有餘則當
脉所過者熱腫虛則寒慄不復為此諸病

肺之經手太陰燥辛金

是動則病肺脹滿膨膺而喘欬缺盆中痛甚則交兩
手而脅此為臂厥是主肺所生病者欬上氣喘渴煩

欽定四庫全書

儒門事親

心胸滿臑臂內前廉痛厥掌中熱氣盛有餘則肩背
痛風寒汗出中風小便數而欠氣虛則肩背痛寒少
氣不足以息溺色變為此諸病

腎之經足少陰寒癸水

是動則病飢不欲食面如漆柴欬唾則有血喝喝坐
而欲起目眈眈如無所見心如懸若飢狀氣不足則
善恐心惕惕如人將捕之是為骨厥是主腎所生病
者口熱舌乾噤腫上氣噤乾及痛煩心痛黃疸腸



<p>澀脊股內後廉痛痿厥嗜卧足下熱而痛為此諸病 膀胱經足太陽寒壬水</p>	<p>是動則病衝頭痛目似脫項如拔脊痛腰似折髀不 可以曲脰如結踠如裂是為蹠厥是主筋所生病者</p>	<p>痔瘡狂癩疾頭顱項痛目黃淚出軌衄項背腰尻脰 踠脚皆痛小指不用為此諸病</p>	<p>風治法風淫于內治以辛涼佐以甘辛以甘緩之以辛 散之</p>	<p>欽定四庫全書 儒門事親</p>	<p>防風通聖散 天麻散 防風湯 祛風湯</p>	<p>小續命湯 消風散 排風湯</p>	<p>暑治法熱淫于內治以鹹寒佐以甘苦以酸收之以苦 發之</p>	<p>白虎湯 桂苓湯 玉壺丸 碧玉散</p>	<p>玉露散 石膏湯</p>	<p>濕治法濕淫于內治以苦熱佐以鹹淡以苦燥之以淡 泄之</p>
---	--	--	-------------------------------------	------------------------	--------------------------	---------------------	-------------------------------------	------------------------	----------------	-------------------------------------



<p>白朮木香散 桂苓白朮丸 五苓散</p>	<p>葶藶木香散 益元散 神助散</p>	<p>火治法火淫于內治以鹹寒佐以甘辛以酸收之以苦</p>	<p>發之</p>	<p>涼膈散 解毒丸 神功丸</p>	<p>八正散 調胃散 大小承氣湯</p>	<p>燥治法燥淫于內治以苦溫佐以甘辛以辛潤之以苦</p>	<p>下之</p>	<p>欽定四庫全書 儒門事親</p>	<p>神功丸 麻仁丸 脾約丸</p>	<p>潤體丸 潤腸丸 四生丸</p>	<p>葶藶散</p>	<p>寒治法寒淫于內治以甘熱佐以苦辛以辛散之以苦</p>	<p>堅之</p>	<p>薑附湯 四逆湯 二薑湯</p>	<p>朮附湯 大戊巳丸 附子理中湯</p>	<p>六門病證藥方</p>
------------------------	----------------------	------------------------------	-----------	--------------------	----------------------	------------------------------	-----------	------------------------	--------------------	--------------------	------------	------------------------------	-----------	--------------------	-----------------------	---------------



火門兼治於外者	柴胡飲子	神助散	益元散	五苓散	濕門兼治於內者	金絲膏	拔毒散	益元散	白虎湯	暑門獨治於外者	承氣湯	小續命湯	防風通聖散	風門獨治於內者
	防風通聖散	大柴胡湯	大橘皮湯	葶藶木香散		生肌散	水澄膏	玉露散	桂苓甘露散		陷胸湯	消風散	防風天麻丸	
	防風當歸飲子	小柴胡湯	桂苓白朮丸	白朮木香散		魚膽丸		石膏散	化痰玉壺丸		神芎丸	祛風丸	防風湯	

欽定四庫全書

儒門事親



涼膈散	黃連解毒湯	瀉心湯
神芎丸	八正散	調胃散
調胃承氣湯	桂苓湯	麻黃湯
小建中湯	升麻湯	五積散
燥門先治於內後治於外者		
神芎丸	脾約丸	麻仁丸
潤體丸	四生丸	
謂寒藥攻其裏大黃兼牽牛之類		
欽定四庫全書	儒門事親	
謂熱藥攻其表桂枝麻黃升麻之類		
薑附湯	四逆湯	二薑湯
		朮附湯
寒門先治於外後治於內者		
大已寒丸	理中丸	
謂熱藥攻其表	謂寒藥攻其裏	
內經濕變五泄	六氣屬天無形風暑濕火燥寒	
五形濕屬戊巳濕入肺經為實		
六味屬地有質酸苦甘辛鹹淡		



五臟濕屬脾胃濕入大腸為虛
胃泄風濕

夫胃泄者飲食不化完穀出色黃風乘胃也宜化
劑之類

脾泄暑濕

夫脾泄者腹脹滿注實則生嘔逆三證宜和劑淡
劑甘劑清劑之類

大腸泄燥濕

夫大腸泄者腸鳴切痛先宜寒劑奪之次甘劑分
其陰陽也

小腸泄熱濕

夫小腸泄者澁而便膿血少腹痛宜寒劑奪之淡
劑甘劑分之

大瘕泄寒濕

夫裏急後重數至圜而不能便先宜清劑寒劑奪
之後以淡劑甘劑分之或莖中痛亦同

欽定四庫全書

儒門事親



金櫃十全之法

飧泄春傷於風夏必飧泄暮食不化亦成飧泄風而

飧泄者先宜發劑次宜淡劑甘劑分劑之類

洞泄春傷於風邪氣留連乃為洞泄瀉下褐色治法

同上又宜灸分水穴濕氣在下又宜以苦劑越之

洞泄寒中 洞泄寒中俗呼曰休息痢洞泄屬甲乙

風木可灸氣海水分三里慎勿服峻熱之藥小便

澁則生足腫腹脹滿者死於庚辛之日如屍臭者

欽定四庫全書

儒門事親

不治

霍亂 吐瀉水穀不化陰陽錯亂可服淡劑調以冰

水令頓服之則愈

注下 火氣太過宜涼劑又宜淡劑調冰水令頓服

之則愈此為暴下不止也

腫蠱 三焦閉溢水道不行水滿皮膚身體否腫宜

越劑發劑奪劑

膜脹 濁氣在上不散可服木香檳榔丸青皮陳皮



屬大腸為濁氣逆肺金為清氣逆氣化則愈矣
腸鳴 燥濕相搏為腸鳴中有濕亦為腸鳴火濕相
攻亦為腸鳴治法同上治之大効
支滿驚澹 上滿而後泄下泄而後復上滿治法同
上久則反寒治法同寒中如驚澹而腸寒者亦斯
義風濕亦有支滿者
腸澀 大小便膿血治法同上又宜不二丸地榆散
駐車丸及車前子等藥次宜淡劑甘劑分劑之類
欽定四庫全書
儒門事親
臟毒 下血治法同上又宜苦劑奪劑以苦燥之如
酒毒下血同
大小便血 大小便治法同上血溫身熱者死火之
成數七日而死如屍臭者不治
脫肛 大腸熱甚也用酸漿水煎三五沸稍熱溲洗
三五度次以苦劑堅之則愈
廣腸痛 治法同上又大黃牽牛丸散奪之法燥瀉
亦同痔漏廣腸痛腸風下血皆同臟毒治法



乳痔腸風 肛門左右有核內經曰因而飽食筋脉
橫解腸澼為痔屬大腸經可服枳殼之屬大瘳生
腸風乳痔相連

金櫃十全五泄法後論

天之氣一也一之用為風火燥濕寒暑故濕之氣一之
一也相乘而為五變其化在天為雨在地為泥在人為
脾甚則為泄故風而濕其泄也胃暑而濕其泄也脾燥
而濕其泄也大腸熱而濕其泄也小腸寒而濕其泄也

欽定四庫全書

儒門事親

大瘳若胃不已變而為飧泄飧泄不已變而為洞泄洞
泄不已變而為洞泄寒中此風乘濕之變也若脾泄不
已變而為霍亂霍亂不已變而為注下注下不已變而
為腫蠱此暑乘濕之變也若大腸泄不已變而為臌脹
臌脹不已變而為腸鳴腸鳴不已變而為支滿驚澹此
燥乘濕之變也若小腸泄不已變而為腸澼腸澼不已
變而為臟毒臟毒不已變而為前後便血此熱乘濕之
變也若大瘳泄不已變而為脫肛脫肛不已變而為廣



腸痛廣腸痛不已變而為乳疔腸風此寒乘濕之變也
凡此二十五變若無濕則終不成疾况脾胃二土共管
中州脾好飲脾亦惡濕此泄之所由生也凡下痢之脉
微且小者生浮大者死水腫則反是浮大者生沉細者
死夫病在裏脉沉在表脉浮裏當下之表當汗之下痢
而脉浮滑水腫者脉沉細表裏俱受病故不治也凡臟
血便血兩手脉俱弦者死絕俱滑大者生血溫身熱者
死王太僕則曰若下血而身熱血溫是血去而外逸也

欽定四庫全書

儒門事親

血屬火故也七日而死者火之成數也夫殮泄得之於
風亦汗可愈或伏驚怖則膽木受邪暴下綠水蓋謂戊
已見伐於甲木也嬰兒泄綠水素問有嬰兒風理亦如
之洞泄者殮泄之甚但殮泄近於洞泄洞泄久則寒中
溫之可也治法曰和之則可也汗之則不可蓋在腑則
易治入臟則難攻洞泄寒中自腑而入臟宜和解而勿
爭水腫之作者未遽而然也由濕遍於大腸小溲自瀆
水濕既瀆腫滿日倍面黃腹大肢體如泥濕氣周身難



專一法越其高而奪其下發其表而滲其中酸收而辛散淡滲而苦堅用攻劑以救其甚緩劑以平其餘如是則孤精得氣獨魄反陽亦可保形陳莖去而淨府潔矣彼荳蔻烏梅罌粟囊勿驟用也設病形一變必致大悞或通而塞或塞而通塞塞通通豈限一法世俗止知塞劑之能塞而不知通劑之能塞者拘於方也凡治濕皆以利小溲為主諸泄不已宜灸水分穴謂水穀之所別也臍之上一寸半灸五七壯腹鳴如雷水道行之候也

欽定四庫全書

儒門事親

凡濕勿鍼內經雖云繆刺其處莫若以張長沙治傷寒法治之蓋泄者亦四時傷寒之一也仲景曰上涌而下泄表汗而裏攻半在表半在裏則宜和解之表裏俱見隨證滲泄此雖以治傷寒其於治濕也同仍察脉以視深淺問年壯以視虛實所投必如其意矣頃商水縣白堤酒監單昭信病殮泄逾年不愈此邑劉繼先命予藥之為桂枝麻黃湯數兩一劑而愈因作五泄圖撫難素本意書錄于上刊而行之誠有望于後之君子戴人張



子和述已上之圖校改為篇法							欽定四庫全書 儒門事親							儒門事親卷十
--------------	--	--	--	--	--	--	----------------	--	--	--	--	--	--	--------



欽定四庫全書

儒門事親卷十一

金 張從正 撰

風論

論曰人之生也負陰而抱陽人居一氣道在其中矣外有八邪之相盪內有喜怒之交侵真氣內弱風邪襲之風之傷人或為寒熱或為疼痛或為偏枯或為拘攣其候不一風者善行而數變此乃風者百病之始萬病之

欽定四庫全書

儒門事親

長也蓋內不得通外不得泄此謂之病生於變亂也或失音而昏冒或口目而喎斜可用二聖散吐之或不知人事者或牙關緊急者粥不能下不能嚥者煎三聖散鼻內灌之吐出涎沫口自開也次服無憂散通解丸通聖涼膈人參半夏丸桂苓甘露散消風散熱除濕潤燥養液之藥排而用之切忌雞猪魚兔油膩酒醋蕎麵動風之物及引痰之食

大凡頭風眩暈手足麻痺胃脘發痛心酸滿悶按之有



聲皆因風風寒濕三氣雜至合而為痺也在上謂之
停飲可用獨聖散吐之吐訖後服清上辛涼之藥通
聖散加半夏之辛仲景云此痰結胸中而致也
大凡風癘病發項強直視不省人事此乃肝經有熱也
或有咬牙者先用葶藶苦酒湯吐之吐後可服瀉青
丸下之次服加減通聖散顯咬牙證用導赤散治之
則愈如病發者可用輕粉白礬礞石代赭石發過米
飲調之經云重劑以鎮之

欽定四庫全書

儒門事親

大凡人病雷頭懶干俗呼之謬名也頭痛昏眩皆因浴
髮而得之即為首風此因邪風在於胸中熱甚化而
為痰風之所致也可以茶調散吐之吐訖次用藏用
丸下之後可服烏荆丸若是雷頭者上部多有赤腫
結核或面熱無汗經云火鬱發之開導之決之可用
鉗鉞出血則愈靈樞經云奪血者無汗奪汗者無血
血汗俱蕩豈不妙哉衰老者可用涼膈解毒消風散
熱為治年壯者可以蕩滌積熱大黃牽牛氣血宣通



便無壅滯而愈

凡人患目腫經年不瘥俗言頭風所注更加頭痛者豈
非頭風者歟此乃足厥陰肝之經手少陰心之經兼
五臟俱有大熱也可先用通解丸通利大小便大黃
越桃飲子治肝熱者羌活決明散服之大有神效矣
凡目有淚出俗言作冷淚者非也內經曰肝液不禁此
大熱薰蒸於肝也熱極生風風衝於外火發於內風
熱相搏此大淚出也內外皆治可以愈也治外以貝

欽定四庫全書

儒門事親

母一枚白膩者加胡椒七枚不犯銅鐵細研臨卧點
之治內者去風散熱之劑可用當歸飲子服之陽熱
極甚者目睛發痛不可忍者可用四物湯加漢防己
草龍膽送下神芎丸五七十九丸利三五行則愈

凡人病痰發者其證不一蓋有五焉一曰風痰二曰熱
痰三曰濕痰四曰酒痰五曰食痰諸痰在於膈上使
頭目不能清利涕唾稠粘或咳唾喘滿或時發潮熱
可用獨聖散吐之次服加減飲子或疏風丸間而服



之內經曰所謂流濕潤燥之義也

凡人但冒風邪溫病前三日在表未入於裏其候頭項強痛身熱惡風寒有汗無汗腰痛不得俛仰可用益元散五錢通聖散五錢相合服之名曰雙解散用水一大椀生薑十餘片連鬚葱白五七莖荳豉一撮煎至三五沸去滓先服大半良久以釵子探咽喉中吐出痰涎不可嗽口次又服少半投之如未汗出更用葱醋酸辣湯再投之衣被蓋覆汗出則愈矣氣交變

欽定四庫全書

儒門事親

大論云歲火太過炎暑流行火氣大劇肺金受邪上應熒惑大而明現其病熱鬱可用辛涼之劑萬舉萬全夫擾攘之世藥宜辛涼以解火治世人民安靜如用升麻葛根湯敗毒散辛溫之劑亦無加害亦可加葱白鹽豉上而越之表而解之內經曰因其輕而揚之揚者發揚也吐汗之後宜大將息旬日之後不可犯之犯之其病復作也

凡傷寒疫癘一法若無藥之處可用酸齏汁一大椀煎



三五沸去菜葉飲訖候少時用釵子咽喉中探吐如此三次再煎葱醋湯投之衣被蓋覆汗出而瘥內經曰酸苦涌泄為陰傷寒三日頭痛身熱病在上宜涌之涌後以淡粥養之

又一法用鳳凰臺散嚙於鼻內連嚏二三十次嚙藥時坐于煖室中嚏罷以漿水粥投之衣被蓋之汗出而愈嚏法同吐法用之

一法導引若無藥處用之令人盤兩足而坐以兩手

欽定四庫全書

儒門事親

交十指攀頭後風池風府二穴此風之門也向前仰首數至於地如此連折點地一百二十數急以酸醋白湯投之汗出即解

凡男子婦人小兒手足麻痺肌肉不仁者風寒濕三氣相雜至合為痺先用黃芩芍藥湯吐之吐訖次用通解丸通經而瀉之瀉訖更用辛甘之劑汗之汗瀉之後可用當歸清涼飲子兼烏荊丸除濕丹和血行經之藥則愈矣



凡人病痰證發者比前論更多有三證顯證共成五也
一曰風痰二曰熱痰三曰濕痰四曰酒痰五曰食痰
諸痰在口上焦毒薰於頭者諸陽之會首也故令病
人頭重目澁涕唾稠粘或咳嗽喘滿時發寒熱可用
赤小豆湯吐之吐後各隨其證而治之可服消風去
熱導濕化痰者可服通聖加半夏導氣之劑豈不妙
哉如新暴風痰者形寒飲冷熱痰者火盛制金濕痰
者停飲不散可服加減連翹飲子除濕丹無憂散亦
有酒痰者解毒三聖丸主之五者食痰可用漢防己
丸丹砂選而治之若依法服之決有神効

論火熱二門

凡傷寒中風溫疫時氣冒暑感四時不正之氣若邪毒
之氣人或感之始于巨陽受之二日陽明受之三日
少陽受之前三日在于表陽也後三日在于裏陰也
內經熱論通謂之傷寒熱病者言一身之熱氣也傷
寒者外感于寒邪也夫傷寒之寒熱者惡寒為表熱

欽定四庫全書

儒門事親



裏和故惡寒脉浮大也發熱為裏熱表和故發熱脉滑實也可以吐法而解之用拔雪湯主之生薑葱白荳豉同煎葶藶苦酒湯上而越之若病人脉沉實者或不大便喘滿譫語不必拘日數急攻于裏可用通解丸胃中渴燥者大承氣湯下之慎不可用銀粉芭荳粉霜杏仁芫花熱性之藥用之必致危殆仲景云調理傷寒者皆在汗下之理當明表裏無不愈矣差之毫釐失之千里深可慎之汗下之後切宜慎口可

欽定四庫全書

儒門事親

服淡粥而養之不然其病復作

又論傷寒七八日潮熱腹滿發黃有斑者何臟使然內經云手太陰肺經足太陰脾經足陽明胃經手少陰心經此四經受病也仲景云兩寸口脉俱浮滑胸中有痰攻上者可用芫蒂散吐之吐後隨證調法處藥發黃之證皆因陽明中風太陽中濕瘀血與宿穀相搏令人發黃煎梔子茵陳蒿湯調加減五苓散服之後利小便快者如皂角色汁此為効矣發斑者心



經受熱故有此證詳斑輕重用藥之理輕者斑紅可用越桃飲子重者斑紫毒氣胃中盛也大青四物湯玄參升麻湯主之漸熱腹滿者謂邪熱在胃中也可以蕩滌邪熱流濕潤燥宜急治之雜病寸口脉沉實者亦在胸中有啓玄子注云上盈不愈者吐而奪之此病乃瘳矣斑黑者危而難治也黃病血病問其小便利與不利也驗又有頭痛數日不止者此乃六陽受病也手之三陽從手走至於頭足之三陽從下走

欽定四庫全書

儒門事親

至於上蓋六陽之聚會也久痛不愈者令人喪目以胸膈亦有宿痰故也先以羌活散涌之以川芎石膏散白虎湯選而服之則愈矣

又一法治頭痛不愈者可煎連鬚葱白豈豉湯多服之後吐為効吐後可服川芎薄荷湯辛涼之劑清上之藥疎風丸散之類仲景云傷寒頭痛脉寸口急而頭痛是也

凡男子有病面黃身熱肌瘦寒熱往來如瘧狀更加涎



嗽不止或喘滿面目浮腫者或身體俱熱或有自汗
內經云病名傷寒夾勞之證也治之奈何病在上者
其高者因而越之可用防己散吐之吐後初用通解
丸一服次服人參黃耆散當歸飲子加減小柴胡湯
擇而用之內經謂男女之證皆同類用其治法也依
此調治無不取效矣

凡人病心胸痞悶不欲飲食身體壯熱口燥舌乾大小
便不利有一工治之說下元虛冷便投煖藥十數服

欽定四庫全書

儒門事親

其疾不愈又一醫所論與前亦同又投煖藥五七日
其證轉加困弱請余治之診脉而說曰審問日數飲
食大小便何似小便赤色大便黑色便言傷寒瘀血
之證初用大黃芍藥湯二劑次服犀角地黄湯二服
後用通經丸一服換過大便黃色以為效驗此藥服
十餘服方可病瘥矣

凡男子婦人所顯證候皮膚發熱肌肉消瘦四肢倦怠
兼有頭痛頰赤心忪唇乾舌燥日晡潮熱夜有盜汗



涕唾稠粘胸膈不利或時喘嗽五心煩熱睡卧不安
飲食減少多思水漿經脉不通病名曰何病竒病論
曰女子不月血滯之病也男子腎虛精不足也凡治
此證降心火益腎水此之謂也可先用通解丸瀉三
二行次服當歸飲子又用加減五苓散木香三稜丸
人參黃耆散犀角散之類詳其虛實選而用之若咯
膿咯血大小便血但亡血者不可宣吐勿服酸辛熱
物薑附之類藥不可不戒慎也若犯諸亡血之證者

欽定四庫全書

儒門事親

不可發汗不可溫補脾胃之藥若服之雖進飲食不
生肌肉此病轉加危篤乃成虛勞之病也

凡醫人不明發表攻裏亂投湯劑有悞性命更大忌夏
月燔灸中脘臍下關元氣海背俞三里等燔灸千百
壯者全無一効使病者反受其殃豈不痛哉虛勞之
疾私嗜肉食麵辛酸之物不可食之但可食者謹按
神農食療而與之菠稜葵菜冰水清涼之物不可禁
也且圖寒涼滑利腸胃使氣血並無壅礙燥澁經曰



穀入于胃脉道乃行水入於經其血乃成若不忌慎致令病人胃口閉澁則形體漸瘦此乃死之由也諸勞皆倣此但諸人咯膿血衄血大小便血者可服三黃丸黃連解毒丸涼膈散加桔梗當歸大黃芍藥犀角地黃湯大作劑料時時呷之內經曰所謂邪熱傷於肝心之病依此調治萬舉萬全矣

凡人年四十以上日久多言以致虛損面色黧黑飲食無味心胸痞悶四肢倦怠肌體餘熱大小便不利治

欽定四庫全書

儒門事親

之奈何內經曰不可熱補之夫男子腎虛水不足也凡補虛之劑多用烏附天雄之類豈知腎惡燥也女子陰虛血不足也凡補虛多以陽劑是以知陽勝而陰虧也不可用性熱之藥補之空心可服加減八物丸當歸飲子減桂五苓散煩渴加益元名曰淡滲散更服通解丸顯仁丸亦可服之大有神効

凡人有臟毒下血何謂也生氣通天論曰邪熱傷肝因而大飽筋脉橫解腸癖為痔故膿血者血隨熱行參



差入于腸胃之間乃成瀉血也若身體壯熱則為難
治身涼者可治也可先調中消血蕩除積血瀉之三
二行瀉後服芍藥蘗皮丸黃連解毒湯五苓散益元
散各停新汲水調下五七錢甚者取地黃汁半盞服
之則愈矣

凡下利膿血腹痛不止者何也諸痛痒皆屬於心火也
可用通解丸加減瀉之量其虛實用之次用消濕散
加生薑大棗芍藥服之瀉訖又用新水調五苓散服

欽定四庫全書

儒門事親

之

又一法煎燈心湯調下益元散五七錢此病大忌油
膩腥葷熱物

濕熱門

凡吐嘔而瀉病名曰何也內經熱論云此乃轉筋霍亂
之證也何氣使然此乃邪氣在于中焦使陰陽二氣
不能升降其證心痛而吐吐則先腹痛而瀉心腹俱
痛則吐瀉並作使致揮霍之間自然撩亂此證喜寒



涼之物可用冰水調五苓益元則愈矣大忌熱物
轉筋之病治之奈何經曰勞者溫之溫者溫存之意
也

又一法生薑湯益元散白朮散禹攻散加冰沉冷細
細呷之渴未止者頻頻飲之如無冰新汲水亦得用
之大忌白粥米湯桂附種種之燥藥不可服之服之
必死如無藥處可服地漿地漿者掘地作坑注新水
于其中攪渾旋旋取澄清者飲三五盞立愈

欽定四庫全書

儒門事親

凡大人小兒暴注水瀉不止內經曰此名暴速注瀉久
而不愈者為涌泄注下此乃火運太過之病也火注
暴速故也急宜用新汲水調下甘露飲子五苓散天
水散或用井花水煎此藥放冷服之病即瘥矣不可
用御米殼乾薑荳蔻聖散子之類縱然瀉止腸胃氣
滯不通變為腹脹此法宜分陰陽利水道乃為治法
之妙也

上古天真論云一陰一陽之謂道故男女有陰陽之質



不同則天癸精血之形亦異陰靜而海滿血溢陽動而
應合精泄二者通和故能有子易繫辭曰男女構精
萬物化生人稟天地而成形也

風門

凡風中失音悶亂口眼喎斜內經曰風之為病善行而
數變感則害人有倉卒之變故百病皆生於風也可
用三聖散鼻內灌之吐出涎口自開也如不省人事
牙關緊閉粥藥不能下者用此藥如無此證可三聖

欽定四庫全書

儒門事親

散吐之次服通聖涼膈人參半夏丸桂苓甘露散等
切忌雞猪魚兔酒醋蕎麥動風之物引痰之食吐痰
之法在方論中

凡頭風眩暈手足麻痺胃脘發痛心腹滿悶按如水聲
可用獨聖散吐之吐訖可用清上辛涼之藥仲景曰
此寒痰結在胸中而致然也

凡癇病至于呆證者用三聖散吐之於煖室中勿令透
風可以汗下吐三法俱行次服通聖散百餘日則愈



凡雷頭懶干俗呼之謬名也此疾胸中有寒痰由多沐
之所致也可以茶調散吐訖三二升次用神芎丸下
訖三五行然後服愈風餅子則愈矣此雷頭者是頭
上有赤腫結核或如酸棗狀可用銚鍼出血則愈矣
凡赤目經年不愈是謂頭風所注更加頭痛可用獨聖
散吐之次服洗心散八正散之類赤目腫作是足厥
陰肝經有熱用利小便瀉肝經除風熱之寒藥則愈
矣

欽定四庫全書

儒門事親

凡風衝泣下俗呼為冷淚者謬也內經曰大陽不能禁
固因風衝于外火焚于內風熱相搏由此泣下內經
曰熱則五液皆出熱甚則淚出治之以貝母一枚白
膩者佳胡椒七枚不犯銅鐵研細點之臨卧治法曰
風宜辛散寒宜甘發氣遇寒則凝血得熱則散
凡諸痰在於膈上使頭目不能清利涕唾稠粘或欬嗽
喘滿時發潮熱可用獨聖散吐之次服搜風丸之類
內經曰所謂流濕潤燥之義也



凡冒風時氣溫病傷寒三日已裏頭痛身熱惡寒可用
通聖散益元散各五七錢水一大椀入生薑十餘片
連鬚葱白十餘莖豈豉一撮同煎三五沸去滓先服
多半良久以釵子探於咽中吐了不得嗽口次用少
半投之更用酸辛葱醋湯投之衣被蓋覆汗出則解
夫擾攘之世常與內經歲火太過同法歲火太過炎
暑流行火氣大劇金肺受邪上應熒惑大而明顯若
用辛涼之劑解之萬舉萬全人民安靜則便同水化

欽定四庫全書

儒門事親

可以升麻湯葛根湯敗毒散辛溫之劑解之雖有潮
熱亦無加害亦可加豈豉葱白上涌而表汗自出內
經曰因其輕而揚之揚者發揚也吐汗所以發寒熱
之邪也吐汗之後必大將息旬日之後其邪不復作
也

凡大人小兒風濕寒三氣合而為痺及手足麻痺不仁
內經曰榮虛衛實皮膚不仁痺而不知痒痛可用蔚
金散吐之次服導水丸輕寒之藥泄之泄訖次以辛



溫之劑發散汗出後常服當歸芍藥烏附行經和血之藥則愈矣

凡風蛀牙疼久不愈者用針籤芭荳一枚以燈燎之煙盡存性於牙根盤上燻之則愈

凡泄瀉米穀不化日夜無度腹中雷鳴下利完穀可用導水丸禹功散泄之或病人老弱氣虛可用無憂散泄之再觀病勢強弱候一二可服胃風湯以治其風如不愈者更服桂枝麻黃湯汗之則愈內經曰夫風

欽定四庫全書

儒門事親

之中為腸風飧泄啓玄子云風入胃中上薰於胃故食不化而下泄又云暮食不化為飧泄又經云春傷於風夏為飧泄故風宜出汗腸中鳴者風以動之動而有聲慎不可用罌粟荳蔻乾薑太燥之藥病漸者燥之去其濕則愈病甚者攻之不動反能為害經曰其減則漸其加則甚可用五苓散去猪苓加人參散凡富貴膏粱之家病瘧或間日或頻日發或熱多寒少或寒多熱少宜大柴胡湯下過三五行次服白虎湯



或玉露散桂苓甘露散之類如不愈者是積熱太甚
以神芎三花神祐丸調胃承氣湯等大作劑料下之
下後以長流水煎五苓散服之或服小柴胡亦可或
先以常山散吐之後服涼膈白虎之類必愈矣大忌
發熱之物猪雞魚兔五辛之物犯之則再發也

凡田野貧寒之家病瘧為飲食麤糲衣服寒薄勞力動
作不與膏粱同法臨發日可用野夫多効方中溫脾
散治之如不愈服辰砂丹治之必愈矣如喫罷此藥

欽定四庫全書

儒門事親

以長流水煎白虎湯服之不服食熱物為瘧疾是傷
暑伏熱故也內經曰夏傷於暑秋必病瘧

凡男子婦人骨蒸熱發皮膚枯乾痰唾稠粘四肢疼痛
面赤唇焦盜汗煩燥睡卧不安或時喘嗽飲食無味
困弱無力虛汗黃瘦等證內經曰男子因精不足女
子因血不流而得此證可以茶調散輕涌乾次以導
水丸禹功散輕瀉三五行後服柴胡飲子桂苓甘露
散犀角散之類大搜風丸白朮丸調中湯木香檳榔



丸人參散量虛實選而用之或咯血便血諸亡血者
並不宜吐不可不知慎勿服峻熱薑附之藥若服之
飲食難進肌肉消減轉加危篤五勞之病今人不明
發表攻裏遂悞至此大忌暑月於手腕足踝上著灸
以其手足者諸陽之表起于五指之外內經曰諸陽
發四肢此穴皆是淺薄之處灸瘡最難痊也及胸穴
中腕臍下背俞三里等穴或有灸數百壯者加以燔
針畧無寸効病人反受苦楚可不思之勞疾多饒所

欽定四庫全書

儒門事親

思之物但可食者宜照食療本草而與菠菜葵羹冰
水涼物慎不可禁且因水穀入胃脉道乃行也若遇
禁則胃口閉而形體漸瘦而脉大乃死之候也諸勞
皆倣此

凡病人虛勞多日無力別無熱證者宜補之可用無比
山藥丸則愈矣

凡痔漏腫痛內經曰因而大飽筋脉橫解腸癖為痔而
不愈變為漏痔與漏其治同法至真要大論云太陽



之勝凝凜且至非時水冰痔瘡取法注云水氣太勝
陽火不行此言陽火畏水鬱而為痔又少陰之復癩
疹瘡瘍癰疽瘰疬注云火氣內蒸金氣外拒陽熱內
鬱故為癩疹瘡瘍疹甚亦為瘡也熱少則外生癩疹
熱多則內結癰疽小腸有熱則中外為痔其熱復之
變皆病於身後及外側也又靈樞云太陽經虛則為
痔瘡癰疾蓋水虛則火所乘故也可先用導水丸禹
功散瀉訖次服枳殼丸木香檳榔丸更以葵羹菠菜

欽定四庫全書

儒門事親

通利腸胃大忌房室雞魚酒醋辛熱之物

凡富貴之人痰嗽多是厚味所致內經云所謂味厚則
發熱可服通聖散加半夏以止嗽更服人參半夏丸
以化痰墜涎止嗽定喘貧乏之人多感風冷寒濕內
經曰秋傷於濕冬生欬嗽可服寧神散寧肺散加白
朮之類若欬極面赤煩寃半晌者此火化乘肺也宜
詳辨之

凡大人小兒病沙石淋及五種淋澁癰閉并臍腹痛益



元散主之以長流水調下蓋因熱在膀胱燥其津液
故俗謂冷淋者天下之通弊也五苓散減桂加益元
散名曰淡滲散凡兩目暴赤痛者腫不止睛脹胥肉
結成翳膜速宜用稗草左右鼻竅內彈之出血立愈
病甚人□上百會穴攢竹眉間皆可出血則愈矣口
噙水緊扣衣領不可便噴水候血盡便吐了水蓋暴
赤腫痛乃龍火之疾養成之熱也難經曰目得血而
能視不得已而用之血化淚痛而所出經曰本病相

欽定四庫全書

儒門事親

傳先以治其氣急則治其標緩則治其本

又一法兩目赤腫發痛不止用長流水煎鹽湯吐之
次服神芎丸四物湯之類經曰暴病暴死皆屬於火
也又曰治病有緩急急則治其標緩則治其本標者
赤腫也本者火熱也鹽湯鹹寒所以制火兩目赤腫
痛不能開者以青金散鼻內嚙之嚏之真氣上涌邪
氣自出

凡大人小兒口瘡唇緊用酸漿水洗去白痴臨卧貼赴



筵散如不愈貼鉛白霜散必愈矣

凡婦人男子喉閉腫痛不能言者刺兩手大拇指爪甲如韭葉少商井穴也以銚鍼淺刺去血立愈如不愈以溫血湯口中含漱是以熱導熱之法也

凡頭腫痛癩癧及胸臆肱脇之間或有瘡痂腫核不消及膿水不止可用滄鹽一二兩炒過以長流水一大椀煎之放溫作三五次頓服訖良久於咽喉中以釵股探引吐之去冷痰三二升次服和血通經之藥內

欽定四庫全書

儒門事親

經曰鹹味涌泄為陰銅人記少陽起於目銳眦行耳後下脇肋過期門癰癧結核馬刀挾癭足少陽膽經多氣少血之病也

凡癭袋脹悶養生論云兩山挾水其人多癭疾土厚水深其人多癭地勢使然也此可服人參化癭丹自消癭藥多用海藻海帶味屬鹹寒

凡背瘡初發便可用藏用丸玉燭散大作劑料下臟腑一二十行次用銚針於腫焮處循紅暈周匝內密刺



三層出血盡以溫軟帛拭去血甚者百會委中皆出
後用陽起散傅之不可便服十味內托散其中犯官
桂更用酒煎男子以背為陽更以熱投熱無乃太熱
乎

凡便癰者謬名也乃男子血疝也難素所不載然而
厥陰肝之經絡是血流行之道路也衝脉任脉督脉
亦屬肝經之旁絡也難經曰男子七疝血疝者乃七
疝之一也治以導水丸桃仁承氣湯或抵當湯投之

欽定四庫全書

儒門事親

同瘀血法聚而不散可以大作劑料大瀉一二十行
次以玉燭散和血通經之類是也世人多用大黃牡
蠣間有不愈者是不知和血通經之道也

凡下疳久不愈者俗呼曰臊疳可以導水丸禹功散先
瀉肝經訖以木香散傅之日上三兩度後服淡粥一
二日止

凡一切惡瘡久不愈者以木香檳榔散貼之則愈矣
凡男子婦人欬逆俗呼曰吃忒乃陰陽不和之故火欲



上行爲寒所抑寒不勝火故作凝滯之聲傷寒亦有
此證並宜既濟散治之

濕門

凡男子婦人病水濕瀉注不止因服荳蔻烏梅薑附酸
熱之劑經曰陽氣耗減於內陰精損削於外三焦閉
溢水道不行水滿皮膚身體痞腫面黃腹大小便赤
色兩足按之陷而不起內經曰諸濕腫滿皆屬脾土
可用獨聖散吐之如時月涼寒宜於燠室不透風處

欽定四庫全書

儒門事親

用火一盆藉火力出汗次以導水禹功量病人虛實
瀉十餘行濕去腫減則愈矣是汗下吐三法俱行三
法行畢臟腑空虛先宜以淡漿粥養腸胃三兩日次
服五苓益元同煎或燈心湯調下亦可如大勢未盡
更服神功散可以流濕潤燥分陰陽利水道既平之
後宜大將息慎忌油鹽酒菓房室等事三年則不復
作矣

凡上喘中滿酸心腹脹時時作聲痞氣上下不能宣暢



叔和云氣壅三焦不得昌是也可用獨聖散吐之次
用導水禹攻散輕瀉三四行使上下無礙氣血宣通
並無壅滯後服平胃散五苓散益元甘露散分陰陽
利水道之藥則愈矣

凡老人久病大便澀滯不通者可服神功丸麻仁丸時
時服葵羹菠菜自然通利也

凡三消者內經所謂肺消渴等可取生藕汁服之則愈

寒門

欽定四庫全書

儒門事親

經曰寒瘍流水俗呼為凍瘡因冬月行于冰雪中而得
此證或經年不愈者用坡野中淨土曬乾以大蒜研
如泥土捏作餅子如大觀錢厚薄量瘡口大小貼之
以火艾加于餅上灸之不計壯數以泥乾為度去乾餅
子再換濕餅灸不問多少直至瘡痂覺痛癢是瘡活
也然後口含漿水洗漬用雞翎一二十莖縛作刷子
於瘡上洗刷淨以此洗刷不致肌肉損傷也以軟帛
拭乾次用木香檳榔散傅之如夏月醫之更妙



內傷

凡一切冷食不消宿食不散亦類傷寒身熱惡寒戰慄
頭痛腰脊強不可用雙解散止可導飲丸木香檳榔
丸五六十丸量虛實加減利五七行所傷冷物宿酒
推盡頭痛病自愈矣次以五苓散生薑棗煎用長流
水煎取五六錢不可服酒癥丸進食丸此藥皆犯芑
荳有大毒故也

凡膏粱之人起居閒逸奉養過度酒食所傷以致中脘

欽定四庫全書

儒門事親

留飲惡悶痞膈醋心可服木香導飲丸治之若田野
芻蕘之人食疎衣薄動作勞役若酒食所傷心腹滿
悶醋心時時吐酸水可用進食丸以其勝毒也病甚
者每月瀉三五次

凡一切沉積或有水不能食使頭目昏眩不能清利可
茶調散吐之次服七宣丸木香檳榔丸

凡人咳嗽一聲或作悲笑啼泣擡鼻重物忽然腰痛氣
刺不能轉側或不能出氣者可用不卧散嚏之汗出



痛止

外傷治法

凡一切刃器所傷用風化石灰一斤龍骨四兩二味為細末先於端四日採下刺薊菜於端午日五更合搗和成團子中間穿眼懸於背陰處陰乾搗羅為末於瘡上摻貼亦得裏外賺瘡并諸雜瘡皆効

凡犬咬蛇傷不可便貼膏藥及生肌散之類內經云先治內而後治外可也先當用導水丸禹功散之類可

欽定四庫全書

儒門事親

瀉驚恐不散毒氣或瀉十餘行即時痛減腫消然後可用膏藥生肌散之類傳之則愈矣

凡一切蟲獸所傷及背瘡腫毒杖瘡焮發或透入裏者可服木香檳榔丸七八十九丸或至百餘丸生薑湯下五七行量虛實加減用之內經曰先治內而後治外是也

凡落馬墜井因而打撲便生心恙是痰涎散於上也內經曰所謂因氣動而病生於外宜三聖散空心吐之



如本人虛弱瘦瘁可用獨聖散吐之後服安魄之藥
如定志丸之類牛黃人參朱砂之屬

婦人風門

凡婦人頭風眩暈登車乘船眩暈眼澁手麻髮脫健忘
喜怒皆胸中宿痰所致可用菴蒂散吐之次以長流
水煎五苓散大人參半夏丸

凡婦人腰膝痛兩脚麻木惡寒喜暖內經曰風寒濕合
而為痺先可服除濕丹七八十九丸量虛實以意加減

欽定四庫全書

儒門事親

次以禹攻散投之瀉十餘行清冷積水青黃涎沫為
驗後用長流水煎生薑棗同五苓散服之風濕散而
氣血自和也

凡婦人乳癰發痛者亦生于心也俗呼吹妳是也吹者
風也風熱結于乳房之間血脉凝注久而不散潰腐
為膿宜用益元散生薑湯調下冷服或新汲水時時
呷之勿輟晝夜可三五十次自解矣或煎解毒湯頓
服之



火類門

凡婦人月事沉滯數月不行肌肉漸減內經曰小腸熱已滿移熱於大腸則伏瘕為沉沉者月事沉滯不行故云伏瘕急宜桃仁承氣湯加當歸大作劑煎服不過三服立愈後用四物湯補之更服宣明中檳榔丸

凡婦人血崩或年及四十已上或悲哀太甚故然內經曰悲哀太甚則心系急心系急則肺舉而上焦不通

欽定四庫全書

儒門事親

熱氣在中故經云血崩下心系者血山也如久不愈則面黃肌熱瘦弱慎不可以熱治之蓋血得熱而散故禁之宜以當歸散等藥治之

凡婦人年五十以上經血暴下婦人經血終于七七之數數外暴下者此乃內經所謂火主暴速亦因暴喜暴怒憂愁驚恐致然慎勿作冷病治之如下峻熱藥治之必死止宜黃連解毒湯以清上更用蓮殼棕毛灰以滲其下然後用四物湯玄胡索散涼血和經之



藥

凡婦人月事不來室女亦同內經曰謂月事不來皆是胞脉閉也胞脉者屬心而絡于胞中令氣上通於肺心下不通故月事不來也可用茶調散吐之次用玉燭散芎藭湯三和湯桂苓白朮散之類降心火益腎水開胃進食分陰陽利水道之藥皆是也慎勿服峻熱有毒之藥若服之變成肺痿骨蒸潮熱欬咯膿嘔血喘滿小便不利寢汗不止漸至形瘦脉大雖遇良醫亦成不救嗚呼人之死者豈命使之然也

欽定四庫全書

儒門事親

凡懷孕婦人病瘧可煎白虎湯小柴胡柴胡飲子等藥如大便結硬可用大柴胡湯下微利過不可大吐瀉恐傷其孕也經曰夏傷於暑秋必痲瘧

凡雙身婦人傷寒時氣溫疫頭痛身熱可用升麻散一兩水半椀大作劑料去滓分作二服先一服吐了後一服勿吐次以長流水加生薑棗煎五苓散熱服之汗盡頭痛立止



凡婦人雙身大小便不利可用八正散大作劑料去滑石
加葵菜子煎服經曰膀胱不利為癃癃者小便閉而
不通也如八正散加木香取効更捷經曰膀胱氣化
則能出焉然後服五苓散三五服則愈矣

凡婦人身重九月而瘡痂不言者是胞之絡脉不相續
也故不能言經曰無治也然有是言不若煎玉燭散
二兩水半碗同煎至七分去滓入蜜放溫時時呷之
令火下降肺金自清故聲復出也肺主聲音也

欽定四庫全書

儒門事親

凡婦人難產者皆因燥澁緊斂故產戶不得開通宜先
於降誕之月自月之日用長流水調益元散日三服
產必易產後亦無一切虛熱氣血不和之疾如未入
月則不宜服之以滑石滑胎故也

凡婦人大產後或臍腹腰痛乃敗血惡物之致然也醫
者便作虛冷以燥熱藥治之誤已久矣難經曰諸痛
為實實者熱也可用導水丸禹功散瀉三五行然後
以玉燭散和血通經降火益水之藥治之獨不可便



服黑神散燥熱之藥當同半產治之

凡婦人產後心風者不可便作風治之宜調胃承氣湯

二兩加當歸半兩細剉用水三四盞同煎去滓分作

二服大下三五行則愈矣如未愈以三聖散吐之蓋

風狂便屬陽

凡婦人產後一二日漸熱口乾可用新汲水調玉燭散

或水調甘露散亦妙勿作虛寒治之

濕門

欽定四庫全書

儒門事親

凡婦人赤白帶下或出白物如脂可服導水丸禹功散

或單用無憂散量虛實加減泄訖服桂苓散五苓散

葶藶木香散同治濕法或用獨聖散上涌亦是室女

白帶下可用茶調散吐之吐訖可服導水丸禹功散

瀉之次服葶藶木香散四物湯白朮散之類則愈矣

治白帶者同瀉濕法則是也婦人有濁污水不止亦

同此法也

寒門



凡婦人年二三十無病而無子經血如常或經血不調者乃陰不升而陽不降此上下不得交通有所滯礙不能為用故也可用獨聖散通訖寒痰二三升後用導水丸禹功散泄三五行或十餘行單用無憂散泄十餘行見寒熱虛實用之次服葱白粥三五日胃氣宣通腸中得實可服玉燭散更助白朮散茯苓之類降火益水既濟之道當不數月而有孕內經曰婦人有癰痔遺溺嗑乾諸證雖服妙藥針灸亦不能孕
欽定四庫全書
儒門事親
蓋衝脉督脉任脉有此病不能孕故也
半產
凡婦人半產俗呼曰小產或三四月或五六箇月皆為半產以男女成形故也或因憂恐暴怒悲哀太甚或因勞力撲打損傷及觸冒暑熱慎勿用黑神散以其犯熱藥恐轉生他疾止宜用玉燭散和經湯之類
凡婦人天生無乳者不治或因啼泣暴怒鬱結氣血閉塞以致乳脉不通用精猪肉清湯調和美味於食後



調益元散五七錢連服三五服更用木梳梳乳房週迴
則乳汁自下也

又一法豬蹄調下益元散連服之

又一法針肩井二穴長驗

小兒風門

凡小兒三五歲或七八歲至十餘歲發驚涎潮搐搦如
拽鋸不省人事目瞪喘急將欲死者內經曰此者得
之在母胎胞之所受悸惕驚駭恐懼之氣故令小兒

欽定四庫全書

儒門事親

輕者為驚風天吊重者為癇病風搐胎中積熱者為
臍風已上諸風證可用吐涎散吐之吐訖宜珠犀龍
麝清涼墜痰之藥其食乳子母皆宜服之安魂定魄
之藥定志丸之類是也故婦人懷孕之月大忌悲憂
驚怖縱得子必有前疾小兒風熱涎嗽者可以通聖
加半夏同煎溫服

凡小兒疳澁眼數日不開皆風熱所致可服涼膈散瀉

肝經風熱鬱甚鬱結散而自開也



凡小兒通身浮腫是風水腫也小便不通者宜利小便
則愈內經曰三焦閉塞水道不行水滿皮膚身體痞
腫是乘之故可用長流水加燈心煎五苓散時時呷
之更於不透風處浴之汗出則腫消一汗減半再汗
減七八分三汗消盡內外俱行也

二火類

凡小兒瘡疱癰疹疔瘰等疾如遇火運勝時熒惑
亂行之者不可使用升麻散解之升麻湯味辛性溫

欽定四庫全書

儒門事親

內經曰積溫而成熱是謂重火止可以辛涼之劑解
之如遇平時可以辛溫蓋平時無事便同水化然而
更宜審察病機甚者亦不可以辛溫但發散之後便
以涼膈散加當歸及白虎湯玉露散煎服之更甚者
解毒湯調胃散下之古人云癰疹瘡疱首尾俱不可
下皆悞矣豈不聞揚湯止沸不如抽薪內經曰五寅
五申之歲多發此病者蓋明相火之所為也又曰少
陽客氣勝丹疹外發又曰諸痛痒瘡瘍皆屬心火王



太僕又謂百端之起皆自心生豈可使用辛溫發散
乎致熱勢增劇漸成臟毒下血咬牙發搐大熱明矣
如白虎湯加人參涼膈散加當歸桔梗勿問秋冬但
見瘡疹用之神良

凡小兒瘡疱癰疹疥瘡丹熛斑毒之後臟毒下血內經
曰少陽客氣勝則丹熛瘡疹發于外也蓋餘熱不解
故臟毒下血治以黃連解毒湯白虎湯涼膈散臨證
選而用之所謂白虎舊說秋冬勿用皆悞也但有此

欽定四庫全書

儒門事親

證便用之蓋其證屬相火故也大人亦同

凡小兒丹瘤浮腫毒赤走引遍身者乃邪熱之毒者可
用磁片搬出紫血其病立愈如不愈者後用涼膈散
加大黃芒硝利三五行為妙次用拔毒散掃三五度
愈矣經曰丹熛赤瘤火之色也相火主之

凡小兒有赤瘤暴腫可先用牛黃通膈丸瀉之後用陽
起石散傅之則腫毒自消如不消可用銚針砭刺血
出而愈矣



凡小兒甜瘡久不愈者俗呼為香瘡是也多在面部兩
耳前一法令母口中嚼白米成膏子卧塗之不過三
上則愈矣小兒并母皆忌雞猪魚兔酒醋動風發熱
之物如治甜指亦同此法

凡小兒面上瘡謂眉煉耳上瘡謂之轍耳足上瘡謂靴
癬此三者一究其本皆謬名也經曰諸痛瘡瘍皆屬
心火乃血熱劇而致然也或謂內經曰大槩不可使
熱以為皆然此不明造化之道也慎勿妄信可用銇

欽定四庫全書

儒門事親

鍼刺之出血一刺不愈當復刺之再刺不愈則三刺
必愈矣內經曰血實者決之眉煉不可用藥傳之以
其瘡多痒痒則爬矣藥入眼則目必損矣

凡小兒牙疳齒齲者是斷腐爛也下牙屬手陽明大腸
之經燥金為主上牙屬足陽明胃經濕土上下是腸
胃二經也或積熱於內或因服銀粉芭荳大毒之藥
入于腸胃乳食不能勝其毒毒氣循經而至于齒斷
牙縫嫩薄之分反內害也可以麝香玉線子治之乳



毋臨卧常服黃連解毒湯一服牙疳病則愈矣

凡小兒身熱吐瀉腹滿不進飲食可急與牛黃通膈丸
下過四五行則自愈矣蓋乳食便屬水甚則成濕以
治濕法治之用燥熱之藥非也

凡小兒水泄不止可用五苓散與益元散各停用新水
調下三二錢頻服不拘時候若暴速注下甚者屬火
涼膈通聖等散治之用者勿輕非深於造化者未易
此語

欽定四庫全書

儒門事親

凡小兒大人小便不通內經謂三焦約約者不行也可
用長流水煎八正散時時灌之大小便利則止若不
因熱藥所攻而致此者易治或因多服熱藥而燥劇
至此者非惟難治不幸天耳亦可用蜜水調益元散
送通膈丸

凡小兒久瀉不止至八九月間變為秋深冷痢泄瀉者
清白時時撮痛乳癖不化可用養脾丸如黍米大每
服二三十丸米飲送下日進三服則愈益黃散亦可



儒門事親卷十一								欽定四庫全書	儒門事親					此陰陽利水道最為急用桂苓甘露散之類	他病小兒易虛易實腸胃嫩弱不勝其毒若治之用	劑或悞用芑荳杏仁硫黃膩粉之藥若用此藥反生	凡治小兒之法不可用極寒極熱之藥及峻補峻瀉之
---------	--	--	--	--	--	--	--	--------	------	--	--	--	--	-------------------	----------------------	----------------------	-----------------------



欽定四庫全書

子部
儒門事親卷十二

詳校官太醫院吏目臣宋桂

編修臣倉聖脈覆勛

總校官原任中允臣王燕緒

校對官中書臣呂雲棟

謄錄監生臣唐作梅



欽定四庫全書

儒門事親卷十二

金 張從正 撰

吐劑

三聖散

防風

三兩
去蘆

茺蒂

三兩
剉細去紙用籠羅子羅過另放

末將滓炒微黃次入
末一處同炒黃用

藜蘆

去苗及心加減用之
或一兩或半兩或一

分

欽定四庫全書

儒門事親

右各為麤末每服約半兩以蘆汁三茶盞先用二盞

煎三五沸去蘆汁次入一盞煎至三沸却將原二盞

同一處熬二沸去滓澄清放溫徐徐服之不必盡劑

以吐為度

茺蒂散

茺蒂

七十
五箇

赤小豆

七十
五箇

人參

半兩
去蘆

甘草

半兩或二
錢五分

右為細末每服一錢或半錢或二錢量虛實加減用



之空心齏汁調下服之

稀涎散

猪牙皂角

不蛀者去支弦
秤一兩炙用之

碌礬

藜蘆

半兩

右為細末每服半錢或一二錢幹開牙關漿水調下

灌之

蔚金散

蔚金

滑石

川芎

各半兩

右為細末每服一二錢量虛實加減以齏汁調下空

欽定四庫全書

儒門事親

心服之

茶調散

亦一名

二仙散

荈蒂不以多少好茶中停

右為細末每服二錢齏汁調下空心用之

獨聖散

荈蒂不以多少

右為細末每服一錢或二錢齏汁調下服之脇痛加

全蝎頭痛加蔚金



<p>碧雲散 治小兒驚風有涎</p> <p>膽礬 <small>兩半</small> 銅青 <small>分一</small> 粉霜 <small>錢一</small> 輕粉 <small>分一</small></p> <p>右研為細末每服一字薄荷湯調下用之如中風用漿水調服</p>	<p>常山散</p> <p>常山 <small>兩二</small> 甘草 <small>兩二</small></p> <p>右為細末水煎服之空心</p>	<p>青黛散</p> <p>猪牙皂角 <small>筒乙</small> 玄胡索 <small>筒乙</small> 青黛 <small>少許</small></p> <p>右為細末鼻內灌之其涎自出</p>	<p>汗劑</p> <p>防風通聖散</p>	<p>防風 川芎 當歸 芍藥 大黃 薄荷</p> <p>麻黃 <small>去根不</small> 連翹 芒硝 <small>已上各半兩</small> 石膏</p>	<p>黃芩 桔梗 <small>已上各二兩</small> 滑石 <small>錢三</small> 甘草 <small>兩二</small> 荆芥</p>	<p>白朮 山梔子 <small>已上各乙兩</small></p>
---	---	---	------------------------	---	--	------------------------------------



麻黃湯	不計時候	右為麤末每服三錢水一盞半煎至七分去滓溫服	升麻 <small>去土</small> 葛根 芍藥 甘草 <small>炒</small> 已上各一兩	升麻湯	出則愈	右為麤末每服一兩水二盞煎至七分去滓溫服汗	欽定四庫全書	儒門事親	已上各一兩或加當歸芍藥	浮萍 <small>乙兩</small> 荆芥 川芎 甘草 麻黃 <small>去根</small>	浮萍散 治癩風	白同煎	通聖散與益元散相合中停水一鍾生薑豈豉葱	雙解散	分去滓熱服如涎嗽加半夏五錢生薑製過	右為麤末每服五七錢水一大盞生薑三片煎至七
-----	------	----------------------	--	-----	-----	----------------------	--------	------	-------------	--	---------	-----	---------------------	-----	-------------------	----------------------



尖 麸炒 黃色用	右為麤末每服三錢水一中盞煎至七分去滓溫服 汗出自解	桂枝湯	桂枝 兩 乙 茯苓 兩 半 芍藥 兩 乙 甘草 錢 七	右為麤末每服三錢水一盞生薑棗一同煎去滓溫服	下劑	欽定四庫全書 儒門事親	導水丸	大黃 兩 二 黃芩 兩 二 滑石 兩 四 黑牽牛 兩 四 頭末用	加甘遂一兩去濕熱腰痛泄水濕腫滿久病則加	加白芥子一兩去遍身走注疼痛	加朴硝一兩退熱散腫毒止痛久毒宜加	加郁李仁一兩散結滯通關節潤腸胃行滯氣	通血脈
-------------	------------------------------	-----	--------------------------------------	-----------------------	----	----------------	-----	--	---------------------	---------------	------------------	--------------------	-----



<p>樟柳根一兩去腰腿沉重</p>	<p>右為細末滴水丸梧桐子大每服五十丸或加至百</p>	<p>丸臨卧溫水下</p>	<p>禹功散</p>	<p>黑牽牛頭末<small>兩四</small> 茴香<small>乙兩</small> 或加木香<small>乙兩</small></p>	<p>右為細末以生薑自然汁調一二錢臨卧服</p>	<p>通經散</p>	<p>陳皮<small>去白</small> 當歸<small>各乙</small> 甘遂<small>以麪包不令透水</small></p>	<p>欽定四庫全書 浸過去 麵焙乾 儒門事親</p>	<p>右為細末每服三錢溫湯調下臨卧服</p>	<p>神祐丸</p>	<p>甘遂<small>依前製用</small> 大戟<small>焙浸</small> 芫花<small>醋浸</small></p>	<p>黑牽牛<small>乙兩</small> 大黃<small>乙兩</small></p>	<p>右為細末滴水丸小荳大每服五七十九丸臨卧溫水</p>	<p>下</p>	<p>琥珀丸</p>
-------------------	-----------------------------	---------------	------------	---	--------------------------	------------	---	--	------------------------	------------	--	---	------------------------------	----------	------------



右為前神祐丸加琥珀一兩是也

益胃散

甘遂 依前製過用

右為細末每服三錢以獐猪腰子細批破以鹽椒等物淹透爛切摻藥在內以荷葉裹燒熟溫淡酒調服

大承氣湯

大黃 兩 半

厚朴 兩 乙

枳實 一枚

芒硝 半兩

右為麤末每服三五錢水一盞煎至七分去滓服以

欽定四庫全書

儒門事親

意加減

小承氣湯

大黃

厚朴已上各乙兩

枳實

乙枚

右為麤末同前煎服

調胃承氣湯

大黃

甘草 炙

朴硝已上各半兩

右為麤末每服五七錢水一盞煎三五沸去滓溫服

食後



桃仁承氣湯

桃仁 去皮尖乙
十二個

官桂 甘草 芒硝

已上各半兩

右剉如麻荳大每服三五錢水一大盞煎至七分去

滓溫服

玉井散

芫蕪根 二兩 甘遂 乙兩製用

右為細末以麝香湯調下三錢臨卧服

欽定四庫全書

儒門事親

水煑桃紅丸

黑牽牛頭末 兩半 芫蕪末 二錢 雄黃 乙錢水飛
過用之

乾胭脂 少許

右以黃水調麵為丸以水煑令浮熟取出冷水拔過

射香湯下

無憂散

黃蓍 木通 桑白皮 陳皮已上各乙 兩

胡椒 白朮 木香 各半兩 牽牛頭末 四兩



<p>右為細末每服三五錢以生薑自然汁調下食後 泄水丸 <small>又方藏用丸一料加芒硝半兩 商陸半兩為末水丸依前服</small></p>	<p>大戟 芫花 甘遂 海帶 海藻 郁李仁 續隨子已上各半兩 樟柳根 <small>乙兩</small></p>	<p>右為細末水煑棗肉為丸如小葶大每服五七十九 水下</p>	<p>牛黃通膈丸 黑牽牛 大黃 木通已上各半兩各另取末</p>	<p>欽定四庫全書 儒門事親</p>	<p>右為細末水丸如黍粒大量兒大小三五十九或百 丸水下</p>	<p>四生丸 <small>一名</small> 潤腸丸 黑牽牛 大黃 朴硝 皂角 <small>去皮絃蜜炙</small></p>	<p>已上各等分 右為細末水丸如梧桐子大每服七八十九食後溫 水下</p>	<p>內托散</p>
--	--	------------------------------------	-------------------------------------	------------------------	-------------------------------------	--	--	------------



<p>大黃 牡蠣 <small>已上各半兩</small> 甘草 <small>三錢</small> 芡萋 <small>二箇</small></p> <p>右為末水一大盞煎三五沸去滓露冷服</p>	<p>藏用丸</p> <p>大黃 黃芩 <small>已上各二兩</small> 滑石 黑牽牛 <small>各四兩</small></p> <p>右為末水丸桐子大每服五七十九丸食後溫水下</p>	<p>神芎丸</p> <p>藏用丸一料內加黃連薄荷川芎各半兩水丸桐子大水下</p>	<p>欽定四庫全書</p> <p>儒門事親</p>	<p>進食丸</p> <p>牽牛 <small>乙兩</small> 芑荳 <small>三箇去油心膜</small></p> <p>右為末水丸每服二三十九丸食後隨所傷物送下</p>	<p>牛黃白朮丸 治腰脚濕</p> <p>黑牽牛末 大黃已上各二兩 白朮 <small>乙兩</small></p> <p>右為末滴水丸桐子大每服三十九丸食前生薑湯下</p>	<p>要利加至百丸</p>	<p>玉燭散</p>
---	--	---	---------------------------	---	---	---------------	------------



以四物湯承氣湯朴硝各等分水煎去滓食前服

三和湯 以四物湯涼膈散當歸各中停水煎服

丁香化癖散 治小兒脾

白丁香 蜜陀僧 舶上硫黃 已上各乙錢

硃砂 半錢 輕粉 少許

右研細末每兒一歲服半錢男病女乳調女病男乳

調後用通膈泄

欽定四庫全書 儒門事親

抵當湯

水蛭 十箇 蝨虫 十箇去翅足 大黃 兩乙 桃仁 七枚去皮尖槌

右剉如麻豆作一服水二盞煎至七分去滓溫服

抵當丸

蝨虫 五箇 桃仁 六枚 大黃 三分 水蛭 五箇

右為細末只作一丸水一大盞煮一丸至七分頓服

十棗湯

紫芫花 醋浸 大戟 甘遂 製 已上各等分



除濕丹
右為末每服半錢水一盞棗十枚同煎取半盞服

檳榔 甘遂 威靈仙 赤芍藥 澤瀉

葶藶 已上各二兩 乳香研別 沒藥研別

已上各一兩 黑牽牛末兩半 大戟三兩炒

陳皮四兩去白

右為細末麵糊和丸如桐子大每服三五十九水下

利膈丸

欽定四庫全書

儒門事親

牽牛生四兩

槐角子炒乙兩

木香兩乙

青皮兩乙

皂角酥炙去皮

半夏洗各二兩

右為細末生薑麵糊為丸桐子大每服四五十九水

下

三一承氣湯

大黃 芒硝 厚朴皮去 枳實 已上各半兩

甘草兩乙

右剉如麻豆大每服半兩水一大盞生薑三片煎至



風門	宣一二行	揩乾用生油少許泥手心男左女右磨令熱握一丸	右為細末軟米和丸桐子大早晨先椒湯洗手放溫	荳蔻 芫荽 已上各等分 入硫黃 <small>乙錢</small>	檳榔 肉桂 乾薑 附子 甘遂 良薑	握宣丸	八分去滓溫服未利再服	欽定四庫全書 儒門事親	右剉麻豆大水二盞先煮芡蓂至一盞半下諸藥取	半夏 <small>湯洗乙錢半</small> 黃連 <small>乙分</small> 芡蓂實 <small>一枚用四分</small>	小陷胸湯	末溫服	右為水一盞煮大黃至八分去滓入硝一沸下甘遂	大陷胸湯	六分入硝去滓熱服
----	------	----------------------	----------------------	-----------------------------------	-------------------	-----	------------	----------------	----------------------	---	------	-----	----------------------	------	----------



防風通聖散

方在汗門中附

防風天麻散

防風 天麻 川芎 羌活 白芷 草烏頭

荆芥 當歸 甘草 滑石 白附子 已上各

半兩

右為末熱酒化蜜少許調藥半錢加至一錢少時覺藥行微麻為度如作丸煉蜜和彈子大熱酒化下一丸或半丸

欽定四庫全書

儒門事親

防風湯

防風 麻黃 獨活 秦艽 石膏

去蘆

當歸 白朮 已上各半兩

右為麤末入半夏片子令攪勻每服四錢水二中盞入生薑七片煎至一盞去滓取清汁六分入麝香少許帶熱食後服

祛風丸

川烏 炮去皮臍 草烏 炮 天南星 半夏 薑製



各一兩	附子 <small>皮半兩 臍去</small>	麻黃節 <small>去</small>	人參 <small>去</small>	黃芩	芍藥	川芎	甘草	小續命湯	右為麤末每三錢水一盞半入生薑四片同煎至八分去滓溫服不計時候	獨活	麻黃節 <small>去</small>	茯苓 <small>去皮各三兩</small>	白朮	芍藥	官桂 <small>去麤皮</small>	川芎	甘草 <small>炒各三兩</small>	欽定四庫全書	當歸 <small>去蘆</small>	杏仁 <small>去皮尖</small>	防風 <small>去蘆</small>	白蘚皮	排風湯	食後初服三丸以漸加之	水和丸如桐子陰乾細嚼茶清下三五丸至五七丸	右為細末藥末一兩用蒸豆粉一兩以白麵二兩滴水	川薑 <small>半兩</small>	苓苓香	地龍 <small>去土</small>	蝎稍 <small>炒</small>	已上各一兩	蒸豆粉	甘草	川芎	殭蚕	藿香
-----	---------------------------------	-------------------------	------------------------	----	----	----	----	------	-------------------------------	----	-------------------------	----------------------------	----	----	--------------------------	----	---------------------------	--------	-------------------------	--------------------------	-------------------------	-----	-----	------------	----------------------	-----------------------	-------------------------	-----	-------------------------	------------------------	-------	-----	----	----	----	----



右除附子杏仁外合搗為麤末後入二味攪勻每服
 三錢水一盞半入生薑五片煎至一盞去滓少熱服
 食後

消風散

川芎 羌活去蘆 人參去蘆 白茯苓去皮 白殭蚕

炒 蟬殼去土 已上各一兩 陳皮去白 厚朴去麤

皮薑製 已上各半兩

右為細末每服二錢茶清調下

欽定四庫全書

儒門事親

川芎散

川芎 荆芥 甘菊 薄荷 蟬殼 蔓精子

已上各二兩 甘草乙兩炙

右為細末茶酒任下三二錢食後

搜風丸

單名人參半夏丸

人參 茯苓 南星 已上各半兩 半夏 乾

生薑 白礬生 凝水石 已上各一兩 蛤粉二兩

薄荷半兩 藿香



<p>右為細末與藏用丸末各中停水丸如豌豆大每服三十丸生薑湯送下</p>	<p>當歸川芎散</p> <p>當歸 川芎 已上各半兩 甘草_{二兩} 黃芩_{四兩}</p>	<p>薄荷_{乙兩} 硝砂仁_{一分}</p> <p>右為細末溫水調下一二錢</p>	<p>愈風餅子</p> <p>川烏_{半兩} 炮裂 川芎 甘菊 白芷 防風 細辛</p>	<p>欽定四庫全書</p> <p>儒門事親</p> <p>天麻 羌活 荊芥 薄荷 甘草_炙 已上各一兩</p>	<p>右為細末水浸餗餅為劑捏作餅子每服三五餅子細嚼茶酒送下不計時候</p>	<p>疎風丸</p> <p>通聖散一料加天麻羌活獨活細辛甘菊首烏各半兩</p>	<p>右為細末煉蜜和丸彈子大朱砂為衣每服一丸細</p>
-------------------------------------	---	--	--	---	---------------------------------------	---	-----------------------------



嚼茶酒下

通頂散

石膏 川芎 瓜蒂 已上各等分 藜蘆許少

右為細末鼻內嚙

胃風湯

人參蘆去 茯苓皮去 川芎 官桂 當歸 芍藥

白朮

右件各等分為末每服三錢水一盞入陳粟米煎空

欽定四庫全書

儒門事親

心服之

香芎散

香附子炒 貫芎 石膏飛水 白芷 甘草

薄荷 已上各一兩 川烏半兩炒去皮臍

右為細末每服二錢溫酒茶清調下無時

鐵彈丸

地龍土去 防風 白膠香 沒藥 木鱉去皮

草烏頭水浸炮 白芷 五苓脂 當歸 已上



化痰玉壺丸	右為細末每服三錢白湯點下新水或生薑湯亦可	白術 甘草 葛根 澤瀉 石膏寒水石	已上各一兩 滑石 _{二兩} 木香 _{乙分}	南星 半夏 _{並生用} 天麻 已上各半兩 白麵
白虎湯	暑門 瘧附	知母 _{乙兩半 去皮} 甘草 _{乙兩} 糯米 _{乙合} 石膏 _{四兩 亂紋者另}	右末糯粥丸彈子大每服一丸生姜酒下	桂苓甘露散
溫服無時日三四服或眩嘔者加半夏半兩薑製	欽定四庫全書	官桂 _{半兩} 人參 藿香 已上各半兩 茯苓	右剉如麻豆大粳米拌勻另水一盞煎至六分去滓	儒門事親
各用一兩 細墨 _{三錢} 麝香 _{另研} 乳香 _{另研} 升麻	錢各二	白木 甘草 葛根 澤瀉 石膏寒水石	未為	



<p>兩 三</p> <p>右為細末滴水丸如桐子大每服三十九丸用水一大</p>	<p>盞先煎令沸下藥煮候浮即熱漉出放溫別用生薑</p> <p>湯下不拘時服</p>	<p>益元散</p>	<p>滑石 六兩</p> <p>甘草 乙兩</p>	<p>右為細末每服三錢蜜水新水調下</p>	<p>玉露散 治暑</p>	<p>欽定四庫全書</p> <p>儒門事親</p>	<p>寒水石 滑石 石膏 芡蓂根 已上各四兩</p>	<p>甘草 二兩</p>	<p>右為細末每服五錢重新水調下</p>	<p>石膏散</p>	<p>石膏 乙兩</p> <p>人參 去蘆</p> <p>甘草 炙</p> <p>各半兩</p>	<p>右為細末新水蜜水調三錢生薑湯亦可</p>	<p>辰砂丹 治瘡</p>	<p>信 乙錢</p> <p>雄黑豆 六十箇 或二兩重</p>
---	---	------------	---------------------------	-----------------------	---------------	---------------------------	----------------------------	--------------	----------------------	------------	--	-------------------------	---------------	---------------------------------



<p>右為細末朱砂為衣端午日合不令雞犬婦人見每服一丸無根水下</p>	<p>溫脾丸 信 乙錢 甘草 二錢 紫河車 三錢 豆粉 四兩</p>	<p>右為末滴水丸每服半錢作十九丸臨卧無根水下</p>	<p>溫脾散 紫河車 芫荳 已上各一兩 甘草 兩半 砒 錢乙</p>	<p>研別 欽定四庫全書 儒門事親</p>	<p>右為細末後入砒研勻每服半錢新水盞調下如是隔日發直待臨睡服藥如頻日發只夜深服忌葷酒魚兔等</p>	<p>濕門 嗽附</p>	<p>五苓散 官桂 澤瀉 猪苓 茯苓 白朮 皮 去黑 皮 去 兩 各半</p>	<p>右為細末每服二錢熱湯或新水調下 葶藶木香散</p>
------------------------------------	--	-----------------------------	--	-------------------------------	--	--------------	---	----------------------------------



<p>苦葶藶 茯苓<small>皮去</small> 猪苓<small>皮去</small> 已上各一分</p> <p>木香<small>錢半</small> 澤瀉 木通 甘草 各半兩 官桂</p> <p><small>乙分</small> 滑石 <small>三錢</small></p> <p>右為細末每服三錢生薑湯調下食前服</p>	<p>白朮木香散</p> <p>白朮 猪苓 澤瀉 赤茯苓 各半兩 木香</p>	<p>檳榔 各三錢 陳皮<small>二兩去白</small> 官桂<small>乙錢</small> 滑石<small>三兩</small></p> <p>右為細末每服五錢水一盞生薑三片同煎至六分</p>	<p>欽定四庫全書</p> <p>儒門事親</p>	<p>大橘皮湯</p> <p>橘皮<small>乙兩半</small> 木香<small>乙分</small> 滑石<small>六兩</small> 檳榔<small>三錢</small> 茯苓</p>	<p><small>乙兩</small> 猪苓<small>皮去黑</small> 澤瀉 白朮 官桂 已上各</p> <p>半兩 甘草 <small>二錢</small></p>	<p>右為末每服五錢水一盞生薑五片煎至六分去滓</p> <p>溫服食後</p>	<p>神助散</p>
---	---	---	---------------------------	--	---	---	------------



<p>苦葶藶 <small>炒 三兩</small></p> <p>黑牽牛 <small>取頭末用 三兩半 微炒</small></p> <p>澤瀉 <small>二兩</small></p> <p>猪苓 <small>二兩 去皮</small></p> <p>椒目 <small>半兩</small></p>	<p>右為細末每服葱白三莖漿水一盞煎至半盞入酒半盞調藥三錢絕早面東服之</p>	<p>桂苓白朮丸</p>	<p>官桂 茯苓 半夏 已上各一兩 白朮</p> <p>乾生薑 <small>一分</small></p> <p>橘皮 <small>去白</small></p> <p>澤瀉 黃連 各半兩</p>	<p>黃栢 <small>二兩</small></p> <p>欽定四庫全書</p> <p>儒門事親</p>	<p>右為末麵糊為丸如小葶大每服三五丸姜湯下食後</p>	<p>桂苓白朮散</p> <p>官桂 茯苓 白朮 已上各半兩 甘草</p>	<p>澤瀉 石膏 寒水石 已上各一兩 滑石 <small>二兩</small></p> <p>右為細末熱湯調三錢新水生薑湯亦可食後服</p>	<p>白朮調中湯</p>	<p>白朮 茯苓 橘皮 <small>去白</small> 澤瀉 已上各半兩</p>
---	---	--------------	--	---	------------------------------	---------------------------------------	--	--------------	--



<p>甘草 <small>乙兩</small> 乾薑 <small>炒</small> 官桂 硝砂仁 藿香</p>	<p>已上各一分</p> <p>右為末白湯化蜜少許調下二錢無時煉蜜每兩作十九名曰白朮調中丸</p>	<p>寧神散 治嗽</p>	<p>御米殼 <small>二兩 蜜炒</small> 人參 苦葶藶 已上各一兩</p> <p>右為末入烏梅同煎三五沸去滓稍熱服食後</p>	<p>寧肺散</p> <p>欽定四庫全書 儒門事親</p>	<p>御米 <small>蜜炒 去籾</small> 甘草 乾薑 當歸 白礬 陳皮</p> <p>已上各一兩</p>	<p>右為末煎薑汁調三錢</p>	<p>人參補肺散</p> <p>人參 麻黃 <small>去節</small> 白朮 防己 防風 各等分</p> <p>桑白皮 <small>倍加</small></p>	<p>右剉咀咀以漿水一椀煎至半去滓溫服每用半兩各秤過</p>
---	---	---------------	--	-----------------------------------	--	------------------	---	--------------------------------



白朮湯	白朮 甘草 當歸 陳皮 桔梗 枳殼	各等分	右為麤末水煎去滓溫服三五錢	薏苡仁湯	桔梗 <small>乙兩</small> 甘草 <small>二兩</small> 薏苡仁 <small>三兩</small>	右剉如麻苳大每服五錢水煎入糯米為引米軟為	度食後	欽定四庫全書	儒門事親	益黃散 治小兒痢	陳皮 <small>乙兩</small> 青皮 柯子肉 甘草 已上各半兩	丁香 <small>二錢</small>	右為細末每服二錢水煎食前服	香連丸	木香 柯子肉 <small>炒 麪</small> 黃連 <small>炒</small> 已上各半兩	龍骨 <small>二錢</small>	右為細末飯丸如黍米大每服二十九米飲湯下
-----	-------------------	-----	---------------	------	---	----------------------	-----	--------	------	----------	--------------------------------------	----------------------	---------------	-----	---	----------------------	---------------------



火門	涼膈散	大黃 <small>乙兩</small> 連翹 <small>四兩</small> 甘草 黃芩 薄荷	朴硝 山梔子 已上各一兩	右麤末每服三五錢水一盞入蜜竹葉煎三五沸去滓溫服無時	黃連解毒湯	黃連 黃蘗 黃芩 大梔子 已上各等分	欽定四庫全書 儒門事親	右剉為麻豆大每服五錢水二盞煎至八分去滓溫服	瀉心湯	大黃 甘草 <small>炙</small> 當歸 芍藥 麻黃 荊芥	已上各一兩半 白朮 <small>二錢半</small>	右為細末每服二錢水一盞生薑薄荷少許同煎至七分去滓溫服	八正散
----	-----	--	--------------------	---------------------------	-------	--------------------------------	----------------	-----------------------	-----	---	---------------------------------	----------------------------	-----



芍藥	白者	黃蘗	去皮	各一兩	當歸	黃連	各半兩
芍藥蘗皮丸							
又方去黃芩用黃連							
右為末水丸每服三十丸水下							
大黃 黃芩 黃栢 已上各等分							
三黃丸							
一錢病重者二錢溫米飲調服不拘時							
欽定四庫全書							
儒門事親							
右二味先研硫黃極細次入水銀同研至深黑每服							
水銀 舶上硫黃 各半兩							
調胃散 治傷寒吐逆四肢厥冷							
淳溫服							
右為麤末每服三五錢水一盞入燈心煎至七分去							
兩尤佳							
山梔子 已上各一兩 滑石 二兩 加木香一							
大黃 蘧麥 木通 篇竹 車前子 甘草							



時	右為麤末每服五錢水一盞煎至七分去滓溫服無	犀角散 黃連 大黃 芍藥 犀角 甘草 各等分	犀角散 涼膈散加黃連半兩是也	黃連清心湯	後以意加減	右為末每服一二錢水一盞煎至七分去滓溫服食	欽定四庫全書 儒門事親	分	大黃 ^蒸 赤芍藥 當歸 甘草 ^炒 已上各等	清涼飲子	金花丸 右為末水丸新水下三十九丸加梔子減大黃名梔子	大金花丸 黃連 黃栢 黃芩 大黃 各等分	右為末水丸桐子大每服三十九丸水下食前
---	----------------------	---------------------------	-------------------	-------	-------	----------------------	----------------	---	---	------	------------------------------	-------------------------	--------------------



黃連木通丸 治心經畜熱夏至則甚	黃連 二兩 木通 半兩	右為末生薑汁打麵糊和丸每服三十九丸食後燈心湯下日三服	燥門	神功丸	大黃 蒸 麵裹 訶子皮 麻子仁 另搗 人參 去蘆	已上各一兩	欽定四庫全書 儒門事親	右為細末入麻子仁搗研勻煉蜜丸如桐子大每服二十九丸溫水下或酒或米飲下食後臨卧如大便不通加服	脾約丸	麻仁 一兩二錢半 枳實 炒 麩 厚朴 去麩 芍藥	已上各二兩 大黃 蒸 四兩 杏仁 去皮尖炒黃 乙兩二錢	右為細末煉蜜為丸桐子大每服二十九丸臨卧溫水下	下
-----------------	----------------	----------------------------	----	-----	-----------------------------------	-------	----------------	--	-----	-----------------------------------	-----------------------------------	------------------------	---



<p>麻仁丸</p> <p>郁李仁 <small>去皮 另搗</small> 火麻子仁 <small>另搗</small> 二味各二兩</p>	<p>大黃 <small>二兩半 生半蒸</small> 檳榔 <small>兩半</small> 乾山藥 防風 <small>去蘆</small></p>	<p>枳殼 <small>炒去瓢 七錢半</small> 羌活 木香 <small>各五錢半</small></p>	<p>右為細末入另搗者三味攪勻煉蜜丸如桐子大每服二十九至三十九丸溫水下食後牽牛滑石亦少</p>	<p>潤體丸</p> <p>郁李仁 大黃 桂心 黑牽牛 當歸 黃栢</p>	<p>欽定四庫全書</p> <p><small>並生用 各半兩</small> 輕粉 <small>少許</small></p> <p>儒門事親</p>	<p>右為細末滴水丸如桐子大每服三十九丸至四十九丸</p> <p>溫水或生薑湯下</p>	<p>寒門</p>	<p>薑附湯</p>	<p>乾薑 <small>二兩另為齋末</small> 附子 <small>乙兩生用去皮臍細切</small></p>	<p>右二味攪勻每服三錢水一盞半煎至一盞去滓溫服食前</p>
---	--	--	---	---------------------------------------	--	--	-----------	------------	---	--------------------------------



<p>四逆湯</p> <p>甘草 <small>三兩</small></p> <p>乾薑 <small>半兩</small></p> <p>附子 <small>半兩生用去皮臍切片子</small></p>	<p>右為麤末每服三五錢水一盞半煎至一盞去滓溫服無時</p>	<p>二薑湯</p> <p>良薑 <small>炮</small></p> <p>乾薑 <small>炮</small></p> <p>二味各三兩</p>	<p>右為細末酒煮糊為丸桐子大每服三十九空心米飲湯下</p>	<p>欽定四庫全書</p> <p>儒門事親</p>	<p>木附湯</p> <p>黑附子 <small>重乙兩</small></p> <p>白朮 <small>乙兩半</small></p> <p>甘草 <small>七錢半灸</small></p>	<p>右為細末每服三五錢水一盞半生薑五片棗二枚劈破同煎至一盞去滓溫服食後</p>	<p>大已寒丸</p> <p>附子 <small>炮去皮臍</small></p> <p>川烏頭 <small>炮去皮臍剉作豆大再炒黃</small></p> <p>乾薑 <small>炮製</small></p>	<p>良薑 <small>炒</small></p> <p>官桂 <small>去麤皮</small></p> <p>吳茱萸 <small>炒</small></p> <p>已上各一兩</p>	<p>右為細末醋糊為丸桐子大每服五七十九米飲下</p>
--	--------------------------------	---	--------------------------------	---------------------------	---	--	---	--	-----------------------------



食前

理中丸

人參去蘆

白朮

乾薑

甘草炙

附子炮去皮臍

已上各一兩

右為細末煉蜜為丸每兩作十九彈子大每服一丸

以水一盞化破煎至七分稍熱服空心

平胃散

厚朴薑製

陳皮

二味各三兩

蒼朮五兩泔浸

欽定四庫全書

儒門事親

甘草三兩炒

右為末每服二錢水一盞生薑三片棗二枚煎至七

分去滓食前溫服

養脾丸

乾薑炮

礞砂

各二兩

茯苓去皮

人參去蘆

麥蘖炒

各一兩

白朮兩半

甘草炒乙兩半

右為細末煉蜜和丸每兩作八九每服一丸細嚼生

薑湯下



兼治於內者

大柴胡湯

柴胡四兩 黃芩 赤芍藥 各一兩半 半夏乙兩

二錢 枳實二錢 大黃乙兩

右為麤末入半夏片子每服三錢水一盞半入生薑

五片棗一枚煎至一中盞濾去滓溫服食後

小柴胡湯

柴胡四兩 黃芩 人參 半夏湯洗七次切片 甘草

欽定四庫全書

儒門事親

已上各一兩半

右為麤末每服三錢水一盞半生薑五片棗一枚劈

破同煎至七分去滓溫服不計時候

柴胡飲子

柴胡 人參 黃芩 甘草 大黃 當歸

芍藥 已上各半兩

右為麤末每服三錢水一盞生薑三片煎至七分去

滓溫服



防風當歸飲子

柴胡 人參 黃芩 防風 甘草 芍藥

大黃 當歸 滑石 已上各一兩

右為麤末每服三五錢生薑三片水一盞煎至七分

去滓溫服不拘時候

白朮湯 治孕婦痢嘔吐血

白朮 黃芩 當歸 各等分

右為末每服二三錢水煎食前服

欽定四庫全書

儒門事親

兼治於外者

桂苓湯 麻黃湯 升麻湯

已上三方在前汗法中附

五積散

蒼朮 二兩 四錢 桔梗 乙兩 四錢 枳殼 炒 數 陳皮 二味 各六錢

白芷 川芎 當歸 甘草 炙 官桂 去麤皮

半夏 湯浸 茯苓 各三錢 麻黃 乙錢 去節 厚朴

乾薑 各四錢



備急丸	下	右為末滴水丸如桐子大每服三十丸食後生薑湯 下	大黃丸	下甘遂末放溫服之	右以水三盞先煮大黃至一盞去滓下芒硝令沸次 下甘遂末放溫服之	欽定四庫全書	儒門事親	大黃 <small>二兩半</small> 芒硝 <small>乙兩八錢半</small> 甘遂 <small>乙字另為末</small>	陷胸湯	獨治於內者	益元散加薄荷青黛生蜜丸如彈子大噙化	青衿散 治咽喉	三寸鹽豉七粒同煎至七分去滓溫服無時	右除官桂枳殼別為末外以慢火炒令黃色為末與 官桂等攪勻每服三錢水一盞半入生薑五片葱白 三寸鹽豉七粒同煎至七分去滓溫服無時
巴豆 <small>去皮油</small> 大黃 乾薑 <small>炮</small> 已上各一兩														



<p>右為細末煉蜜丸桐子大每服三丸溫水下不拘時服</p>	<p>枳殼丸 商枳殼 <small>乙兩 麩炒</small> 牽牛頭末 <small>四兩</small></p>	<p>右為細末水丸如桐子大每服三十九丸食前溫酒或生薑湯下</p>	<p>蓮殼散 治血崩</p>	<p>欽定四庫全書 香附子 <small>三兩 炒</small> 蓮殼 <small>燒灰存性二兩</small> 櫻毛 <small>燒灰</small> 儒門事親</p>	<p>右為末米飲調下三四錢食前</p>	<p>木香檳榔丸 木香 檳榔 青皮 陳皮 廣茂 <small>燒</small> 黃連 <small>炒 麩</small></p>	<p>已上各一兩 黃栢 大黃 <small>各三兩</small> 香附子 <small>炒</small> 牽牛 <small>各四兩</small></p>	<p>下 右為細末水丸如小豆大每服三十九丸食後生薑湯</p>	<p>導飲丸</p>
------------------------------	--	----------------------------------	----------------	--	---------------------	--	--	------------------------------------	------------



<p>青皮 陳皮 京三稜<small>炮</small> 廣茂<small>炮</small> 黃連</p>	<p>枳殼<small>炒</small> 已上各一兩 大黃 黃蘗 已上各</p>	<p>三兩 香附子<small>炒</small> 黑牽牛 已上各四兩</p>	<p>右為細末桐子大用水丸每服三五十九食後生薑</p>	<p>湯下</p>	<p>五香連翹散</p>	<p>丁香 青木香 沉香 熏陸香 麝香 木通</p>	<p>連翹 桑寄生 獨活 升麻 大黃 已上各</p>	<p>欽定四庫全書 儒門事親</p>	<p>等分</p>	<p>右為麤末以竹瀝煎五七錢未利加大黃去滓稍熱</p>	<p>以利為度</p>	<p>四物湯</p>	<p>川芎 當歸 熟地黃 芍藥 已上各等分</p>	<p>右為麤末每服三四錢水一盞煎三五沸去滓溫服</p>	<p>空心加草龍膽防己名一醉散治目暴發加蒲黃治</p>	<p>娠婦漏血</p>
--	---	---	-----------------------------	-----------	--------------	----------------------------	----------------------------	------------------------	-----------	-----------------------------	-------------	------------	---------------------------	-----------------------------	-----------------------------	-------------



<p>當歸散 治血崩</p>	<p>當歸 乙兩 龍骨 二兩 炒赤</p>	<p>香附子 三錢 炒</p>	<p>櫻毛灰 五錢</p>	<p>右為末米飲調三四錢空心服</p>	<p>又一方當歸白芍藥香附炒各等分為末米飲湯調</p>	<p>下食前服</p>	<p>又當歸散 行經</p>	<p>當歸 杜蒺藜 各等分</p>	<p>欽定四庫全書 儒門事親</p>	<p>右為末米飲湯調服食前</p>	<p>葛根散 解酒毒</p>	<p>甘草 乾葛花 葛根 礞砂仁 貫衆</p>	<p>各等分</p>	<p>右為麤末水煎三五錢去滓服</p>	<p>定志丸</p>
<p>酸棗仁</p>	<p>栝子仁 人參 茯苓 遠志 茯神</p>	<p>去心</p>													



右為末酒糊丸小豆大每服五七十九丸生薑湯下

檳榔 乙錢 半 陳皮 乙兩 木香 二錢 半 牽牛 半兩

右為末醋糊丸桐子大每服三十九丸生薑湯下

小檳榔丸

枳殼 陳皮 牽牛 已上各等分

右為細末水丸食後生薑湯下三四十丸

蘧麥散 治酒積

欽定四庫全書

儒門事親

甘遂 半兩 製 蘧麥 葛根 麥蘖 已上各一兩

右為末每服二錢酒調服

治氣積方 香附子為末生薑湯調下三二錢

獨治於外者

青金散

芒硝 半錢 青黛 半錢 乳香 沒藥 各少許

右為細末鼻內嚙

拔毒散



寒水石不以多少燒令赤

右研為末以新水調雞翎掃痛處

水澄膏

雄黃

水飛
三錢

黃連

半兩

蔚金

二錢

黃栢

半兩

大黃

半兩

黃丹

半兩水飛

右為細末量所腫處用藥多少新汲水半盞炒藥在

內須臾藥沈慢去其澄者水盡然後用槐柳枝攪藥

數百餘轉如麵糊相似勻以小紙花子攤藥塗腫處

欽定四庫全書

儒門事親

更以雞翎撩凉水不住掃之

魚膽丸

草龍膽

青鹽

腦子

已上各半兩

黃連

乙兩

去鬚

礪砂

南礪砂

麝香

鯉魚膽

已上各

二錢

右除草龍膽鯉魚膽外同為細末先將草龍膽同微

研破以河水三升浸春秋二宿夏一宿冬三宿將浸

者痛揉極爛用絹袋濾去滓於石器內慢火熬成膏



子點於水內不散用指頭捏開有絲乃膏子成然後
入魚膽拌勻將膏和上件藥末作劑丸如粟米徐徐
點可視之

金絲膏

黃丹 代赭石 玄精石 已上各半兩

爐甘石 乙兩 燒 腦子 半錢 黃連 蕤仁 去皮 油

二味各三錢 白丁香 南硼砂 二味各一錢

右除硼砂腦子外同為細末以河水一升白砂蜜三

欽定四庫全書

儒門事親

兩同熬三五沸然後入藥末再熬至半茶盞以上用
綿子濾過去滓次入硼砂腦末攪勻定磁器內放徐
徐點眼大有神効

生肌散

黃連 三錢 蜜陀僧 兩半 乾胭脂 二錢 雄黃 乙錢

菘豆粉 二錢 輕粉 乙錢

右為細末以溫漿水洗過用無垢軟帛搵淨藥貼之

赴筵散



五倍子 蜜陀僧 已上各等分	麝香玉線子	右為細末先入漿水漱過乾貼	豆粉 <small>兩半</small> 信 <small>錢乙</small> 枯白礬 <small>乙錢半</small>	右三件同研入麝香半錢再研為細末滴水而於手背上撚作線如用時先以漿水嗽了口用毛翎了縫中淨臨卧乾貼或為線子住於縫中	人參化癭丹 治贅	欽定四庫全書 儒門事親	海帶 海藻 海蛤 昆布 已上四味皆焙	澤瀉 <small>炒</small> 連翹 已上並各等分 猪靨 羊靨	各十枚	右為細末蜜丸如雞頭大臨卧噙化一二丸	通氣丸 <small>同上所治</small>	海藻 海帶 昆布 木通 甘草 已上各一兩 訶子 薄荷 已上各半兩 杏仁 <small>少許 浸</small>	右為細末煉蜜和丸每夜噙化一丸忌油膩物
---------------	-------	--------------	---	--	----------	----------------	--------------------	-------------------------------------	-----	-------------------	-------------------------	---	--------------------



又方	海藻 海帶 昆布 澤瀉 木通 猪靨 羊靨 各五枚 海蛤 連翹
消毒散 治喉腫	右為細末研靨為丸如雞頭大每服一丸臨卧噙化
當歸 荆芥 甘草 各等分	右為末水煎三五錢去滓熱嗽
養肝散 治雀目	青蛤粉 夜明砂 穀精草 已上各等分
欽定四庫全書	儒門事親
枯瘤方	右為細末每服五七錢猪肝內煮熟細嚼茶清下
硃砂 粉霜 雄黃 已上各二錢 輕粉	沒藥 乳香 已上各一錢 土黃 _{三錢} 麝香 _{少許}
小黃膏	右為細末以津調塗瘤頂外邊歇一萐葉先花紙貼之上以小黃膏貼之



<p>黃栢 黃芩 大黃 已上各等分</p>	<p>右為細末以水調為糊比前藥大一遭三日一易至八九上不取直候可取</p>	<p>剪刀藥</p>	<p>石灰 <small>一斤陳年者</small> 龍骨 <small>四兩</small> 刺薊 <small>一小束</small></p>	<p>右為末杵作泥為餅子或為散貼端午日合</p>	<p>木香 檳榔 黃連 乳香 輕粉 蜜陀僧</p>	<p>欽定四庫全書 儒門事親</p>	<p>已上各等分</p>	<p>右為細末乾摻之先以口噙漿水洗</p>	<p>又方加 黃栢 麝香</p>	<p>陽起石散</p>	<p>陽起石 <small>燒</small></p>	<p>右研末新水調塗腫痛處</p>	<p>鉛白霜散</p>	<p>鉛白霜 乾胭脂 寒水石 已上各等分</p>
-----------------------	--------------------------------------	------------	---	--------------------------	---------------------------	------------------------	--------------	-----------------------	------------------	-------------	-----------------------------	-------------------	-------------	--------------------------



腦子 輕粉 各少許	右為末 摻之	雄黃散	雄黃 乳香 沒藥 麝香 少許	右為末量瘡大小乾貼	化斑湯	紫草 升麻 甘草 各半兩	右剉麻豆大水一盞糯米二十粒煎至一盞去滓溫	欽定四庫全書 儒門事親	服	調治	無比山藥丸	乾山藥 肉蓯蓉 五味子	兔絲子 杜仲 牛膝	澤瀉 熟地黃 山茱萸 茯苓	巴戟 赤石脂	右為細末煉蜜和丸桐子大每服二三十丸食前溫
-----------	--------	-----	----------------	-----------	-----	--------------	----------------------	-------------	---	----	-------	-------------	-----------	---------------	--------	----------------------



酒下米飲亦可

當歸丸

當歸 香附子炒 杜蒺藜 芍藥 各等分

右為末酒糊為丸如小豆大每服三五丸米飲下

香薷湯

香薷五錢 去土 厚朴五錢 闕製 白扁豆二錢 半生炒

右為末每服三錢水一盞入酒煎去滓溫服

石葦散

欽定四庫全書

儒門事親

石葦去毛 木通 各分二兩 當歸 甘草

王不留行 已上各一兩 滑石 白朮 蘧麥

葵子 芍藥 已上各三兩

右為細末每服二錢煎小麥湯調下

妙功丸

京三稜乙兩 炮 川烏四錢 生 去皮 大黃乙兩 已上同

為細末好醋半升熬膏不破積水丸

神麩 麥蘖 已上各一兩 乾薑二錢 裂用 炒



<p>右為末酒糊為丸每服三五丸茶酒下</p>		<p>七宣丸</p>		<p>茵香丸</p>		<p>欽定四庫全書</p>		<p>右為末每服二錢溫水調下食後</p>		<p>人參散</p>		<p>右為細末用膏丸小荳大生薑湯下十九十五丸溫涼水亦可以意加減以利為度</p>		<p>牽牛</p>		<p>芭荳</p>																																																				
兩	各五	大黃	濕紙	炒	微	茵香	八兩	川練子	炒	寒水石	二兩	石膏	甘草	已上各一兩	滑石	四兩	石	人參	半兩	右	細末	用膏丸	小荳	大生薑	湯下	十九十五丸	溫涼水	亦可以意	加減	以利為度	右	為細末	用膏丸	小荳	大生薑	湯下	十九十五丸	溫	牽牛	三兩	揀淨	芭荳	兩箇	去	皮油	心	半夏	兩半	茵香	乙兩	炒	香	官桂															
桃仁	六兩	枳實	炒	木香	柴胡	去	尖	甘草	四兩	炒	防風	蘆	去	陳皮	已上各三兩	地龍	乙兩	去	土	威靈仙	去	洗	烏藥	五兩	赤小豆	八兩	川烏	炮	去	皮	茵香	八兩	炒	川練子	炒	寒水石	二兩	石膏	甘草	已上各一兩	滑石	四兩	石	人參	半兩	右	細末	用膏丸	小荳	大生薑	湯下	十九十五丸	溫	牽牛	三兩	揀淨	芭荳	兩箇	去	皮油	心	半夏	兩半	茵香	乙兩	炒	香	官桂



<p>右為末煉蜜和丸如桐子大每服三十九酒下</p> <p>人參調中湯</p> <p>沈香_{二兩} 木香 白荳蔻_{乙兩 用仁} 甘草_{乙分}</p> <p>腦子_{乙錢} 射香_{半錢} 人參_{兩半}</p> <p>右為細末每服半錢用沸湯點服或入生薑鹽少許</p> <p>食後服</p>	<p>烏金散</p> <p>當歸_{乙兩} 自然銅_{金色者煨為末 醋煑乙兩} 烏金石_{鐵炭是三兩}</p>	<p>欽定四庫全書</p> <p>儒門事親</p> <p>大黃_{乙兩 童子小便漫用}</p> <p>右為末每服二錢紅花酒半盞童子小便半盞同調</p> <p>下食前日二服</p>	<p>沈香降氣湯</p> <p>沈香 木香 礞砂仁 白荳蔻_仁 青皮_{去白}</p> <p>陳皮_{去白} 廣茂_煨 枳實_{炒 麸} 已上各一兩</p>	<p>蘿白子_{另末 乙兩} 黑牽牛_{末 二兩} 大黃_{二兩 炒}</p> <p>右為末生薑汁浸蒸餅為丸如桐子大每服三十九</p>
--	---	---	--	---



<p>橘皮湯下</p> <p>枳朮丸 治氣不下降胸膈滿悶</p> <p>枳實<small>炒</small> 白朮 各半兩</p> <p>右為細末燒飯為丸如桐子大每服五十九丸諸飲送下</p>	<p>欽定四庫全書</p> <p>儒門事親</p>	<p>儒門事親卷十二</p>
---	---------------------------	----------------



欽定四庫全書

子部
儒門事親卷十四

詳校官太醫院吏目臣宋桂

編修臣倉聖脈覆勛

總校官原任中允臣王燕緒

校對官中書臣呂雲棟

謄錄監生臣張炳



欽定四庫全書

儒門事親卷十三

金 張從正 撰

劉河間先生三消論

因在前此書未傳於世
恐為沉沒故刊而行之

易言天地自太虛至黃泉有六位內經言人之身自頭至足亦有六位今余又言人胸腹之間自肺至腎又有六位人與天地造化五行同一爐鞴知彼則知此矣故立天之氣曰金與火立地之氣曰土與水立人之氣曰

欽定四庫全書

儒門事親

風與火故金火合則熱而清水土合則濕而寒風火合則溫而炎人胸腹之間亦猶是也肺最在上為金主燥心次之為君火主熱肝又次之為風木主溫膽又次之為相火主極熱脾又次之為濕土主涼腎又次之黃泉為寒水主寒故心肺象天脾腎象地肝膽象人不知此者不可與論人之病矣夫土為萬物之本水為萬物之元水土合德以陰居陰同處乎下以立地為氣萬物根於地是故水土濕寒若燥熱陽實則地之氣不立萬



物之根索澤而枝葉枯矣五常政大論曰根於中者命曰神機是為動物根本在於中也根本者脾胃腎也食入胃則脾為布化氣味榮養五藏百骸故酸入肝而養筋膜苦入心而養血脉甘入脾而養肌肉辛入肺而養皮毛鹹入腎而養骨髓五氣亦然故清養肺熱養心溫養肝濕養脾寒養腎也凡此五味五氣太過則病不及亦病惟平則常安矣故六節藏象論曰五味入口藏於腸胃味有所藏以養五氣氣和而生津液相成神乃自

欽定四庫全書

儒門事親

生是其理也又太陰陽明論云脾病而四肢不用者何也岐伯曰四肢皆稟氣於胃而不得至經必因於脾胃乃稟也今脾病不能為胃行其津液不得稟水穀氣脾日以衰脉道不利筋骨肌肉皆無氣以生故不用焉帝曰脾不主時何也岐伯曰脾者土也治中央常以四時長四臟各十八日寄治不得獨主於時也脾藏者常着胃土之精也土者生萬物而法天地故上下至頭足不得獨主於時也帝曰脾與胃以道相連爾而能行其津



液何也岐伯曰足太陰者三陰也其脉貫胃屬脾絡噦
故太陰為之行氣於三陰足陽明者表也五臟六腑之
海也亦為之行氣於三陽臟腑各因其經而受氣以益
陽明故為胃行其津液四肢不得稟水穀氣日以衰陰
道不利筋骨肌肉皆無氣以生故不用焉不用者謂不
能為之運用也由是觀之則五臟六腑四肢百骸皆稟
受於脾胃行其津液相與濡潤滋養矣後之醫者欲以
燥熱之劑以養脾胃滋土之氣不亦外乎况消渴之病

欽定四庫全書

儒門事親

者本濕寒之陰氣極衰燥熱之陽氣太甚更服燥熱之
藥則脾胃之氣竭矣叔世不分五運六氣之虛實而一
概言熱為實而虛為寒彼但知心火陽熱一氣之虛實
而非臟腑六氣之虛實也蓋肺本清虛則溫心本熱虛
則寒肝本溫虛則清脾本濕虛則燥腎本寒虛則熱假
若胃冷為虛者乃胃中陰水寒氣實甚而陽火熱氣衰
虛也非胃土濕氣之本衰故當溫補胃中陽火之衰退
其陰水寒氣之甚又如胃熱為實者乃胃中陽火實而



陰水虛也故當以寒藥瀉胃中之實火而養其虛水然此皆補瀉胃中虛熱水火所乘之邪非胃為濕者之本其餘例同法夫補瀉脾胃濕土之水氣者潤其濕者是補濕燥其濕者是瀉濕土本濕故也凡臟腑諸氣不必腎水獨當寒心火獨當熱要知每臟每腑諸氣和同宣而平之可也故余嘗謂五常之道陰中有陽陽中有陰孤陰不長獨陽不成但有一物皆備五行遞相濟養是謂和平交互克伐是謂衰興變亂失常患害由行故水

欽定四庫全書

儒門事親

少火多為陽實陰虛而病熱也水多火少為陰實陽虛而病寒也其為治者瀉實補虛以平為期而已矣故治消渴者補腎水陰寒之虛而瀉心火陽熱之實除腸胃燥熱之甚濟身津液之衰使道路散而不結津液生而不枯氣血利而不澁則病日已矣况消渴者本因飲食服餌失宜腸胃乾涸而氣液不得宣平或耗亂精神過違其度或因大病陰氣損而血液衰虛陽氣悍而燥熱鬱甚之所成也故濟衆云三消渴者皆由久嗜鹹物恣



食炙燔飲酒過度亦有年少服金石丸散積久石熱結于胸中下焦虛熱血氣不能制石熱燥甚於胃故渴而引飲若飲水多而小便多者名曰消渴若飲食多而不甚渴小便數而漸瘦者名曰消中若渴而飲水不絕腿消瘦而小便有脂液者名曰腎消如此三消者其燥熱一也但有微甚耳余聞世之方多一方而通治三消渴者以其善消水穀而喜渴也然叔世論消渴者多不知本其言消渴者上實熱而下虛冷上熱故煩渴多飲下

欽定四庫全書

儒門事親

寒故小便多出本因下部腎水虛而不能制其上焦心火故上實熱而下虛冷又曰水數一為物之本五行之先故腎水者人之本命之元不可使之衰弱根本不堅則枝葉不茂元氣不固則形體不榮消渴病者下部腎水極冷若更服寒藥則元氣轉虛而下部腎水轉衰則上焦心火亢甚而難治也但以暖藥補養元氣若下部腎水得實而勝退上焦火則自然渴止小便如常而病愈也若此之言正與仲景相反所以巧言似是於理實



違者也非徒今日之誤誤已久哉又如蔣氏藥證病原
中論消渴消中消腎病曰三焦五臟俱虛熱惟有膀胱
冷似冰又曰腰腎虛冷日增重又曰膀胱腎臟冷如泉
始言三焦五臟俱虛熱惟有膀胱冷似冰復言五臟亦
冷且腎臟水冷言為虛其餘熱者又皆言其虛夫陰陽
興衰安有此理且其言自不相副其失猶小至於寒熱
差殊用藥相反過莫大焉或又謂腎與膀胱屬水虛則
不能制火虛既不能制火故小便多者愈失之遠矣彼

欽定四庫全書

儒門事親

謂水氣實者必能制火虛則不能制火故陽實陰虛而
熱燥其液小便淋而常少陰實陽虛不能制水小便利
而常多豈知消渴小便多者非謂此也何哉蓋燥熱太
甚而三焦腸胃之腠理怫鬱結滯緻密壅塞而水液不
能滲泄浸潤於外榮養百骸故腸胃之外燥熱太甚雖
復多飲于中終不能浸潤於外故渴不止小便多出者
如其多飲不能滲泄於腸胃之外故數溲也故余盡言
原病式曰皮膚之汗孔者謂泄汗之孔竅也一名氣門



者謂泄氣之門戶也一名腠理者謂氣液之隧道紋理也一名鬼門者謂幽冥之門也一名玄府者謂玄微之府也然玄府者無物不有人之腑臟皮毛肌肉筋膜骨髓爪牙至於萬物悉皆有之乃出入升降道路門戶也故經曰出入廢則神機化滅升降息則氣立孤危故非出入則無以生長壯老非升降則無以生長化收藏是知出入升降無器不有故知人之眼耳鼻舌身意神識能為用者皆由升降出入之通利也有所閉塞則不能

欽定四庫全書

儒門事親

用也若目無所見耳無所聞鼻不聞香舌不知味筋痿骨痺爪退齒腐毛髮墮落皮膚不仁腸胃不能滲泄者悉由熱氣怫鬱玄府閉塞而致津液血脉榮衛清氣不能升降出入故也各隨鬱結微甚而有病之大小焉病在表則怫鬱腠理閉密陽氣不能散越故燥而無汗而氣液不能出矣叔世不知其然故見消渴數洩妄言為下部寒爾豈知腸胃燥熱怫鬱使之然也予之所以舉此世為消渴之證乃腸胃之外燥熱痞閉其滲泄之道



路水雖入腸胃之內不能滲泄於外故小便數出而復渴此數句足以盡其理也試取內經凡言渴者盡明之矣有言心肺氣厥而渴者有言肝痺而渴者有言脾熱而渴者有言腎熱而渴者有言胃與大腸熱結而渴者有言脾痺而渴者有言小腸痺熱而渴者有因病瘧而渴者有因肥甘石藥而渴者有因醉飽入房而渴者有因遠行勞倦遇大熱而渴者有因傷害胃乾而渴者有因腎熱而渴者有因病風而渴者雖五臟之部分不同

欽定四庫全書

儒門事親

而病之所遇各異其功燥熱一也

所謂心肺氣厥而渴者厥論曰心移熱於肺傳為膈消注曰心熱入肺久而傳化內為膈熱消渴多飲也所謂肝痺而渴者痺論曰肝痺者夜卧則驚多飲數小便如脾熱而渴者痿論曰脾氣熱則胃乾而渴肌肉不仁發為肉痿

所謂腎熱而渴者刺熱論曰腎熱病者先腰痛胘酸苦渴數飲身熱熱論曰少陰脉貫腎絡於肺繫舌本故口



燥舌乾而渴叔世惟言腎虛不能制心火為上實熱而
下虛冷以熱藥溫補腎水欲令勝退心火者未明陰陽
虛實之道也夫腎水屬陰而本寒虛則為熱心火屬陽
而本熱虛則為寒若腎水陰虛則心火陽實是謂陽實
陰虛而上下俱熱明矣故氣厥論曰腎氣衰陽氣獨勝
宣明五氣論曰腎惡燥由燥腎枯水涸藏氣發時論曰
腎苦燥急食辛以潤之夫寒物屬陰能養水而瀉心熱
物屬陽能養火而耗水今腎水既不勝心火則上下俱

欽定四庫全書

儒門事親

熱奈何以熱藥養腎水欲令勝心火豈不謬哉又如胃
與大腸熱結而渴者陰陽別論二陽結謂之消注曰陽
結胃及大腸俱熱結也腸胃藏熱善消水穀又氣厥論
曰大腸移熱於胃善食而瘦脉要精微論曰痺成為消
中善食而瘦如脾痺而渴者數飲而不得中氣喘而爭
時發飧泄夫數飲而不得中其大便必不停留然則消
渴數飲而小便多者止是三焦燥熱怫鬱而氣衰也明
矣豈可以燥熱毒藥助其強陽以伐衰陰乎此真實實



虛虛之罪也夫消渴者多變聾盲瘡癬瘰癧之類皆腸胃燥熱怫鬱水液不能浸潤於周身故也或熱甚而膀胱怫鬱不能滲泄水液妄行而面上腫也如小腸瘴熱而渴者舉痛論曰熱氣留於小腸腸中痛瘴熱焦渴則便堅不得出矣注曰熱滲津液而小便堅矣如言病瘴而渴者瘴論曰陽實則外熱陰虛則內熱內外皆熱則喘而渴故欲飲冷也然陽實陰虛而為病熱法當用寒藥養陰瀉陽是謂瀉實補衰之道也如因肥甘石藥而

欽定四庫全書

儒門事親

渴者奇病論曰有口甘者病名為何岐伯曰此五氣之所溢也病名脾瘴瘴為熱也脾熱則四臟不稟故五氣上溢也先因脾熱故曰脾瘴又經曰五味入口藏於胃脾為之行其精氣津液在脾故令人口甘也此肥美之所發也此人必數食甘美而多肥也肥者令人內熱甘者令人中滿故其氣上溢轉而為消渴通乎虛實論曰消瘴仆擊偏枯痿厥氣滿發逆肥貴之人膏粱之疾也或言人惟胃氣為本脾胃合為表裏脾胃中州當受溫



補以調飲食今消渴者脾胃極虛益宜溫補若服寒藥
耗損脾胃本氣虛乏而難治也此言乃不明陰陽寒熱
虛實補瀉之道故妄言而無畏也豈知腹中論云帝曰
夫子數言熱中消中不可服芳草石藥石藥發癩芳草
發狂注言多飲數澼謂之熱中多食數澼謂之消中多
喜曰癩多怒曰狂芳美味也石謂英乳乃發熱之藥也
經又曰熱中消中皆富貴人也今禁膏粱是不合其心
禁芳草石藥是病不愈願聞其說岐伯曰芳草之味美

欽定四庫全書

儒門事親

石藥之氣悍二者之氣急疾堅勁故非緩心和人不可
服此二者帝曰何以然岐伯曰夫熱氣慄悍藥氣亦然
所謂飲一澼二者當肺氣從水而出也其水穀之海竭
矣凡見消渴便用熱藥誤人多矣故內經應言渴者皆
如是豈不昭晰歟然而猶有惑者諸氣過極反勝也者
是以人多誤也如陽極反似陰者是也若不明標本認
似為是始終乖矣故凡見下部覺冷兩膝如冰此皆心
火不降狀類寒水宜加寒藥下之三五次則火降水升



寒化自退然而舉世皆同執迷至如易素二書棄如朽
壞良可悲夫故處其方必明病之標本達藥之所能通
氣之所宜而無加害者可以制其方也已所謂標本者
先病而為本後病而為標此為病之本末也標本相傳
先當救其急也又云六氣為本三陰三陽為標蓋為病
臟病最急也又云六氣為胃之本假若胃熱者胃為標
熱為本也處其方者當除胃中之熱是治其本也故六
氣乃以甚者為邪衰者為正法當瀉其甚補衰以平為期

欽定四庫全書

儒門事親

養正除邪乃天之道也為政之理補賤之義也大凡治
病明知標本按法治之何必謀於衆陰陽別論曰謹熟
陰陽無與衆謀標本病傳論知標知本萬舉萬當不知
標本是謂妄行至真要大論曰知標知本用之不死明
知逆順正行無問不知是者不足以言診適足以亂經
故大要曰粗工嘻嘻以為可知言熱未已寒病復起同
氣異形迷診亂經此之謂也夫標本之道要而博小而
大可以言一而知百言標與本易而弗損察本與標氣



可令調明知勝復為萬民式天之道畢矣天元紀大論
曰至數極而道不惑可謂明矣所謂藥之巧能者溫涼
不同寒熱相反燥濕本異云云前已言之矣斯言氣也
至於味之巧能如酸能收甘能緩辛能散苦能堅鹹能
軟酸屬木也燥金主於散落而木反之土濕主於緩而
水勝之故能然也若能燥濕而堅火者苦也易曰燥萬
物者莫熯乎火凡物燥則堅也甘能緩急而散結甘
者土也燥能急結故緩則急散也辛能散抑散結潤燥

欽定四庫全書

儒門事親

辛者金也金主散落金生水故也况抑結散則氣液宣
行而津液生也藏氣發時論曰腎苦燥急食辛以潤之
開腠理致津液通氣也鹹能軟堅鹹者水也水潤而柔
故勝火之堅矣此五臟之味也其為五味之本也淡也
淡胃土之味也胃土者地也地為萬物之本胃為一身
之本天元紀大論曰在地為化化生五味故五味之本
淡也以配胃土淡能滲泄利竅夫燥能急結而甘能緩
之淡為剛土極能潤燥緩其急結令氣通行而致津液



滲泄也故消渴之人其藥與食皆宜淡劑至真要大論
曰辛甘發散為陽酸苦涌泄為陰鹹味涌泄為陰淡味
滲泄為陽六者或散或收或緩或急或燥或潤或堅或
更所以利而行之調其氣也本草云藥有三品上品為
君主養命小毒以應天中品為臣主養性常毒以應人
下品為佐使主治病大毒以應地不在三品者氣毒之
物也凡此君臣佐使者所以明藥之善惡也處方之道
主治病者為君佐君者為臣應臣之用者為佐使適其

欽定四庫全書

儒門事親

病之所根有君臣佐使奇偶小大之制明其歲政君臣
脉位而有逆順反正主療之方隨病所宜以施用其治
法多端能備所用者良工也寒者熱之熱者寒之溫者
清之清者溫之結者散之散者收之微者逆而制之甚
者從而去之燥者潤之濕者燥之堅者熨之熨者堅之
急者緩之客者除之留者却之勞者溫之逸者行之驚
者平之衰者補之甚者瀉之吐者下之摩之益之薄之
劫之開之發之灸之制之適足為用各安其氣必清必



淨而病氣衰去臟腑和平歸其所宗此治之大體也陰

陽應象論曰治不法天之紀不明地之理則災害至矣

又六節藏象論曰不知年之所加氣之所衰不可以為

功也今集諸經驗方附于篇末

神白散 治真陰素被損虛多服金石等藥或嗜炙燂

鹹物遂成消渴

桂府滑石 六兩 甘草 一兩
生用

右為細末每服三錢溫水調下或大渴欲飲冷者新

欽定四庫全書

儒門事親

汲水尤妙

猪肚丸 治消渴消中

猪肚 一枚 黃連 五兩 括蔞 四兩 麥門冬 四兩
去心 知

母 四兩 如無以
茯苓代之

右四味為細末納猪肚中線縫安置甑中蒸極爛熟

就熱於木臼中搗可丸如硬少加蜜丸如梧桐子

大每服三十丸漸加至四五十丸渴則服之如無

木臼以沙盆中用木杵研亦可以爛為妙矣



冬三月 黃芩 <small>兩三</small> 大黃 <small>兩五</small> 黃連 <small>兩二</small>		秋三月 黃芩 <small>兩六</small> 大黃 <small>兩二</small> 黃連 <small>兩三</small>		夏三月 黃芩 <small>兩六</small> 大黃 <small>兩二</small> 黃連 <small>兩四</small>		春三月 黃芩 <small>兩四</small> 大黃 <small>兩二</small> 黃連 <small>兩四</small>		人帶下手足發寒熱者		三黃丸 主治男子婦人五勞七傷消渴不生肌肉婦		減之如丸服亦妙每服十丸多則腹痛也		年病一日愈二年病二日愈渴甚者二服腹痛者		欽定四庫全書 儒門事親		右八味為細末水服方寸匕日二服壯者一匕半一		澤瀉 石膏 赤石脂 白石脂 各半兩		鈎丹 胡粉 各半兩 括蕒 <small>一兩</small> 甘草 <small>二兩</small>		胡粉散 治大渴百方療不瘥者亦治消腎		進三服治日飲碩水者春夏去附子		右四味搗羅為細末煉蜜為丸桐子大每服十九日		葛根 <small>兩三</small> 括蕒 <small>兩三</small> 鈎丹 <small>兩二</small> 附子 <small>一兩炮</small> 去皮臍		葛根丸 治消渴消腎	
---	--	---	--	---	--	---	--	-----------	--	-----------------------	--	------------------	--	---------------------	--	----------------	--	----------------------	--	-------------------	--	---	--	-------------------	--	----------------	--	----------------------	--	--	--	-----------	--



右三味隨時加減搗為細末煉蜜和丸如大豆大每服五丸日三服不去者加七丸服一月病愈嘗試有驗矣

人參白朮散

治胃膈瘴熱煩悶不欲食或瘴成為消中善食而瘦或燥鬱甚而消渴多飲而數小便或熱病或恣酒色誤服熱藥者致脾胃真陰血液損虛肝心相搏風熱燥甚三焦腸胃燥熱怫鬱而水液不能宣行

欽定四庫全書

儒門事親

則周身不能潤濕故瘦瘁黃黑而燥熱消渴雖多飲而水液終不能浸潤於腸胃之外渴不止而便注為小便多也叔世流俗不明乎此妄為下焦虛冷誤死多矣又如周身風熱燥鬱或為目瘴癰疽瘡瘍上為喘嗽下為痿痺或停積而濕熱內甚不能傳化者變水腫腹脹也凡多飲數洩為消渴多食數洩為消中肌肉消瘦小便有脂液者為消腎此世之所傳三消病也雖無所不載以內經考之但



燥熱之微甚者也此藥兼療一切陽實陰虛風熱
燥鬱頭目昏眩風中偏枯酒過積毒一切腸胃滯
滯壅塞瘡癬痿痺并傷寒雜病煩渴氣液不得宣
通并宜服之

人參 白朮 當歸 芍藥 大黃 山梔子

澤瀉 已上各半兩 連翹 芫荽根 乾葛

茯苓 已上各一兩 官桂 木香 藿香 各

一分 寒水石_{二兩} 甘草_{三兩} 石膏_{四兩} 滑石

欽定四庫全書

儒門事親

盆硝 各半兩

右為麤末每服五錢水一盞生薑三片同煎至半盞

絞汁入蜜少許溫服漸加十餘錢無時日三服或

得臟腑疏利亦不妨取効更妙後却常服之或兼

服消痞丸似覺腸胃結滯或濕熱內甚自利者去

大黃芒硝

人參散

治身熱頭痛或積熱黃瘦或發熱惡寒畜熱寒戰或



膈痰嘔吐煩熱煩渴或燥濕瀉痢或目疾口瘡或
咽喉腫痛或中風昏眩或蒸熱虛汗肺痿勞嗽一切
邪熱變化真陰損虛並宜服之

石膏一兩 寒水石二兩 滑石四兩 甘草二兩 人參

兩半

右為細末每服二錢溫水調下或冷水亦得

三消之論劉河間之所作也因麻徵君寓汴梁暇日訪

先生後裔或舉教醫學者即其人矣徵君親詣其家求

欽定四庫全書

儒門事親

先生平昔所著遺書乃出三消論氣宜病機三書未傳

于世者又多不全止取三消論於卷首增寫六位藏象

二圖其餘未遑潤色即付友人穆子昭子昭乃河間門

人穆大簧之後也時覓官於京師方且告困徵君欲因

是而惠之由是余從子昭授得一本後罹兵火遂失其

傳偶於鄉人霍司承君祥處復見其文然傳寫甚誤但

依倣而錄之以待後之學者詳為刊正云時甲辰年冬

至日綿溪野老書續方栢亭東久亭寺僧悟大師傳經



驗方

治飲水百盃尚猶未足小便如油或如杏色服此藥
三五日小便大出毒歸于下十日永除根本此方
令子和辨過云是重劑可用悟公師親驗

水銀

四錢

錫

二錢用水銀研成砂子

牡蠣

一兩

蜜陀僧

一兩

知母

一兩

紫花苦參

一兩

貝母

一兩

黃丹

半兩

菘

萋根

半觔

右為細末男子用不生兒猪肚一箇內藥婦人用獾

欽定四庫全書

儒門事親

猪肚一箇麻線縫之新瓦一合繩繫一兩遭米一
升更用菘萋根末半斤却於新水煮熟取出放冷
用砂盆內研爛就和為丸如猪肚丸法用之

儒門事親卷十三



欽定四庫全書

儒門事親卷十四

金 張從正 撰

扁鵲華陀察聲色定死生訣要

病人五臟已奪神明不守聲嘶者死

病人循衣縫譫語者不可治

病人陰陽俱絕掣衣撮空妄言者死

病人妄語錯亂及不能言者不治熱病者可治

欽定四庫全書

儒門事親

病人陰陽俱絕失音不能言者三日半死

病人兩目背有黃色起者其病方愈

病人面黃目青者至期而死 重出在下文

病人面黃目赤不死赤如衄血者死

病人面黃目白者不死白如枯骨者死

病人面黃目黑者不死黑如苔死

病人面黑目青者不死

病人面目俱黃者不死



病人面青目白者死
病人面黑目白者不死
病人面赤目青者六日死
病人面黃目青者九日必死是謂亂經飲酒當 風邪入胃經膽氣妄泄目則為青雖天救亦 不可生
病人面赤目白者十日死憂恚思心氣內索面 色反好急棺槨
欽定四庫全書
儒門事親
病人面白目黑者死此謂榮華已去血脉空索
病人面黑目白八日死腎氣內傷病因留損
病人面青目白五日死
病人着床心痛短氣脾氣內竭後百日復愈能 起傍徨因坐於地其上倚床能治此者也
病人耳目鼻口有黑色起入于口者必死
病人目無精光若土色不受飲食者四日死
病人目精光及牙齒黑色者不治



病人耳目及顴頰赤者死在五日中	病人黑色出于額上髮際直鼻脊兩顴上者亦	死在五日中	病人黑色出天中下至上顴上者死	病人及健人黑色若白色起入目及鼻口死在	三日中	病人及健人面忽如馬肝色望之如青近之如	黑者死	病人面黑直視惡風者死	病人面黑唇青者死	病人面青唇黑者死	病人面黑兩脇下滿不能自轉反者死	病人目不回直視者一日死	病人頭目久痛卒視無所見者死	病人陰結陽絕目睛脫恍惚者死	病人陰陽竭絕目眶陷者死
----------------	--------------------	-------	----------------	--------------------	-----	--------------------	-----	------------	----------	----------	-----------------	-------------	---------------	---------------	-------------

欽定四庫全書

儒門事親



病人眉系傾者七日死	病人口如魚口不能復閉而氣出多不反者死	病人卧遺尿不覺者死	病人尸臭者不可治	肝病皮黑肺之日庚辛死	心病目黑腎之日壬癸死	脾病唇青肝之日甲乙死	肺病頰赤目腫心之日丙丁死	腎病面腫唇黃脾之日戊己死	青欲如蒼璧之澤不欲如藍	赤欲如帛裏朱不欲如赭	白欲如鵝羽不欲如枯骨	黑欲如黑漆不欲如炭	黃欲如羅裏雄黃不欲如土	目赤色者病在心白在肺黑在腎黃在脾青在肝黃色不可名者病在胸中
-----------	--------------------	-----------	----------	------------	------------	------------	--------------	--------------	-------------	------------	------------	-----------	-------------	-------------------------------

欽定四庫全書

儒門事親



診目病赤脉從上下者太陽病也從下上者陽明病也
從外入內者少陽病也

診寒熱瘰癧目中有赤脉從上下至瞳子見一脉一歲

死見一脉半一歲半死見二脉二歲死見二脉半二歲

半死見三脉三歲死

診牙齒痛按其陽明之脉來太過者獨熱在右右熱熱

在左左熱熱在上上熱熱在下下熱

診血者脉多赤多熱多青多痛多黑多黃多痺多赤多

欽定四庫全書

儒門事親

黑多青皆見者寒熱身痛面色微黃齒垢黃爪甲上黃痘
也安卧少黃赤脉小而濇者不嗜食

診百病死生訣第七

診傷寒熱盛脉浮大者生沉小者死傷寒已得汗脉沉
小者生浮大者死

溫病三四日已下不得汗脉大疾者生脉細小難得者

死不治

溫病穰穰大熱其脉細小者死

千金穰穰作特行



熱病發熱熱甚者其脉陰陽皆竭慎勿刺不汗出必下	熱病已得汗熱未去脉微躁者慎不得刺治	熱病已得汗大熱不去者亦死	熱病已得汗脉靜安者生脉躁者難治	熱病未得汗脉盛躁疾得汗者生不得汗者難瘥	乾黑者死	熱病七八日其脉微細小便不利加暴口燥脉代舌焦	後三日温汗不出者死	欽定四庫全書	儒門事親	熱病七八日脉不軟 <small>一作喘</small> 不散 <small>一作數</small> 者當有瘡瘡	之不彈手時時心下堅十七日死	日頭不疼身不痛目不變色不變而反利脉來喋喋按	日死四五日頭痛腹痛而吐脉來細強十二日死八九	温病二三日身體熱腹滿頭痛食如故脉直而疾者八	虛緩者死	温病汗不出出不至足者死厥逆汗出脉堅強急者生	温病下利腹中痛甚者死不治
-----------------------	-------------------	--------------	-----------------	---------------------	------	-----------------------	-----------	--------	------	---	---------------	-----------------------	-----------------------	-----------------------	------	-----------------------	--------------



利

診人被風不仁痿廢其脉虛者生堅急疾者死

診癩病虛則可治實則死

診癩病脉實堅者生脉沉細者死

又癩疾脉得大滑者久而自己其脉沉小急實不可

療小堅急者亦不可療也

診頭痛目痛久視無所見者死

診人心腹積聚其脉堅強急者生虛弱者死又實強者

欽定四庫全書

儒門事親

生沉者死其脉大腹大脹四肢逆冷其人脉形長者

死腹脹滿便血脉大時絕極下血小疾者死

腸澼便血身熱則死寒則生

腸澼下白沫脉沉則生浮則死

腸澼下膿血脉懸絕則死滑大則生

腸澼之屬身熱脉不懸絕滑大者生懸澹者死以臟期之

腸澼下膿血脉沉小留連者生數疾且大有熱者死

腸澼筋攣其脉小細安靜者生浮大緊者死



寒氣上攻脉實而順滑者生實而逆滑者死	上氣注液其脉虛寧伏匿者生堅強者死	上氣面浮腫肩息其脉大不可治加利必死	上氣喘息低昂其脉滑手足溫者生脉澁四肢寒者死	上氣脉數者死謂損形故也	吐血而欬上氣其脉數有熱不得卧者死	吐血脉緊強者死滑者生	汗若衄其脉小滑者生大躁者死	欬定四庫全書	欬而嘔腹脹且洩其脉弦急欲絕者死	欬脫形發熱脉小堅急者死肌瘦下脫形熱不去者死	欬嗽脉沉緊者死浮直者浮軟者生小沉伏匿者死	欬嗽羸瘦脉形堅大者死	洩注脉緩時小結者生浮大數者死	洞泄食不化不得留下膿血脉微小連者緊急者死
<small>太素云寒氣在上脉</small>							<small>儒門事親</small>							



滿實何如曰實而滑則生實而逆則死矣其形盡滿何如曰舉形盡滿者脉急大堅尺滿而不應知是者順則生逆則死何謂順則生逆則死所謂順者手足溫也逆者手足寒也

病瘵脉實大病久可治脉弦小堅急病久不可治

消渴脉數大者生細小浮短者死

消渴脉沉小者生實堅大者死

水病脉洪大者可治微細不可治

水病脹閉其脉浮大軟者生沉細虛小者死

水病腹大如鼓脉實者生虛者死

欽定四庫全書

儒門事親

卒中惡咯血數升脉沉數細者死浮大疾快者生

卒中惡腹大四肢滿脉大而緩者生緊大而浮者死緊

細而微亦生

瘡腰脊彊急瘰癧皆不可治

寒熱瘰癧其脉代絕者死

金瘡血出太多其脉虛細者生數實大者死

金瘡出血脉沉小者生浮大者死

斫瘡出血一二升脉來大二十日死



斫刺俱有病多少血出不自止者其脉來大者七日死
滑細者生

從頭頓仆內有血腹脹滿其脉堅彊者生小弱者死

人為百藥所中傷脉澁而疾者生微細者死洪大而遲

者生 千金遵作速

人病甚而脉不調者難治脉洪大者易瘥

人內外俱虛身體冷而汗出微嘔而煩擾手足厥逆體

不得安靜者死脉實滿手足寒頭熱春秋生冬夏死

欽定四庫全書

儒門事親

老人脉微陽羸陰強者生脉大而加加者死陰弱陽彊

脉至而代期月而死

尺脉濇而堅為血實氣虛也其發病腹痛逆滿氣上行

此為婦人胞中絕傷有惡血久成結瘕得病以冬時

黍當赤而死

尺脉細而微者血氣俱不足細而來有力者是穀氣不

充病得節輒動棗葉生而死此病秋時得之左手寸

口脈偏動乍大乍小不齊從寸至關關至尺三部之



位其脈動各異不同其人病仲夏得之此脈桃花落而死

右手寸口脈偏沉伏乍小乍大朝浮大而暮沉伏浮大即太過上出魚際沉伏即下不止關中往來無常時復來者榆華枯而死

右手尺部脈三十動一止有須臾還二十動止乍動乍踈連連相因因不與息數相應其人雖食穀猶不愈繁草生而死

欽定四庫全書

儒門事親

右手尺部脈四十動而一止止而復來來逆如循張弓弦絀絀然如兩人共一索至立冬死

病機

諸風掉眩皆屬於肝甲乙木也木鬱達之

諸寒收引皆屬於腎壬癸水也水鬱泄之

諸氣臞瘠皆屬於肺庚辛金也金鬱折之

諸濕腫滿皆屬於脾戊己土也土鬱奪之

諸痛痒瘡瘍皆屬於心丙丁火也火鬱發之



諸熱瞽瘵皆屬於火

諸厥固泄皆屬下

下謂下焦肝腎氣也夫守司於下腎之氣也門戶求要肝之氣也故厥固泄

皆屬下也厥謂氣逆也固謂禁固也滿氣逆上行反謂固不禁出入無度燥濕不恒皆由下焦主守也

諸痿喘嘔皆屬於上上謂上焦心肺氣也炎熱薄爍承

熱分化肺之氣也熱鬱化上故病屬上焦

諸禁鼓慄如喪神守皆屬於火熱之內作

諸頸項強皆屬於濕太陽傷濕

諸逆衝上皆屬於火炎上之性用也

欽定四庫全書

儒門事親

諸脹腹大皆屬於熱熱鬱於內肺脹所生

諸躁狂越皆屬於火熱盛於胃及四末也

諸暴強直皆屬於風陽內鬱而陰行於外

諸病有聲鼓之如鼓皆屬於熱

諸熱附腫疼酸驚駭皆屬於火

諸轉反戾水液渾濁皆屬於熱反戾筋轉也水液小便

也

諸病水液澄徹清冷皆屬寒上下所出及吐出溺出也



諸嘔吐酸暴注下迫皆屬於熱

故大要曰謹守病機各司其屬有者求之無者
求之盛者責之虛者責之必先五勝踈其血氣
令其調達而致和平此之謂也五勝謂五行更
勝也

標本運氣歌

少陽從本為相火太陰從本濕土坐厥陰從中火是家
陽明從中濕是我太陽少陰標本從陰陽二氣相包裹
欽定四庫全書
儒門事親
風從火斷汗之宜燥與濕兼下之可萬病能將火濕分
徹開軒岐無縫鑠

辨十二經水火分治法

膽與三焦尋火治肝和包絡都無異脾肺嘗將濕處求
胃與大腸同濕治惡寒表熱小膀胱溫惡熱表寒心腎熾
十二經最端的四經屬火四經濕四經有熱有寒時攻
裏解表細消息濕同寒火同熱寒熱到頭無兩說六分
分來半分寒寒熱中停真浪舌休治風休治燥治得火



<p>時風燥了當解表時莫攻裏當攻裏時莫解表表裏如 或兩可攻後先內外分多少敢謝軒岐萬世恩爭奈醯 雞笑天小</p>	<p>治病</p>	<p>不讀本草焉知藥性專泥藥性決不識病假饒識病未 必得法識病得法工中之甲</p>	<p>六陳</p>	<p>藥有六味陳久為良狼菜半橘枳實麻黃</p>	<p>欽定四庫全書</p>	<p>儒門事親</p>	<p>十八反</p>	<p>本草名言十八反半萸貝蘇及攻烏藻戟遂芫俱戰草 諸參辛芍叛藜蘆</p>	<p>運氣歌</p>	<p>病如不是當年氣看與何年運氣同只向某年求治法 方知都在至真中</p>	<p>五不及</p>	<p>坎一丁三土五中一七癸九是災宮勝復都來十一位</p>
---	-----------	--	-----------	-------------------------	---------------	-------------	------------	--	------------	--	------------	------------------------------



誰知臟腑與宮同

斷病人生死

靈樞經云人有兩死而無兩生陽氣前絕陰氣後竭其人死身色必青陰氣前絕陽氣後竭其人死身色必赤故陰竭則身青而冷陽竭則身赤而溫

四因

夫病生之類其有四焉一者始因氣動而內有所成二者始因氣動而外有所成三者不因氣動而病生於內

欽定四庫全書

儒門事親

四者不因氣動而病生於外

因氣動而內成者謂積聚癥瘕瘤氣癭起結核癩癧之類是也

不因氣動而病生於內者謂流飲癖食飢飽勞損宿食霍亂悲恐喜怒想慕憂結之類

不因氣動而病生於外者謂瘴氣賊魅蟲蛇蠱毒蜚食鬼擊衝薄墜墮風寒暑濕斫射刺割撻朴之類也如此

四類有獨治內而愈者有兼治內而愈者有獨治外而



愈者有兼治外而愈者有先治內後治外而愈者有先治外後治內而愈者有須解毒而攻擊者有須無毒而調引者凡此之類方法所施或重或輕或緩或急或收或散或潤或燥或奠或堅方士之用見解不同各擅已心好丹非素故復問之

五苦六辛

五苦六辛從來無解蓋史家闕其疑也一日麻徵君以此質疑于張先生先生亦無所應行十五里忽然有所悟欣然迴告于麻徵君以為五苦者五臟為裏屬陰宜用苦劑謂苦涌泄為陰六辛者六腑為表屬陽宜用辛劑謂辛甘發散為陽此其義也徵君大服其識鑒深遠鑿昔人不傳之妙故曰知其要者一言而終不知其要者流散無窮

欽定四庫全書

儒門事親

儒門事親卷十四



欽定四庫全書

子部
儒門事親卷十五

詳校官太醫院吏目臣宋桂

編修臣倉聖脈覆勘

總校官原任中允臣王燕緒

校對官中書臣呂雲棟

騰錄監生臣張炳



欽定四庫全書

儒門事親卷十五

金 張從正 撰

瘡瘍癰腫第一

治螻蛄瘡

良薑 白芨 瀝青 已上各等分

右為細末嚼芝蔴水同熬為膏入冷水共定用緋絹

片火熨斗作膏藥貼瘡上

欽定四庫全書

儒門事親

又方千年石灰 茜根燒灰

右為細末用水調雞翎塗上

水沉金絲膏 貼一切惡瘡

瀝青 白膠 已上各一兩 春秋宜用油

夏宜油膩二錢半 冬宜用油蠟四錢

右件鎔開油蠟下瀝青白膠用槐枝攪勻綿子濾過

入冷水中扯一千餘遍如瘡透了喫數丸作劑於

瘡口填者亦妙攤紙上貼勿令火炙



乳香散 治下疳

乳香 沒藥 輕粉 黃丹 龍骨 烏魚骨

黃連 黃芩 銅碌 已上各等分 麝香許少

右為細末先以溫漿水洗過貼疔瘡上

治蛇傷方

右用蒲公英科根作泥貼于傷處用白麵膏藥貼之

紫金丹 治疔瘡

白礬四兩 黃丹二兩

欽定四庫全書

儒門事親

右用銀石器內鎔礬作汁下丹使銀釵子攪之令紫

色成也用文武火無令太過不及如有瘡先以週

圍挑破上藥用唾津塗上數度着無令瘡乾其瘡

潰動取疔出也兼瘡顏色紅赤為効如藥末成就

再杵碎炒令紫色

治疔瘡

生蜜與隔年葱一處研成膏

右先將瘡週迴用竹鍼刺破然後用瘡藥於瘡上攤



之用緋絹蓋覆如人行二十里覺疔出然後以熱醋湯洗之

千金托裏散 治一切發背疔瘡

連翹 一兩
二錢
黃耆 一兩
厚朴 二兩
川芎 一兩
防

風 二兩
桔梗 二兩
白芷 一兩
芍藥 一兩
官桂 一兩

木香 三錢
乳香 三錢
當歸 半兩
沒藥 三錢
甘草

一兩
人參 半兩

右為細末每服三錢用酒一碗盛煎三沸和滓溫服

欽定四庫全書

儒門事親

膏子貼之

二聖散 治諸瘡腫

黃丹 二兩
白礬 二兩
飛

右為細末每服乾摻瘡口上後用保生錠子捏作餅

子貼之

保生錠子

芭荳 四十九箇另研
文武火燒熟
麝香 二錢
金脚信 二錢
雄黃 三錢
輕

粉 半匣
礪砂 二錢
麝香 二錢



<p>右件為末用黃蠟一兩半化開將藥和成錠子冷水浸少時取出旋捏作餅子如錢眼大將瘡頭撥破每用貼一餅子次用神聖膏藥封貼然後服托裏散若瘡氣透裏危者服破棺散用神聖膏</p>	<p>神聖膏藥 貼治一切惡瘡</p>	<p>當歸 兩半 沒藥 三錢 白芨 二錢半 乳香 三錢 藁本</p>	<p>琥珀 二錢半 黃丹 四兩 木鱉子 五箇 去皮 膽礬</p>	<p>粉霜 一錢 黃蠟 二兩 白膠 三兩 芭荳 二箇 去皮</p>	<p>欽定四庫全書 儒門事親</p>	<p>槐柳枝 一百二十條 各長一把 清油 一斤</p>	<p>右件一處先將槐柳枝下油內煮焦取出次後下其餘藥物煮得極焦亦撈出却將油澄清再熬成膏子用緋絹上攤</p>	<p>破棺丹</p> <p>大黃 一兩半 甘草 二兩 荆三稜 一兩半 山梔子 二兩</p>	<p>牽牛末 二兩半</p>	<p>右為細末煉蜜為丸如彈子大每服半丸食後酒半</p>
---	--------------------	--	--	---	------------------------	-------------------------------------	--	---	----------------	-----------------------------



盞研化服之忌冷水

三聖散 治癩瘡疔瘡搭手背疽等瘡

葱白一斤 馬芻一斤 石灰一斤

右三味濕搗為團陰乾為細末貼瘡如有死肉者宜

先用潰死肉藥

潰死肉藥方

炊飯尖 半兩各三等

一等半兩入芑荳二箇 一等

半兩 入芑荳三箇

一等半兩入芑荳五箇 各搥作白錠子

欽定四庫全書

儒門事親

右先用二芑荳納瘡如不潰再用納三芑荳又不潰

用五芑荳者更用丹砂炒紅色摻瘡口追出清水

其惡肉未盡至追出赤水是惡肉盡更用三聖散

貼上用膏藥傳之

治癩瘡久不愈者

以川烏頭黃蘗各等分為末用唾津調塗紙上貼

之

治一切惡瘡方



<p>以天茄葉貼之或為細末貼之亦妙</p>	<p>又方 用臙月人中白燒灰油調塗瘡疥上</p>	<p>又方 以瓦松不以多少陰乾為末先用槐枝葱白湯</p>	<p>洗之過摻之立効灸瘡久不斂者更妙</p>	<p>又方 以蒲公英搗之貼一切惡瘡諸刺</p>	<p>替針丸 治一切惡瘡</p>	<p>川烏 <small>錢二</small> 草烏 <small>錢二</small> 五靈脂 <small>錢二</small> 輕粉 <small>分一</small> 粉霜</p>	<p><small>分一</small></p>	<p>欽定四庫全書 儒門事親</p>	<p>又方 加斑貓二十箇 <small>翅去足用</small> 芭荳二十箇 <small>去皮用</small></p>	<p>右將三件為末研令勻次入輕粉粉霜研勻又入斑</p>	<p>貓芭荳以水調糊為錠子 <small>如作散是謂針頭散</small></p>	<p>懸蔓散 治發背惡瘡</p>	<p>懸蔓一箇 大黃 <small>兩一</small> 金銀花 <small>兩一</small> 當歸 <small>兩半</small> 皂</p>	<p>角刺 <small>兩一</small></p>	<p>右剉碎用酒一椀煎至七分去滓溫服如有頭者加</p>	<p>黍粘子</p>
-----------------------	--------------------------	------------------------------	------------------------	-------------------------	------------------	--	--------------------------	------------------------	---	-----------------------------	---	------------------	---	-----------------------------	-----------------------------	------------



<p>治附骨癰及一切惡瘡</p> <p>當歸 <small>兩半</small> 甘草 <small>兩一</small> 山梔子 <small>筒十二</small> 木鱉子 <small>筒一</small></p>	<p>右為細末每服三五錢冷酒調服之</p>	<p>治諸惡瘡</p>	<p>白殭蚕 <small>者直</small> 大黃二味各等分</p>	<p>右為細末生薑自然汁與蜜同和為劑丸如彈子大 每服一丸細嚼</p>	<p>治惡瘡死肉鋌子</p>	<p>欽定四庫全書 儒門事親</p>	<p>芭荳 <small>一錢去皮油</small> 五靈脂 <small>兩半</small> 黃丹 <small>二錢飛</small></p>	<p>加枯白礬 <small>錢一</small></p>	<p>右為細末以糊和丸鋌子入瘡內用之</p>	<p>當歸活血散治瘡瘍未發出內痛不可忍及婦人產前</p>	<p>後腹痛</p>	<p>當歸 <small>錢二</small> 沒藥 <small>半一錢</small> 乳香 <small>錢半</small> 白芍藥 <small>錢三</small> 瘡</p>	<p>瘍者加人參木香婦人加赤芍藥</p>	<p>右為細末每服一錢水一中盞煎至七分和滓溫服</p>
--	-----------------------	-------------	--------------------------------------	--	----------------	------------------------	--	-------------------------------	------------------------	------------------------------	------------	--	----------------------	-----------------------------



日二服婦人酒煎瘡既發不須用

薰惡瘡方

紫花地丁

一名米布代收

右取根曬乾用四箇半頭磚壘成爐子燒着地丁用

絡埕磚一枚蓋了使令埕眼內煙出薰惡瘡出黃

水自愈

治地瘡

用蒲公英科根作泥貼于傷處用白膏藥封之

欽定四庫全書

儒門事親

接骨散 并治惡瘡

金頭蜈蚣

一箇

金色自然銅

半兩燒紅醋碎研為細末用之

乳香

二錢為細末用之

銅錢

重半兩者取三文或五文燒紅醋碎研細

金絲水蛭

一錢半每箇作三截瓦上溇去氣道為度

沒藥

三錢研細

右為細末如瘡腫處津調半錢塗立止痛如見得出

膿先用麝藥末少許小油少半匙同打勻再入少

半匙再打勻又入前藥接骨散半錢再都用銀釵

子打成膏子用雞翎掃在瘡腫處立止痛天明一



宿自破便効如打折骨頭并損傷可用前項接骨散半錢加馬兜苓末半錢同好酒一大盞熱調連滓溫服如骨折損立接定不疼如不折了喫了藥立便止住疼痛此方屢經効驗不可具述服藥觀可以食前服食後服又外用接骨藥

陳爛麻根 兩把羊耳
桑一對 亂絲 一握多
者更妙

右取肥松節劈碎約量多少先放三兩根於新瓦上都於上外三味在上燒着存性就研為末如生再

欽定四庫全書

儒門事親

燒研為度後入五靈脂或半兩如疼入好乳香少許和藥如茶褐色為度用布條子約纏一遭先攤小黃米粥勻上撒上藥末勻纏定折處上又用軟帛三五重上又竹箎子纏勒得緊慢得中初三日換上一次再後五日換一次又七日再換上一次無有不接者

赤龍散 消散一切腫毒

野葡萄桃根紅者去麤皮為末新水調塗腫上頻掃



新水

便癰方

本名血疔

牡蠣

大黃

甘草

已上各半兩

懸萋

一箇

右酒浸露一宿服之以利為度

又方 冬葵子為末酒調下三兩服

又方 皂角不蛀者燒過陰乾為末酒調服立効皂角

子七箇水服之亦効

又方 胡桃七箇燒過陰乾研為末酒調服之不過三

欽定四庫全書

儒門事親

服

又方 生蜜米粉調服休喫飯利小便為度

治瘡無頭者 蛇退皮於腫處貼之

又方 皂角刺燒灰陰乾

右為末每服三錢酒調嚼葵菜子三五箇前藥送下

生肌斂瘡藥

白藪

定粉

各等分

黃丹

少許

右同為細末洗淨瘡口乾貼之

治諸瘡水度腫者 生白礬末水調塗之自消



接骨藥

銅錢

半兩醋焦
燒研為末

木香

錢一

自然銅

錢一

麝香

許少

右為極細末如在上食後每服三匙頭嚼丁香一枚

乳香一粒無灰酒一小盞在下食前如不折其藥

反出服罷其痛不可當勿疑待一日如骨未接再

服如前老者十餘日少者不過五七日

萬聖神應丹出箭頭

欽定四庫全書

儒門事親

葇蓉科

一名天仙子取着中一科
根本枝葉花實全者好

右於端午日前一日持不語尋見葇蓉科言道先生

你却在這裏那道罷用柴灰自東南為頭圍了用

木楔子撮取了根週迴土次日端午日未出時依

前持不語用鑊口一鑊取出土用淨水洗了不令

雞犬婦人見於淨室中以石白搗為泥丸如彈子

大黃丹為衣以紙袋封了懸於高處陰乾如有人

着箭不能出者用緋絹盛此藥訖放臍中用綿裹



肚繫了先用象牙末於瘡口上貼了後用前藥如瘡口生合用刀子利開貼之

治凍瘡

臘月雀腦子燒灰研細小油調塗凍瘡口上

又方以正黃藥為細末用乳汁調塗瘡口上

又方山藥少許生於新瓦上磨為泥塗瘡口上

治手足裂

白芨不以多少為末水調塗裂處

欽定四庫全書

儒門事親

治面上瘡

用鐵子底黑煤於小油中以匙打成膏子攤在紙

上瘡上貼之

治金瘡血不止

白薇末貼之立止

善應膏藥

黃丹 二斤

南乳香 別研

沒藥 別研

當歸

木鱉子 生用

白薇 生用

白礬 生用

官桂 三寸



<p>杏仁 <small>生</small> 白芷 已上各一兩 新柳枝 <small>各長一寸</small></p>	<p>右除黃丹乳末等外八件用芝麻油五斤浸一宿用鐵鍋內煎令黃色藥不用次入黃丹鍋內柳條攪令黃色方可掇下用柳枝攪出大煙入乳沒勻令冷傾在磁盆內候藥硬用刀子切作塊子油紙封裹</p>	<p>接骨丹</p>	<p>五靈脂 <small>兩一</small> 茴香 <small>錢一</small></p>	<p>欽定四庫全書 儒門事親</p>	<p>右二味為細末另研乳香為細末於極痛處摻上用小黃米粥塗了後用二味藥末摻於上再用帛子裹了用木片子纏了少壯人二日効老者五六日効</p>	<p>治癰如聖丸</p>	<p>黃蘗 黃芩 黃連 防風 已上各半兩</p>	<p>白殭蚕 <small>兩一</small> 全蝎 <small>分三</small> 輕粉 <small>錢半</small></p>	<p>右為細末羊蹄根汁浸蒸餅為丸如梧桐子大每服</p>
---	---	------------	---	------------------------	--	--------------	--------------------------	--	-----------------------------



二三十丸嚼羊蹄根汁送下隨病人上下分食前
後又羊蹄汁塗癬

治小兒癬雜瘡

白膠香 黃蘗 輕粉

右為細末羊骨髓調塗癬上

治療癩方

斑猫 去頭
翅足 赤小荳 白殭蚕 苦丁香

白丁香 磨刀泥

欽定四庫全書

儒門事親

右各等分為細末十歲已上服一錢二十已上服二
錢五更用新汲水一盞調下比至辰時見効女人
小便見赤白色三兩次男子於大便中見赤色白
色為効當日服白粘粥不得喫別物大忌油膩患
三四年者只一服七八年者再一服

玉餅子 治療癩一切惡瘡軟癬

右用白膠一兩磁器內鎔開去滓再於磁開後以葶
蘇子六十四箇作泥入膠內攪勻入小油半匙頭



柱點水中試硬軟添減膠油如得所量瘡大小以
緋帛攤膏藥貼之一膏藥可治三五癬

又方治療癰

小龍肚腸一條 鱉殼裙襴炮 川練子五筒

牡蠣 大黃 牛旁子燒存性 皂角子五十筒

右為細末蒸餅為丸如菘苳大每服十五丸食後艾
湯下日三服

又方將臘月猫糞用新瓦兩箇合在內外用鹽泥固

欽定四庫全書

儒門事親

濟燒成灰以小油調塗瘡口上

又方取小左盤龍不以多少為末陳米飯搜和得所

丸如梧桐子大每服三五丸却用陳米湯送下

治眉煉頭瘡

小麥不以多少燒冷黑色存性為末以小油調塗

瘡上

治小兒癢瘡

羊糞熬湯洗去痴用屋懸煤炒羅為末以小油塗



瘡上

聖靈丹 治打撲胸損痛不可忍者

乳香

三錢
另研

烏梅

五箇去核細
切焙乾為末

白蒿苣子

二兩
八錢

炒黃搗
為末

白米

一捻別
研細末

右再入乳鉢內研數百下煉蜜為丸如粟大細嚼熱

湯下病在上食後在下食前

出靨方

右用蕎麥楷一擔不爛者燒灰存性入石灰半斤同

欽定四庫全書

儒門事親

灰一齊過令火減然後以熱水霖灰窩淋下灰水

用鐵器內煮以潦起攪成膏子於靨上點自出或

先以草莖刺破亦可

又方桑柴灰石灰淋汁熬成膏草莖刺破點以新水

沃之忌油膩等物

燒湯火方

多年廟上□與走獸為末小油調塗燒湯火瘡立

効



又方生地黄汁入小油螭同熬成膏磁器內盛用雞

翅掃燙處

又方培上青苔燒灰小油調塗燒燙處

治燒燙方

生地黄旋取新者爛搗取自然汁入小油黃螭少

許銀石器中熬成膏子用雞翎掃瘡上

又方血餘灰用臘猪脂調塗

又方寒水石燒過為細末水調塗之

欽定四庫全書

儒門事親

枯瘤方

砒 礪砂 黃丹 雄黃 粉霜 輕粉

已上各等一錢 班猫二十箇生用 朱砂一錢

乳香三錢 沒藥一錢

同研為末粥糊為丸捏作碁子樣爆乾先灸破瘤頂

三炷為則上以瘡藥餅蓋上用黃蘗末以水調貼

之數日自然乾枯落下

又方以銅碌為末草刺破瘤摻在上以膏藥塗之



瀉肺湯 治肺癰喘急坐卧不安	桑白皮 <small>燒剉</small> 甜葶藶 <small>隔紙焙</small> 各一兩
病一年服藥半年則愈	
簽茶一般日用二服瘡在上食後在下食前服如	
右海石二停金銀花一停同為細末每服二錢半如	
海浮石 <small>燒紅醋淬數次</small> 金銀花	
治疔瘡久不愈者	
右研為細末先以溫漿水洗淨乾摻之	
欽定四庫全書	儒門事親
馬明退燒灰 <small>三錢</small> 輕粉 <small>少許</small> 乳香 <small>少許</small>	
治疔瘡	
瘡上	
右四味為末後入三味冷水調勻攤於緋絹上貼杖	
乳香散 貼杖瘡腫痛	
大黃 黃連 黃蘗 黃芩 已上各三錢	
乳香 <small>另研</small> 沒藥 <small>另研</small> 已上各一錢 腦子 <small>少許</small>	



牙宣藥	右為細末每用一字用綿子裹隨左右痛於耳內塞之	地龍散 治牙痛	口齒咽喉第二	右為細末凉水調塗	欽定四庫全書	黃蘗散 治鵬窠微腰等瘡	服須臾吐膿立愈	右為麤末每服六七錢水二盞煎至半盞去滓空心	桔梗湯 治肺癰吐膿	右二味麤末每服三錢水一盞煎至六分去滓食後
華撥		地龍 <small>去土</small>	玄胡索	黃蘗	儒門事親	白芨	黃丹 <small>少許</small>	甘草 <small>炙對兩半</small>	桔梗 <small>剉炒一兩半</small>	溫服以利為度
胡椒		華撥	已上各等分	白芨		白芨	已上各等分			
良薑				黃丹						
乳香										
麝香										
細辛										



青鹽 雄黃 已上各等分	右為細末先以溫漿水刷淨後用藥末於痛處擦追 出頑涎休吐了嗽數十次痛立止忌油膩一二日	仙人散 <small>牙 刷</small>	地骨皮 <small>二兩 酒 浸 一宿</small> 青鹽 <small>一兩</small> 黍粘子 <small>一兩 半炒</small>	細辛 <small>一兩 酒 浸</small>	右為細末入麝香少許每用一字臨卧擦牙茶酒嗽 良久吐出	欽定四庫全書 <small>儒門事親</small>	又方 石膏 細辛 柳椹 已上各等分 右為末擦之	治牙疳 米二停 鹽一停 盆減 麝香 <small>少許</small> 白礬	右相合水拌勻紙包裹燒黑焦為末貼瘡上立止	治牙痛 口噙冰水一口用大黃末紙撚隨左右痛處鼻內 嚙之立止
-------------	---	---------------------------	--	--------------------------	------------------------------	-------------------------------	----------------------------	---	---------------------	------------------------------------



又方	詔腦 <small>錢二</small> 好朱砂 <small>錢一</small>
右為末每用少許擦痛處	
又方 好紅荳 <small>錢二</small> 花減 <small>許少</small>	
右為末隨牙痛處左右鼻內嚙之	
又方 華細莘 <small>苗去</small> 白茯苓 <small>皮去</small> 川升麻 華撥	
青鹽 明石膏 川芎 不蛀皂角 <small>去皮弦酥炙黃色</small>	
已上各等分	
欽定四庫全書	儒門事親
右為細末早晚刷牙溫水嗽之牙痛處更上少許	
又方	
以芭荳去皮用針刺於燈焰上灸令煙出薰牙痛	
處薰三五上	
又方 高良薑一塊 全蝎一隻	
右為細末先用酸漿水嗽牙次用藥末擦之流下涎	
水即愈	
又方 治牙疼	



花減填牙坑痛立止

又方 枯白礬熱水嗽之

治走馬咽痺

右用芭荳去皮以綿子微裹隨左右塞於鼻中立透
如左右俱有者用二枚

又方

用生白礬研細塗於綿針上按於喉中立破綿
針用榆條上用綿纏作棗大是也

欽定四庫全書

儒門事親

又一法如左右喉痺於頂上分左右頭髮用手挽拔
之剝然有聲立効此法年幼時常見鄭六嫂救人
甚多不得其訣近與子正話及方得其傳
又一法以馬勃吹咽喉中立止

治喉痺

大黃 朴硝 白殭蚕

右件同為細末水煎量虛實用以利為度

口瘡方



白礬

一兩飛至半兩

黃丹

一兩炒紅色放下再炒紫色為度

右二味為細末摻瘡上立愈

目疾證第三

治倒睫拳毛

將川山甲以竹箆子刮去肉用羊腰窩脂去皮膜仍將川山甲於炭上炙令黃色用脂擦去山甲上如此數遍令酥為末隨左右眼噙水鼻內噙一字一月餘見効

欽定四庫全書

儒門事親

又方

木鱉子

三箇乾炒

木賊

一百二十節

地龍

二條去土

赤龍爪

一百二十箇則勾刺針也

右為細末摘去倒睫每日以紙撚蘸藥噙之一日三五次

又方

又方

穿山甲

炮

地龍

去皮

蟬殼

五倍子

已上各等分



右為細末如用藥時先將拳毛摘盡後用藥一字隨

左右鼻內嚙之次日目下如線樣微腫是驗也

貼赤眼

取青泥中蛆淘淨曬乾為末赤眼上乾貼之甚妙

貼赤瞎

蘆甘石兩二 密陀僧兩一 黃連 朴硝

右方先將黃連用水熬成汁入童子小便再同熬後

下硝又熬少時用火煨爐甘石紅黃連汁內淬七

欽定四庫全書

儒門事親

次與密陀僧末同為末臨卧貼之

貼赤眼

銅碌 輕粉 牙硝 腦子許少 麝香

右研細末乾貼之

截赤眼方

黃連 綠礬 杏子 甘草 銅碌 各等分

右為麤末水煎洗甚効

碧霞丹 治赤眼暴發并治赤瞎



<p>銅碌 白土 芒硝</p>	<p>右件各分為末丸如皂子大每用白湯研化一丸洗</p>	<p>之立効</p>	<p>汾州郭助教家神聖眼藥</p>	<p>蕤仁<small>兩一</small> 金精石<small>兩二</small> 銀精石<small>兩二</small> 爐甘石<small>燒四兩</small></p>	<p>赤石脂<small>兩一</small> 滑石<small>兩二</small> 密陀僧<small>兩二</small> 高良薑<small>兩三</small></p>	<p>秦皮<small>兩一</small> 黃丹<small>飛過兩</small> 銅碌<small>錢三</small> 礪砂<small>錢三</small> 礪砂</p>	<p><small>一錢</small> 乳香<small>錢三</small> 盆硝<small>用少</small> 青塩 腦子 麝香</p>	<p>欽定四庫全書 儒門事親</p>	<p>已上并少用之</p>	<p>右用東流水三升先入蕤仁次下餘味等白沙蜜一</p>	<p>斤熬至二升以線絹細濾過澄清入前藥攪之勻</p>	<p>點</p>	<p>視星膏</p>	<p>白沙蜜一斤<small>揀去蜜滓可</small> 蜜陀僧<small>一兩金色者</small></p>	<p><small>可得六</small> 新柳筭子<small>四兩去皮心</small></p>	<p>右用臘雪水五升與蜜鎔調入藥與柳筭子同貯於</p>
-----------------	-----------------------------	------------	-------------------	--	---	--	---	------------------------	---------------	-----------------------------	----------------------------	----------	------------	--	--	-----------------------------



磁瓶中以柳木塞瓶口油絹封勒於黑荳鍋中熬
 從朝至暮仍用柳棒閣瓶防傾側用文武火另添
 一鍋荳水滾下旋於另鍋中取水添之熬成用重
 綿濾淨却入瓶中用井水浸三兩日埋在雪中更
 妙頻點為上

復明膏 治外障

白丁香 臈月收者尤佳 揀黃連 一兩 防風 去蘆 剉一

指許 新柳枝 方一寸
一兩 者三片

欽定四庫全書 儒門事親

右好四味用新水一升半雪水更妙春秋兩三時冬
 月一宿以銀石器內熬至六分濾去滓另用蜜一
 斤蜜陀僧研極細末三字入蜜攪勻另熬以無漆
 匙撩點下蜜中急攪候沸湯定一人攪蜜一人旋
 又攪藥汁都下在內攪勻再熬三兩沸色稍變用
 新綿三兩重濾去滓盛器內點眼如常本方每藥
 半合用片腦一麥粒大不用亦可

錠子眼藥



治一切目昏	右為細末煉蜜為丸桐子大每服二十九米飲湯	荆芥穗 地骨皮 楮實 已上各等分	單治目昏	又方 貝母一枚膩白者胡椒七粒為末點之	又方 乾薑肥者為末每用一字洗湯點洗	二錢	右件各等分為細末茶清調下一錢服半月後加至	欽定四庫全書	白芍藥 甘草	密蒙花 甘菊花 杜蒺藜 石決明 木賊 <small>去節</small>	治冷淚目昏	眼大背頭待藥化淚出為効	右為細末入荳粉四兩澆蜜和就如大麥許鋌子於	乾薑 <small>二錢</small> 蝎稍 <small>一錢</small> 信 <small>半錢</small> 乳香 <small>少許</small> 沒藥 <small>少許</small>	爐甘石 <small>半兩用黃連製</small> 銅碌 <small>半兩</small> 礪砂 <small>三錢</small> 川烏 <small>三錢</small>	黃丹 <small>一兩</small> 黃蘗 <small>半兩</small> 黃連 <small>半兩</small> 枯白礬 <small>半兩</small>
-------	---------------------	------------------	------	--------------------	-------------------	----	----------------------	--------	--------	--------------------------------------	-------	-------------	----------------------	---	--	--



<p>川椒 <small>一斤微炒搗取</small> <small>取新者杵</small> <small>作泥極爛</small> <small>紅約取四兩</small> 甘菊花 <small>四兩</small> <small>末之</small> 生地黄 <small>一斤</small></p>	<p>右將地黄泥與前藥末同和作餅子透風處陰乾再 為末以蜜為丸桐子大每服三十九丸食後茶清送</p>	<p>下</p>	<p>洗眼黃連散</p>	<p>當歸 赤芍藥 黃連 黃蘗 各等分</p>	<p>右細剉以雪水或甜水濃煎汁熱洗治一切風毒赤</p>	<p>欽定四庫全書 儒門事親</p>	<p>目</p>	<p>諸物入眼中</p>	<p>好墨清水研傾入眼中良久即出</p>	<p>點攀睛瘀肉</p>	<p>黃丹 <small>一兩二錢</small> <small>飛過候乾</small> 白礬 <small>一兩</small> <small>銀器</small> <small>內化成汁</small></p>	<p>右將白礬於銀器內化成汁入黃丹末在內以銀匙</p>	<p>兒攪勻更入乳香沒藥各一錢慢火不住手攪令</p>	<p>枯乾為粉候冷研極細熟絹羅過後入鷹条一錢</p>
--	---	----------	--------------	-------------------------	-----------------------------	-------------------------	----------	--------------	----------------------	--------------	--	-----------------------------	----------------------------	----------------------------



半血竭二分麝香少許輕粉三分粉霜二分共研
極勻如粉再以熟絹羅過細末點之大有神効

青金散

芒硝一兩 螺青 沒藥 乳香 已上各少許

右為細末每用少許鼻內嚙之

治雀目

真正蛤粉炒黃色為細末

右油蠟就熱和為丸如皂子納於猪腰子中麻纏蒸

欽定四庫全書

儒門事親

熟食之可配米粥

頭面風疾第四

治黥黯風刺方

苦參一斤 紅芍藥 冬菰 二味各四兩

玄參一兩

右為末每用一字用手洗面上

猪蹄膏洗面上黥藥

右用猪蹄一副刮去黑皮切作細片用慢火熬如膏



粘用羅子濾過再入鍋內用蜜半盞又用

白芷 黑荳皮去 苾蓐筒一 白芨 白薇

苓苓香 藿香 各一兩 鵝梨二筒細切

右將七味藥為末同梨入藥一處再熬滴水不散方

成以絹濾過臨卧塗面次日用漿水洗面

治面風

益母草灰麵湯和燒七遍洗面用之

治面黥黑斑點方

欽定四庫全書

儒門事親

白附子兩一 白芨 白薇 蜜陀僧 白茯苓

胡粉 已上各等分

右為細末洗淨臨卧以乳汁調一錢塗面但洗光淨

牛乳亦可

治頭風

苦丁香 川芎 藜蘆 各等分

右為細末噙水鼻內嚙之

芎黃湯 治頭目眩暈



<p>大黃 荊芥穗 貫芎 防風 已上各等分</p>	<p>右為麤末大作劑料水煎去滓服之以利為度</p>	<p>耳聾方 葶麻子五十箇去皮</p>	<p>右與熟棗一枚同搗丸如棗子大更入小兒乳汁就</p>	<p>和每用一九綿裹納於聾耳內覺熱為度一日一</p>	<p>易如藥難丸日中曝乾</p>	<p>又方 口噙甘草一枚耳中塞二塊用綿裹立通</p>	<p>腦宣方</p>	<p>欽定四庫全書 儒門事親</p>	<p>皂角不蛀者去皮弦子蜜炙鎚碎水中揉成濃汁</p>	<p>熬成膏子鼻內嚙之口中咬筋良久涎出為度</p>	<p>治耳底方</p>	<p>以枯白礬為末填於耳中立効</p>	<p>治鼻中肉螻蛄</p>	<p>赤龍爪 苦丁香 已上各三十箇</p>	<p>苦葫蘆子 不以多少 麝香 少許</p>	<p>右為末用紙撚子點藥末用之</p>
---------------------------	---------------------------	---------------------	-----------------------------	----------------------------	------------------	----------------------------	------------	------------------------	----------------------------	---------------------------	-------------	---------------------	---------------	-----------------------	------------------------	---------------------



臍臭方

烏魚骨 錢三

枯白礬 錢三

蜜陀僧 錢一

右為末先漿水洗臭處後用藥末擦之

又方 蜜陀僧不以多少研細先以漿水洗臭處乾擦

烏頭藥

細針沙 炒

蕎麵 炒

已上各一盞

大麥 亦同

礮醋半升與前二味打糊

凡用先使皂角水熱洗淨時前二味糊稀稠得所於

欽定四庫全書

儒門事親

髭鬚上塗之均勻先用荷葉包次用皮帽裹之三

五時辰用溫漿水洗了却收取元針沙其髭髮淨

後用黑藥塗之黑藥方

沒食子

石榴皮

乾荷葉

另搗

已上各一兩

五倍子

訶子皮

百藥煎

金絲礬

碌礬

另研

旋點
諸藥

右將七味為細末炒熟麵五六匙入好醋打麵糊和

藥末再塗髭髮又用荷葉封裹後用皮帽裹之三



五時間洗淨甚黑若更要黑光用猪膽漿水澤洗
如鴉翎

又方

酸石榴 五倍子 芝蔴葉

右同杵碎用絹袋盛之於鐵器內水浸掠髮自黑

治大頭病兼治喉痺方歌曰

人間治疫有仙方 一兩殭蚕二大黃

薑汁為丸如彈大 井花調蜜便清涼

欽定四庫全書

儒門事親

又法 以砭針刺腫處出血立効

治時氣

馬牙硝 寒水石 黍粘子 鬼白 川大黃

鬼箭草 已上各等分 腦子許少

右六味為細末用新井花水一盞藥末一二錢入腦

子喫外一半留用新水得稠雞翎掃在腫處有風

涼處坐

鮮利傷寒第五



雙解丸

芭荳 六箇去皮油 天麻 二錢半 胭脂 少許

右將芭荳天麻為末滴水丸如秣米大胭脂為衣一

日一九二日二丸三日三丸已外不解先喫冷水

一口後用熱水下如人行十里以熱湯投之

又一法無藥處可用兩手指相交緊叩腦後風府穴向

前禮百餘拜汗出自解

又一法適於無藥處初覺傷寒傷食傷酒傷風便服太

欽定四庫全書

儒門事親

和湯百沸湯是避風處先飲半椀或以釐汁亦妙

以手揉肚覺恍惚更服半椀又用手揉至恍惚更

服以至厭飢心無所容探吐汗出則已

不卧散

川芎 一兩半 石膏 七錢半 藜蘆 半兩去土 甘草 二錢半生

右為細末口噙水鼻內各嚙之少時喫白湯半椀汗

出解

川芎湯 解利一切傷寒



川芎 藁本 蒼朮	右三味為細末沸湯點三錢須臾覺嘔道便解如不 解再服	諸腰脚疼痛第六	皂角膏	右用醇酒二大椀皂角一斤去皮弦搗碎熬至一半 沸去滓再用前汁入銀石器熬為膏子隨痛處貼 之	欽定四庫全書 儒門事親	治腰脚疼痛方	天麻 細辛 半夏 已上各二兩	右用絹袋二箇各盛藥三兩煮熟交牙熨痛處汗出 則愈	牛黃白朮丸 治腰脚濕	黑牽牛 大黃 各二兩 白朮 一兩	右為細末滴水丸桐子大每服三十九食前生薑湯 下如要快利加至百丸
----------	-----------------------------	---------	-----	--	----------------	--------	----------------	----------------------------	------------	------------------	-----------------------------------



婦人病證第七	如聖丹 治婦人赤白帶下月經不來	枯白礬 蛇床子 已上各等分	右為末醋麵糊丸如彈子大以胭脂為衣綿子裹納於陰戶如熱極再換	洗洗丸療婦人無子	當歸 熟地黄 已上各二兩 延胡索	澤蘭 已上各一兩半 川芎 赤芍藥	欽定四庫全書 儒門事親	白薇 人參 石斛 牡丹皮 已上各一兩	右為末醋糊為丸每服五十九丸桐子大空心酒下	當歸散 治月經欲來前後腹中痛	當歸 <small>以米醋 微炒</small> 延胡索 <small>生 用</small> 沒藥 <small>另 研</small> 紅花 <small>生 用</small>	右為末温酒調下二錢服之	治產婦橫生 葶蘇子三十箇	研爛婦人頂上剃去髮少許以上藥塗之須臾覺腹中提正便利刮去藥却於脚心塗之自然順生也
--------	-----------------	---------------	------------------------------	----------	------------------	------------------	----------------	--------------------	----------------------	----------------	---	-------------	--------------	---



治血崩 蚕沙不以多少

右為末每服三五錢熱酒調下服

又方 管仲去須剉碎

或用酒醋煎三錢煎至七分去滓溫服一服立止

當歸散 治血崩

當歸 兩 龍骨 一兩 燒赤 香附子 三錢 炒 櫻毛灰 兩半

右為細末空心米飲調下三四錢忌油膩雞猪魚兔

等物

欽定四庫全書

儒門事親

蓮殼散

乾蓮蓬 燒灰 存性 櫻櫚皮及毛 各燒灰已 上各半兩 香附子

炒 三錢

右為細末每服三四錢空心米飲湯調下服之

治婦人血枯 川大黃

右為末醋熬成膏就成雞子大作餅兒酒磨化之

三分散 治產後虛勞不進飲食或大崩後

白朮 茯苓 黃耆 川芎 芍藥 當歸



白朮 黃芩 當歸 各等分	治孕婦下痢膿血及咳嗽	用酒調三五錢瀉出惡物立止	赤伏龍肝 <small>竈底焦土研細</small>	治婦人產後惡物不出上攻心痛	右為細末每服一二錢米飲調下服之無時	當歸 <small>焙 一兩</small> 芍藥 <small>二兩</small> 香附子 <small>炒 三兩</small>	治婦人產後虛弱和血通經	欽定四庫全書 <small>儒門事親</small>	右為末用童子小便半盞水半盞調下服之	芒硝 蒲黃 細墨 各等分	治產後惡物上潮痞結大小便不通	日二服	右為麤末每服一兩水一大盞煎至半盞去滓溫服	已上各六錢	已上各一兩六錢 黃芩 半夏 <small>洗切</small> 甘草 <small>炙</small>	熟乾地黄 已上各一兩 柴胡 人參
--------------	------------	--------------	-------------------------------	---------------	-------------------	---	-------------	-------------------------------	-------------------	--------------	----------------	-----	----------------------	-------	---	------------------



九仙散	欽定四庫全書	治婦人吹妳	右為末每服三五錢水煎去滓食前加桑白皮止嗽
	儒門事親	以樺皮燒灰存性熱酒調下三錢食後服之	黃蘗 桑白皮
		又方 以馬明退燒灰五錢輕粉三錢麝香少許	<small>用蜜塗慢火 炙黃為度用</small> 二味各等分
		右為細末每服二錢熱酒調下服之	右為細末每服一二錢水一盞入糯米二十粒同煎
		又方 以皂角燒灰蛤粉和熱酒將來調數字下得喉	至六分以欸冬花燒灰六錢攪在藥內同調溫服
		嚨笑呵呵	之
		又方 以淘米木杓上砂子七箇酒下以吹簾枝透乳	
		孔	
		欬嗽痰涎第八	



<p>九尖葶藶子葉 <small>錢三</small> 飛過白礬 <small>錢二</small></p>	<p>右用猪肉四兩薄批碁盤利開摻藥二味荷葉裏文武火煨熟細嚼白湯送下後用乾食壓之</p>	<p>止嗽散</p>	<p>半夏 <small>一兩半湯洗七次</small> 枯白礬 <small>兩四</small></p>	<p>右二味為末生薑打麵糊和丸桐子大每服三二十丸空心溫酒送下</p>	<p>八仙散</p>	<p>欽定四庫全書 儒門事親</p>	<p>款冬花 佛耳草 甘草 鍾乳 鵝管石</p>	<p>白礬 官桂 井泉石 已上各等分</p>	<p>右為細末每服三錢水煎服之 <small>又一方滲咽喉中</small></p>	<p>三才散 治嗽</p>	<p>人參 天門冬 <small>去心</small> 熟乾地黄 已上各等分</p>	<p>右為細末煉蜜為丸如櫻桃大含化服之</p>	<p>三分茶</p>	<p>茶 <small>錢二</small> 蜜 <small>兩二</small> 蕎麥麵 <small>兩四</small></p>
--	---	------------	--	------------------------------------	------------	------------------------	--------------------------	------------------------	--	---------------	--	-------------------------	------------	--



右以新水一大碗約打千餘數連飲之飲畢良久下
氣不可停人喘自止

石膏湯 治熱嗽

石膏 亂文者
二兩

人參 半兩
去蘆

甘草 半兩
炙

右為末每服三錢新水或生薑汁蜜調下亦可

三生丸 治嗽

胡桃仁 一兩

生薑 一兩
皮細切

杏仁 一兩

右二味同研為泥就和作劑可得十三四丸臨卧爛

欽定四庫全書

儒門事親

嚼一丸可數服即止

化痰延壽丹

天麻 半兩

枸杞子 二兩
半

白礬 一兩
半
生半熟

半夏 一兩
半
湯洗七次用

乾生薑 一兩
半

人參 一兩

右為細末好糯酒拌勻如砂糖用蒸餅劑蒸熟去皮

杵白搗四五十杵便丸如乾入酒三點丸如小荳

大每服三五十九生薑湯下

半夏湯 治噦欲死者



<p>半夏 <small>一兩</small> 洗 生薑 <small>二兩</small></p>	<p>右二味細切水二盞煎至八分去滓作二服食後</p>	<p>治肺痿喘嗽 漢防己</p>	<p>右為細末每服三錢漿水一盞同煎至七分和滓溫</p>	<p>服</p>	<p>治年高上氣喘促睡卧難禁</p>	<p>右蘿蔔子搗羅為末白湯浸調五六錢食後服之或</p>	<p>炒或用糖蜜作劑為丸服之</p>	<p>欽定四庫全書 儒門事親</p>	<p>麻黃湯 治因風寒衣服單薄致嗽</p>	<p>麻黃 <small>節 不去</small> 甘草 <small>生 用</small> 杏仁 <small>生 用</small></p>	<p>右為麤末每服三二錢水煎溫服</p>	<p>心氣疼痛第九</p>	<p>失笑散 治急心痛并男子小腸氣</p>	<p>五靈脂 <small>兩 半</small> 蒲黃 <small>炒 半兩</small></p>	<p>右為末每服三錢醋半盞煎二沸再入水半盞再煎</p>	<p>二沸空心食前和滓溫服之</p>
--	----------------------------	------------------	-----------------------------	----------	--------------------	-----------------------------	--------------------	------------------------	-----------------------	---	----------------------	---------------	-----------------------	--	-----------------------------	--------------------



又方 醋一盞加生白礬一小塊如皂子大同煎至七

分溫服立愈

又方

高良薑 兩半 山梔子 兩半 蔚金 兩半

又方 以新嫩槐枝一握切去兩頭水二盞煎至一盞

去滓分二服熱服

又方

沒藥 乳香 薑黃 玄胡索 已上各等分

欽定四庫全書 儒門事親

右為末每服三錢水煎食後服之

小腸疝氣第十

抽刀散

川棟子 一兩破四分芑莖三筒 茴香 一兩鹽炒

之用

右為細末每服三錢葱白酒調下空心服之

治陰痛不可忍

吳茱萸 二兩洗七遍 檳榔 一兩 茴香 一兩



右為細末醋糊為丸熱酒送下十九食前服之

治偏腫 茴香 甘遂

右二味各等分為末酒調二錢食前服

又方 巴戟去心 川練炒 茴香炒

等分為末温酒調二錢服之

治小兒疝氣腫硬

地龍不去土 為末唾津調塗病處

治小腸氣痛

欽定四庫全書

儒門事親

全蝎一兩 茴香炒黃

右為細末醋糊和丸如梧桐子大如發時每服五七

十九温酒送下食前

治小便渾濁如精之狀

沒藥 木香 當歸 已上各等分

右為末以刺棘心自然汁為丸如桐子大每服五七

丸食前塩湯下

治小便頻滑數不禁



右五味鎚碎盛在小口磁器內塩泥固定日中曝乾	或圓取或四方 取或一字取	牛頭角腮 <small>一隻酌</small> 猪牙皂角 <small>七定</small> 穿山甲 <small>四十片</small>	神應散 治腸風痔漏	腸風下血第十一	灸疝法放疝邊豎紋左右交弦灸七壯	前温酒下三十丸	右八味為細末用好酒打麵糊為丸如桐子空心食	欽定四庫全書 儒門事親	木香 <small>四錢</small>	黑牽牛 <small>二錢</small> 青皮 陳皮 <small>已上各三錢</small> 廣茂 <small>四錢</small>	川練子 <small>炒</small> 茴香 <small>炒</small> 破故紙 <small>炒</small> 已上各半兩	蕩疝丹	丸只服一服効後喫淡白粥一頓	前一日休喫夜飯來日空心立服米飲湯下一百	右剉碎酒浸透炒微黃為末水丸梧桐子大如服藥	知母 黃蘗 已上各等分
----------------------	-----------------	---	-----------	---------	-----------------	---------	----------------------	----------------	----------------------	--	--	-----	---------------	---------------------	----------------------	-------------



<p>瓶口微露出煙用文武火燒紅赤煙微少取出放冷為細末如服藥日先一日臨卧細嚼胡桃仁半箇如糊用温醇糯酒一盞送下不語便睡至次日交五更服藥驗病年月遠近或秤三錢五七錢用水半大碗醇糯酒半大盞相合熱和藥服之至辰時再服</p>	<p>又一服再依前服藥不須用胡桃仁久病不過七服忌油膩魚鱉雞兔猪犬等物大有神効</p>	<p>欽定四庫全書 儒門事親</p>	<p>温白丸 治臟毒下血 椿根白皮 <small>凡引者去麤皮酒浸晒乾服</small></p>	<p>右為末棗肉為丸如梧桐子大每服三五十九淡酒送或酒糊丸</p>	<p>治脫肛痔漏 胡荽子 <small>一升</small> 乳香 <small>少許</small> 粟糠 <small>半升或一升</small></p>	<p>右先泥成爐子止留一小眼可抵肛門大小不令透煙火薰</p>
---	--	------------------------	--	----------------------------------	---	--------------------------------



治脫肛

曼陀羅花子

蟬殼對一

椶椀

筒十六

右搗碎水煎三五沸入朴硝熱洗其肛自上

治痔漏下血不止

紫皮蒜

十箇獨科者妙

大椒

六十箇

荳豉

兩四

右搗爛為泥丸彈子大空心細嚼一丸鹽湯下日三

服

治痔漏

欽定四庫全書

儒門事親

白牽牛頭末

兩四

沒藥

錢一

右同為細末如欲服藥先一日不食晚飯明日空心

將獷猪精肉四兩燒令香熟薄批摻藥末在內裏

之漸又細嚼食盡然後用宿蒸餅壓之取下膿血

為効量病大小虛實加減服之忌油膩濕麵酒色

三日外不忌一服必効或用淡水煮肉熟用上法

亦可又云服前一日不食午飯并夜飯明日空心

用之



<p>又方 黑白牽牛一合炒黃為末猪肉四兩切碎炒熟 與藥末攪勻只作一服用新白米飯三二匙壓之 取下白虫為効</p>	<p>又坐藥 鯉魚鱗二三甲以薄編罽裹如棗核樣納之 痛即止</p>	<p>淨固丸 治痔漏下血痒痛</p>	<p>槐花 <small>炒</small> 枳殼 <small>去瓢</small> 已上各一兩 右為細末醋糊為丸如梧桐子大每服二十九米飲</p>	<p>欽定四庫全書 儒門事親</p>	<p>湯下空心食前十服見効</p>	<p>黃連貫衆散 治腸風下血</p>	<p>黃連 雞冠花 貫衆 大黃 烏梅 已上各一兩 甘草 <small>三錢</small> 枳殼 <small>炮</small> 荆芥 已上各一兩</p>	<p>右為細末每服二大錢温米飲調服食前</p>	<p>槐荆丸 治痔漏 荆芥 槐花 等分為末水煎一大椀服丸亦可</p>
---	--------------------------------------	--------------------	--	------------------------	-------------------	--------------------	--	-------------------------	--



又方 荳豉 ^炒 槐子 ^炒 各等分 右為末每服一兩水煎空心下
薰潔藥 鳳眼草 赤皮葱 椒 三味搗麤同漿水滾過坐盆令熱氣薰痔但通手潔 之如此不過三次愈矣
小兒病證第十二
治小兒脾疳 蘆薈 史君子 已上各等分 右為細末米飲調下一二錢服之
欽定四庫全書 儒門事親
玉筋散 治小兒馬脾風 甘草 ^{一寸} 甘遂末 ^{一字} 水煎
右同油蜜生薑銀釵兒攪調下後用冷水半盞調奪 命散
奪命散 治小兒胸膈喘滿 檳榔 大黃 黑白牽牛 各等分皆當各半生 熟用之
右為細末蜜水調服



治小兒斑瘡入眼

麩炒蒺藜炙甘草 羌活防風等分搗

每服二錢漿水下 撥雲見日直到老

治瘡疹黑陷

鐵脚威靈仙一錢 腦子一分

右為末用溫水調下服之取下瘡痂為効

治小兒黃瘦腹脹 乾雞糞兩 丁香末一錢

右為末蒸餅為丸如小荳大每服二十九米飲湯送

欽定四庫全書

儒門事親

下

黃連散 治小兒頭瘡

川黃連 黃蘗去麤皮 草決明 輕粉 已上各

等分

右為細末用生小油調藥於瘡上塗之立愈

治斑瘡倒壓方

胡桃一箇燒灰存性 乾胭脂三錢

右為末用胡荽煎酒調下一錢服之



又方 人牙燒灰存性研入麝香少許每服三錢溫酒調下少許服之無時
又方 小豬兒尾尖取血三五點研入腦子少許新水調下食後與服之
又方 人中白臙月者最佳通風處以火煨成煤水調三五錢陷者自出
消毒散 治瘡疹已未出咽喉腫痛
牛旁子 <small>二兩 炒</small> 甘草 <small>半兩 剉炒</small> 荆芥 <small>一分</small>
欽定四庫全書
儒門事親
右為麤末每服三錢水一盞半煎至七分去滓溫服無時
治小兒斑瘡入眼
猪懸蹄甲 <small>二兩 乾鍋內鹽泥固塗燒焦為末</small> 蟬殼 <small>二兩 去土取末一兩</small>
羚羊角 <small>鎊為細末用研之</small>
右二味為末研入羚羊角細末一分拌勻每用一字百日外兒服半錢三歲已上服三錢新水或溫水調下日三四服夜一二服一年已外則難治之



又方 透耳藥

朱砂錢一 粉霜八分

右研為細末水調少許用匙杓頭傾一兩點於耳內

中後用

白菊花 菘荳皮 穀精草 夜明沙

右四味為末用米泔半碗熬成去滓入乾柿十餘箇

再同熬每日喫三兩箇仍飲煑乾柿湯

又方 治小兒斑瘡入眼

欽定四庫全書

儒門事親

朱砂 腦子 水銀 麝香 已上各等分

右四味研為細末用水銀調滴入耳中

發斑藥

珠子七箇

研碎用新水調勻服之

破傷風邪第十三

陰毒傷寒亦附于此

長砂奪命丹

鳳凰臺

川烏頭

生已上各二錢

麝香

少許

朱砂

少許

右為細末棗肉和為丸如彈子大朱砂為衣鰾酒送

下量病人年甲虛實加減用之小兒半丸以吐為



度不止以葱白湯解之

治破傷風

病人耳塞并爪甲上刮末唾津調塗瘡口上立効無

瘡口者難用

治破傷風

烏稍尾

筒一

兩頭尖

筒四

全蝎

筒四

右三味為細末另用石灰

五升

柴灰

五升

沸湯

五升

淋灰水澄清下藥熬之鐵鍋器內攪成膏子如稠

欽定四庫全書

儒門事親

用唾津調先用溫漿水洗淨瘡口後塗藥即時藥

行吐黃水一日以新水漱口即愈

又方 天南星

半生半熟

防風

去蘆

二味各等分

右為末清油調塗瘡上追出黃水為驗

又方 白芷

生用

草烏頭尖

生用去皮

二味等分

右為末每用半錢冷酒一盞入葱白少許同煎服之

如人行十里以葱白熱粥投之汗出立愈甚者不

過二服



又方蜈蚣散

蜈蚣頭 烏頭尖 附子底 蝎梢 四味各等

分

右為細末每用一字或半字熱酒調下如噤了牙關

用此藥斡開灌之

治陰毒傷寒破傷風

草烏頭

七箇文武火燒熟去牙頭

麝香

半錢

朱砂

一錢

右為細末每服一字以熱酒調下食前服之汗出為

欽定四庫全書

儒門事親

度忌猪兔魚鱉□殺肉

治陰毒傷寒

用芥末以新水調膏藥貼臍上汗出為効

又方以牡蠣乾薑末新水調塗手心握外腎汗出為

効

諸風疾證第十四

不老丹 治一切諸風常服烏髭注顏明目延年

蒼朮四斤

米泔浸軟竹刀子刮去皮切片子內一斤用椒三兩去白炒黃去椒一斤鹽



<p>三兩炒黃去鹽一斤好醋一升煮 汁盡一斤好酒一升煮令汁盡</p>	<p>何首烏二斤 米泔浸軟竹刀子刮去皮切片子 用瓦甑蒸先銷黑苳三升乾棗二升</p>	<p>上放何首烏上更鋪棗二升黑苳三升用炊單 復著上用盆合定候苳棗香熟取出不用棗苳</p>	<p>地骨皮 去麤皮 秤二斤</p>	<p>右件於石臼內搗為細末候有椹汁搜和如軟麵劑</p>	<p>相似磁盆內按平上更用椹汁藥上高三指用紗</p>	<p>綿帛覆護之晝取太陽夜取太陰使乾再搗羅為</p>	<p>細末煉蜜和丸如梧桐子大空心溫酒下六十九</p>	<p>欽定四庫全書 儒門事親</p>	<p>忌五辛之物</p>	<p>四仙丹</p>	<p>春甲乙採杞葉 夏丙丁採花</p>	<p>秋庚辛採子 冬壬癸採根皮</p>	<p>右為細末以桑椹汁為丸每服五十九茶清酒任下</p>	<p>起死神應丹 治癱瘓四肢不舉風痺等疾</p>	<p>麻黃 去根節河水五升 去滓可成膏子五斤 白芷 兩二 桑白皮 兩二</p>	<p>蒼朮 二兩 去皮 甘松 二兩 去土 川芎 兩三 苦參 兩三 半</p>
---------------------------------------	---	--	----------------------------	-----------------------------	----------------------------	----------------------------	----------------------------	------------------------	--------------	------------	-------------------------	-------------------------	-----------------------------	------------------------------	---	--



加浮萍 二兩

已上各為細末用膏子和丸如彈子大每服一九温

酒一盞化下臨卧服之微汗出勿慮如未安隔三

二日再服手足即時輕快及治卒中風邪涎潮不

利小兒驚風服之立効

愈風丹

芍藥 川芎 白殭蚕 炒 桔梗 細辛 去葉 羌

活 已上各半兩 麻黄 去節 防風 去蘆 白芷

欽定四庫全書

儒門事親

天麻 全蝎 炙已上各一兩 甘草 三錢 南星 半兩生薑製

朱砂 半兩為衣

右為細末煉蜜為丸如彈子大每服一九細嚼茶酒

吞下

香芎散 治偏正頭風

貫芎 香附子 炒 石膏 亂紋者良水飛 白芷 甘草

薄荷 已上各一兩 一方川烏頭 半兩炮去臍皮用之

右為細末每服二錢温酒或茶清調下服之



妙功十一丸 治癩	丁香 木香 沉香 乳香 麝香 荆山稜 炮	廣茂 炮 黑牽牛 炒 微 黃連 雷丸 炒 鶴虱 炒	胡黃連 黃芩 大黃 焙 陳皮 青皮 雄黃	熊膽 甘草 炙 各二錢半 亦小荳 三百六十粒 煮	白丁香 直尖者三 百六十箇 輕粉 四錢 芭荳 七箇	右二十三味為細末赤小荳爛煮研泥同蕎麵打糊 和作十一丸朱砂為衣陰乾服時水浸一宿化一	欽定四庫全書 儒門事親	丸大便出隨病各有形狀取出為驗或作化一番 不可再服曾經火灸者不治遠年愈効	朱砂滾涎散 治五癩	朱砂 飛水 白礬 用生 亦石脂 消石 已上各等	分	右同為細末研蒜膏如丸菴荳大每服三十九食後 荆芥湯下	又方 末砂不以多少水飛研為細末
----------	----------------------	---------------------------	----------------------	--------------------------	---------------------------	---	-------------	--	-----------	-------------------------	---	------------------------------	-----------------



右用猪心血浸蒸餅為丸如棗葶大每服二十九空
心金銀湯下之

治諸風疥癬及癩

浮萍一兩 荆芥 川芎 甘草 麻黃 已上各

半兩 或加芍藥 當歸

右為麤末每服一兩水一椀入葱白根葶豉同煎至
一半無時服汗出為度

治癩塗眉法

欽定四庫全書

儒門事親

半夏生用 羊糞燒 已上各等分

右為末生薑自然汁調塗

五九散 治癩

地龍去土 蟬殼 白殭蚕 凌霄 全蝎

已上各等九箇

右同為末只作一服熱酒調下浴室中汗出粘臭氣
為効

苦參散 治癩風



苦參

取頭末
秤二兩

猪肚

一箇
去脂

右以苦參末摻猪肚內用線縫合隔宿煑軟取出洗去元藥先不喫飯五頓至第二日先飲新水一盞後將猪肚食之如吐了再食之食罷待一二時用肉湯調無憂散五七錢取出小虫一二萬為効後用皂角一斤不蛀者去皮弦及子槌碎用水四椀煑至一椀用生絹濾去滓再入苦參末攪熟稀麵糊膏子相似取出放冷後入餘藥相和藥附于後

欽定四庫全書

儒門事親

何首烏

二兩

防風

一兩半

芍藥

五錢

人參

三錢

當歸

一兩
焙

右為細末入皂角膏子為丸如桐子大每服三五十

丸温酒或茶清送下不計時候日進三服後用苦

參荆芥麻黃煎湯洗冷

水腫黃疸第十五

治通身黃腫

菘蒂焙乾三四錢



右為細末每用半字於鼻內吹上日一度併吹三日

如不愈後用黃芩末之煎湯五錢下

治蠱氣

取環腸草不以多少燉乾水煎利小便為度

治黃疸面目遍身如金色

芘蒂一十筒 母丁香一筒 黍米四十粒

右先搗芘蒂為末次入二味同為細末每用半字夜

卧令病人先噙水一口兩鼻內各半字吐了水令

欽定四庫全書

儒門事親

病人便睡至夜或明日取下黃水旋用熟帛搵了

直候取水定便服黃連散病輕者五日重者半月

黃連散 治黃疸大小便秘澁壅熱

黃連三兩 川大黃二兩剉碎醋拌炒過用之 黃芩 甘草炙

各一兩

右為細末每服二錢食後溫水調下一日三服

治水腫不利小便非其法也故內經云濕氣在上以

苦吐之濕氣在下以苦瀉之吐瀉後長服益元散



<p>加海金沙煎以長流水服之則愈矣大忌脚膝上 針刺出水取一時之効後必死矣尤忌房室濕麵 酒醋鹽味犯之必死</p>
<p>木通散 治水腫</p>
<p>海金沙 舶上茴香 巴戟 大戟 甘遂 芫花 木通 滑石 通草 已上各等分</p>
<p>右為細末每服三錢以大麥麵和作餅子如當二錢 大爛嚼生姜湯送下</p>
<p>欽定四庫全書 儒門事親 下痢泄瀉第十六</p>
<p>治痢 紫苑 桔梗 赤芍藥 白朮 已上各等分</p>
<p>右為細末每服三五錢細切羊肝拌之作麵角兒燒 服之後用白湯送下食前</p>
<p>治痢 杜蒺藜炒礮為末酒調下三兩服</p>
<p>蒜豉丸 治痢</p>



蒜為泥 豉為末
右二味相和作丸如梧桐子大米飲湯下五七十九 食前
治大人小兒吐瀉腹脹胸膈痞閉
五靈脂 青皮 陳皮 硫黃 芒硝 已上各 等分
右將硝黃於銚子內以文武火鎔開用匙刮聚自然 結成砂子取出研碎與前三藥同末麵糊為丸如
欽定四庫全書 儒門事親
菘荳大小兒麻子黃米大每服二十九量虛實加 減米飲湯送下無時
又方治瀉 車前子不以多少
右為細末每服二錢米飲湯調下服之水穀分吐瀉 止
諸雜方藥第十七
治消渴 揀黃連 <small>二兩八 九節者</small>
右剉如咬咀以水一椀煎至半椀去滓頓服之立止



治小便多 <small>滑數不禁</small>	反胃 黃蘗末熱酒調三五錢食後服之	下食前若水瀉溫水下	丸桐子大每服三五丸甘草湯下白痢用乾姜湯	右用黃臘四兩鎔開蠟次入前四味用鐵器攪勻旋	杏仁 <small>一兩同芭荳和皮炒黑 色杵為泥後入霜研</small>	乾姜 <small>一兩炮 另末</small>	百草霜 <small>一兩</small>	連皮芭荳 <small>一兩炒</small>	立應丸 治臟腑泄痢膿血不止腹中疼痛	欽定四庫全書 儒門事親	二丸	右為末研勻滴水丸如豌豆大每服一丸如痛飲者	芭荳 <small>十六筒</small>	全蝎 <small>十五筒</small>	雄黃 <small>一塊</small>	白麵 <small>五兩</small>	酒癥丸	下	右為末枸杞汁和為丸如雞頭大每服十丸新水送	佛茄子 樟柳根 已上各等分	百日還丹
-----------------------------	---------------------	-----------	---------------------	----------------------	---	---------------------------------	--------------------------	----------------------------	-------------------	----------------	----	----------------------	--------------------------	--------------------------	-------------------------	-------------------------	-----	---	----------------------	---------------	------



金剛骨為末以好酒調下三錢服之

又方 白茯苓

去黑皮

乾山藥

去皮白礬水內焜過慢火焙乾用

右二味各等分為細末稀米飲調下服之

治卒淋痛

芫花

三錢

茴香

二錢微炒黃

右為細末水煎服之

治趺方

以水調白麵稀稠得所糊趺上以紙封之明日便

欽定四庫全書

儒門事親

乾如不曾破者剥去麵便行

治大便秘

生麻子不以多少研爛水調服之

坐劑治大便久秘攻之不透者用之

又用蜜不計多少慢火熬令作劑稀則粘手硬則

脆稀稠得所堪作劑搓作劑樣如棗核大麓如筋

長一寸許蘸小油內于肛門中坐良久自透有加

塩少許以素問鹹以軟之



<p>交加飲子 治久瘧不已山嵐瘴氣</p>	<p>肉苳蔻 <small>十一箇麵 裹燒一箇</small> 草苳蔻 <small>二箇同 上法用</small> 厚朴 <small>二寸 一半</small></p>	<p><small>生用一半熟用 生姜製過用之</small> 甘草 <small>二寸半 一半生 用一半灸用</small> 生薑 <small>二塊</small></p>	<p><small>如裹紙裹煨 半生半熟</small></p>	<p>右為末每服分一半水一碗銀石器內煎至一大盞</p>	<p>去滓溫服發日空心未愈則再服</p>	<p>天真丸 補虛損</p>	<p>佛袈裟男用女女用男以新水四擔洗盡血水以</p>	<p>欽定四庫全書 儒門事親</p>	<p>酒煮爛為泥</p>	<p>葳靈仙 <small>兩一</small> 當歸 <small>兩半</small> 硝砂 <small>兩一</small> 蓮子肉 <small>炒三兩</small></p>	<p>乾地黄 <small>酒一兩 浸</small> 廣茂 <small>兩半</small> 甘草 <small>兩二</small> 牡丹皮 <small>兩一</small></p>	<p>牛膝 <small>酒一兩 浸</small> 木香 <small>兩半</small> 白朮 <small>兩一</small> 白茯苓 <small>兩一</small></p>	<p>右為細末與君主同搗羅為細末酒浸蒸餅為丸梧</p>	<p>桐子大每服三五丸日三服</p>	<p>取雕青</p>	<p>水蛭取陰乾為末先以白馬汗擦青處後用白馬</p>
-----------------------	--	--	----------------------------------	-----------------------------	----------------------	----------------	----------------------------	--------------------	--------------	---	---	--	-----------------------------	--------------------	------------	----------------------------



汗調藥塗之

治蚰蜒入耳中

右用貓尿灌耳中立出取貓尿用盆盛貓以生薑擦

牙

又方 黑驢乳灌耳中亦出

又方 以濕生虫研爛塗於耳邊自出

辟穀絕食第十八

大荳五升

淘淨蒸三遍
去皮為細末

大麻子五升

湯浸一宿
漉出蒸三

欽定四庫全書

儒門事親

遍令口開去

皮為細末

糯米五升

淘淨共白茯苓一處蒸熟

白茯苓

五兩

去皮同上糯米
一處蒸熟為用

右將麻仁末一處搗爛如泥漸入豆黃末同和勻便

團如拳大再入甑蒸從初更着火至半後夜住火

至寅時出甑午時曬乾搗為末服之以飽為度不

得喫一切物用麻子汁下第一頓一月不飢第二頓

四十日不飢第三頓一千日不飢第四頓永不飢

顏色日增氣力加倍如渴飲麻仁汁轉更不渴滋



又方 保命丹		人參 _{兩五} 麻子仁 _{去皮二兩炒} 乾地黄 苈葶子 _炒	
兔絲子 _{酒浸} 已上各二兩 生地黄 乾大棗 _{各三}		兩 大荳黃 _{一升煮} 黑附子 _{一兩生用一} 白	
茯苓 茯神 地骨皮 _{去麤皮} 蔓精子 _{熟煮} 杏仁		兩 大荳黃 _{去沫} 黑附子 _{兩炮去皮} 白	
服之		氣力漸生熟菓芝蔴湯米飲凉水微用些小潤腸	
胃無令涸竭開食時用葵菜湯并米飲稀粥少少		欽定四庫全書 儒門事親	
用三兩飽食一頓便絕食至三日覺難受三日後		右同調水煎餅麵稀調以黃蠟代油燂成煎餅蠟可	
又方 於苓餅子		白茯苓四兩為末 頭白麵一二兩	
欲事		潤五臟若待喫食時分用葵菜子三合為末煎湯	
		放冷服之取其藥如後初間喫三五日白米稀粥	
		湯少少喫之三日後諸般食飲無避忌此藥大忌	



<small>去皮</small> <small>尖炒</small> 麥門冬 <small>炒去</small> <small>心用</small> 地膚子 <small>蒸七</small> <small>適</small> 黍米作粉	<small>蒸</small> 粳米作粉 白糯米作粉 天門冬 <small>去</small> <small>心</small> 車前子	<small>蒸</small> 側栢葉 <small>煮三</small> <small>適</small> 已上各二兩半	右同為細末各揀選精粹者臈月內合者妙他時不	可合日月交蝕不可合如合時須揀好日淨室焚	香志心脩合勿令雞犬婦人見又將藥末用蠟一	斤半濾去滓白蜜一斤共二斤半一處鎔開和勻	入白杵二千下微入酥油丸如梧桐子大每服十	欽定四庫全書 儒門事親	丸服至五日如來日服藥隔宿先喫糯米一頓粳	米白麵皆可次日空心用糯米粥飲送下如路行	人服遇如好食喫不妨要止便止如喫些小蒸餅	爛嚼嚥或乾菓子以助藥力不喫更妙忌塩醋日	後退下藥來於長流水中洗淨再服可百年不飢	儒門事親卷十五
--	---	--	----------------------	---------------------	---------------------	---------------------	---------------------	----------------	---------------------	---------------------	---------------------	---------------------	---------------------	---------

